

**ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՊԱՏՄՈՒԹՅԱՆ ՖԱԿՈՒԼՏԵՏ
ՀԱՅՈՑ ՊԱՏՄՈՒԹՅԱՆ ԱՄԲԻՈՆ**

ՄԻՔԱՅԵԼ ԱՐՄԵՆԻ ՄԱԼԻԱՍՅԱՆ

**ԺՈՂՈՎՐԴԱԳՐԱԿԱՆ ԳՈՐԾԸՆԹԱՑՆԵՐԸ
ՀԱՅԱՍՏԱՆՈՒՄ 16-ՐԴ ԴԱՐՈՒՄ – 17-ՐԴ
ԴԱՐԻ ԱՌԱՋԻՆ ԿԵՍԻՆ**

**ԵՐԵՎԱՆ
ԵՊՀ ՀՐԱՏԱՐԱԿՈՒԹՅՈՒՆ
2020**

**ЕРЕВАНСКИЙ ГОСУДАРСТВЕННЫЙ УНИВЕРСИТЕТ
ИСТОРИЧЕСКИЙ ФАКУЛЬТЕТ
КАФЕДРА ИСТОРИИ АРМЕНИИ**

**YEREVAN STATE UNIVERSITY
FACULTY OF HISTORY
CHAIR OF HISTORY OF ARMENIA**

МИКАЭЛ МАЛХАСЯН

MIKAYEL MALKHASYAN

**ДЕМОГРАФИЧЕСКИЕ ПРОЦЕССЫ В АРМЕНИИ
В XVI ВЕКЕ И В ПЕРВОЙ ПОЛОВИНЕ
XVII ВЕКА**

**DEMOGRAPHIC PROCESSES IN ARMENIA
IN THE 16TH CENTURY
AND IN THE FIRST HALF OF THE 17TH CENTURY**

**ЕРЕВАН – YEREVAN
ИЗДАТЕЛЬСТВО ЕГУ – YSU PRESS
2020**

ՀՏԴ 94(479.25)

ԳՄԴ 63.3(5Հ)

Մ 163

Տպագրվում է

ԵՊՀ պատմության ֆակուլտետի

գիտական խորհրդի երաշխավորությամբ

Գիտական խմբագիրներ՝

պ.գ.դ., պրոֆ., ՀՀ ԳԱԱ ակադեմիկոս Աշոտ Մելքոնյան
պ.գ.թ., ասիստ. Գեղամ Բադայյան

Գրախոսներ՝

պ.գ.դ., պրոֆ. Վահան Բայրուրյան
պ.գ.թ. Արման Մալյան

Խմբագիր՝ Լենա Ասրյան

Մալխասյան Միքայել

Մ 163 ժողովրդագրական գործընթացները Հայաստանում 16-րդ դարում – 17-րդ դարի առաջին կեսին/ Մ. Մալխասյան.- Եր.: ԵՊՀ հրատարակչություն, 2020. - 300 էջ:

Մենագրության մեջ համայիր ուսումնասիրությամբ ներկայացված են ժողովրդագրական գործընթացները Հայաստանում 16-րդ դարումև 17-րդ դարի առաջին կեսին՝ կանգ առնելով առանձնահատկությունների, միտումների և դրանք պայմանավորող առանցքային իրադարձությունների վրա: Աշխատանքում վեր են հանված թուրք-պարսկական պատերազմների և ջալախական շարժումների, Օսմանյան կայսրության և Սեֆյան Պարսկաստանի Էթնոկրոնական քաղաքականության, բնական աղետների, համաճարակների և սովոր ազդեցությունը ժողովրդագրական գործընթացների վրա, ինչպես նաև ընտանիքի միջին մեծության գործակիցը՝ ծննդիության և մահացության մակարդակի մասնակի գնահատմամբ, միգրացիայի (արտագաղթի, բռնագաղթի, ներքին միգրացիայի և օտար էթնիկական ներթափանցումների) հիմնական այլքները, բնակչության տեղաբաշխման ընդհանուր պատկերը:

Գիրքը կարող է օգտակար լինել պատմաբանների, պատմական ժողովրդագրության հետազոտողների, ուսանողների և ընթերցող լայն շրջանակների համար:

ՀՏԴ 94(479.25)

ԳՄԴ 63.3(5Հ)

ISBN 978-5-8084-2445-6

© Մալխասյան Մ., 2020 թ.

© ԵՊՀ հրատարակչություն, 2020 թ.

ԲՈՎԱՆԴԱԿՈՒԹՅՈՒՆ

Ներածություն	5
Գլուխ Ա. Ժողովրդագրական գործընթացները Հայաստանում 16-րդ դարում	28
1.1. Ժողովրդագրական գործընթացների միբումները և առանձնահավկությունները.....	28
1.2. Էթնոժողովրդագրական գործընթացները.....	68
1.2.1. Օգար Էթնիկական ներթափանցումներն ու գեղարձերը.....	68
1.2.2. Օսմանյան կայսրության էթնոկրոնական քաղաքականության առանձնահավկությունները Հայաստանում.....	85
1.3. Բնակչության գեղարաշխման ընդհանուր պարկերը (առանձին վարչամիավորների օրինակով).....	101
Գլուխ Բ. Ժողովրդագրական գործընթացները Հայաստանում 17-րդ դարի առաջին կեսին	113
2.1. Ժողովրդագրական գործընթացների միբումները և առանձնահավկությունները.....	113
2.2. Շահ Աբաս Ա-ի բռնագաղթի ժողովրդագրական հերթանքները.....	129
2.3. Մեծ սովը (1606-1609 թթ.).....	176
2.4. 1610-1630-ական թթ. ուազմաքաղաքական իրադրության ազդեցությունը ժողովրդագրական գործընթացների վրա.....	208
2.5. Էթնոժողովրդագրական գործընթացները և բնակչության գեղարաշխման ընդհանուր պարկերը (առանձին վարչամիավորների օրինակով).....	230
Եզրակացություն	270
Բարեհաջորդական թեմաներ	277
Summary	280
Օգտագործված սկզբնաղբյուրների և գրականության ցանկ.....	283

ՆԵՐԱԾՈՒԹՅՈՒՆ

16-րդ դարում և 17-րդ դարի առաջին կեսին Հայաստանը վերածվել է Օսմանյան կայսրության և Սեֆյան Պարսկաստանի միջև շարունակական պատերազմների թատերաբեմի: 16-րդ դարի սկզբին Սեֆյանները ժամանակավորապես տիրել են ամբողջ Հայաստանին, սակայն թուրք-պարսկական պատերազմների (1514-1639 թթ.) ընթացքում Հայաստանի տարածքը քանից բաժանումների է ենթարկվել երկու տերությունների միջև՝ որոշակի կայուն սահմանազատում ստանալով միայն 1639 թ. Կարեն-Շիրինի պայմանագրով: Ինչպես նշում է 17-րդ դարի հայ պատմագիր Առաքել Դավիթեցին, երկու տերությունների բախումներից տուժում էր հայոց աշխարհը՝ ծանր հարկապահանջություն, ունեցվածքի թալան կամ բռնագրավում, բնակավայրերի վերածում բանակի ծմեռանոցի, տների, արտերի և այգիների ավերում, հացահատիկի ամբարված պաշարների յուրացում, զանգվածային սպանություններ ու բռնագաղթեր¹:

16-րդ դարում և 17-րդ դարի առաջին կեսին տեղի ունեցած ժողովրդագրական գործընթացները, ի տարբերություն նախորդող ժամանակաշրջանների, Հայաստանի տարրեր հատվածներում սկիզբ են դրել այնպիսի անդառնայի միտումների, որոնք էթնոժողովրդագրական պատկերի մեջ փոփոխությունների առաջացման և հետագայում էթնիկ միատարրության դիմախեղման պատճառ են դարձել: Ամբողջ միջնադարի և նոր դարաշրջանի սկզբնափուլի (17-րդ դար – 18-րդ դարի առաջին կես) հայ հեղինակները, բացառությամբ Հակոբ Կարնեցու (17-րդ դարի կեսեր), գրեթե անտեսել են ժողովրդագրության հիմնահար-

¹Տե՛ս Առաքել Դավիթեցի, Գիրք պատմութեանց, աշխատանք, Երևան, 1990, էջ 102-103:

ցերը²: Տեղի ունեցած գործընթացները փոփոխություն են մտցրել ժամանակի հեղինակների մտածողության մեջ, և այդ գործընթացների ականատես Հակոբ Կարնեցին հանձն է առել իր երկում հայրենի Երգորումի (Կարինի) նահանգի վարչամիավորների բնակչության էթնոկրոնական պատկերի ներկայացումը:

Սույն ուսումնասիրության թեման կարևոր և արդիական է Արևմտյան Հայաստանում Օսմանյան կայսրության ժողովրդագրական քաղաքականության ակունքները ցույց տալու և Արևելյան Հայաստանում ոչ նպաստավոր գործընթացների հաջորդականությունը տեսնելու համար: Գաղտնիք չէ, որ թուրքական պատմագիտական շրջանակներում գերիշխող է այն տեսակետը, որ Արևմտյան Հայաստանում և կայսրության հայաբնակ շրջաններում ժողովրդագրական քաղաքականության բացասական միտումներ քրիստոնյաների, այդ թվում՝ հայերի նկատմամբ երբեք չեն արձանագրվել: Մինչեւ սույն աշխատանքում ցույց է տրվում, որ այդ քաղաքականության առաջին դրսևորումներն ակնհայտ են նույնիսկ 16-րդ դարում: Միաժամանակ ադրբեջանական պատմագիտական շրջանակները քանից հրատարակել են աշխատանքներ՝ մատնացույց անելով Ռուսական կայսրության կազմում Հայկական մարզի էթնոժողովրդագրական նկարագիրը ի. Շոպենի վիճակագրության համաձայն՝ անտեսելով Արևելյան Հայաստանում տեղի ունեցած էթնոգործընթացները դրանից դեռևս երկու հարյուրամյակ առաջ, օրինակ՝ շահ Արա Ա-ի (1587-1629) կողմից կազմակերպված բռնագաղթը: Փաստութեն, անհրաժեշտ է համալիր ուսումնասիրությամբ ներկայացնել 16-րդ դարում և 17-րդ դարի առաջին կեսին Հայաստանում տեղի ունեցած ժողովրդագրական գործընթացները, որոնք հան-

² Տե՛ս **Մելքոնյան Ա.**, Հայաստանի ժողովրդագրության հիմնահարցերը հայագետ Հակովբոս Տաշյանի աշխատություններում, «Բանքեր հայագիտության», 2013, թ. 1, էջ 135-136:

գեցրին բացասական հետևանքների: Հետևապես, սույն աշխատանքը ծեռք է թերում ոչ միայն գիտական, այլև գիտաքաղաքական նշանակություն:

Քննարկվող ժամանակահատվածն աչքի է ընկնում ժողովրդագրական զգալի առանձնահատկություններով, ուստին մեր աշխատանքի **նպագակն է համայիր ուսումնասիրությամբ** ներկայացնել 16-րդ դարում և 17-րդ դարի առաջին կեսին ժողովրդագրական գործընթացները Հայաստանում՝ կանգ առնելով առանձնահատկությունների, միբումների և դրանք պայմանավորող առանցքային իրադարձությունների վրա: Հետևաբար, ուսումնասիրության **խնդիրներն են** վերհանել ու ներկայացնել 16-րդ դարում և 17-րդ դարի առաջին կեսին Հայաստանում՝

- ուսումնաքաղաքական իրադրության (թուրք-պարսկական պատերազմներ, Զալահիական շարժումներ և այլն) ազդեցությունը ժողովրդագրական գործընթացների վրա,

- Օսմանյան կայսրության և Սեֆյան Պարսկաստանի ժողովրդագրական (Էթնոկրոնական) քաղաքականության առանցքային դրսնորումները,

- բնակչիմայական պայմանների, դրանցում տեղի ունեցած փոփոխությունների և բնական աղետների ազդեցությունը ժողովրդագրական գործընթացների վրա,

- համաճարակների և սովոր ազդեցությունը բնակչության վերարտադրության վրա,

- ընտանիքի միջին մեծության գործակիցը՝ ծնելիության և մահացության մակարդակի մասնակի գնահատմամբ,

- բնակչության տեղաբաշխման ընդհանուր պատկերը և Էթնոժողովրդագրական նկարագիրը (Էթնիկական կազմը և կրոնադավանական այլափոխումները՝ որոշ վարչամիավորների օրինակով),

• միգրացիայի (արտագաղթի, բռնագաղթի, ներքին միգրացիայի և օտար էթնիկական ներթափանցումների) հիմնական ալիքները, ուղղություններն ու հետևանքները,

• ժողովրդագրական գործնթացների համալիր նկարագրությունն ու ամփոփ վերլուծությունը՝ շարադրված որպես ուսումնասիրության հիմնական եզրակացությունները:

Քանի որ ուսումնասիրության նպատակն է ժողովրդագրական գործնթացների և դրանց միտումների ընդհանուր ներկայացումը, հետևապես մենք Հայաստանի յուրաքանչյուր բնակչության վերաբերա ամբողջական պատկերը ներկայացնելու խնդիր չենք դրել, քանի որ բնակչության մանրակրկիտ ըննությունը (միկրոանալիզը) հնարավոր չէ տվյալների ամբողջական հենքի բացակայության պատճառով։ Այդուհանդեռձ, ժողովրդագրական գործնթացների առանձնահատկություններին անդրադառնալիս, ըստ տվյալների հասանելիության, փորձել ենք ներկայացնել նաև առանձին վարչամիավորներում տեղի ունեցած ժողովրդագրական տեղաշարժերը։

Ժողովրդագրական գործնթացներին անդրադառնալիս փորձել ենք դիտարկել պատմական Հայաստանի գրեթե ամբողջ տարածքը, քանի որ Հայաստանի քաղաքական բաժանումների շարունակական փոփոխությունները հնարավորություն չեն տալիս 1639 թ. նախորդող ժամանակահատվածի համար հստակ սահմանաբաժանմամբ կիրառել «Արևելյան Հայաստան» և «Արևմտյան Հայաստան» եզրույթներն այն իմաստով, որ մենք այսօր ընկալում ենք։ Հայերեն ձեռագրերի հիշատակարաններում գրիչների՝ հայրենիքի քաղաքական ընկալման հարցում դեռևս նկատելի չէ օտար նվաճողների կողմից ատեղծված միջ-

պետական քաղաքական սահմանաբաժանումը³: Առաքել Դավ-րիթեցին միայն իր երկը շարադրելիս (17-րդ դարի կեսին) որոշակիորեն տարբերակում է Արևելյան և Արևմտյան Հայաստանը, երբ Մովսես Տաթևացուն անվանում է «լուաւորիչ արևելեայ մասին աշխարհիս»⁴: Այդուհանդեռձ, հաշվի առնելով Ամասիայի և Կասրե-Շիրինի պայմանագրերի սահմանաբաժանումների հիման վրա ներկայումս պատմագիտական շրջանակներում «Արևելյան Հայաստան» և «Արևմտյան Հայաստան» եզրույթների կիրառումը, արդի ընկալման տեսանկյունից նյութը հասուր դարձնելու համար երբեմն օգտագործել ենք նշված հասկացություններն այն իմաստով, որով դրանք կիրառվել են 17-րդ դարի կեսից:

Ե՛վ Օսմանյան կայսրությունը, և՛ Սեֆյան Պարսկաստանը սկզբից ևեթ աշխատել են ներմուծել իրենց վարչաքաղաքական համակարգը՝ ներդնելով վարչատարածքային բաժանման իրենց սկզբունքները: Այսպես, Արևելյան Հայաստանի տարածքի մեծ մասն ընդգրկված էր Չուփուր-Սաադի (Արարատյան կամ Երևանի), Ղարաբաղի (Արցախի), Շիրվանի, Ատրպատականի բեկլարբեկությունների (կոսակալությունների), իսկ Արևմտյան Հայաստանը՝ Վանի, Էրզրումի, Չըլիքրի (Ախալցխայի), Կարսի, Դիարբեքիրի, Սեբաստիայի էյալեթների (նահանգների) մեջ⁵:

³ Տե՛ս օրինակ՝ «Հայերեն ձեռագրերի ժեկ դարի հիշատակարաններ (1601-1620 թթ.)», հ. Ա, կազմեցին՝ Վ. Հակոբյան, Ա. Հովհաննիսյան, Երևան, 1974, էջ 448-450:

⁴ **Առաքել Դավրիթեցի**, էջ 60:

⁵ 16-17-րդ դարերում Հայաստանի տարածքում Օսմանյան կայսրության և Սեֆյան Պարսկաստանի կողմից կատարված վարչատարածքային բաժանումները և դրանց փոփոխությունները մանրամասն տե՛ս՝ «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին» (այսուհետ՝ «Թուրքական արյուրներ»), կազմեց՝ Ա. Սաֆրաստյանը, հ. Ա, Բ, Գ, Երևան, 1961, 1964, 1967; **Սաֆրաստյան Ա.**, Օսմանյան կայսրության վարչական բաժանումը XVII դարում (պատմական ակնարկ), «Արևելագիտական ժողովածու», հ. 1, Երևան, 1960, էջ 285-302; **Անասյան Հ.**, XVII դարի ազատագրական շար-

Ժողովրդագրական գործընթացները Հայաստանում 16-րդ դարում և 17-րդ դարի առաջին կեսին, այսինքն՝ թուրք-պարսկական պատերազմների ժամանակաշրջանում և դրանց հաջորդող մի քանի տարիներին ներկայացնելիս կարևոր է ժամանակագրական փուլաբաժանման որոշակի ճշգրտումը: Հ. Փափազյանը թուրք-պարսկական պատերազմների շրջանը ներառում է պատմական Երկու ժամանակահատվածի՝ Վաղ (պարսկա-օսմանյան փոփոխակի իշխանության, 1501-1603 թթ.) և Նոր (1603-1724 թթ.) Սեֆյան շրջանների մեջ⁶: Քաղաքական և ռազմական պատմության տեսանկյունից համաձայնվելով ժամանակագրական այս փուլաբաժանման հետ, այդուհանդերձ, ժողովրդագրական գործընթացների առանձնահատկությունների տեսանկյունից ժամանակաշրջանն ավելի նպատակահարմար է բաժանել 16-րդ դարի և 17-րդ դարի առաջին կեսի Երկու փուլերի, որոնց առանձնահատկություններին և Ենթափուլերին անդրադառնալու ենք աշխատանքի համապատասխան գլուխներում: Ընդ որում՝ պետք է նկատել, որ 1639 թ. պայմանագրին հաջորդող տարիներին (մինչև 17-րդ դարի կեսերը) ժողովրդագրական գործընթացների միտումները կրել են պատերազմների հետևանքների խոր կնիքը, և պատահական չեն, որ Հ. Փափազյանը 17-րդ դարում Արարատյան կուսակալությանն առնչվող իր հոդվածում հանգում է հետևյալ ուշագրավ եզրակացությանը. «...Եթե հարյուրամյակի

ժումներն Արևմտյան Հայաստանում, Երևան, 1961; **Զուլայսան Մ.**, Արևմտյան Հայաստանը XVI-XVIII դդ., Երևան, 1980; «Հայոց պատմություն», հ. III, գ. I, Երևան, ՀՀ ԳԱԱ պատմության ինստ., 2010; **Саркисян Е.**, Административная и демографическая политика османского правительства в Западной Армении, «Մերձավոր և Միջին Արևելքի Երկրներ և ժողովրդներ», հ. 5, Երևան, 1970, էջ 357-380; «Аграрный строй Османской империи XV-XVII вв.: документы и материалы», сост., пер. и ком. А. Тверитиновой, Москва, 1963.

⁶ Տե՛ս **Փափազյան Հ.**, Օտար տիրապետությունը Արարատյան Երկրում (ԺԷ դ.), «Լրաբեր հասարակական գիտությունների» (այսուհետ՝ «ԼՀԳ»), 1977, թ. 1, էջ 29:

առաջին կեսին բնորոշ էր Երկրի պարբերական վերաբնակեցումը, մեծ գաղթից խուսափած և մոտակա շրջաններում ապաստանած, իսկ առավել ևս Արևմտյան Հայաստանից բռնի քշված հայ ույաթներով, ապա 50-60-ական թվականներից սկսած Արարատյան Երկրում նկատվող սոցիալ-տնտեսական և էթնիկական նոր տեղաշարժերն իրենց բնույթով արմատապես տարբերվում էին նախորդներից և կոչված էին շրջադարձային դեր խաղալու Երկրի հետագա քաղաքական կյանքում»⁷: Նոյն միտումներն առկա էին Արևմտյան Հայաստանում, որտեղ հարկային քաղաքականության և կրոնական հայածանքների միջոցով մահմեդականացումը դարձավ պետական ժողովրդագրական քաղաքականության քաղադրիչներից մեկը:

Հետազոտության աղյուրագիտական հիմքը և հիմնախնդրի ուսումնասիրվածության աստիճանը: Ժողովրդագրական գործնթացների ուսումնասիրման համար առաջնային նշանակություն ունեն պաշտոնական վիճակագրության տվյալները, սակայն 16-րդ դարում և 17-րդ դարի առաջին կեսին պետականություն չունեցող Հայաստանի պարագայում հանդիպում ենք դժվարությունների: Սեֆյանների կողմից որևէ մարդահամարի մասին տվյալ չունենք, իսկ Օսմանյան կայսրության կողմից կազմված հարկացուցակները մի քանի վարչամիավորներով են տպագրվել: Այդպիսիք են Էրզրումի նահանգի մի քանի վարչամիավորների (16-րդ դար), Չըլիքի նահանգի (16-րդ դարի վերջ), Խարբերդի սանչակի (16-րդ դար), Համշենի (1530-ական թթ.) հարկացուցակները⁸, որոնց կազմման հիմքում դրված է

⁷ **Փափազյան Հ.**, Օտար տիրապետությունը Արարատյան Երկրում (ԺԷ դ.), էջ 41-42:

⁸ **Ş't'u Miroğlu İ.**, XVI. Yüzyılda Bayburt sancağı, Üçler Matbaası, İstanbul, 1975; **Նույնի**, Kemah Sancağı ve Erzinjan Kazası (1520-1566), Türk Tarih Kurumu basimevi, Ankara, 1990; **Ünal M.**, XVI. Yüzyılda Harput Sancağı (1518-1566), Türk Tarih Kurumu

Եղել կրոնական տարանջատման սկզբունքը, ուստի դրանց միջոցով հնարավոր է միայն ընդհանուր պատկերացում կազմել նշված վարչամիավորներում էթնոկրոնական կազմի և ժողովրդագրական գործընթացների միտումների վերաբերյալ:

Պաշտոնական համընդհանուր վիճակագրության անհասանելիության պայմաններում կարևոր նշանակություն են ձեռքբերուած քննարկվող ժամանակաշրջանի հեղինակների երկերը: Նրանց խմբում նախևառաջ հարկ է առանձնացնել տեղական սկզբնադրյուրները՝ ժամանակակից հայ պատմիչների երկերը, մանր ժամանակագրությունները և ձեռագիր մատյանների հիշատակարանները: Այս համատեքստում, անշուշտ, մեծ կարևորություն ունի 17-րդ դարի հայ պատմիչ Առաքել Դավիթեցու երկը: Այստեղ առանձնակի նշանակություն ունեն շահ Աբաս Ա-ի կողմից կազմակերպված բռնագաղթին և ջալալիական շարժումներին հաջորդող սովոր առնչվող մանրամասները:

Նույն ժամանակահատվածի վերաբերյալ կարևոր տեղեկություններ են հաղորդում նաև 17-րդ դարի հայ պատմիչներ Գրիգոր Դարանաղցի⁹ և Զաքարիա Քանաքեռցին¹⁰: Նրանցից

basimevi, Ankara, 1989 (Վիճակագրությունից օգտվել ենք միջնորդավորված ձևով՝ տե՛ս **Սահակյան Լ.**, Բարձր Հայքի Բարերդ, Սպեր, Դերջան գավառների տեղանուններն ու ժողովրդագրությունը XVI դարի օսմանյան աշխարհագիր մատյաններում, Երևան, 2007, այսուհետ՝ **Սահակյան Լ.**, Բարձր Հայքի...): Տե՛ս նաև **Մելքոնյան Ա.**, Ախացիսայի նահանգի վարչաժողովագրական պատկերը ըստ Թուրքական հարկացուցակների (16-րդ դ. Վերջ – 18-րդ դ. սկիզբ), «Հայաստանի պատմության և ժողովրդագրության հիմնահարցեր», Երևան, 2011, էջ 134-149; **Gökbilgin M.**, XVI Yüzyıl Başlarında Trabzon Livası ve Doğu Karadeniz Bölgesi, Türk Tarih Kurumu Belleten, 26, № 101-104, Ankara, 1962, s. 293-337 (տե՛ս **Սահակյան Լ.**, Օսմանյան կայսրությունում համշենահայերի բռնի մահմեդականացման քաղաքականության հետևանքները, «Թուրքագիտական և օսմանագիտական հետազոտություններ», հ. IV, Երևան, 2006, էջ 212-218):

⁹ Տե՛ս «Ժամանակագրութիւն Գրիգոր վարդապետի Կամախեցւոյ կամ Դարանաղցոյ» (այսուհետ՝ **Գրիգոր Դարանաղի**), իրատ.՝ Մ. վրդ. Նշանեան, Երուսաղէմ, 1915:

առաջինի տեղեկություններն ավելի շատ վերաբերում են Հայաստանի՝ Օսմանյան կայսրության տիրապետության տակ գտնվող տարածքներում ջալախական շարժման հետևանքներին (սով, ժանտախտ, արտագաղթ), իսկ երկրորդինը՝ շահ Աբաս Ա-ի կազմակերպած բռնագաղթին և Արարատյան կուսակալության ներքին կյանքին: Զաքարիա Քանաքեցու տվյալները հետաքրքրական են նրանով, որ դրանցով հնարավոր է դառնում տեսնել Ամիրգունա խանի ժողովրդագրական քաղաքականության փոփոխությունը զանգվածային բռնագաղթից մոտ մեկ տասնամյակ անց: Շահ Աբասի կազմակերպած բռնագաղթի մասին ուշագրավ տեղեկություններ են գետեղված նաև հայ կաթոլիկ հոգևորական Օգոստինոս Բացեցու ուղեգրական երկում¹⁰:

Հայկական սկզբնաղբյուրներից շատ կարևոր են նաև 16-17-րդ դարերի մանր ժամանակագրությունները¹² և 17-րդ դարի առաջին կեսի հայերեն ձեռագրերի հիշատակարանները¹³: Այստեղ հարկավոր է առանձնացնել ոչ միայն կոնկրետ դեպքերի (բռնագաղթեր, ժանտախտ, սով և այլն) շարադրումը, այլև գրիչների, ստացողների և կազմ պատրաստողների ընտանիքների կազմի ներկայացումը: Դրանց հիման վրա հաշվարկել ենք 17-րդ դարում Հայաստանի տարբեր բնակավայրերում հայկական ընտանիքի միջին մեծության գործակիցը: Ցավալի է, որ մինչ օրս առանձին գրքով չեն հրատարակվել 16-րդ դարի հայերեն ձեռա-

¹⁰ Տե՛ս Զաքարիա Քանաքեցի, Պատմութիւն, աշխ.¹ Ա. Վիրաբյանի, Երևան, 2015:

¹¹ Տե՛ս «Ազուսական Բացեցու ճանապարհորդութիւն Յեւոպայ» (այսուհետ՝ Օգոստինոս Բացեցի), «Նշխարք մատենագրութեան հայոց», ի լոյս Եած՝ Ք. Պատկանեան, Ս.-Պետերբուրգ, 1884, էջ 5-26:

¹² Տե՛ս «Մանր ժամանակագրություններ (XIII-XVIII դդ.)», հ. 1, 2, կազմեց՝ Վ. Հակոբյան, Երևան, 1951, 1956:

¹³ Տե՛ս «Հայերեն ձեռագրերի ժԷ դարի հիշատակարաններ», հ. Ա. (1601-1620 թթ.), հ. Բ (1621-1640 թթ.), կազմեցին՝ Վ. Հակոբյան, Ա. Հովհաննիսյան, Երևան, 1974, 1978; հ. Գ (1641-1660 թթ.), կազմեց՝ Վ. Հակոբյան, Երևան, 1984:

գրերի հիշատակարանները, ինչը հնարավորություն կտար մեզ նույնախի հաշվարկ կատարել նաև 16-րդ դարի համար: Այդ բացը հնարավոր է լրացնել Մատենադարանի՝ 16-րդ դարի ձեռագրերի ուսումնասիրությամբ, ինչը, սակայն, լուրջ ու երկարատև հետազոտության նյութ է: Հետևապես, բացը լրացնելու համար առանձնացրել և ուսումնասիրել ենք մի խումբ ձեռագիր մատյաններ¹⁴, Մաշտոցի անվան Մատենադարանի և հայագիտական այլ կենտրոնների կողմից հրատարակված ընդարձակ («մայր») ձեռագրացուցակներում¹⁵ նկարագրված հիշատակարանները: Ուսումնասիրել ենք մոտ 4 000 հիշատակարաններ, դուրս բերել աղբյուրագիտական տեսանկյունից մեզ համար կարևոր մոտ 700 հիշատակարաններում ներկայացված ընտանիքների մասին տվյալները, որոնց հիման վրա «Microsoft Excel» համակարգչային ծրագրով կազմել ենք ընտանեկան աղյուսակներ:

¹⁴ Տե՛ս Մաշտոցի անվան Մատենադարան (այսուհետ՝ ՄՄ), ձեռագրեր № 4216, 5520 և այլն:

¹⁵ Տե՛ս «Մայր ցուցակ հայերէն ձեռագրաց Մաշտոցի անուան Մատենադարանի», հ. Ա, խմբ.՝ Լ. Խաչիկեանի, Ա. Մնացականեանի, Երեւան, 1984; հ. Ե, կազմեց՝ Օ. Եզաննեան, Երեւան, 2009; հ. Է, Ը, խմբ.՝ Գ. Տէր-Վարդանեանի, Երեւան, 2012, 2013: Տե՛ս նաև «Մայր ցուցակ հայերէն ձեռագրաց Մատենադարանին Մխիթարեանց ի Վենետիկ», հ. Ա, Բ, կազմեց՝ Բ. Վոր. Սարգիսեան, Վենետիկ - Ս. Ղազար, 1914, 1924; հ. Գ, կազմեցին՝ Բ. Վոր. Սարգիսեան և Գ. Վոր. Սարգիսեան, Վենետիկ - Ս. Ղազար, 1966; հ. Դ, Ե, Զ, Է, Ը, կազմեց՝ Ս. Վոր. Ճեմճեմյան, Վենետիկ - Ս. Ղազար, 1993, 1995, 1996, 1996, 1998: «Մայր ցուցակ հայերէն ձեռագրաց Հալէափի եւ Անթիլիասի ու մասնաւորաց», հ. Բ, կազմեց՝ Ա. արք. Սիլոմէեան, Հայէա, 1936: «Մայր ցուցակ հայերէն ձեռագրաց Երուսաղէմի Սրբոց Յակոբեանց վանքի», հ. Ա, կազմեց՝ Ա. արք. Սիլոմէեան, Ս. Ղազար, 1948: «Մայր ցուցակ հայերէն ձեռագրաց Երոպայի մասնաւոր հասաքումներու», հ. Ա, կազմեց՝ Ա. արք. Սիլոմէեան, Փարիզ, 1950: «Մայր ցուցակ հայերէն ձեռագրաց Մեծի Տանն Կիհիկիոյ կաթողիկոսութեան», կազմեց՝ Ա. Վոր. Դանիէեան, Անդիլիաս, 1984: «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Ա, Բ, Գ, Դ, Ե, Զ, Է, Ը, Թ, Ժ, ԺԱ, Երուսաղէմ, 1966, 1967, 1968, 1969, 1971, 1972, 1974, 1977, 1979, 1990, 1991:

Հետագա բոլոր հաշվարկները կատարել ենք այդ ծրագրի գործիքների կիրառմամբ:

Եթե ձեռագրերի հիշատակարանները ծնելիության և ընտանիքի միջին մեծության գործակիցների հաշվարկման հիմք կարող են հանդիսանալ, ապա դրանց կողքին մահացության գանգվածային դեպքերի (ժանտախտի, սովոր կամ պատերազմների պատճառով) լուր վկաներն են այդ տարիների տապանագրերը և կանգնեցված խաչքար-մահարձանների վիմագրերը¹⁶: Այստեղ ևս «Microsoft Excel» համակարգչային ծրագրի կիրառմամբ կազմել ենք մահվան դեպքերի ժամանակագրական և տեղագրական այլուսակ, որով կատարել ենք մահացության գնահատման տարաբնույթ հաշվարկներ: Խնդրի ուսումնասիրման համար ևս կարևոր են ձեռագրերի հիշատակարաններում ներկայացված տեղային (լոկալ) տեղեկությունները¹⁷: Ձեռագրական սկզբնադրյուրներից ստացված տեղեկությունները կոնկրետ տարրածքային միավորում համադրելով՝ հնարավոր է դարձել մասնակի գնահատել ժողովրդագրական աղետների ծավալները:

Հետպատերազմյան շրջանում Էրզրումի նահանգում էթնոժողովրդագրական իրավիճակի վերաբերյալ արժեքավոր տեղեկություններ է հաղորդում 17-րդ դարի կեսի հայ հեղինակ Հակոբ Կարնեցին¹⁸: Նրա հիշատակությունները փաստում են, որ, չնայած տեղի ունեցած միգրացիոն (հայերի բռնագաղթ, քրդական տարրի ներհոսք) և կրոնադավանական (քաղկեդոնականների

¹⁶Տե՛ս «Դիվան հայ վիմագրության», պր. II, III, IV, V, կազմեց՝ Ս. Բարխուտարյան, Երևան, 1960, 1967, 1973, 1982, պր. VI, կազմեցին՝ Ս. Ավագյան, <Հանդիպայան, Երևան, 1977, պր. IX, կազմեցին՝ Ս. Բարխուտարյան, Կ. Ղաֆադարյան, Ս. Սաղումյան, Երևան, 2012:

¹⁷Տե՛ս օրինակ՝ ՄՄ, ձեռ. № 4786, 5520, 5967:

¹⁸Տե՛ս Յակով Կարնեցի, Տեղագիր Վերին Հայոց, աշխ.¹ Կ. Կոստանեանցի, Վաղարշապատ, 1903: Հմմտ. «Մանր ժամանակագրություններ (XIII-XVIII դդ.)», հ. 2, էջ 541-586:

մահմեղականացում) վերակերպումներին, իայ բնակչությունը շարունակում էր կազմել նահանգի բնակչության գերակշիռ մեծամասնությունը:

16-րդ դարում և 17-րդ դարի առաջին կեսին Հայաստանում տեղ գտած ժողովրդագրական գործընթացների մասին կարևոր տեղեկություններ են հաղորդում նաև օտար հեղինակները, մասնավորապես՝ իրադարձությունների հիմնական գործող քաղաքական ուժերը ներկայացնող պետությունների՝ Օսմանյան կայսրության և Սեֆյան Պարսկաստանի պատմագրության ներկայացուցիչները: Թուրք հեղինակներից զգալի տեղեկություններ են հաղորդում հատկապես Իբրահիմ Փեչևին (16-17-րդ դարեր), Քյաթիբ Չելեբին (17-րդ դար), Էվլիյա Չելեբին (17-րդ դար) և ուրիշներ¹⁹: Թեև թուրք հեղինակների շարադրանքը միակողմանի բնույթ է կրում՝ ներկայացնելով նախևառաջ մահմեղականներին առնչվող տեղեկությունները (օսմանյան գործերի արշավանքներ և քրդական ցեղախմբերի տեղաշարժեր), սակայն նույնիսկ այդօրինակ գործերից հնարավոր է վերհանել ժողովրդագրական իրավիճակը բնութագրող տվյալներ և ներկայացնել հայերի դրությունը: Ինչ վերաբերում է պարսիկ (իրանալեզու) հեղինակներին, ապա նրանցից հարկավոր է առանձնացնել շահ Աբաս Ա-ի գրագիր Խսքանդար թեգ Մունշիին²⁰, որի աշխատանքում հետաքրքիր տեղեկություններ կան հայ բնակչության բռնագաղթի վերաբերյալ: Պարսիկ հեղինակի տեղեկությունները հաստատում են հայ հեղինակների այն պնդումը, որ բռնագաղթը կրել է նպատակային-պլանավորված բնույթը:

¹⁹ Տե՛ս «Թուրքական աղբյուրներ», հ. Ա-Գ:

²⁰ Տե՛ս **Eskandar Beg Monshi**, Tarikh-e 'Alamara-ye Abbasi (The History of Shah Abbas the Great), translated by Roger M. Savory, vol. II, Persian Heritage Series, N 28, Colorado: Wetview Press, Boulder CO, 1978: Օգտվել ենք նաև Հ. Փափազյանի կողմից կատարված հատվածական թարգմանություններից՝ տե՛ս **Փափազյան Հ.**, Օտար տիրապետությունը Արարատյան երկրում (ԺԷ դ.), էջ 29-44:

Արժանահավատ տվյալներ են պարունակում Եվրոպացի ճանապարհորդների և դիվանագիտական ծառայություն իրականացրած անձանց ուղեգրությունները²¹: Կարևոր նշանակություն ունեն բնակավայրերի նկարագրությունը և հատկապես շահ Աբասի բռնագավառի Վերաբերյալ տեղեկությունները: Վերջիններս իրենց արտացոլումն են գտել, օրինակ՝ պորտուգալացի կաթոլիկ միսիոներ Անտոնիո դե Գուլեայի (պորտ.՝ *Фонсека*) վկայություններում²²: Թեև ուղեգրությունների հեղինակները պաշտոնական վիճակագրությանը չեն կարող լիովին տիրապետել, սակայն նրանց տեղեկությունների արժանահավատության աստիճանը բարձր է այն առումով, որ դրանք, ըստ Էնթեյան, մասսամբ նաև հետախուզական նշանակություն են ունեցել:

Թեպետ 16-րդ դարին և 17-րդ դարի առաջին կեսին առնչվող տարրեր աշխատանքներում ուսումնասիրողները ուշադրություն դարձրել են Հայաստանի ժողովրդագրության տարաբնույթ հիմնախնդիրներին, այդուհանդերձ նշված ժամանակաշրջանի ժողովրդագրական գործընթացները Հայաստանում հայագիտության մեջ **համալիր ուսումնասիրության** առարկա չեն եղել: Պատմաժողովրդագրական անդրադարձներ առկա են Ղ. Ինճիճյանի²³, Ղ. Ալիշանի²⁴, Հ. Տաշյանի²⁵ աշխատություններում: Եթե Ղ. Ինճիճյանի և Հ. Տաշյանի տվյալները կարևոր են

²¹ Տե՛ս «Ուղեգրություններ», կազմեց՝ Հ. Հակոբյան, հ. Ա, 2, Երևան, 1932, 1934: Տե՛ս նաև Զովայան Մ., Հայ ժողովրդի պատմության հարցերը ըստ Եվրոպացի հեղինակների, գ. Ա, Երևան, 1990:

²² Տե՛ս ԷՅՈՎԵ Գ., Չոշենիա Петրա Վելիկոց սահմանադրության առարկա, ԸՆԸ, 1898, էջ 463-479:

²³ Տե՛ս Ինճիճեան Ղ., Աշխարհագրութիւն չորից մասանց աշխարհի, մասն Ա. Ասիա, հ. Ա, Վէնետիկ, 1806:

²⁴ Տե՛ս օրինակ՝ Ալիշան Ղ., Սիսական. Տեղագրութիւն Սինեաց աշխարհի, Վենետիկ, 1893:

²⁵ Տե՛ս Տաշեան Յ., Հայ բնակչութիւնը Սեւ ծովէն մինչեւ Կարին. պատմական-ազգագրական հարեւանցի ակնարկ մը, Վիեննա, 1921:

Արևմտյան Հայաստանում տեղի ունեցած ժողովրդագրական գործընթացների էռոֆյունը հասկանալու համար, ապա Դ. Ալիշանի վերհանած տեղեկությունները նպաստում են Արևելյան Հայաստանի պատմաժողովրդագրական ուսումնասիրության համար: Որոշ դեպքերում նրանց տեղեկությունները ձեռք են բերում սկզբնաղբյուրի նշանակություն, քանի որ մեջբերում են որևէ սկզբնաղբյուրից վերցված նյութեր: Այդուհանդերձ, նրանց տվյալները կրում են 18-19-րդ դարերի էթնոժողովրդագրական գործընթացների կնիքը, ուստի զանգվածային մահմեդականացման միտումների և օտար էթնիկական տարրի ստվարացման մասին նրանց հաղորդումները պետք է դիտարկել նախևառաջ 19-րդ դարի համատեքստից:

Խննդրու առարկա ժամանակաշրջանում ժողովրդագրական գործընթացներից հայագիտության մեջ համեմատաբար խորապես է ուսումնասիրված պարսից շահ Արա Ա-ի կողմից կազմակերպված բռնագաղթը: Վերջինիս ենթարկված հայերի թվաքանակի վերաբերյալ հետաքրքիր տվյալներ է հաշվարկել Հ. Առաքելյանը²⁶: Նրա հաշվարկները հիմնված են Առաքել Դավիթեցու, Նոր Զուղայի մի քանի ձեռագրերի հիշատակարանների և Եվրոպացի հելինակների տվյալների վրա: Քանի որ վերջիններս, այդուհանդերձ, ամբողջական հաշվարկի համար բավարար չեն եղել, բռնագաղթյաների թվաքանակի մասին եզրահանգումն ուսումնասիրողը, ի վերջո, մոտավոր գնահատմամբ է ներկայացրել: Բռնագաղթի մասին երկու աշխատություն է գրել Հ. Նաջարյանը²⁷ սկզբնաղբյուրներում առկա տեղեկությունների

²⁶Տե՛ս Առաքելեան Հ., Պարսկաստանի հայերը. նրանց անցեալը, ներկան եւ ապագան, մաս Ա, Վիեննա, 1911:

²⁷Տե՛ս Նաջարյան Հ., XVII դարի սկզբի թուրք-իրանական պատերազմը և հայերի տարագրությունը, Երևան, 1959; Նույնի, Թուրք-իրանական հարաբերությունները XVI դ. ու XVII դ. առաջին կեսին և Հայաստանը, Երևան, 1961: Ի դեպ

համադրմամբ անդրադառնալով բռնագաղթի մանրամասներին: Պետք է շեշտել, սակայն, որ Հ. Նազարյանի աշխատանքը հիմնված է գերազանցապես Առաքել Դավրիժեցու տվյալների վրա: Նոյն մոտեցումն է առկա Լ. Դանեղյանի հրատարակած հոդվածում²⁸: Բռնագաղթի տարածքային ընդգրկման ուսումնասիրության արդյունք է Գ. Բադայյանի կողմից հրատարակված քարտեզը²⁹, որտեղ մատնանշվում է ոչ միայն տարածքը, այլև ներկայացվում են բռնագաղթի ենթարկվածների և երասխի գետանցման զոհ գնացածների թվաքանակի վերաբերյալ հետազոտողի հաշվարկները: Գ. Բադայյանի մեկ այլ քարտեզում³⁰ ներկայացված են թուրք-պարսկական պատերազմների արհավիրքները և 1555 թ. Ամասիայի պայմանագրով ամայացված Կարսի չեզոք գոտու սահմանները:

Քննարկվող ժամանակաշրջանում Հայաստանում ժողովրդագրական գործընթացների առանձին խնդիրների իրենց ուսումնասիրություններում անդրադարձել են Հ. Փափազյանը և Մ. Զոլայյանը: Հ. Փափազյանի հրատարակած աշխատանքներում մեծ հետաքրքրություն են ներկայացնում պարսկերեն սկզբնադրյուրների տեղեկություններով համեմված ուսումնասիրությունները: Արժեքավոր է հատկապես Արարատյան կուսակա-

առաջն աշխատանքը որոշ լրամշակումներով տպագրվել է Երկրորդի մեջ՝ իրեն մենագրության մեկ գլուխ, ուստիև նախընտրել ենք օգտվել Երկրորդ աշխատանքից:

²⁸ Տե՛ս Դանեղյան Լ., Հայերի բռնագաղթն Իրան 17-րդ դարում (Ա. Դավրիժեցու տվյալներով), «ՀՀԳ», 1969, թ. 8, էջ 63-75:

²⁹ Տե՛ս «Հայերի բռնագաղթը Շահ-Արա 1-ինի կողմից Պարսկաստան 17-րդ դ. սկզբին», հեղինակ՝ Գ. Բադայյան, մասշտար՝ 1:4 000 000, «Հայաստանի ազգային ատլաս», հ. Բ, Երևան, 2008, էջ 51:

³⁰ Տե՛ս «Հայաստանը 16-րդ դ.: Պարսկա-օսմանյան պատերազմները», հեղինակ՝ Գ. Բադայյան, մասշտար՝ 1:3 600 000, «Հայաստանի ազգային ատլաս», հ. Բ, էջ 49:

լության պատմությանը նվիրված հոդվածների շարքը³¹, որտեղ քննարկվում են մեծ բռնազարդթին և Ամիրգունա խանի ժողովրդագրական քաղաքականությանն առնչվող հարցեր, ինչպես նաև ներկայացվում են օտար էթնիկական ներթափանցումները Արևելյան Հայաստան։ Արևմտյան Հայաստանով այդօրինակ խնդիրների ուսումնասիրման տեսանկյունից կարևոր է Մ. Զոլայանի «Արևմտյան Հայաստանը XVI-XVIII դդ.» մենագրությունը³², որտեղ խոսք է գնում Հայաստանի՝ Օսմանյան կայսրության տիրապետության տակ գտնվող հատվածում 16-18-րդ դարերում տեղի ունեցած էթնոժողովրդագրական գործընթացների, ինչպես նաև սովի և ժանտախտի համաճարակի մասին։ Զալալիական շարժումների՝ ժողովրդագրական սոսկալի հետևանքների մասին կարևոր վերլուծություններ են ներկայացված Մ. Զոլայանի մեկ այլ մենագրության³³ մեջ։ Նոյն խնդիրը կլիմայական փոփոխությունների տեսանկյունից դիտարկելու և վերլուծելու համար մեծ նշանակություն ունի բրիտանացի հետազոտող Ս. Ուայրի մենագրությունը³⁴, որտեղ, ի դեպ, գնահատանքի ու դրվատանքի խոսքեր են շոայլված Առաքել Դավիթեցու երկի աղբյուրագիտական նշանակության համար։

Վերջին տարիներին ուսումնասիրողների ուշադրությունը գրավել են խնդրո առարկա ժամանակաշրջանում Հայաստանի տարբեր վարչամիավորներում էթնոժողովրդագրական իրավի-

³¹ Տե՛ս **Փափազյան Հ.**, Օտար տիրապետությունը Արարատյան երկրում (ԺԵ դ.), «ՀԱՍՈՒ ԳԱ տեղեկագիր հասարակական գիտությունների», 1960, թ. 7-8, էջ 21-40; **Նույնի**, Օտար տիրապետությունը Արարատյան երկրում (ԺԵ դ.), «ԼՀԳ», 1973, թ. 6, էջ 23-34; **Նույնի**, Օտար տիրապետությունը Արարատյան երկրում (ԺԵ դ.), էջ 29-44:

³² Տե՛ս **Զոլայան Մ.**, Արևմտյան Հայաստանը XVI-XVIII դդ.։

³³ Տե՛ս **Զոլայան Մ.**, Զալալիակի շարժումը և հայ ժողովրդի վիճակը Օսմանյան կայսրության մեջ (XVI-XVII դարեր), Երևան, 1966:

³⁴ Տե՛ս **White S.**, The Climate of Rebellion in the Early Modern Ottoman Empire, New York: Cambridge University Press, 2013:

ճակին վերաբերող հարցերը: Արժեքավոր ուսումնասիրություններ են հրատարակել Ա. Մելքոնյանը³⁵, Լ. Սահակյանը³⁶, Վ. Բայբուրդյանը³⁷, Գ. Բաղալյանը³⁸, Պ. Չոբանյանը³⁹, Մ. Կարապետյանը⁴⁰: Հարկ է շեշտել, որ <<ԳԱԱ պատմության ինստիտուտի կողմից պատրաստված «Հայոց պատմության» բազմահատորյակի նոր հրատարակությունում Ա. Մելքոնյանը⁴¹ ի մի է բերել 16-17-րդ դարերում Հայաստանում տեղի ունեցած էթնոժողովրդագրական գործընթացների վերաբերյալ իր կատարած ուսումնասիրություններն ու հրատարակած հոդվածների եզրակացությունները: Սկզբնադիմուների և ուսումնասիրությունների լայն շրջանակի համադրությամբ նա նորովի է մեկնաբանել Հայաստանում բնակչության էթնոժողովրդագրական նկարագրի

³⁵ Տե՛ս Մելքոնյան Ա., Հայաստանի պատմության և ժողովրդագրության հիմնահարցեր, Երևան, 2011; Նոյնի, Օսմանյան կայսրության ժողովրդագրական քաղաքականությունը որպես ցեղասպանության դրսորում ըստ Էրզրումի և Ախալցիսյան նահանգների օրինակների, «Թուրքագիտական և օսմանագիտական հետազոտություններ», հ. I, Երևան, 2002, էջ 39-47:

³⁶ Տե՛ս Սահակյան Լ., Բարձր Հայքի...; Նոյնի, Օսմանյան կայսրությունում համշենահայերի բննի մահմետականացման քաղաքականության հետևանքները, էջ 207-228:

³⁷ Տե՛ս Բայբուրդյան Վ., Օսմանյան կայսրության կողմից Արևմտյան Հայաստանի «քրոնականացման» քաղաքականությունը 16-րդ դ., «Պատմա-բանասիրական հանդես» (այսուհետ՝ «ՊԲՀ»), 2006, թ. 3, էջ 67-84:

³⁸ Տե՛ս Բաղդայան Գ., Տայքի կենտրոնական և արևելյան գավառների ազգային նկարագիրը XVI դ. վերջին. ըստ «Գյուղիստանի վիլայեթի ընդարձակ հարկացուցակ»-ի, «Վեմ համահայկական հանդես», 2017, թ. 4, էջ 40-70:

³⁹ Տե՛ս Չոբանյան Պ., Քարվաճառի էթնիկ դիմագծի հարցի շուրջ, «Մերձավոր և Միջին Արևելիք երկրներ և ժողովրդագրություններ», հ. 20, Երևան, 2001, էջ 204-232; Նոյնի, Էთնոհոգեստուարական պատմություններում Հայոց պատմության կատարած ազգային նկարագիրը, «Հայոց պատմության կատարած ազգային նկարագիրը», հ. 18, Երևան, 1999, էջ 151-161:

⁴⁰ Տե՛ս Կարապետյան Մ., Երևանի բնակչության էթնիկական կազմի և թվաքանակի փոփոխությունները 1600-1724 թթ., «ՊԲՀ», 1986, թ. 2, էջ 95-109; Նոյնի, Հայ կաթողիկէ թեմը և էթնոդասանական գործընթացները Նախիջևանում XVII-XVIII դարերում, «Նախիջևանի Հայոց վարժարանը և Հոռմը», Վենետիկ, 2000, էջ 1-14 (տե՛ս <http://www.digilib.am/book/1478/1782>):

⁴¹ Տե՛ս «Հայոց պատմություն», հ. II, գ. II, Երևան, 2014, էջ 625-631:

դիմախեղման փորձերը՝ առանձնակի շեշտադրում կատարելով քրդական վերաբնակեցումների և շահ Աբաս Ա-ի կողմից կազմակերպված բռնագաղթի հետևանքների վրա: Լ. Սահակյանի ուսումնասիրություններն էլ 16-րդ դարի օսմանյան աշխարհագիր մատյանների հետազոտման հիման վրա բնակչության էթնոլոգիական կազմի վերհանման հաջողված աշխատանքներ են: Վ. Բայբրությանը քննել է Արևմտյան Հայաստանում Օսմանյան կայսրության կողմից քրդական ցեղերի վերաբնակեցման քաղաքականությանը՝ ցույց տալով նրանց բնակչության հիմնական օշախները: Գ. Բաղդայանը մանրամասն վերլուծել է Տայքի էթնոժողովրդագրական պատկերը 16-րդ դարավերջի դրությամբ՝ ըստ օսմանյան ընդարձակ հարկացուցակի տվյալների: Ինչ վերաբերում է Պ. Չոբանյանի ուսումնասիրություններին, ապա դրանց միջոցով հնարավոր է հաստատել Քարվաճառի հայեցի էթնիկ նկարագիրը քննարկվող ժամանակաշրջանում, ինչպես նաև այն, որ որոշ քաղաքներում տեղակայված կայազորների հաշվին մահմեդական բնակչությունը խորհրդանշական մեծամասնություն էր կազմում: Մ. Կարապետյանի ուսումնասիրությունները Եվրոպական սկզբնադրյուրների լայն հիմքի վրա լուսաբանում են Երևանի բնակչության էթնիկական կազմի և թվաքանակի փոփոխությունները 1600-1724 թթ., ինչպես նաև հայ կաթողիկե համայնքի վերակերպումների և բնակչության էթնոդավանական պատկերի փոփոխությունները Նախիջևանում:

Քանի որ մեր աշխատանքը ժողովրդագրական գործընթացների համալիր ուսումնասիրության փորձ է, ուստի այն կատարելու ուղղությունների և մեթոդական մոտեցումների մատնանշման համար անհրաժեշտ է եղել տեսական գրականության կիրառությունը: Այստեղ առաջնությունը տվել ենք պատմական ժողովրդագրության դասականներից մեկի՝ Շ. Հոլինգսոնորթի

աշխատությանը⁴²: Որպես պատմաժողովրդագրական համալիր ուսումնասիրության օրինակելի նմուշ՝ օգտագործվել է Երևորդ հազարամյակում Եվրոպայի ժողովրդագրության վերաբերյալ իտալացի հետազոտող Մ. Բաչիի ուսումնասիրությունը⁴³:

Վերը նշված սկզբնաղբյուրների, ուսումնասիրությունների և տեսական գրականության, ինչպես նաև զգայի թվով այլ աղբյուրների ու գրականության տեղեկությունների համադրմամբ և վերլուծությամբ կատարված ներկա ուսումնասիրությունը ժամանակագրական պարբերացման սկզբունքով շարադրված է երկու գլուխներում:

Մեթոդական գեսանկունից առաջնորդվել ենք պատմահամեմատական մեթոդի վրա հիմնված պատմաժողովրդագրական մակրոանալիզով, այսինքն՝ ժողովրդագրական իրադարձությունների վերլուծությամբ և բնակչության թվաքանակի շարժընթացի ընդհանուր միտումների գնահատմամբ:

Փաստորեն, սույն աշխատանքում առաջին անգամ կատարվել է 16-րդ դարում և 17-րդ դարի առաջին կեսին Հայատանում տեղի ունեցած ժողովրդագրական գործընթացների համալիր ուսումնասիրություն: Վերջինս ոչ թե սահմանափակվում է լոկ էթնոտոլոգիական գործընթացների (էթնիկական տեղաշարժերի ու դրանց պատճառահետևանքային կապի) կամ էթնոկրոնական այլափոխումների (մահմեդականացման և կաթոլիկացման գործընթացների) վերհանմամբ, այլ ուսումնասիրում է ժողովրդագրական բոլոր բնութագրիչները (ծնելիությունը, մահացությունը, ընտանիքի միջին մեծությունը, բնակչության էթնիկական և կրոնական կազմը, միգրացիոն գործընթացները և այլն)⁴⁴ դրանք դիտարկելով ուզմաքաղաքական իրադրության,

⁴²Տե՛ս Hollingsworth T., Historical Demography, London: Cambridge University Press, 1976:

⁴³Տե՛ս Бачи М., Демографическая история Европы (II тысячелетие), СПб., 2010:

պետական ժողովրդագրական քաղաքականության, սոցիալական և բնական միջավայրի ազդեցության պայմաններում: Նման ռատումնասիրության արդյունքում գիտական շրջանառության մեջ է դրվում «Մեծ սով» եզրույթը 1606-1609 թթ. սովի համար, քանի որ այն աննախադեպ էր իր ժողովրդագրական հետևանքներով:

Մենագրության մեջ նորովի են դիտարկվում նաև շահ Աբաս Ա-ի կողմից կազմակերպված բռնագաղթի ժողովրդագրական հետևանքները: Պարսից շահի ժողովրդագրական քաղաքականության խորքային վերլուծության համար օգտագործել ենք նրա մասին վերջին տասնամյակներում Արևմուտքում հրատարակված ռատումնասիրությունները, որոնցից առավել արժեքավոր են Է. Հերցիգի⁴⁴ և Դ. Բլոուի⁴⁵ աշխատությունները:

Կարևոր է այն, որ, հետևելով Մ. Ֆլերիի և Լ. Անրիի կողմից 1956-1965 թթ. ներմուծված Ֆլերի-Անրիի մեթոդին, որ լրամշակվել ու կատարելագործվել է Գ. Ֆրանցի (1961 թ.) և այլոց կողմից, հիմք ընդունելով նրանց հետազոտությունների մեթոդաբանական սկզբունքները⁴⁶, ձեռագիր մատյանների հիշատակարաններում գրչի, ստացողի կամ կազմը պատրաստողի ընտանիքի անդամների թվարկման շնորհիվ հաշվարկել ենք ընտանիքի միջին մեծության գործակիցը⁴⁷:

⁴⁴Տե՛ս **Herzig E.**, The Deportation of the Armenians in 1604-1605 and Europe's Myth of Shah 'Abbas I, "Pembroke Papers", 1990, N 1, էջ 59-71:

⁴⁵Տե՛ս **Blow D.**, Shah Abbas: The Ruthless King Who Became an Iranian Legend, London-New York: I.B. Tauris, 2009:

⁴⁶Թվարկված մեթոդաբանական սկզբունքների մասին առավել մանրամասն տե՛ս **Hollingsworth T.**, նշվ. աշխ., էջ 156-159, 181-189:

⁴⁷Էրզրումի նահանգի համար նշված սկզբունքով հաշվարկման առաջին փորձ կարելի է համարել Հակոբ Կարնեցու ընտանիքի 4 անդամների մասին իր և այլ հեղինակների հիշատակագրությունների մեկտեղման օրինակը (տե՛ս **Մալիսայան Մ.**, Հակոբ Կարնեցու «Տեղագիր Վերին Հայոց» երկը՝ որպես պատմաաշխարհագրական հետազոտությունների աղբյուր (Էրզրումի նահանգը 17-րդ դարում), Ս. Էջմիածին, 2009, էջ 11-15):

Հատկանշական է, որ ոչ բոլոր ձեռագիր մատյաններում են ամբողջությամբ թվարկված ընտանիքի անդամները. Երբեմն նրանց մասին հիշատակությունն առհասարակ բացակայում է, իսկ երբեմն էլ առկա են միայն ողջ կամ մահացած անդամների մասին տվյալներ՝ կախված ձեռագրի պատվիրման հանգամանքների առանձնահատկություններից: Այս պայմանները օբյեկտիվորեն դժվարացնում է Ֆլերի-Անրիի մեթոդի կիրառումը հայագիտության մեջ: Այդուհանդերձ, մեթոդի տեղայնացումը ձեռագիր մատյանների հիշատակարանների աղբյուրագիտական նշանակության վերարժևորման ևս մեկ կարևոր հիմք է դարձել⁴⁸:

Մահացության մոտավոր գնահատման ուղղությամբ կարևոր է համապատասխան տեղեկատվություն պարունակող վիմագրերի և հիշատակարանների ուսումնասիրությունը: Առաջնորդվելով Ա. Հարքնեսսի (1896 թ.), Վ. ՄարԴոնելի (1913 թ.), Բ. Ռիչարդսոնի (1933 թ.), Վ. Վիլլորսի (1937 թ.), Էբերհարդի (1954 թ.), Լ. Հենրիի (1957-1959 թթ.), Ռ. Մայերսի (1963 թ.) և պատմական ժողովրդագրության այլ երևելինների կողմից առաջադրված և կիրառված մեթոդներով⁴⁹, տեղայնացնելով դրանք՝ տապանաքարերի և խաչքար-մահարձանների վիմագրերի շնորհիվ դուրս ենք բերել զանգվածային մահացության դեպքերը կամ տարեթվերը, որոնք հաստատում են ժողովրդագրական աղետների մասին մատենագրական տեղեկությունները:

⁴⁸ Ձեռագրի հիշատակարանների միջոցով ընտանիքի անդամների թվաքանակը հաշվարկելու մեթոդը պատմական Վասպուրականի 15-րդ դ. ձեռագրերի հիշատակարանների օրինակով իր որոշյա ծնով մշակել և 2015 թ. հայագիտության մեջ հաջողությամբ կիրառել է Գ. Երանյանը (տե՛ս Երանյան Գ., Հայ ընտանիքի անդամների միջին թվաքանակն ըստ XV դ. ձեռագրերի հիշատակարանների (Վասպուրականի օրինակով), Երևան, 2015):

⁴⁹ Թվարկված մեթոդների մասին առավել մանրամասն տե՛ս Hollingsworth T., Նշվ. աշխ., էջ 272-274:

Տարբեր տեսակետների ուսումնասիրությունը և գիտական քննությունն ամբողջական չէր դառնա, եթե նկատի չունենայինք նաև որոշ թուրք հետազոտողների⁵⁰ կարծիքներ: Քննության ենք առել նաև իտալերեն ուսումնասիրություններ⁵¹:

Ընթերցողի ուշադրությունն ենք իրավիրում այն հանգամանքի վրա, որ խնդրու առարկա թեմայի ուսումնասիրությամբ զբաղվում ենք ավելի քան մեկ տասնամյակ՝ պաշտպանելով թեկնածուական ատենախոսություն⁵² և իրատարակելով մի շարք աշխատություններ⁵³, որոնց հանրագումարն էլ կարելի է համարել սույն մենագրությունը: Քննարկված տարբեր խնդիրնե-

⁵⁰ Տե՛ս օրինակ՝ **Tüzün G.**, Muhteşem Süleyman, “Tarihte Olağanüstü Kişiler”, Ana Yayıncılık, 2004:

⁵¹ Տե՛ս օրինակ՝ **Barbero Al.**, Il divano di Istanbul, Palermo: Sellerio Editore, 2011:

⁵² Տե՛ս **Մալխասյան Մ.**, ժողովրդագրական գործընթացները Հայաստանում 16-րդ դարում – 17-րդ դարի առաջն կեսին, Է.00.01 «Հայոց պատմություն» մասնագիտությամբ պատմական գիտությունների թեկնածուի գիտական աստիճանի հայցման ատենախոսություն, Երևան, 2016:

⁵³ Տե՛ս **Մալխասյան Մ.**, Հակոբ Կարնեցու «Տեղագիր Վերին Հայոց» երկը՝ պատմաշխարհագրական հետազոտությունների սկզբնաղյուր (վարչաքաղաքական և ժողովրդագրական ուսումնասիրություն), «Էջմիածին», 2010,թ. Է, էջ 110-125; **Նոյնի**, Օսմանյան կայսրության և Սեֆյան տերության առաջացումն ու հզրացումը. ժողովրդագրական գործընթացների ագրեցությունը 17-րդ դարի հայ ազտագրական մտքի վրա, «Պատմաժողովրդագրական ուսումնասիրություններ», Երևան, 2015, էջ 9-33; **Նոյնի**, ժողովրդագրական գործընթացների միտումները և առանձնահատկությունները Հայաստանում XVII դարի առաջին կեսին, «Հայագիտության հարցեր» հանդես, 2016, թ. 1, էջ 94-104; **Նոյնի**, ժողովրդագրական գործընթացների միտումները և առանձնահատկությունները Հայաստանում Ժ2 դարում, «Էջմիածին», 2016, թ. Դ, էջ 52-72; **Նոյնի**, Օստար Էթնիկական ներթափանցումները Հայաստան 16-րդ դարում, «Պատմություն և մշակույթ» հայագիտական հանդես, Երևան, 2016, էջ 167-181; **Նոյնի**, 1606-1609 թթ. Մեծ սովոր Հայաստանում, «Բանքեր Երևանի համալսարանի. Հայագիտություն», 2017, թ. 2, էջ 17-34; **Նոյնի**, Օսմանյան կայսրության Էթնոկրոնական քաղաքականության հիմնական առանձնահատկություններն Արևմտյան Հայաստանում XVI դարում, «Հայագիտության հարցեր», 2017, թ. 2, էջ 48-59; **Նոյնի**, Շահ Արա Ա-ի կազմակերպած հայ բնակչության բոնագործի տարածքային ընդգրկման խնդիրը, «Հայագիտության հարցեր», 2019, թ. 3, էջ 49-65:

ոի վերաբերյալ դասախոսություններ և գեկուցումներ ենք ներկայացրել ՀՀ-ում, ԱՄՆ-ում, ՌԴ-ում և Սերբիայում:

Մենագրության առանձին դրույթների մշակման գործում օգտակար խորհուրդներով մեզ օգնելու և հետազոտության իրականացմանն աջակցելու համար շնորհակալություն ենք հայտնում պ.գ.դ., պրոֆ., ՀՀ ԳԱԱ ակադեմիկոս Աշոտ Մելքոնյանին, պ.գ.թ. Գեղամ Բաղդայյանին, պ.գ.դ., պրոֆ. Արտակ Մովսիսյանին, պ.գ.դ., պրոֆ. Վահան Բայրուրոյյանին, պ.գ.թ. Արման Մալյանին, պ.գ.թ., դոց. Հովհեկ Գրիգորյանին, պ.գ.դ., պրոֆ. Հայրապետ Մարգարյանին, ծ.գ.դ. Տ. Աբրահամ քին. Մալխասյանին, պ.գ.դ., պրոֆ., ՀՀ ԳԱԱ թղթ. անդամ Արամ Սիմոնյանին, կ.գ.թ. Լևոն Ասատրյանին, պ.գ.դ., պրոֆ. Հայկազ Հովհաննիսյանին, պ.գ.դ., պրոֆ. Էդիկ Մինասյանին, պ.գ.թ., դոց. Հակոբ Մուրադյանին, պ.գ.դ., պրոֆ. Աշոտ Փիլիպոսյանին, պ.գ.դ. Վահան Տեր-Ղևոնյանին, պ.գ.դ., պրոֆ. Արման Եղիազարյանին, պ.գ.թ., դոց. Արտաշես Շահնազարյանին, պ.գ.թ., պրոֆ. Տիգրան Գևորգյանին, պ.գ.թ. Արմեն Վիրաբյանին, պ.գ.դ., պրոֆ. Հայկ Ավետիսյանին, պ.գ.թ., դոց. Միքայել Գաբրիելյանին, ա.գ.թ., պրոֆ. Արթուր Մկրտիչյանին, պ.գ.թ., պրոֆ. Պետրոս Հովհաննիսյանին, ի.գ.դ., պրոֆ. Հրաչիկ Միրզոյանին, ա.գ.թ., դոց. Սեյրան Սովարյանին, պատմաբան Լենա Ասրյանին, բ.գ.թ. Խաչիկ Հարությունյանին, ինչպես նաև ԵՊՀ հայոց պատմության ամբիոնի, ՀՀ ԳԱԱ պատմության ինստիտուտի միջին դարերի բաժնի, ՀՊՄՀ հայոց պատմության ամբիոնի և Մատենադարանի թվայնացման բաժնի աշխատակիցներին:

ԳԼՈՒԽ Ա
ԺՈՂՈՎՐԴԱԳՐԱԿԱՆ ԳՈՐԾԸՆԹԱՑՆԵՐԸ ՀԱՅԱՍՏԱՆՈՒՄ
16-ՌԴ ԴԱՐՈՒՄ

**1.1. Ժողովրդագրական գործընթացների միտումները
և առանձնահատկությունները**

16-րդ դարի սկզբին Սեֆյան Պարսկաստանի նվաճողական քաղաքականության և հատկապես 1514-1639 թթ. թուրքակական պատերազմների ժամանակ ռազմադաշտի վերածված Հայաստանը և հարևան հայաբնակ շրջանները սուկալի կորուստներ են կրել ռազմական գործողություններից ու դրանց հետևանքներից: Խ. Թողոյանի հաշվարկներով՝ մի քանի հարյուր հազար հայ խաղաղ բնակիչներ են մահացել, զգալի թվով փախստականներ էլ տեղափոխվել են Օսմանյան կայսրության արևմտյան շրջաններ (Կոստանդնուպոլիս, Զմյուռնիա, Պրուսա, Քյոթահիա) և Եվրոպա⁵⁴: Ռազմաքաղաքական այս իրադրությունը նոր իրականություն է ստեղծել ժողովրդագրական գործընթացների միտումների համար, ուստիև այդ գործընթացները Հայաստանում 16-րդ դարում աչքի են ընկել մի շարք առանձնահատկություններով՝ հայ բնակչության զանգվածային տեղահանումներ, հաճախակի կրկնվող սով և ժանտախտ, օտար էթնիկական տարրի ներթափանցում, մանկահավաքություն և այլն⁵⁵, որոնց անդրադառնալուց առաջ հարկավոր է պարզել դրանք պայմանավորող գործոնները:

Հայաստանի բնակչության թիվը մոնղոլական արշավանքների նախօրյակին, ըստ Շ. Հակոբյանի հաշվարկների, շուրջ 5

⁵⁴ Տե՛ս Tololyan Kh., Armenian Diaspora, in Encyclopedia of Diasporas: Immigrant and Refugee Cultures Around the World, Editors: M. Ember, C. Ember, I. Skoggard, New York: Springer Science+Business Media Inc., 2005, էջ 39:

⁵⁵ Օսուր էթնիկական տարրի ներթափանցումներին և մանկահավաքությանը կանդրադառնանք հաջորդ ենթագլխում:

մլն է եղել, որից մոտ 4,5 մլն՝ գյուղական, 0,5 մլն՝ քաղաքային բնակչություն⁵⁶: Մոնղոլական տիրապետության շրջանից Հայաստան մուտք գործած քոչվորական տնտեսվարման ձևը զգալի հարված է հասցրել տեղաբնիկ նստակյաց հասարակության ավանդական հողատիրության համակարգին և երկրագործական մշակույթին՝ արտագաղթի հսկայական ալիքի պատճառ դառնալով: 14-րդ դարի վերջին Հայաստանի բազմաթիվ բնակավայրեր ենթարկվել են Լենկ-Թեմուրի արշավանքներին, որոնք տասնյակ հազարավոր մարդկանց կյանք են խլել: Չնայած տեղի ունեցող ոչ նպաստավոր էթնոգրոբնթացներին, հայ բնակչությունը շարունակել է կազմել բնակչության գերակշիռ մեծամասնությունը: Անգամ թուրք հեղինակ Զ. Տոգանը «Ներածություն թուրքերի պատմության» աշխատության մեջ խոստովանում է. «Մեծ Հայք կոչված Արևելյան Անատոլիայում հայերը XIII-XIV դարերում կազմում էին բնակչության մեծամասնությունը»⁵⁷: 15-րդ դարում թուրքմենական ցեղերի տիրապետության շրջանում կարակոյունլուների միջև մրցակցության պայմաններում տեղի են ունեցել հայ բնակչության բռնագաղթեր, հայության տարբեր զանգվածներ բռնել են արտագաղթի ուղին:

Հայկական պետականության և պաշտոնական-պետական վիճակագրության բացակայության պայմաններում հնարավոր չէ հստակորեն հաշվարկել Հայաստանի բնակչության թվաքանակը 16-րդ դարում կամ դրան նախորդող ժամանակահատվածում: Սկզբնադրյուրների տեղեկություններից ելնելով՝ Մ. Զուլալյանն իրավացիորեն գտնում է, որ 16-րդ դարում Հայաստանի

⁵⁶ **Տե՛ս Հակոբյան Ռ.**, Հայաստանի պատմական աշխարհագրություն (ուրվագծեր), 5-րդ հրատ., Երևան, 2007, էջ 361:

⁵⁷ **Togan Z.**, *Ümumî Türk Tarihine Giriş*, Ankara, 1946, s. 197 (հղումը տե՛ս՝ **Զուլալյան Մ.**, Հայոց պատմության խեղաթյուրումը արդի թուրք պատմագրության մեջ (իին և միջին դարեր), Երևան, 1995, էջ 104):

բնակչության մեծամասնությունը շարունակում էին մնալ գյուղացիները⁵⁸: Նման պարագայում անհրաժեշտ է դիտարկել այն հնարավորությունները, որոնցով ավանդական (մինչարդյունաբերական) վերարտադրության պայմաններում, ինչը բնորոշ էր ուշմիջնադարյան Հայաստանին, կարող էր փոփոխությունների ենթարկվել բնակչության թվի աճի դինամիկան: Նախևառաջ պետք է նշել, որ բնական ռեսուրսների քանակի և տեղաբաշխման, հողային ռեսուրսների և դրանց տնտեսական կարգավիճակի կայունությունը հանգեցնում են նրան, որ ավանդական վերարտադրության պայմաններում բնակչության թիվը պարզ վերարտադրություն է գրանցում: Հակառակն է լինում այն ժամանակ, երբ արտադրության (արհեստագործական կամ գյուղատնտեսական) կտրուկ աճ է գրանցվում, ավելանում է աշխատանքի պահանջարկը, հետևաբար աճում են աշխատատեղերը, և բնակչության զգայի աճ է լինում: Բնակչության թվի կտրուկ նվազման պատճառ կարող էր լինել համաճարակը, օրինակ՝ ժանտախտը: Եվրոպայի ժողովրդագրական զարգացման ուշմիջնադարյան և նոր դարերի վաղ շրջանը դիտարկելիս աչք են զարնում բնակչության տեղաբաշխման միտուների հետևյալ տարբերությունները. Հոլանդիայի հողային ռեսուրսների կայունության պատճառով բնակչության թիվը չնչին աճ է գրանցել, իսկ Արևելյան Եվրոպայում՝ Վիսլայից մինչև Ուրալյան լեռներ, բնակչությունը քառապատկվել է, քանի որ յուրացվել են գյուղատնտեսական նոր տարածքները⁵⁹:

Հայաստանի տարածքում երկրագործական նոր հողահանդակների յուրացման հնարավորությունները սահմանափակ էին, քանի որ երկրագործական աշխատանքների համար պի-

⁵⁸ Տե՛ս Յովան Մ., Армения в первой половине XVI в., Москва, 1971, էջ 34:

⁵⁹ Տե՛ս Բաչի Մ., նշվ. աշխ., էջ 8-9:

տանի հողերի (դաշտերի) գերակշիռ մեծամասնությունը հարյուրամյակներ և նոյնիսկ հազարամյակներ շարունակ յուրացված էին, ուստի բնակչության շատ կտրուկ աճ դժվար էր պատկերացնել: Նման պայմաններում գյուղատնտեսական աշխատանքների հաճախակի խաթարումն ու գյուղատնտեսական արտադրանքի կրճատումը, ինչպես նաև առևտրի՝ առնվազն տեղային սահմանափակումները, որոնք անխուսափելի էին պատերազմների պատճառով, կարող էին հանգեցնել բնակչության նվազման: Այս համատեքստում տեղին է հոլանդիայի օրինակը, որի բնակչության թվի կրկնակի նվազման պատճառը 19-րդ դարում արդյունաբերացման նախօրյակին գյուղատնտեսության թույլ համակարգի վրա բնակչության մեծ թվի գերբեռնումն էր: Այսպիսով, ռեսուրսների ծավալի անփոփոխ լինելը և որոշակի շրջաբաժանումը հանգեցնում են գյուղական բնակչության թվի կայունության, իսկ նոր ռեսուրսների ստեղծումը (հողերի յուրացում, արդյունաբերական զարգացում, առևտրի ընդլայնում) նպաստում է բնակչության թվի արագ աճին: Համաճարակներն ու սպառողական մեծ թեղը շրջակա միջավայրի վրա առաջ են բերում ժողովրդագրական ճգնաժամեր: Ընդ որում՝ միջավայրի, կյանքի պայմանների և սոցիալական կառուցվածքի առանձնահատկությունները կարող են ապահովել բնակչության թվի երկարատև աճ կամ ընդհակառակը⁶⁰:

Հատկանշական է, որ, ըստ Ի. Պետրովշևսկու, 16-րդ դարում Արևելյան Հայաստանում դեռևս պահպանվել էր երկրագործ գյուղական համայնքների կայունությունը⁶¹: Էլ ավելի կարևոր է ընտանիքի ավանդական մոդելի պահպանումը: Սակայն երկարաժամկետ գործընթացներն ապահովող գործոնների կող-

⁶⁰ Տե՛ս Բաчи Մ., նշվ. աշխ., էջ 9:

⁶¹ Տե՛ս Петрушевский И., Очерки по истории феодальных отношений в Азербайджане и Армении в XVI – начале XIX вв., Ленинград, 1949, էջ 73:

թին առկա են նաև ժողովրդագրական փոփոխությունները սահմանափակող գործոններ՝ տարածքը և ազատ հողերի առկայությունը, սննդամթերքի արտադրությունը և սննդի ռեժիմը, համաճարակային իրավիճակը⁶², որոնք ավելի արագ կարող են փոփոխվել: Բնական պայմաններում այս գործոնները դանդաղ են փոփոխվում, սակայն ռազմաքաղաքական իրավիճակը և ժողովրդագրական քաղաքականությունը կարող են կտրուկ փոփոխություններ բերել կոնկրետ տարածքի բնակչության, երբեմն՝ կոնկրետ էթնիկական հանրության ժողովրդագրական համակարգի բաղադրիչների՝ ամուսնության, ծնելիության, մահացության, մորթիլության և միգրացիայի վրա: Այստեղ ավելորդ չի լինի նշել, որ Արևմտյան Հայաստանում հայերի շրջանում ծնելիության գործակիցը շարունակել է բարձր լինել անգամ Օսմանյան կայսրության տիրապետության պայմաններում, քանի որ երկարատև աճ ապահովող գործոններից մեկի՝ սոցիալական կառուցվածքի տեսանկյունից անփոփոխ է մնացել նահապետական ընտանիքը, սակայն գյուղատնտեսության զարգացման ցածր տեմպերը և հետևաբար ռեսուրսների ծավալի ցածր աճը ծնելիության բարձր տեմպերի պահպանման պայմաններում հանգեցրել են արդեն 19-րդ դարում բնակչության թվի աճի դանդաղեցման միայն արտագաղթի հաշվին: Փաստորեն, ժողովրդագրական համակարգի բաղադրիչներից լուրջ փոփոխության է ենթարկվել միայն միգրացիան, որը պայմանավորել է նաև բնակչության խտության տեղային փոփոխություններ, իսկ մյուս բաղադրիչներից ամուսնությունը և ծնելիությունը լուրջ փոփոխություններ չեն կրել ավանդական ընտանիքի և ռեսուրսների կայունության շնորհիվ:

Ծնելիության մակարդակի մասին պատկերացում կազմելու համար փորձել ենք հայերեն ձեռագրերի հիշատակարաննե-

⁶²Տե՛ս Եառ Մ., նշվ. աշխ., էջ 10, 12:

ոից դուրս բերել ընտանիքի անդամների թիվը: 16-րդ դարի հիշատակարաններում թվարկումը հաճախ անորոշ կամ անկանոն է, օրինակ՝ 1575 թ. Արցախի Վարանդա գավառում գրված մի հիշատակարանում Հովհաննես գրիչը հիշատակում է «զիւր ծնաւղնսն և զիւր զաւակսն»⁶³: Նման պայմաններում հաշվարկի համար 2013-2016 թթ. դիտարկել ենք 16-րդ դարում ընդորինակված ձեռագրերի հիշատակարաններ Սոորից, Սանահնից, Համշենից, Թոխատից, Գավառից (Խաչքար), Կեղիից, Վարագավանքից, Արճեշի Ասպիսնակ գյուղից, Հաքյարի Գավառի գավառակի Կարպելա գյուղից, Խլաթից, Ռստանից, Վանից, Մոկսի Բոլենց գյուղից և այլ բնակավայրերից: Դրանցում ներկայացված են ընտանիքի՝ համապատասխանաբար 7⁶⁴, 10⁶⁵, 7⁶⁶, 9⁶⁷, 6⁶⁸, 6⁶⁹, 9 (2 ընտանիք)⁷⁰, 9 (2 ընտանիք) և 7⁷¹, 8⁷², 8⁷³, 7⁷⁴, 8⁷⁵, 8 և 4⁷⁶, 6⁷⁷ և 8⁷⁸ անդամ: Միջին գործակիցը ստացվում է շուրջ 7.6:

⁶³ ՄՄ, ձեռ. № 4375, էջ 122բ:

⁶⁴ Տե՛ս «Ցուցակ հայերեն ձեռագրաց Վրաստանի կենտրոնական պատմական արխիվի», կազմեց՝ Լ. Մելիքսեթ-Բեկ, «Բանքեր Մատենադարանի», թ. 4, Երևան, 1958, էջ 384-385:

⁶⁵ Տե՛ս նոյն տեղում, էջ 387:

⁶⁶ Տե՛ս «Հայերեն ձեռագրեր Հյուսիսային Ամերիկայում», կազմեց՝ Զ. Արզումանյան, «Բանքեր Մատենադարանի», թ. 11, Երևան, 1973, էջ 385-387:

⁶⁷ Տե՛ս Պկուրաբյան Բ., Խաչենի իշխանությունը X-XVI դարերում, Երևան, 1975, էջ 349-353:

⁶⁸ Տե՛ս «Դիվան հայ վիմագրության», պր. IV, էջ 108:

⁶⁹ Տե՛ս «Մանր ժամանակագրություններ», հ. 1, էջ 246:

⁷⁰ Տե՛ս «Մայր ցուցակ հայերէն ձեռագրաց Մաշտոցի անուան Մատենադարանի», հ. Ե, № 1524, էջ 303:

⁷¹ Տե՛ս նոյն տեղում, № 1624, սյ. 677-678:

⁷² Տե՛ս «Մայր ցուցակ հայերէն ձեռագրաց Մաշտոցի անուան Մատենադարանի», հ. Ը, № 2605, սյ. 677-678:

⁷³ Տե՛ս նոյն տեղում, № 2665, սյ. 1038:

⁷⁴ Տե՛ս նոյն տեղում, № 2670, սյ. 1060:

⁷⁵ Տե՛ս նոյն տեղում, № 2671, սյ. 1064:

⁷⁶ Տե՛ս ՄՄ, ձեռ. № 5520, էջ 280ա-բ:

⁷⁷ Տե՛ս ՄՄ, ձեռ. № 4216, էջ 308բ-309ա:

2016-2020 թթ. շարունակել ենք տվյալների դուրսբերումը ծեռագրերի հիշատակարաններից: 1539 թ. հիշատակարանում գրիչ Գաբրիել դպիրը նկարագրում է ծեռագրի պատվիրատու Ստեփանոսի ընտանիքը՝ թվարկելով ծնողներին, կնոջը և 4 որդիներին⁷⁹: Քանի որ նրա քոյրերի և եղբայրների մասին հիշատակություն չկա, հետևաբար կարելի է ստանալ միայն նրա ընտանիքի անդամների թիվը՝ 6: 1575 թ. Խլարի Սողած գյուղում գրված հիշատակարանում Կարապետ գրիչը հիշատակում է ծեռագրի ստացող Մարտիրոս աբեղայի ծնողներին և 3 եղբայրներին⁸⁰, հետևաբար աբեղայի ծնողների մոնոգամ ընտանիքը կազմված է եղել առնվազն 6 անդամներից, քանի որ իգական անդամները կարող էին թվարկված չլինել⁸¹: Նոյն պատկերն է 1566 թ. Վանի Ուրանց գյուղում ծեռագրի ստացողներից Տեր Կարապետի պարագայում՝ 6 (7) անձինք, ծնողներ և 3 եղբայրներ, բայց այն տարբերությամբ, որ հիշատակվում է հանգույցյալ մորից հետո հոր Երկրորդ կինը⁸²: 1596 թ. հիշատակարանում թվարկված են մի գյուղապետի գերդաստանի 3 ընտանիքներ՝ համապատասխանաբար 5, 7 և 5 անդամներով⁸³: Շատ հաճախ են հանդիպում իշխանական ծագմամբ «պարոններ»-ի և նրանցից հոգևոր դասը համալրած «պարոնտերեր»-ի հիշատակությունները, օրինակ՝ 1552 թ. մի հիշատակարանում պարոնտեր Մելիքսեթ արքեպիսկոպոսի եղբայր պարոն Մելիք բեկի ավագ

⁷⁸ Տե՛ս «Մանր ժամանակագրություններ», հ. 1, էջ 159:

⁷⁹ Տե՛ս «Մայր ցուցակ հայերէն ծեռագրաց Մեծի Տանն Կիլիկիոյ կաթողիկոսութեան», էջ 157:

⁸⁰ Տե՛ս «Մայր ցուցակ ծեռագրաց Սրբոց Յակոբեանց», հ. Ա, էջ 401:

⁸¹ Հաճախ կանայք կանոնավոր կերպով թվարկված են (տե՛ս օրինակ՝ 1538 թ. Գյակավանքում գրված Շարակնոցի հիշատակարանում «Մայր ցուցակ հայերէն ծեռագրաց Մատենադարանին Միսիաթեանց ի Վենետիկ», հ. Գ, ս. 159-160):

⁸² Տե՛ս «Մայր ցուցակ ծեռագրաց Սրբոց Յակոբեանց», հ. Գ, էջ 140:

⁸³ Տե՛ս «Մայր ցուցակ հայերէն ծեռագրաց Երուսաղէմի Սրբոց Յակոբեանց վանքի», հ. Ա, էջ 358-359:

որդի Մելիք Շահնազարը և ընտանիքի ոչ միայն արական, այլև նույնիսկ իգական սեռին պատկանող մյուս անդամները կրում են «պարոն» տիտղոսը⁸⁴: Այստեղ էլ թվարկված 2 ընտանիքներում կան 4 և 9 (1-ը՝ հիշատակման պահին հանգուցյալ էր) անձինք⁸⁵: Նույն մոտեցմամբ դուրս ենք բերել ընտանիքների անդամների թվի վերաբերյալ հետևյալ տվյալները. 1520-ական թթ. Վասպուրականի Արձակի (Ալօջակի) վանք՝ 6, 10⁸⁶, 1566 թ. Մելիտենե (Մալաթիա)⁸⁷, 4, 1580 թ. Սեբաստիա⁸⁸, 5, 1587 թ. Պառագրկուս վանք՝ 6⁸⁹, 1589 թ. Խիզան՝ 6, 5, 3, 6, 6, 4, 5⁹⁰: Այս տվյալները որոշ չափով նվազեցնում են մեր կողմից կատարված նախընթաց հաշվարկների արդյունքը: Բոլոր տվյալների ընդհանուր համադրությամբ ստանում ենք 6.54 գործակիցը, սակայն միջին քառակուսային շեղումը մոտ է 1-ի, ինչը տրամաբանական է նաև երբեմն ոչ կանոնավոր թվարկումների պատճառով, հետևաբար շարունակում ենք ընդունելի համարել մեր նախընթաց հաշվարկի արդյունքը՝ 7.5-7.6-ի սահմաններում:

Շատ հաճախ հանդիպում են դեպքեր, երբ ընտանիքի անդամները չեն թվարկվում, օրինակ՝ 1597 թ. հիշատակարանում Ղազար կրոնավորն ընդհանրապես չի թվարկում ընտանիքի անդամներին⁹¹, իսկ 1588 թ. հիշատակարանում գրիչ Սամուել

⁸⁴ Տե՛ս «Մայր ցուցակ հայերէն ծեռագրաց Եւրոպայի մասնաւոր հաւաքումներու», հ. Ա, էջ 10-11:

⁸⁵ Տե՛ս նոյն տեղում:

⁸⁶ Տե՛ս «Մայր ցուցակ հայերէն ծեռագրաց Մատենադարանին Մխիթարեանց ի Վենետիկ», հ. Բ, ս. 383:

⁸⁷ Տե՛ս «Մայր ցուցակ ծեռագրաց Սրբոց Յակոբեանց», հ. Ժ, էջ 87:

⁸⁸ Տե՛ս «Մայր ցուցակ ծեռագրաց Սրբոց Յակոբեանց», հ. Թ, էջ 192-193:

⁸⁹ Տե՛ս «Մայր ցուցակ հայերէն ծեռագրաց Մատենադարանին Մխիթարեանց ի Վենետիկ», հ. Ը, ս. 663-668:

⁹⁰ Տե՛ս «Մայր ցուցակ ծեռագրաց Սրբոց Յակոբեանց», հ. Զ, էջ 492-493:

⁹¹ Տե՛ս «Մայր ցուցակ ծեռագրաց Սրբոց Յակոբեանց», հ. Դ, էջ 132-133:

սարկավագը միայն հանգուցյալ մորն է մատնանշում⁹²: Նոյն օրինակով 1543 թ. Խիզանում գրված «Մաշտոց» ծիսարանի հիշատակարանում նշված են միայն պատվիրատու Տեր Ներսեսի ծնողները⁹³, իսկ 1572 թ. մեկ այլ խիզանցու⁹⁴ և նոյն 16-րդ դարում Կարապետ Բաղիշեցի գրչի⁹⁵ ընտանիքների պարագայում թվարկում ընդհանրապես չկա: Ծնողների հիշատակմամբ բավարարվելու միտումը նկատելի է բազմաթիվ հիշատակարաններում. 1551 թ. Ավետարանի հիշատակարանում գրիչ Հովհաննես Երեցը թվարկում է միայն ծնողներին⁹⁶, իսկ 1592 և 1593 թթ. Երզնկայի Ս. Երրորդության Եկեղեցում գրված հիշատակարաններում գրիչ Մինաս Երեցը նշում է ոչ միայն ծնողներին, այլև՝ ուսուցիչին⁹⁷: 1577 թ. մի հիշատակարանում Վարդան գրիչը նշում է, որ նորոգել է ձեռագիր մատյանն ի հիշատակ խոչա Զաքարին «և իր ծնօղացն և իր ամէն մերձաւորացն»⁹⁸: Նմանատիպ ընդհանրական հիշատակություն է տեղ գտել Սեբաստիայի Մանճլիս գյուղում 1569 թ. գրված մի հիշատակարանում, որում գրիչ Հովհաննես Երեցը թվարկման մեջ սահմանափակվում «եւ զծնաւլսն իմ, եւ զեղբարս և զորդիս եւ զիրիցակինն զգառնուկն» ծևակերպմամբ⁹⁹: 1584 թ. Գլակավանքում գրված հիշատակարանում նոյն միտումը նկատվում է ձեռագիրը փրկագնելու նպա-

⁹² Տե՛ս «Մայր ցուցակ ձեռագրաց Սրբոց Յակոբեանց», հ. Ե, էջ 95:

⁹³ Տե՛ս «Մայր ցուցակ ձեռագրաց Սրբոց Յակոբեանց», հ. Է, էջ 215-216:

⁹⁴ Տե՛ս «Մայր ցուցակ հայերէն ձեռագրաց Սրբոց Յակոբեանց», հ. Ը, էջ 171:

⁹⁵ Տե՛ս «Մայր ցուցակ հայերէն ձեռագրաց Մատենադարանին Մխիթարեանց ի Վենետիկ», հ. Ե, ս. 567-568:

⁹⁶ Տե՛ս «Մայր ցուցակ հայերէն ձեռագրաց Մատենադարանին Մխիթարեանց ի Վենետիկ», հ. Ա, ս. 534:

⁹⁷ Տե՛ս «Մայր ցուցակ հայերէն ձեռագրաց Մատենադարանին Մխիթարեանց ի Վենետիկ», հ. Գ, ս. 422-424, 426:

⁹⁸ «Մայր ցուցակ հայերէն ձեռագրաց Հալէպի եւ Անթիլիասի ու մասնաւորաց», հ. Բ, էջ 91:

⁹⁹ Տե՛ս «Մայր ցուցակ ձեռագրաց Սրբոց Յակոբեանց», հ. ԺԱ, էջ 384:

տակը նկարագրելիս՝ ազատել է «յիշատակ Տէր Անանիային եւ իր ո(ր)դոցն Տէր Ազարիային եւ այլոցն»¹⁰⁰: Փաստորեն, թվարկումն անավարտ է: 1523 թ. Վանում գրված իշխատակարանում էլ թվարկման հստակ մոտեցում նկատելի չէ. Զաքարիա գրիչը իշխատակում է միայն ծնողներին և սարկավագ որդուն¹⁰¹:

Ժողովրդագրական իմաստով հետաքրքիր է հեղինակների կամ գրիչների կողմից անձնապես իրենց առնչվող տեղեկությունների շարադրումը: Այսպես, Անդրեաս Ժամանակագիրը հաղորդում է, որ իր եղբայրներից մեկը մահացել է 14 տարեկանում, իսկ ինքն էլ ծնվել է 1541 թ.¹⁰², ամուսնացել 20 տարեկանում և որդի ունեցել 22 տարեկանում, ով մահացել է 1579 թ.¹⁰³ 16 տարեկանում, իսկ մինչ այդ 1569 թ. մահացել է 4 տարին դեռ չբոլորած դրաստրը, և ծնվել է ևս մեկ որդի, որը մահացել է 1585 թ.¹⁰⁴: Նա 2 որդիներ է ունեցել նաև 39 և 43 տարեկանում, ևս մեկ դրաստր՝ 46 տարեկանում¹⁰⁴: Այսպիսով, գրիչը 6 զավակ է ունեցել, որոնցից 3-ը բավականին վաղ են մահացել, բայց նա շարունակել է զավակներ ունենալ անգամ բավականին պատկառելի տարիքում: Սա նշանակում է, որ ծնելիության մակարդակը շարունակում էր զգալիորեն բարձր լինել, սակայն բարձր էր նաև մահացության գործակիցը, որն առանձնակիրուն արտահայտվում էր մանուկ և պատանի տարիքային խմբերում: Մանկամահացության բարձր մակարդակին նպաստում էին առողջապահության ոչ բավարար պայմանները և համաճարակները:

¹⁰⁰ «Մայր ցուցակ հայերէն ծեռագրաց Մատենադարանին Մինիթարեանց ի Վենետիկի», հ. 2, ս. 53-54:

¹⁰¹ Տե՛ս «Մայր ցուցակ ծեռագրաց Սրբոց Յակոբեանց», հ. Բ, էջ 34:

¹⁰² Տե՛ս «Մայր ժամանակագրություններ», հ. 1, էջ 157:

¹⁰³ Տե՛ս նոյն տեղում, էջ 158, 159:

¹⁰⁴ Տե՛ս նոյն տեղում, էջ 159:

Այսպիսով, 16-րդ դարի սկզբին Հայաստանում ռազմաքաղաքական իրադրության պայմաններում տեղի ունեցող ժողովրդագրական գործընթացների վրա ազդող գործոններն էին մի կողմից՝ կյանքի վատթարացող պայմանները և միաժամանակ ամուր ներէթնիկ սոցիալական կառուցվածքը, մյուս կողմից՝ տարածքի յուրացվածության բարձր աստիճանը (ազատ հողերի սակավությունը), սննդամթերքի արտադրության խաթարումները (պատերազմական իրավիճակի պատճառով երկրագործական աշխատանքներն ընդմիջվում էին, իսկ անասունների թալանը տվյալական բնույթ էր կրում) և հաճախ կրկնվող համաճարակները (հատկապես՝ ժանտախատը):

Թուրք-պարսկական պատերազմական գործողությունների ընթացքում սովորական բնույթ էին կրում տարբեր բնակավայրերի ավերածությունները և թալանը, որոնք, փաստորեն, խաթարում էին սննդի արտադրության ցիկլի բնականոն ընթացքը: Օսմանյան կայսրության ամրապնդման գրավականներից էր նորանվաճ հողերում տեղաբնիկների զանգվածային բռնագաղթը (այդրագոյնը) և թյուրքական տարրի բնակեցումը, որի առաջին օրինակներն ի հայտ են Եկեղ դեռևս Օրիան Ա-ի (1326-1362) ժամանակներում¹⁰⁵: Սեֆյանների կողմից Հայաստանի նվաճման, այնուհետև հատկապես թուրք-պարսկական պատերազմների ժամանակ Հայաստանից հարյուրհազարավոր հայեր գերեվարման են Ենթարկվել, որոնց մի մասը վերաբնակեցվել է, մյուս մասը՝ ստրկության վաճառվել¹⁰⁶: Նմանօրինակ քաղաքականության հետևանքները տեսնելու համար ստորև ներայացնում ենք

¹⁰⁵Տե՛ս Շաքարյան Ա., Բռնագաղթն ու մանկահավաքը որպես Օսմանյան կայսրությունում ժողովրդագրական վերադասավորման միջոցներ, «Մերձավոր Արևելք», հ. II, Երևան, 2005, էջ 59-62:

¹⁰⁶Տե՛ս Խառասոյան Ա., Կոստանդնուպոլիսի հայ գաղթօջախը (XV-XVII դարեր), Երևան, 2007, էջ 331:

պատերազմական գործողությունների ժամանակ այն իրադարձությունները, որոնք ուղղակիորեն կամ անուղղակիորեն արտացոլվել են ժողովրդագրական գործնթացների համատեքստում:

Հակոբ Կարնեցու «Ժամանակագրության» (17-րդ դար) համաձայն՝ 1501 թ. Սեֆյան շահ Իսմայիլ Ա-ն (1501-1524) «առաջեց զօրս բազում երկիրս Հայոց՝ գերեաց. աւերեաց և ասպատակեաց բազում գիւղ և գաւառք»՝ հասնելով մինչև Խաղողյաց (Բաբերդի) գավառ¹⁰⁷: Դեպքերին ժամանակակից կամախեցի Վրթանես գրիչը նույն իրադարձությունների առիթով 1501 թ. գրում է, որ Սեֆյանների ասպատակությունների պատճառով իր գավառակիցների հետ ստիպված է եղել հեռանալ հայրենի հողից¹⁰⁸: Մեկ այլ սկզբնաղբյուրի համաձայն՝ 1501 թ. Սեֆյանների ներխուժման արդյունքում Երզնկայից մեծ թվով հայեր փախել են դեպի արևմուտք¹⁰⁹: 1504 թ. Սանահնում ընդօրինակված Ավետարանի հիշատակարանում խոսվում է Սեֆյանների նորահաստատ տիրապետության խիստ հարկապահանջության պատճառով վանքի հոգևոր սպասավոր Խաչատուր քահանայի սպանության և տեղի հայության՝ դեպի հյուսիս՝ «ընդ իշխանութիւն Վրաց» փախուատի մասին¹¹⁰: Փաստորեն, Սեֆյանների նվաճողական գործողություններն արտագաղթի պատճառ են դարձել: Գուգարքում քանից հանդիպում են պատերազմում զոհվածների մասին վիմագիր տեղեկություններ, ինչպես օրինակ՝ Սանահնի գավթի 1506 թ. տապանաքարի արձանագրությունը, որտեղ նշվում է հոր և երկու որդիների մահը «ի պատերազմի»¹¹¹:

¹⁰⁷ Տե՛ս «Մանր ժամանակագրություններ», հ. 1, էջ 239:

¹⁰⁸ Տե՛ս Յովալյան Մ., Արմենիա և Արքայություն 15-17 դարերում. Տարբերակ 1. Երևան, 2010:

¹⁰⁹ Տե՛ս «Մանր ժամանակագրություններ», հ. 1, էջ 130:

¹¹⁰ Տե՛ս «Հայերեն ծեռագրեր Հյուսիսային Ամերիկայում», էջ 387-389:

¹¹¹ Տե՛ս «Դիվան հայ վիմագրության», պր. IX, էջ 48:

Իրադարձությունները հետաքրքիր ընթացք էին ստանում Վանա լճի ավազանում, որտեղ Սեֆյան բանակը բախվեց քրդական ցեղախմբերի հետ: 1501 թ. Քաջբերունիքում (Արճեշում) Նկարագրվող դեպքերի մասին ժամանակակից Բարսեղ Արճիշեցին նշում է, որ քաղաքի բնակչությունը քրիստոնյաներ են, որոնք օտար նվաճողների ծանր հարկապահանջության պատճառով ընտանիքներով 3 ամսով հեռացել են Վան, Ոստան, Արծկե և Բաղեց¹¹²: 1501 թ. Բաղեցի քրդերը գրավել են Արծկեն և այրել ու ավերել նորաշեն տները¹¹³: Այս գործողությունների պատճառով 1502 թ. հայ բնակչությունը մի քանի ամսով փախուստի է դիմել Արճեշից: Այս բախումներն ուղեկցվել են նաև հայ բնակչության պարենամթերքի թալանով, օրինակ՝ Արճակ լճից հարավ-արևելք գտնվող Սևանի բերդի քրդերը 1503 թ. Արճեշը թալանել և 1210 բեռ հաց են տարել¹¹⁴: Սեֆյանները շուտով անցել են պատասխան գործողությունների, եկել Արճեշի գավառ, հայերից բռնի կերպով ծանր հարկեր հավաքել, «յելանելն բազում կին և հարսն գերի վերուցին»՝ գերեվարելով 400 պատանի և 1000 տավար¹¹⁵: Նման գործողություններն սկսում են սովորական բնույթ կրել: 1504 թ. Տարոնի դաշտում գտնվող քրդական և թուրքական 500 ծիավորներ ներխուժել են Քաջբերունիք և տարել Արճեշի ու գյուղերի բոլոր անասունները¹¹⁶:

Սեֆյանները կարճ ժամանակով կարողացան նվաճել ամբողջ Հայաստանը, սակայն 1514 թ. Զալդրանի ճակատամարտում Սեֆյաններին պարտության մատնելուց հետո սովթան Սե-

¹¹² Տե՛ս «Մանր ժամանակագրություններ», հ. 1, էջ 127:

¹¹³ Տե՛ս նոյն տեղում, էջ 130:

¹¹⁴ Տե՛ս նոյն տեղում, էջ 127:

¹¹⁵ Տե՛ս նոյն տեղում, էջ 127-128:

¹¹⁶ Տե՛ս նոյն տեղում, էջ 128:

լիմԱ Ահեղը (1512-1520) 1515 թ. գրավում է Կամախը¹¹⁷, 1516 թ.¹¹⁸ Ամիդը, և Հայաստանի զգալի մասն անցնում է Օսմանյան կայսրության տիրապետության տակ: 1510-ական թթ. Երկրորդ կեսին և 1520-ական թթ. Հայաստանի տարածքում հարաբերական անդորր է տիրել, մեծածավալ ռազմական բախումներ չեն հիշատակվում, սակայն իրավիճակը փոխվում է 1530-ական թթ.: 1530 թ. ձեռագրի մի հիշատակարանում ասվում է, որ Արծկեց մինչև Թավրիզ մեծ վրդովման պատճառով «մեք լուեալ փախըստական եղաք և յաշխարհէ յաշխարհ շրջեցաք»¹¹⁹: Դեպքերին ժամանակակից Հովհաննես Արծիշեցու (16-րդ դար) տարեգրության համաձայն՝ 1531-1532 թթ. պարսից շահի դեմ ապստամբած և Օսմանյան կայսրության կողմն անցած Թավրիզի բեկլարբեկ Ուլամայի գործողությունների արդյունքում Բաղեշի քուրդ ամիրա Շարաֆը դիմում է պարսից շահին և ապստանում նրա մոտ, իսկ շահը շարժվում է Բաղեշ, Մուշ և Խլաթ՝ 1533 թ. գերեվարելով Խլաթի բնակչության մի մասը¹²⁰: Ուլամայի գորքերը Ամյուկ գավառի Այուր գյուղում «գերի արարին շատ հայ ու տաճկով ի ձեռն անկաւ»¹²¹: Հեղինակը հետո ներկայացնում է, որ լուրեր տարածվեցին, թե Ուլաման պետք է արշավեր Բերկրիի և Արծեշի բնակչությանը գերելու, և ինքն ու տեղի մնացալ ժողովուրդը կարճ ժամանակով տեղափոխվել և ամրացել են Հերիձորում (Զարիշատ) և Ալադաղում (Ծաղկանց լեռներ), «և Աստուած խնայեաց զքրիստոնեայքն»¹²¹:

1531-1535 թթ. պարսից բանակը ռազմակալում է Վանի նահանգը, ավերում ու կրակի մատնում Վանը, Ոստանը, Արծ-

¹¹⁷ Տե՛ս Առաքել Դավրիժեցի, էջ 428, 438:

¹¹⁸ Տե՛ս «Մանր ժամանակագրություններ», հ. 2, էջ 232:

¹¹⁹ Տե՛ս Նոյն տեղում, էջ 227-228:

¹²⁰ Նոյն տեղում:

¹²¹ Նոյն տեղում:

կեն: Ժամանակակից հեղինակներն այս իրադարձություններն անվանել են «Վանի աղետ»¹²²: Հովհաննես Արծիշեցին գրում է, որ շահական բանակը 1533 թ. Վանը Ուզամայից գրավելիս 300 մարդու է սրի քաշել, այնուհետև «հեծեալըն ցուրեալ ի չորս դիմաց աւերեցին և անմարդաբնակ արարին. զՎանայ երկիրն, զՈստանայ և զԱմկուն, և զինչ մարդ որ ի ձեռքն անկանէր այնչափ տանջէին... և սաստկացաւ պատուհասն, որև զիրաշալի վանօրայքն և զԵկեղեցիքն քակեցին...»¹²³: Հեղինակն այնուհետև ներկայացնում է, որ շահ Թահմասպ Ա-ն (1524-1576) Ամիրա բեկին հանձնարարել է Վանի բերդից իշած մարդկանց Մահմտանք (Խոչաբ) տանել, իսկ հաջորդ օրը իշածներին սրի են քաշել¹²⁴: Գաղյի ճանապարհին՝ Վարագա լեռան ստորոտին, սաստիկ ձնաբուք է սկսվել, և 600 մարդ զոհ է գնացել ցրտին: Տեղ հասածները ևս մահացել են, օրինակ՝ Մահմտանքի մեկ գյուղում 80 վանեցի է մահացել: Ռազմական գործողությունների, սովի և ծարավի պատճառով Վան քաղաքում և նրա շրջակայքում 15 հազար մարդ է վախճանվել¹²⁵: Հեղինակը նոյնիսկ թվարկում է զոհվածների անուններ, այդ թվում՝ իր հորաքրոջը, որ հարևան 20 ընտանիքների հետ բերդն է բարձրացել, և նրանցից որևէ մեկը ողջ չի մնացել¹²⁶: Վանում ընդօդինակված ծեռագրի մի հիշատակարանում ևս ասվում է, որ 1534 թ. «սպանին բազում քրիստոնեայս և զոմանս գերի վարեցին», զոհվեց 15 հազար մարդ¹²⁷: Նոյն թվականի մեկ այլ հիշատակարանում 4 ամսվա կտրվածքով բերված է զոհերի՝ 16 հազար թիվը¹²⁸: Ըստ

¹²² Տե՛ս «Հայոց պատմություն», հ. II, գ. II, էջ 626:

¹²³ «Մանր ժամանակագրություններ», հ. 2, էջ 229:

¹²⁴ Տե՛ս նոյն տեղորում, էջ 229-230:

¹²⁵ Տե՛ս նոյն տեղորում, էջ 230:

¹²⁶ Տե՛ս նոյն տեղորում, էջ 231:

¹²⁷ Տե՛ս նոյն տեղորում, էջ 233:

¹²⁸ Տե՛ս նոյն տեղորում:

Վ. Բայրությանի՝ Թահմասպ Ա-ն Պարսկաստանի և Օսմանյան կայսրության միջև «մեղյալ տարածություն» ստեղծելու նպատակով բռնի տեղահանության էր Ենթարկում սահմանամերձ շրջանների հայ բնակչությանը՝ վերաբնակեցնելով նրանց իր պետության ներքին շրջաններում¹²⁹:

Հովհաննես Արճիշեցու վկայությունները ցույց են տալիս, որ Վանի նահանգում հետագայում ևս հաճախ է ներքին միզրացիան մեծ ծավալներ ընդունել, մասնավորապես՝ երբ օսմանյան բանակը վերստին մտել է բերդ ու նորից որոշել թողնել այն, հայ բնակչության մի մասը գնացել է Մոլս, «և Եկեալ շահն ի Վան, և տեսաւ զբերդն անմարդաբնակ և զբաղաքն աւերեալ...»¹³⁰: Ավելի առաջ շարժվելով՝ տեղեկանում է, որ օսմանյան բանակը նորից է ընդառաջ գալիս, «զԱրճիշու բերդի թուանգչիքն հաներ ու զժողովուրդն սուրգուն արեր մինչև յԱրծկէ»¹³¹: Հետաքրքիր է, որ մատենագիրը նշում է, թե Վանի իբրահիմ փաշան, քաղաք վերադառնալով, «դարձեալ քրիստոնէութիւն արար էր օրինեալ փաշէն ու զամէն ազատ արար, որ Եկին յաշխարհն իւրեանց»¹³²: Շահն այդ ժամանակ թալանել է Արծկեցից հյուսիս ընկած Սարուսուն (Սարըսու) գավառը, ինչպես նաև Խլաթը, Մուշը, Ոստանը¹³³: Հովհաննես Արճիշեցու վկայությունները կարևոր են նրանվ, որ այստեղ հստակ նկատելի է Վանի նահանգի հայության՝ Մոլքրում ապաստանելու միտումը, ինչը նկատելի է հաջորդող տասնամյակներում և 17-րդ դարում ևս: Հենց սրանով են պայմանավորված քննարկվող ժամանակաշրջանում հայության գեր-

¹²⁹ Տե՛ս Բայրության Վ., Իրանի հայ համայնքը. արդի հիմնախնդիրներ, Երևան, 2013, էջ 17-18:

¹³⁰ «Մանր ժամանակագրություններ», հ. 2, էջ 231:

¹³¹ Տե՛ս Նոյն տեղում:

¹³² Նոյն տեղում:

¹³³ Տե՛ս Նոյն տեղում:

կենտրոնացումը և ձեռագրական ահոելի ժառանգության առկայությունը Մոկրում:

1533-1535 թթ. Հայաստանի տարածքում թուրք-պարսկական պատերազմական գործողությունների ընթացքում օսմանյան մեծ վեզիր Իբրահիմ փաշայի գլխավորած բանակի կողմից Երևանի, Նախիջևանի և Արցախի տարածքում իրականացված բնակչության թալանը, ինչպես նաև գեղանի աղջկների և անգամ տղաների գերեվարումն առանձին գլխով նկարագրված է թուրք հեղինակ Իբրահիմ Փեչսիի երկում¹³⁴:

1536-1543 թթ. թուրք-պարսկական ճակատում հարաբերական անդորր է տիրել, և Արևմտյան Հայաստանում Օսմանյան կայսրությունն անցել է իր վարչամեջենայի ամրապնդմանը: 1540 թ. Օսմանյան կայսրությունը Էրզրումի նահանգում աշխարհագիր է անցկացրել, կազմվել են դավթարներ, կանոն-նամեներ, և վերջնականապես անցում է կատարվել օսմանյան կառավարման համակարգին ու հողատիրությանը¹³⁵:

Հայկական սկզբնաղբյուրներում քանից հիշատակվում է 1548 թ. շահ Թահմասաւ Ա-ի կողմից Արևմտյան Հայաստանի ուղղությամբ ավերիչ արշավանքի մասին: Այսպես, 1548 թ. շահը, ի պատասխան օսմանյան բանակի՝ Թավրիզ արշավանքին, ավերածության ենթարկեց Խնուաը (2 անգամ), Բասենը, Էրզրումը, Կեղին (Քղին), Դերջանը, Բաբերդը, Երզնկան, Սպերը, Բիթլիսը¹³⁶: 1548 թ. Վանի պաշարման ժամանակ, ըստ Էվլիյա Չել-

¹³⁴ Տե՛ս **Փափազյան Ա.**, Թուրքական աղբյուրները Հայաստանի և հայերի մասին (XVI-XVIII դդ.), «ՊԲՀ», 1992, թ. 1, էջ 106; «Թուրքական աղբյուրներ», հ. Ա, էջ 34:

¹³⁵ Տե՛ս **Сванидзе М.**, Первый поход Сулеймана I против Ирана 1533-1535 гг. и создание Эрзурумского пашалыка, «Թուրքագիտական և օսմանագիտական հետազոտություններ», հ. V, Երևան, 2008, էջ 35-36:

¹³⁶ Տե՛ս **Առաքել Դավթիթեղի**, էջ 474; «Մանր ժամանակագրություններ», հ. 1, էջ 136, 144, 145, 171-172; հ. 2, էջ 266-267, 355, 393, 518: Նշվածներից միայն մեկ

բիի, սովից և ծարավից բազմաթիվ գոհեր են Եղել¹³⁷: Թուրք պատմագիր Սոլյաք Զադեն 1549-1550 թթ. պատերազմական գործողությունները նկարագրելիս նշում է, որ ամեն անգամ երբ օսմանյան գործերը նահանջում էին, Թահմասաւ Ա-ն «հարձակվում էր սահմանամերձ շրջանի բնակչների ու ռայաների վրա և մոտակա բերդերի էմիրներից վրեժիսնդիր լինում», ինչպես արեցին Խլաթում և Արճեղում¹³⁸: Հատկանշական է, որ Քյաթիր Չելբին Խլաթը 1549 թ. Թահմասաւ Ա-ի կողմից ավերումից հետո որպես գյուղաքաղաք է ներկայացնում, որն անգամ շուրջ մեկ հարյուրամյակ անց նախկին մեծությանը չէր հասել¹³⁹:

Ներսես Վարագեցի գրիչը ներկայացնում է, որ 1548-1549 թթ. պատերազմական գործողությունների ժամանակ օսմանյան բանակը ևս այրել է Վանի գյուղերն ու քաղաքները, այնուհետև բերդի շինարարության և գործի պարենավորման կարիքներին ծառայեցրել տեղի հայ բնակչությանը¹⁴⁰: Այդուհանդերձ, 1550 թ. Թահմասաւ Ա-ն գրավել է Վանը, Արարատյան կուսակալությունը, Էրզրումի նահանգը, հասել Երզնկա ու շատ հայերի գերեվարել¹⁴¹: Շուտով պարսկական բանակն ասպատակել է նաև Չըլիք-րի (Ախալցխայի) նահանգը: 1551 թ. մի հիշատակարանում ախալցխացի Ամիրխանը պատմում է ձեռագրի՝ պարսկական աս-

տեղում է հիշատակվում Բիթլիսը (տե՛ս նույն տեղում, հ. 1, էջ 171-172): Լ. Խանլարյան Սոլքել Դավիթեցու երկում ԾԶ գլուխ աղբյուրներից է համարում Վարդան Բաղիշեցու ժամանակագրությունը, սակայն Ամիրաս Երզնկացուն է (տե՛ս «Անարժան Ամիրասէ Երզնկաց[ւ]ոյ արարեալ է ժողովածոյ» (այսուհետ՝ **Ամիրաս Երզնկացի**), ՍՄ, ձեռ. № 10200, էջ 766-776) վերագրում տեքստի հիմնական մասի հեղինակ լինելը (տե՛ս **Առաքել Դավիթիթեցի**, էջ 535):

¹³⁷ Տե՛ս «Թուրքական աղբյուրներ», հ. Գ, էջ 232:

¹³⁸ Տե՛ս «Թուրքական աղբյուրներ», հ. Բ, էջ 144:

¹³⁹ Տե՛ս նույն տեղում, էջ 32-33:

¹⁴⁰ Տե՛ս ՍՄ, ձեռ. № 6273, էջ 438-440 (հղումը տե՛ս **Զուլայյան Ա.**, Հայոց պատմության խեղաթյուրումը արդի թուրք պատմագրության մեջ, էջ 118):

¹⁴¹ Տե՛ս **Առաքելեան Հ.**, նշվ. աշխ., էջ 24:

պատակիչ արշավանքի ժամանակ գերեվարվելու և իր կողմից փրկագնվելու մասին¹⁴²: Դեպքերին ժամանակակից մեկ այլ գոհ վկայում է, որ 1552 թ. շահ Թահմասպը «պաշարեաց զծովն բոլոր՝ զՎասպուրականն և զՌշտունիքն, զԲաղէշ և զՏարօնն, զԽւլաթ և զԲզնունիքն, զՔաջբերունին և զՏարբերունին, զԽընուա, մինչ ի Յարզըռում, զԱղբակ և զՄահմուտանք...: Զբնակութիւն տեղոյն այնոցիկ քանդեցին, աւերեցին և հըմնայատակ արարին...: ...Եւ գնացեալ ոմն ի Հռոմաց տունն և ոմն ի Քուրդուստունն, ոմն ի Թուրքատան և ոմն ի Գուրջըստուն: Եւ մնաց երկիրն այն հոպանացեալ և անքնակ ի մարդկանէ տարի մի բոլոր (ընդգծումը մերն է – Մ.Մ.): ...Եւ մեք միաբանաւ ընդ բազմացն փախուցեալ և ազատեցաք... և եկեալ Վերին Գեղամայ ղարիպ և աւտարական. և հասաք շրջագայութեամբ ի յաստուածապահ յամուրն Ծար»¹⁴³: Փաստորեն, նմանօրինակ արշավանքները հանգեցրել են ոչ միայն Հայաստանից տարբեր ուղղություններով արտագաղթի, այլև ներքին միգրացիայի՝ դեպի Հայաստանի՝ հարաբերականորեն ապահով վայրեր, ինչպիսին շատ հաճախ հանդիսացել է հայ մելիքական իշխանության ներքո գտնվող Ծարը: Ուշագրավ է նաև, որ ներքին միգրացիան, ըստ այս իշխատակարանի և վերը քննարկված այլ օրինակների, հաճախ կրել է ժամանակավոր բնույթ: Հիշատակվում են ներքին միգրացիայի այլ օրինակներ ևս: Ըստ Նորատուահ Ս. Աստվածածին եկեղեցու արձանագրության՝ Գեղարքունիքի մելիքական 4 ընտանիքներից մեկը՝ Մելիք-Ազարյանները, այդտեղ են հաստատվել 16-րդ դարի կեսերին՝ տեղափոխվելով Գանձակ (Քյո-

¹⁴² Տե՛ս «Մայր ցուցակ հայերէն ծեռագրաց Մաշտոցի անուան Մատենադարանի», հ. Ա, № 158:

¹⁴³ ՄՄ, ձեռ. № 6282, էջ 625ա-բ (հղումը տե՛ս «Մանր ժամանակագրություններ», հ. 2, էջ 275):

սամահմատ) գյուղից¹⁴⁴: Գյուղամիջում կան 1550 և 1553 թթ. թվագրվող ջուղայեցի ընտանիքի խաչքարեր¹⁴⁵, որոնք դաշտային հատվածներից լեռնային տեղանքում ընտանիքներով պատսպարումների լուր վկաներն են: Հետաքրքիր է Սիսիանի Անգեղակոթ գյուղում 1549 թ. մի վիմագիր արձանագրություն, որտեղ ասվում է 4 եղբայրների կողմից իրենց հոր տապանաքարի կանգնեցման մասին՝ նշելով, որ գյուղը 7 տարի ավերակ վիճակում է եղել¹⁴⁶: Այստեղ փաստվում է ռազմական գործողությունների տարածումը նույնիսկ լեռնային այս շրջանում:

Սեֆյանների ռազմարշավները և «մեջյալ տարածության» ստեղծման քաղաքականությունը շարունակվել է նաև 1553 թ.: Այդ տարի Իգնատիոս գրիչը հաղորդում է, որ Թահմասպ Ա-ն 3 տարի անընդմեջ ամայացրել է Քաջքերունիքը (Արճեշը) և Վանա լճի շրջակայքը, կոտորել բնակիչներին¹⁴⁷: Ժամանակակից հեղինակի հավաստմամբ՝ 1553 թ. շահը Կապանից մինչև Սիս բոլոր քրիստոնյաներին փախուստի է մատնել՝ սպանելով Արճեշի միաբաններին, կտրելով Խլաթի և Արծկեի այգիները, այրելով Տարոնի արտերը և Բասենը¹⁴⁸:

Օսմանյան կայսրությունը պատասխան գործողությունների է դիմել 1554 թ.: Նրանք գրավել են Արարատյան դաշտը, Նախիջևանը և Սյունիքը: Թուրք պատմիչ Փեչսկին նշում է, որ 1554 թ. Շորագյալում (Շիրակում) թուրքերը հիմնովին կործանել ու ավերել են բարեշեն գյուղերը, ապա նույն արել Երևանում և Նախիջևանում՝ ամայացնելով քաղաքներն ու գյուղերը¹⁴⁹: Թուրք

¹⁴⁴ Տե՛ս «Դիվան հայ վիմագրության», պր. IV. Էջ 11, 15:

¹⁴⁵ Տե՛ս նոյն տեղում, Էջ 23-24:

¹⁴⁶ Տե՛ս «Դիվան հայ վիմագրության», պր. II, Էջ 120:

¹⁴⁷ Տե՛ս ՅԱԼԱՅԻՆ Մ., Արմենիա և վերաբերյալ XVI դ. Էջ 81:

¹⁴⁸ Տե՛ս «Ժամանակագրություն (XII-XVIII դդ.)», տպագր. պատրաստեց՝ Ն. Պողոսյան, «Բանքեր Մատենադարանի», թ. 9, Երևան, 1969, Էջ 275:

¹⁴⁹ Տե՛ս «Թուրքական աղբյուրներ», հ. Ա, Էջ 33:

հեղինակի տեղեկությունները հաստատվում են նաև հայկական սկզբնադրյուրներով, ըստ որում՝ ասվում է, որ 1554 թ. սովթան Սովեյման Ա-ն (1520-1566) Սեֆյանների դեմ արշավանքի ժամանակ այրեց Նախիջևանը և ավերեց «բազում գաւառս ի հայոց»¹⁵⁰, ինչպես նաև «զՅերևան և զԼախչուան զամենայն գերի թերին»¹⁵¹: Փեշին օսմանյան բանակի վայրագությունների ու Երիտասարդների զանգվածային գերեվարման մասին հպարտորեն պատմում է. «Հայթական բանակի սարսափից քաղաքներն ու գյուղերը, տներն ու բնակավայրերն այն աստիճան ամայացել, ավերվել և բուերի ու ագռավների բնակավայրեր էին դարձել, որ տեսնողին սարսափ էին պատճառում»¹⁵²:

Այսպիսով, 1548-1554 թթ. ռազմական գործողությունների անմիջական հետևանքը դարձան Բարձր Հայքի, Տուրութերանի, Վասպուրականի, Արարատյան դաշտի, Շիրակի, Սյունիքի, Նախիջևանի և հայկական այլ տարածքների ցանքատարածությունների մեծ մասի ոչնչացումն ու բնակչության սնանկացումը¹⁵³: Սա էլ իր հերթին նպաստում էր տեղաբնիկ բնակչության շրջանում ժողովրդագրական ճգնաժամի առաջացմանը: Առանձնակի բարձր է եղել մահացության գործակիցը, ինչն ապացուցվում է ոչ միայն մատենագրական տեղեկություններով, այլև հնագիտական նյութերով: Ուսումնասիրելով Արևելյան Հայաստանի մի քանի շրջաններում (<<Սյունիքի, Վայոց ձորի, Գեղարքունիքի, Լոռու և Տավուշի մարզերում, ԼՂՀ-ում և Գանձակ-Գարդմանում) 16-րդ դարի՝ միայն հստակ թվագրում ունեցող շուրջ 540 տա-

¹⁵⁰ «Ժամանակագրություն (XII-XVIII դդ.)», էջ 277:

¹⁵¹ «Մանր ժամանակագրություններ», հ. 1, էջ 157: Ըստ Առաքել Դավիթեցու՝ 1554 թ. սովթանը բազում գերիներ է տարել Նախիջևանից. «...նստա ի Նախիջուան զԱսհաթն ատերեաց, և զբազում գերիս արա» (**Առաքել Դավիթեցի**, էջ 474: Հմտ. «Մանր ժամանակագրություններ», հ. 1, էջ 144, 145):

¹⁵² «Ժողովրդական աղբյուրներ», հ. Ա, էջ 33:

¹⁵³Տե՛ս «Հայ ժողովրդի պատմություն», հ. IV, Երևան, 1972, էջ 84:

պանագրերն ու խաչքար-մահարձանների վիմագրերը՝ հաշվարկի միջոցով դրւու ենք բերել ուշագրավ վիճակագրություն։ Ըստ այդմ՝ մեր կողմից հաշվարկված 540 թվակիր տապանաքարերից և խաչքար-մահարձաններից 88-ը 1548-1554 թթ. են թվագրվում՝ Վերաբերելով շուրջ 100 անգի¹⁵⁴: Փաստորեն, ստացված թիվն ընդհանուրի մեջ ավելի քան 16 % է կազմում, ինչը ցույց է տալիս մահացության գործակցի՝ ակնհայտորեն բարձր լինելու փաստը։

1555 թ. մայիսի 29-ին կնքված Ամասիայի հաշտության պայմանագրով Հայաստանը բաժանվեց Օսմանյան կայսրության և Սեֆյան Պարսկաստանի միջև¹⁵⁵: Պայմանագրով Կարսի շրջանը չեղոք գոտի էր դառնում երկու տերությունների միջև։ Այդ գոտու սահմաններն արևելքում հասնում էին մինչև Ախուրյան գետ, հարավում՝ Հայկական պար լեռնաշղթա (Կաղզվանի շրջանում), հյուսիսում՝ Կարսի սարահարթի հյուսիսային եզրամաս (Չըլիք լից հարավ՝ Զարիշատի շրջանում), արևմուտքում՝ Կարմիր Փորակի լեռներ¹⁵⁶: Չեղոք գոտու ստեղծումը կատարյալ արհավիրք էր Կարսի շրջանի տեղաբնիկ հայ բնակչության համար, քանի որ տարածքը պետք է ամայացվեր ու անմարդա-

¹⁵⁴ Հաշվարկի համար դիտարկված վիմագրերը տե՛ս «Դիվան հայ վիմագրության», պր. II, էջ 120, 121, 122, 124; պր. III, էջ 17-19, 163, 178-179, 185, 186-190, 204-205; պր. IV, էջ 23-24, 52-63, 65, 80-82, 85-86, 90-91, 94-95, 98-100, 107, 113-115, 118, 130, 131-134, 137-141, 171-173, 178, 179-181, 192-193, 200, 206-207, 210-213, 215-220, 231-233, 236-241, 244-247, 248-250, 254-259, 269-275, 285, 294-295, 305-307, 309-310, 319-325, 329-332, 351-352, 356-359, 361, 364-367, 372-374; պր. V, էջ 95-96, 159, 220, 222, 233-237, 243, 244, 246; պր. IX, էջ 47-48, 221, 223, 296-297, 320-321, 323-328, 444-445:

¹⁵⁵ Օսմանյան կայսրության համար պայմանագրի կարևորության մասին տե՛ս Vercellin G., Solimano il Magnifico, Firenze: Giunti Dossier, 1997, էջ 14:

¹⁵⁶Տե՛ս Բաղալյան Գ., Հայաստանը 16-րդ դ.: Պարսկա-օսմանյան պատերազմները (քարտեզ):

բնակ դարձվեր¹⁵⁷: Վրացական սկզբնադրյուրներում ներկայացված է Կարսի ավերումը և օսմանահպատակների մի մասի կոտորածն ու մյուս մասի վերաբնակեցումը Կարսից Թահմասպ Ա-ի որդի Միրզա-հսմայիլի կողմից¹⁵⁸:

Ամասիայի պայմանագիրը շուրջ երկու տասնամյակ Հայաստանին հարաբերական անդորր բերեց, ինչը խաթարվեց 1570-ական թթ. երկրորդ կեսին: 1576 թ. Կարսը 58 օրում վերակառուցվել է, ընդ որում բեյլերբեյի պալատը կառուցել են հայերը, իսկ պարհսպներից ներս հիմնվել են նաև բնակելի տներ¹⁵⁹, և 1577 թ. սուլթան Մուրադ Գ-ն (1574-1595) պատերազմ է հայտարարել Սեֆյաններին¹⁶⁰: Թուրք պատմագիր Սելանիկի Մուստաֆա Էֆենդիի (16-րդ դարի երկրորդ կես - 17-րդ դար) տարեգրության համաձայն՝ 1578 թ. Էրզրումի պարսպից դուրս բնակվող «ռայաները» (հայերը - Մ.Մ.) հանձն առան նոր պարսպի շինարարությունը, քանի որ իրենց տները պարսպից դուրս են գտնվում և ապահովված չեն Սեֆյանների հնարավոր հարձակումից¹⁶¹: Փաստորեն, օգտագործվել է հայ բնակչության աշխատութը: Խլաթում ընդօրինակված ձեռագրի մի հիշատակարա-

¹⁵⁷ Տե՛ս Բայբուրյան Վ., Օսմանյան կայսրության պատմություն, Երևան, 2011, էջ 228; Նաջարյան Հ., Թուրք-հրանական հարաբերությունները..., էջ 111; Զուլյայան Մ., Արևմտյան Հայաստանը XVI-XVIII դդ., էջ 45; Նոյնի, Հայ ժողովրդի պատմության հարցերը ըստ Եվլոպացի հեղինակների, էջ 120-121:

¹⁵⁸ Տե՛ս «Վրաց աղբյուրները Հայաստանի և հայերի մասին», կազմեց՝ Լ. Մելիքսեթ-Բեկ, հ. Բ (ԺԳ-ԺԸ դդ.), Երևան, 1936, էջ 136: Դրանից առաջ Միրզա-հսմայիլի կողմից Կարսի և Էրզրումի նահանգներում կատարված բռնությունների մասին տե՛ս Զուլյայան Մ., Թուրք-պարսկական պատերազմները Հայաստանի տերիտորիայի վրա և նրանց հետևանքները (1500-1555 թթ.), «ՀՍՍՌ ԳԱ Տեղեկագիր հասարակական գիտությունների», 1959, թ. 3, էջ 58: Հատկանշական է, որ 13-րդ դարում Կարսի բնակչության թիվն անցել է 50 հազարից (տե՛ս Հակոբյան Թ., Պատմական Հայաստանի քաղաքները, Երևան, 1987, էջ 167):

¹⁵⁹ Տե՛ս «Թուրքական աղբյուրներ», հ. Բ, էջ 119, հ. Գ, էջ 116:

¹⁶⁰ Տե՛ս «Մանր ժամանակագրություններ», հ. 1, էջ 159:

¹⁶¹ Տե՛ս «Թուրքական աղբյուրներ», հ. Բ, էջ 119:

նում ներկայացվում է, թե ինչպես Մուստաֆա Լալա փաշան Բասենի դաշտում ժողովում է շրջակայքի տասնյակ հազարավոր հայերի ու վերաշինում Կարսը, և երբ ավարտեցին շինարարությունը, «ասպատակեալ գնացին դէա յարնելս՝ ի յերկիրն Կարմիր գլխոյ մինչ զքսան աւուր ճանապարհն աւելի ի Կարսա, Յերեւան, ի Շրուան և մինչ ի թագաւորական մեծ քաղաքն Տիֆլոս (իմա՝ Տիֆլիս – Մ.Մ.): Զայս ամենայն քաղաքս և գաւառս անմարդաբնակ արարին և զմեծ աթոռն սր. Էջմիածին ցիր և ցան արարին՝ զկաթողիկոսն և զմիաբանքն. և յաւուր միում գնացեալ ի վերայ Երևան քաղաքին և բերին գերի ոգիք ԻԴԻ (24 000) քահանայր և ռամիկը, կանայր և տղայր»¹⁶²:

Բռնագաղթի մասին տեղեկություններ հաղորդում են բազմաթիվ հեղինակներ, սակայն նրանց ներկայացրած թվական տվյալները տարբեր են: Այսպես, Ժամանակագրություններից մեկում ներկայացվում է, որ օսմանյան զորքերը 1579 թ. «գերևան գերեցին ՈՒ (30000)»¹⁶³, իսկ մեկ այլ ժամանակագրի համաձայն՝ գերեցին Երևան քաղաքի և հարևան 18 գյուղերի բնակիչներին, և «ցրեցին զկին և զտղայ յամենայն աշխարհ»¹⁶⁴: Ըստ 16-րդ դարի մատենագիր Հովհաննես (Հովհաննիսիկ) Ծարեցու՝ 1579 թ. Մուլրադ Գ սուլթանը Սեֆյանների դեմ ուղարկեց Լալա փաշային, ով եկավ «յերկիրն Արարատեան, և գերեաց ընդ Հայ և ընդ Տաճիկ՝ թուով ԿՈ (60 հազար – Մ.Մ.). և տարեալ խաղացոյց յերկիրն Հոռոմոց»¹⁶⁵: Ըստ 1579 թ. հիշատակարանի՝ Լալա

¹⁶² «Մանր ժամանակագրություններ», հ. 2, էջ 251-252:

¹⁶³ Նույն տեղում, էջ 355:

¹⁶⁴ «Մանր ժամանակագրություններ», հ. 1, էջ 172:

¹⁶⁵ «Պատմութիւն Արուանից աշխարհին արարեալ Ծարեցի Յովիաննես վարդապետին» (այսուհետ՝ Հովհաննիսիկ Ծարեցի), տե՛ս Առաքել Դավիթիթեցի, էջ 457: Հմտ. «Մանր ժամանակագրություններ», հ. 2, էջ 241: Հովհաննիսիկ Ծարեցուն աղբյուրագետները երթեմն կոչում են Հովհաննես Ծարեցի (տե՛ս Առաքել

փաշան Նախիջևան քաղաքից և այլ գավառներից ավելի քան 40 հազար մարդ է գերել¹⁶⁶: Հատկանշական է, որ երբ 1579 թ. Անաստոլիայի (Փոքր Ասիայի) բեյլերբեյի Զաֆեր փաշան Կարսից շարժվում է «բարեշեն Երևանի Երկիրը», Թոքմաք խանը թալանում ու հրկիզում է Երևանը և քաղաքից ու շրջակայքից գերի տանում 20 հազար մարդ (մեծ մասը՝ հայեր), որոնց ուղարկում է ստրկավաճառական շուկաներ¹⁶⁷: 1579 թ. Սեֆյան մեկ այլ հրամանատար Զիյադ օղլին «Գենչե քաղաքի և նրա գյուղերում ու գավառներում ապրող բոլոր ռայաներին՝ իրենց բոլոր մթերքներով, հագուստներով և կենդանիներով քշում տանում է: Շատերին բարձրացնում է լեռները, իսկ մնացածին՝ իր զինվորների հետ միասին, քշում տանում է Արազ գետի եզերքը: Նրա նպատակն էր պահել և պաշտպանել ռայաներին»¹⁶⁸: Այս առնչությամբ հետաքրքրական է, որ ներկայիս Այգեհատ գյուղից արևելք՝ Քոբայրի վանքից 1 կմ հյուսիս, Իգահատ գյուղատեղը լրվել է 1579 թ. հետո, և այլևս նրա մասին որևէ հիշատակություն հետագայում չի պահպանվել¹⁶⁹: Օսմանյան արշավանքների ավարառությունից ու կոտորածից զերծ են մնացել միայն Ծարից արևմուտք ընկած գավառները, սակայն 1578-1580 թթ. սովոր է բռնկվել գավառի կենտրոն Մեծ Մազրայում, որտեղ կենտրոնացած մեծաթիվ բնակչությանը սնունդը չէր բավականացնում¹⁷⁰:

Ի մի բերենով 1579 թ. բռնագաղթի վերաբերյալ սկզբնադրյուրներում հիշատակվող թվերը՝ պետք է փաստել, որ 24 հա-

Դավրիժեցի, էջ 533, ծանոթ. 433; «Մանր ժամանակագրություններ», հ. 2, էջ 235-255):

¹⁶⁶ Տե՛ս **Խառատյան Ա.**, նշվ. աշխ., էջ 331:

¹⁶⁷ Տե՛ս «Թուրքական աղբյուրներ», հ. Բ, էջ 124: Հմմտ. **Danişmend I.**, Izahlı Ottomanli Tarihi Kronolojisi, Istanbul, 1950, III, էջ 44:

¹⁶⁸ «Թուրքական աղբյուրներ», հ. Բ, էջ 134:

¹⁶⁹ Տե՛ս «Դիվան հայ վիմագրության», պր. IX, էջ 339:

¹⁷⁰ Տե՛ս **Ոլուբարյան Բ.**, նշվ. աշխ., էջ 400-402:

զար թիվը վերաբերում է Երևան քաղաքին, 30 հազարը՝ Երևանին և հարևան 18 գյուղերին, իսկ 60 հազարը՝ ամբողջ Արարատյան կուսակալությանը: Ընդ որում՝ այս վերջին թվին պետք է գումարել նաև մինչ այդ Արարատյան կուսակալությունից Թոքմար խանի կողմից գերեվարված 20 հազար մարդկանց ու Լալա փաշայի կողմից Նախիջևանից բռնագաղթվածներին, և տեղահանվածների ընդհանուր թիվը կգերազանցի 100 հազարը: Մերաստիայում 1580 թ. գրված մի հիշատակարանում Մուստաֆա փաշայի կողմից իրականացված բռնագաղթը նկարագրված է հետևյալ կերպ: «...գերեցուց գերեւան իլր երկրով, գէջմիածին եւ շատ անթիւ եւ անհամար գերի տարան ի քրիստոնեա ազգէն, այր եւ կին, ծեր եւ երիտասարդ եւ կուսան, առհասարակ զամենեսին գերեցուցին...»¹⁷¹:

Հովհանիսիկ Ծարեցին նկարագրում է 1579 թ. օսմանյան ավերիչ արշավանքի հետևանքները. «Եղև սաստիկ և մեծ տարածամ մահ ի յԱլտրպատական և յամենայն Աղուանս, և կոտորէր զբազում յամենայն ազգաց»¹⁷²: Նման պայմաններում օսմանյան բանակը, ժողովելով «Ղայթաղ» կոչվող թաթարներին և «Լակազիքն» լեռնականներին (լեզգիներին) Դերբենտում, անցավ Կուր գետը, փախուատի մատնեց Գանձակում և Պարտավում իշխողներին, գերեց, շատերին սպանեց Գանձակի, Պարտավի, Զարաբերդի (Զրաբերդի), Խաչենի, Վարանդայի, Դիզակի լեռներում և դաշտերում՝ Զարեք գետից մինչև Երասխ, և 4-5 օր հետո վերադարձավ իր զորակայանը¹⁷³: Նոյն թվին ժանտախտից և կոտորածից բացի եղավ նաև սաստիկ սով, քանզի «ամենայն գաւառը Հայոց, որը ընդ իշխանութեամբ կարմրագլխոցն կային,

¹⁷¹Տե՛ս «Մայր ցուցակ ձեռագրաց Սրբոց Յակոբեանց», հ. Թ, էջ 193:

¹⁷²Հովհանիսիկ Ծարեցի, էջ 458-459: Հմմտ. «Մանր ժամանակագրություններ», հ. 2, էջ 242:

¹⁷³Տե՛ս Հովհանիսիկ Ծարեցի, էջ 458-459:

քակեալը աւերեցան»: Սոսկաի է Հովհաննես Շարեցու նկարագրությունը սովի և դրա պատճառած թշվառության ու բարձր մահացության մասին: Հաջորդ գարնանը հացի բերքը ոչնչացել էր, դիակները փողոցների այս կամ այն անկյունում թափված էին, անգամ տանուտերերի և մեծատունների որդիներին էին ուշ թաղում: Եղան մարդակերության և գայլերի կողմից մարդկանց հոշուման դեպքեր: Սովոր շարունակվեց 1579-1580 թթ., և «զթի մահուամբ և սովոր մեռելոցն և գերելոցն բնաւ ոչ կարեմ ընդ թիւ բերել...»¹⁷⁴:

Օսմանյան գորքերը 1580 թ. հերթական անգամ ներխուժել են Արևելյան Հայաստան՝ Արցախ, Գեղարքունիք և Երևան՝ առանձնակի դաժանությամբ վարվելով Երևանի բնակչության հետ: Քաղաքի հոյակերպ շինություններն ավերելոց հետո նրանք կուակալությունից բռնագաղթեցրել են շուրջ 20 հազար կանաց և երեխաների¹⁷⁵: 1580 թ. Օսման Յոգհեմիրի ասպատակությունների մասին ձեռագրի մի հիշատակարանում Խորայել գրիչը հաղորդում է հետևյալը. «Երեկ ազգ մի կայր Ղայտաղ կու ասեն և գերեաց բազում տեղիս՝ Ղարայպաղն, Ղարաղաջն, Խաչէն, Վարանդայ մինչև Տիգակ... Երեկ Քուրտն էառ Խոյ, Սալմաստ և Նախչվան և գերեցին և թալնեցին... վայ և եղուկ ազգին Հայոց...»¹⁷⁶: Խորայել գրչի տեղեկությունները ցույց են տալիս, որ քրդական ցեղերը դեռևս մշտագեն չէին հաստատվել Խոյում և Սալմաստում, որոնք, այդուհանդերձ, դարձել էին նրանց ասպա-

¹⁷⁴ Հովհաննիկ Շարեցի, էջ 460:

¹⁷⁵ Տե՛ս «Թուրքական աղբյուրներ», հ. Ա, էջ 46-47:

¹⁷⁶ ՄՄ, ձեռ. № 4173, էջ 95ա (իդումը տե՛ս՝ «Մանք ժամանակագրություններ», հ. 2, էջ 252: Հմմտ. Շուլայան Մ., Թուրք-պարսկական պատերազմները Հայաստանի տերիտորիայի վրա և նրանց հետևանքները (1555-1595 թթ.), «ՀՍՍՌ ԳԱ Տեղեկագիր հասարակական գիտությունների», 1961, թ. 3, էջ 47):

տակություններից հիմնական օջախներից մեկը, որտեղից էլ նրանք ներխուժում էին նաև Նախիջևան:

1580-ական թթ. ևս քանից հիշատակվում են հայ բնակչության բռնագաղթեր, իսկ պատերազմական գործողությունները տարբեր վայրերում հարուցել են հայ բնակչության զանգվածային տեղաշարժեր: Այսպես, Ա. Խառատյանը, չնշելով տեղեկության աղբյուրը, նշում է, որ 1581 թ. Արարատյան կուսակալությունից գերվել է ևս 240 հազար մարդ¹⁷⁷: 1582 թ. Գեղարքունիքը ևս ավերածության է Ենթարկվել, մելիք Հախնազարը ժողովրդի հետ հեռացել է Մազրայից, սակայն 1591 թ. Վերադարձել է և հանձն առել գավառի վերաշինման գործը¹⁷⁸: 1583 թ. Երևանից ևս մեկ անգամ գերեվարություն է կազմակերպվել¹⁷⁹: 1584 թ. Բասենի Ծառս գյուղում ընդօրինակված Ավետարանի հիշատակարանում Դավիթ գրիչը հայտնում է, որ ինքը փախել է Երևանից, երբ Ֆարիհադ փաշան քաղաքի Եկեղեցիների և տապանաքարերի հաշվին ու հայ աշխատուժով կառուցել է հզոր բերդը, «Թաջալ (իմա՝ թաթար – Մ.Մ.) ազգն արձակել ի վերայ քրիստոնէից ազգիս», և շատերը սպանվել ու շատերն էլ տարվել են գերության մինչև Գանձակ¹⁸⁰: Մեկ այլ հեղինակի մոտ կարդում ենք, որ 1584 թ. «...հասեալ ի մուտս Ծարվանա և գերեաց զազգս Հայլիազանց Եկթանասուն ԲՌ (72000) գերի տարան այր ու կին, ծեր և տղա, և այլ թիւն միայն հայրն գիտի, յետո այլ տարին (1585 թ. – Մ.Մ.) գերեցին Արարատան գաւառն ԿՌ (60000), և եղաւ սով սաստիկ մեծ և նուազեցաւ զթումս (զթիւ – Մ.Մ.)

¹⁷⁷ Տե՛ս Խառատյան Ա., նշվ. աշխ., էջ 331:

¹⁷⁸ Տե՛ս «Դիվան հայ վիմագրության», պր. IV, էջ 63; Բարխուդարյան Ա., Գեղարքունիքի մելիքներն ու տանուտերերը ըստ Տաթևի վանքի մի փաստաթղթի, «Բանքեր Մատենադարանի», թ. 8, Երևան, 1967, էջ 211:

¹⁷⁹ Տե՛ս «Մանր ժամանակագրություններ», հ. 1, էջ 159:

¹⁸⁰ Տե՛ս «Մանր ժամանակագրություններ», հ. 2, էջ 252:

Հայոց...»¹⁸¹: Ուշագրավ է, որ 1580-ական թթ. առաջին կեսին իրանական ճակատում ռազմական հաջողություններից հետո Օսմանյան կայսրությունը մեծաթիվ կայազորներ է տեղակայել Հայաստանի և Վրաստանի ամրոցներում, օրինակ՝ 1585 թ. Երևանում տեղակայվել էր 5600 հոգանոց կայազոր՝ կայսրությունում մինչ այդ երբեւ ամենամեծ կայազորային թիվը որևէ բերդում¹⁸²:

1584-1585 թթ. դեպքերի առնչությամբ Բարսեղ Վարագեցու հիշատակարանում պատմվում է Օսման փաշայի զորքերի կողմից Էրզրումի նահանգում երիտասարդ աղջկների և տղաների գերեվարման մասին: Ըստ նրա՝ Մինան փաշայի զորքերը Վանից նահանջելիս «բազում գիտ և գաւառ անբնակ արարին. կար որ ի յիրեանց հարկատուացն գերի վարեցին և յՍտամազօլ հասուցին», իսկ նրանից հետո ժամանեց Ֆահրադ փաշան, և «Երևանայ աշխարհն, քաղաքն և Երկիրն, և ամենայն շուրջագայ գաւառն ի յանօրէն ազգացն Պարսից և իսմայելացւոց սրբազինց եղև ամենայն աշխարհս քրիստոնէից...»¹⁸³: Դավիթ Եախուկոսը Գեղամա գավառից Բասեն փախչելուց հետո 1587 թ. գրում է, որ Երևանի նախկին տեր Մահմադ խանը Ֆարիհատ փաշայի արշավանքի ժամանակ «...Եհան Երկիրն ամէն անողորմաբար և տարաւ հետ իրն, այնուհետև հսկա բազմությամբ հասավ Գեղամա Երկիր...: Բազմումք փախսան անդի և դարձան յետո և այլքն քշեցին մինչև Գանջայ...»¹⁸⁴: Չնայած թվարկված բռնագաղթերին և հայ բնակչության զանգվածային արտագաղ-

¹⁸¹ ՄՄ, ձեռ. № 9223 ԻԷ, էջ 1ա (հղումը տե՛ս «Մանր ժամանակագրություններ», հ. 2, էջ 253): Հմմտ. **Հովհաննեսիսյան Ա.**, Դրվագներ հայ ազատագրական մտքի պատմության, հ. 2, Երևան, 1959, էջ 64-65:

¹⁸² St'u “The Cambridge History of Turkey, Vol. 2: The Ottoman Empire as a World Power, 1453-1603”, New York: Cambridge University Press, 2013, էջ 301:

¹⁸³ «Դիան Հայոց պատմութեան», կազմեց՝ Գ. Աղանեանց, գ. Ժ. Թիֆլիս, 1912, էջ 34-37:

¹⁸⁴ **Ալիշան Դ.**, Այրարատ. Բնաշխարհ Հայաստանեայց, Վենետիկ, 1890, էջ 301:

թին, ըստ Ա. Մելքոնյանի, Երկիրը շարունակում էր հիմնականում բնակեցված լինել տեղաբնիկ հայ տարրով¹⁸⁵: Եվ իսկապես, վերը ներկայացված դեպքերի մեջ մասում ինքնակամ զանգվածային միգրացիան նախևառաջ կրում էր ներքին բնույթ՝ հայրենիքի ոչ ապահով տեղանքից դեպի ավելի ապահով տարածք:

1583-1604 թթ. Արևելյան Հայաստանը (այդ թվում՝ Արարատյան կուսակալությունը և 1589 թվից նրա կազմ մտցված Նախիջևանը) գտնվել է Օսմանյան կայսրության կազմում¹⁸⁶: Առաքել Դավիթեցին հաղորդում է, որ Օսմանյան կայսրությունը ծանր հարկապահանջություն և կրոնական սահմանափակումներ է իրականացրել Արևելյան Հայաստանում, ինչը 1586 թ. հանգեցրել է արտագաղթի նոր ալիքի ձևավորմանը. «...յազգէն Հայոց գնացին Սարուխան բէկն և իր եղբայր Նազարն ի յնսկանապատ գեղջէ. Օղլան քէշիշն և իր եղբայր Ղալաբէկին ի Հաթերք գեղջէ: Զալալ բէկն իր եղբօր որդուվքն ի Խաչենոյ: Մէլիք Սուլումն ի Դիզակայ. Մելիք Փաշիկն ի Քօչիզ գեղջէ. Մելիք Բաբէն ի Բրետիս գեղջէ. Մելիքսէթ Եպիսկոպոսն ի Վերին Զակամայ ի Մելիքզատայ գեղջէ. Մելիք Հայկազն ի Քշտաղս Երկրէն՝ ի Խանածախ գեղջէ: Այլև չորս գեղջ ի Դիզակայ Երկրէն միահաղոյն չուեցին և գնացին յերկիրն Պարսից, և շահն բնակեցոյց գնոսա ի քաղաքն Սպահան: Այլև Երեք մասն ի ժողովրդոց՝ Դաշտ կոչեցեալ տեղին՝ որ է ի գաւառին Գոյթան՝ մերձ յԱգուփիս՝ գնացին յերկիրն Պարսից, և շահն զնոսա ևս բնակեցոյց ի քաղաքն Ասպահան: Եւ է պատճառ Դիզակեցոց և Դաշտեցոց գնալոյն՝ ծանր հարկապահանջութիւնն, կեղեքելն և կողոպտելն և կուտէ-

¹⁸⁵Տե՛ս «Հայոց պատմություն», հ. II, գ. II, էջ 627:

¹⁸⁶Տե՛ս **Փափազյան Հ.**, Օտար տիրապետությունը Արարատյան Երկրում (ԺԶ դ.), էջ 32, 33:

ճութիւն առնելն, և անխնայ սպանանելն զքրիստոնեայսն»¹⁸⁷: Սովորական բնույթ էր ստացել բնակչության զանգվածային օգտագործումը զորքի պարենավորման և շինարարական աշխատանքներում: Մեհմեդ Գ սովորանի գահակալության (1595-1603) առաջին տարում Ֆահրադ փաշայի փոխարեն վրաց արքա Սիմոն Ա-ի (1556-1569, 1578-1599) դեմ ուղարկված ներքինի Զաֆարը Արարատյան դաշտում հսկայական զորք է հավաքել և պատվիրել հեռավոր գյուղերից ու քաղաքներից պարենամթերք բերել զորքի և ձիերի համար. «Այլ և թիւս քսան հազարաց արանց արկեալ ռամկաց Հայոց և տաճկաց ամենայն աշխարհաց ունելով ի ձեռս իրեւանց որթուց և թիաց, տապարաց, և կացնաց, բահաց, և փայտատաց, բրիչ տանց հիմանց, այլ և խիստ էառ հարկս ի ժողովրդենէ արտաքոյ նոմոսաց իրեւանց»¹⁸⁸:

Սովոր, անասունների անկումը և մահտարաժամը (ժանտապատու) պատերազմական գործողությունների անբաժան ուղեկիցներն էին: Ինչպես արդեն նշել ենք, Հռվիաննես Շարեցին ներկայացնում է 1579-1580 թթ. սոսկայի սովոր և ժանտախսի համաճարակը Արևելյան Հայաստանում: Դիարբեքիրի Շենքուշ (Շնքուշ) գյուղաքաղաքում 1586 թ. ընդօրինակված Շարակնոցի հիշատակարանում գրիչ Գասպար Երեցը գանգատվում է իր ժամանակաշրջանից, «որ տիրեալ էր աշխարհիս սով սաստիկ...»¹⁸⁹: Սովոր առաջացմանը նպաստում էին ոչ միայն թուրքարևմական ռազմական բախումները, այլև Օսմանյան կայսրության հարկային քաղաքականությունը և հատկապես դարավերջին բռնկված ջալալիական ելույթները: Սկզբնաղբյուրներում հի-

¹⁸⁷ Առաքել Դավիթիծիցի, էջ 63-64: Զալալբեկ իշխանի և մյուս մելիքների գաղթի մասին տե՛ս նաև Ալիշան Դ., Արցախ, Երևան, 1993, էջ 67, 115:

¹⁸⁸ Հռվիանիսիկ Շարեցի, էջ 464-465:

¹⁸⁹ «Մայր ցուցակ հայերէն ձեռագրաց Մաշտոցի անուան Մատենադարանի», հ. Ե, № 1627, ս. 686:

շատակվում են 1595 և 1598 թթ. անասունների խիստ անկուլմը¹⁹⁰, 1599 թ. մեծ երաշտը և սերմերի չորանալը¹⁹¹, իսկ 1600 թ. «եղև մեծ սով ընդ ամենայն երկիր և անկեալ լինէին դիակունք նոցա յամենայն անցո ճանապարհաց իբրև զտարափս կարկտի և ոչ որ էր, որ թաղէր զնոսա, զի ամեներեան յօժարեցան ուտել զանսուրս և բազումք զմիս գազանաց: Ի սոյն ամի անկաւ տարաժամ մահ»¹⁹²: Ըստ Գրիգոր Դարանադցու՝ 1600 թ. սովի ժամանակ Երզնկայի Շողա գյուղից Ենովք անունով մեկը Երզնկայից Էրզրում գնալու ճանապարհին սովից մահացած 300 մարդ է տեսել¹⁹³:

Էլ ավելի շատ են մահտարաժամի մասին տեղեկությունները, սակայն, ի տարբերություն արևմտաեվրոպական սկզբնադրյուրների, ցավոք, հայկական սկզբնադրյուրները գոնե տեղային վիճակագրություն չեն ներկայացնում համաճարակի պատճառած զրիերի թվի վերաբերյալ: Ժանտախտի համաճարակ է հիշատակվում 1500, 1503, 1505, 1533, 1545, 1549, 1551, 1554, 1563, 1565, 1568, 1575-1576, 1579, 1581 թթ.¹⁹⁴: Բացի «մահտարաժամ» եզրույթից, սկզբնադրյուրներում ժանտախտի համաճա-

¹⁹⁰ Տե՛ս «Մանր ժամանակագրություններ», հ. 2, էջ 271, 272, 278 (ծանոթ. 55); **Առաքել Դավիթիծեցի**, էջ 476; **Սամուել Անեցի և շարունակողներ**, ժամանակագրութիւն, աշխ.՝ Կ. Մաթևոսյանի, Երևան, 2014, էջ 322; **Գրիգոր Դարանադցի**, էջ 24, 50: Լ. Խանլարյանը կարծում է, որ Երկուան էլ նոյն անանամահն է, և տեղի է ունեցել 1595 թ. (տե՛ս **Առաքել Դավիթիծեցի**, էջ 552, ծանոթ. 607):

¹⁹¹ Տե՛ս «Մանր ժամանակագրություններ», հ. 2, էջ 356:

¹⁹² Նոյն տեղում:

¹⁹³ Տե՛ս «Համառոտ բիբլիոգրաֆիա՝ Հայկական ՍՍՌ Մատենադարանի գրչագիր մանր ժամանակագրությունների», հրատ.՝ Ա. Աբրահամյան, «Մատենադարանի գիտական նյութերի ժողովածու», թ. 1, Երևան, 1941, էջ 214:

¹⁹⁴ Տե՛ս «Մանր ժամանակագրություններ», հ. 1, էջ 146, 172, 194, հ. 2, էջ 355, 518; «ժամանակագրություն (XI-XVIII դդ.)», էջ 273, 275, 278; **Առաքել Դավիթիծեցի**, էջ 474, 475; **Սամուել Անեցի և շարունակողներ**, էջ 304; ՄՄ, ձեռ. № 4786, էջ 280թ; «Մայր ցուցակ հայերէն ձեռագրաց Մաշտոցի անուան Մատենադարանի», հ. Ե, № 1624, ս. 677; **Ուլուբարյան Բ.**, նշվ. աշխ., էջ 409:

րակի համար հաճախ օգտագործվում են «մահ տարածեցաւ», «մահ եկն», «սաստիկ մահ եկաւ», «մահ տարածեցաւ յամենայն երկիր», «մահ, անապատ ի մարդկանէ» և նմանատիպ այլ ձևակերպումներ: Առանձին դեպքերում մատենագիրները ներկայացնում են համաճարակի որոշ մանրամասներ: 1533 թ. «մահտարաժամ» եղան ի վերայ աշխարհի և բազում մարդիկ խոցեցան ի հրեշտակացն Աստուծոյ և մեռան. քանի հայր և մայր անորդի եղան և անդուստր և քանի քոյր առանց եղբայր և եղբայր առանց քոյր մնացին. քանի քոյր ու եղբայր ի մէկ գիշերի մեռան. և ո՞վ կարէ պատմել զաղէտ և զկսկիծն ծնողացն և զըստանեացն. սիրելեացն և զբարեկամացն. բայց Աստուծոյ միայն է գիտեի...: Եւ յորժամ եղան այս պատուիասս՝ նա զայն աչօք տեսաք՝ որ ով ոք փախաւ՝ ապրեցաւ...: ...ես մեղաւոր Յօհաննէս զայս դառն օրս աչոքս եմ տեսեր...»¹⁹⁵: 1549 թ. Սոդքի Բարկիս (Բարկովը) գյուղում արտագրված մի ծեռագրի հիշատակարանում կարդում ենք. «...Եղան մահտարաժամ և մեռան անթիւ տղայք, հենց որ կալոյ ժամանակին տղայ չկար որ զկամսն քշեր...»¹⁹⁶: Փաստորեն, ժամանակին տղայ չկար որ զկամսն քշեր... Փաստորեն, ժամանակին տղայ չկար որ զկամսն քշեր... Զամանակական աշխատանքներին՝ խանգարելով սննդամթերքի արտադրությանը:

Շատ հաճախ են հանդիպում մատենագրական այնպիսի տեղեկությունները, որոնք ցույց են տալիս մեկ ընտանիքի հաշվարկով մահտարաժամի ահոեի ծավալները: Այսպես, Վարգավանքում 1551 թ. գրված մի հիշատակարանում ծեռագրի վանեցի ստացողի հարազատներից մեկի երկու որդիները «տարաժամ մահուամբ [մեկն]եցան առ Քրիստոս...»¹⁹⁷: Համաճարակը

¹⁹⁵ «Մանր ժամանակագրություններ», հ. 2, էջ 228:

¹⁹⁶ ՄՄ, ձեռ. № 9222, հիշ. Ժ (հոդամը տե՛ս Զուլայյան Մ., Հայոց պատմության խեղարյուրում արդի թուրք պատմագրության մեջ, էջ 117):

¹⁹⁷ ՄՄ, ձեռ. № 5967, էջ 223ա:

սովորաբար ուղեկցվել է սովորված Գրիչ Հակոբ Հիսուսիին վերագրվող ժամանակագրության՝ 1575 թ. սկսած 3 տարի սով եղավ, որից հետո ժանտախտը գումարվեց¹⁹⁸: Այս տեղեկությունը հաստատվում է նաև այլ աղբյուրներով, օրինակ՝ Արճեշի Ասպիսնակ գյուղում ընդօրինակված Շարակնոցի 1576 թ. հիշատակարանում ձեռագրի ստացող Ղուկաս քահանայի 5 որդիներից 3-ը «տարաժամ մահուամբ առ Քրիստոս փոխեցան»¹⁹⁹: Փաստորեն, առավել խոցելի խումբը մանուկներն էին: Սա հաստատվում է նաև այլ տեղեկություններով, օրինակ՝ 1581 թ. մի հիշատակարանում խոսվում է մահտարաժամից մի ընտանիքում բոլոր 4 մանկահասակ դուստրերի մահվան մասին²⁰⁰:

Ժանտախտի մասին մատենագրական տեղեկությունները ըննության առնելիս հարկավոր է ուշադրություն դարձնել տապանագրերին ու խաչքար-մահարձանների վիմագրերին: Ճիշտ է, հնարավոր չէ առանց հնագիտական լրացուցիչ ուսումնասիրման զուտ վիմագրերով պարզել գերեզմաններում ամփոփված անձանց մահվան պատճառը, սակայն պատերազմական գործողությունների կողքին ժանտախտի համաճարակի և սովորված հիշատակումների տարիներին դիտարկվում է տապանաքարերի թվի կտրուկ աճ: Ինչպես արդեն նշել ենք, Արևելյան Հայաստանի մի քանի շրջաններում (ՀՀ Սյունիքի, Վայոց ձորի, Գեղարքունիքի, Լոռու և Տավուշի մարզերում, ԼՂՀ-ում և Գանձակ-Գարդմանում) հաշվարկել ենք 16-րդ դարի՝ միայն հստակ թվագրում ունեցող շուրջ 540 տապանագրեր ու խաչքար-մահարձանների վիմագրեր: Ժանտախտի և սովորված մասին հիշատակումների մի քանի տարիների համար ստացվել է հետևյալ վիճակագրու-

¹⁹⁸ Տե՛ս «Մանր ժամանակագրություններ», հ. 1, էջ 195-196:

¹⁹⁹ «Մայր ցուցակ հայերէն ձեռագրաց Մաշտոցի անուան Մատենադարանի», հ. Ե, № 1624, սյ. 677:

²⁰⁰ Տե՛ս ՄՄ, ձեռ. № 4786, էջ 280բ:

թյունը. 1505 թ.՝ 8²⁰¹, 1549 թ.՝ 12²⁰², 1551 թ.՝ 40²⁰³, 1575 թ.՝ 11²⁰⁴, 1581 թ.՝ 18²⁰⁵: Այս տապանաքարերը հաշվարկված թվակիր հուշակոթողների մեջ կազմում են համապատասխանաբար 1.5, 2.2, 7.4, 2 և 3.3 %-ը:

Մահացության բարձր գործակցի մասին են վկայում ձեռագրերի հիշատակարաններում գրիչքահանաների կամ ստացողների հանգույցյալ կանանց մասին տեղեկությունները: Այսպես, Վանում 16-րդ դարում գրված հիշատակարանում թվարկված են ստացող Պողոսի հանգույցյալ կինը և ողջ կինը²⁰⁶: Նոյն կերպ Մոկսի Բոլենց գյուղում 1579 թ. ընդօրինակված Ավետարանի հիշատակարանում թվարկվում են ստացող խոչա Խաղնադարի եղբոր հանգույցյալ և ողջ կանայք²⁰⁷: Սա, անշուշտ, պայմանավորված է նախնառաջ ծննդաբերությունների ժամանակ կանանց մահանալու մեջ հավանականությամբ:

Այսպիսով, 16-րդ դարում Հայաստանում Օսմանյան կայսրության և Սեֆյան տերության միջև պատերազմների և դրանց միջև կարճատև դադարների պայմաններում տեղի ունեցող ժո-

²⁰¹ Տե՛ս «Դիվան հայ վիմագրության», պր. III, էջ 112; պր. IV, էջ 28-29, 31-37, 42, 47-48, 98-100, 105, 106, 319-325:

²⁰² Տե՛ս «Դիվան հայ վիմագրության», պր. II, էջ 120, 121, 122; պր. IV, էջ 80-82, 90-91, 98-100, 137-141, 248-250, 356-359; պր. V, էջ 220, 222:

²⁰³ Տե՛ս «Դիվան հայ վիմագրության», պր. III, էջ 17-19, 163, 178-179, 185, 186-190; պր. IV, էջ 52-63, 65, 82, 98-100, 107, 113-115, 118, 130, 131-134, 171-173, 178, 192-193, 206-207, 236-241, 269-275, 285, 294-295, 305-307, 309-310, 319-325, 329-332, 351-352, 364-367; պր. V, էջ 95-96, 220, 222, 243; պր. IX, էջ 47-48, 221, 223, 323-328:

²⁰⁴ Տե՛ս «Դիվան հայ վիմագրության», պր. II, էջ 56; պր. III, էջ 104, 200-202; պր. IV, էջ 85-86, 236-241, 269-275, 285, 364-367:

²⁰⁵ Տե՛ս «Դիվան հայ վիմագրության», պր. II, էջ 76, 112; պր. IV, էջ 101, 205, 236-241, 281-283, 285; պր. V, էջ 164-168, 233-237; պր. IX, էջ 323-328:

²⁰⁶ Տե՛ս «Մայր ցուցակ հայերէն ձեռագրաց Մաշտոցի անուան Մատենադարանի», հ. Ը, № 2671, ս. 1064:

²⁰⁷ Տե՛ս ՄՄ, ձեռ. № 5520, էջ 280ա-բ:

ղովրդագրական գործընթացներին բնորոշ էին հաճախ կրկնվող բռնագաղթերը²⁰⁸, զանգվածային արտագաղթը, սննդամթերքի արտադրության տևական արգելակումները, համաճարակները (հատկապես՝ ժանտախտը), սովոր: Տարածքի յուրացվածության բարձր աստիճանը թեև առաջին հայացքից բնակչության բնական աճը սահմանափակող գործոն էր, այդուհանդերձ յուրաքանչյուր բռնագաղթից կամ զանգվածային մահացությունից հետո ազատված հողերի վերաօգտագործման համար աշխատանքային ռեսուրսների անհրաժեշտությունը հայ բնակչության ամուր ներեթնիկ սոցիալական կառուցվածքի շնորհիվ հանգեցնում էր բնակչության թվի կտրով աճի: Հենց դրանով է բացատրվում այն հանգամանքը, որ, չնայած 1579-1585 թթ. քանից կրկնված բռնագաղթերին, ընդամենը երկու տասնամյակ անց Արարատյան կուսակալությունում, որը շատ առատ էր հո-

²⁰⁸Ա. Խառասոյանն անհրաժեշտ է համարում տարբերակել բռնագաղթերն ու գերեվարությունները, մասնավորապես՝ բռնագաղթը բնակչության տեղահանումը և մայրաքաղաքում ու այլ քաղաքներում բնակեցումն էր՝ որպես հարկատու ռայա, իսկ գերիները տրվում էին զինվորականներին՝ որպես ռազմավար, որոնք կարող էին օգտագործել կամ վաճառվել որպես ստրով: Ըստ Ա. Ալյոյանցանի՝ Սելիմ Ա-ն և հաջորդ սովորականները Կահիրեի շոկաններում մոտ 100 հազար հայ գերիների են վաճառել: Գերեվարվածների մի մասը համարում էր մայրաքաղաքի հայ բնակչությունը (որպես արիեստավոր կամ շինարար), մի մասն էլ վաճառվում էր ստրկության կամ օգտագործվում բանակի բերդաշինական կարիքների համար (տե՛ս **Խառասոյան Ա.**, նշվ. աշխ., էջ 59-71): Հավելենք, որ 1520-1580-ական թթ. Օսմանյան կայսրության փորբաժիական հատվածի բնակչության թիվն ավելացել 66,5 %-ով (տե՛ս **Սահակյան Լ.**, Բարձր Հայքի..., էջ 49), ինչը կարող է բացատրվել ոչ թե Ֆ. Բրոդելի և Օ. Բարքանի կողմից առաջ քաշված «միջերկորածովյան ավազանի ժողովրդագրական պայման»-ի տեսությամբ, այլ զանգվածային բռնագաղթերի քաղաքականությամբ, որի կարևոր թիրախներից մեկը Հայաստանն էր: Ի դեպ, ուսումնասիրողները համակարձիք են այն հարցում, որ Սովետյան Ա-ի գահակալության վերջին շրջանում 1560-ական թթ. կեսերին, Օսմանյան կայսրության բնակչության թիվը շուրջ 15 միլիոն էր (տե՛ս **Barbero Al.**, նշվ. աշխ., էջ 100-101; **Mansel Ph.**, Constantinopoli: Splendore e declino della capitale dell’Impero Ottomano 1453-1924, Milano: Oscar Mondadori, 1997, էջ 82-83; **Tütün G.**, նշվ. աշխ., էջ 19):

ղային ռեսուրսներով, պարսից շահ Աբաս Ա-ի բռնագաղթի նախօրեին վերստին հայ բնակչության հոծ զանգված էր կենտրոնացած:

*

* * *

16-րդ դարում Հայաստանի ժողովրդագրական գործընթացների վրա ազդել են ոչ միայն պատերազմական գործողությունները և դրանց հետևանքները, այլև բնական աղետներն ու բնակլիմայական պայմանների փոփոխությունները:

Հայկական լեռնաշխարհում աղետալի երկրաշարժերը հաճախ են եղել: Այդպիսիք տեղ են գտել նաև 16-րդ դարում: Մի քանի աղետալի երկրաշարժեր են հիշատակվում Երզնկայում: Ըստ Հակոբ Կարնեցով՝ 1535 թ. Երզնկայում ուժեղ երկրաշարժի պատճառով ավերածություններ և անհայտ կորածներ են եղել²⁰⁹: 1576 թ. նոյեմբերի 5-ի գիշերը ևս երկրաշարժ է եղել Երզնկայում. 4 ամիս վերացրել են հետևանքները²¹⁰: 1584 թ. հունիսի 17-ին՝ ժամը 3-ին, Երզնկա «քաղաքն առհասարակ փլաւ», զոհվել է 15 հազար, հաշմված դարձել՝ 5 հազար հոգի²¹¹: 1543, 1574, 1575 և 1597 թթ. ուժեղ երկրաշարժեր են եղել Թոփասում²¹², 1578 թ.²¹³ Հասան-կալեում²¹³ և Մարզվանում²¹⁴, 1598 թ.²¹⁵ Ամասիայում²¹⁵:

Երկրաշարժերի մասին տեղեկությունների կողքին բազմաթիվ սկզբնաղբյուրներում վկայված են նաև տեղումների հետ

²⁰⁹ Տե՛ս «Մանր ժամանակագրություններ», հ. 1, էջ 239:

²¹⁰ Տե՛ս «Մանր ժամանակագրություններ», հ. 2, էջ 267; **Սամուել Անեցի և շարունակողներ**, էջ 319:

²¹¹ Տե՛ս «Մանր ժամանակագրություններ», հ. 1, էջ 173, հ. 2, էջ 268, 284; **Առաքել Դավիթեցի**, էջ 475; **Սամուել Անեցի և շարունակողներ**, էջ 321-322; **Ամիրաս Երզնկացի**, էջ 387ա: Հմտ. նոյն տեղում, էջ 382բ:

²¹² Տե՛ս «Մանր ժամանակագրություններ», հ. 1, էջ 157, 158, 160:

²¹³ Տե՛ս «Թոփական աղբյուրներ», հ. Բ, էջ 133:

²¹⁴ Տե՛ս **Սամուել Անեցի և շարունակողներ**, էջ 320:

²¹⁵ Տե՛ս «Մանր ժամանակագրություններ», հ. 2, էջ 271, 272:

կապված անոմալիաներ: Այդպիսի մի օրինակ ներկայացված է 1547 թ., երբ Սեբաստիայում 30 օր շարունակ անձրև է տեղացել²¹⁶: Սեբաստիայում տարեկան տեղումները ներկայում 445 մմ են, ընդ որում՝ ամառային ամիսներին տեղումների քանակը չնշին է²¹⁷, ուստի դժվար է պատկերացնել այդպիսի տեղանքում 30-օրյա անդադար անձրևներ: Տեղումնառատ է եղել նաև 1575 թ. «յամենայն տեղ հեղեղ ելաւ և շատ զեն արար»²¹⁸: Սրանց հակառակ 1569 թ. երաշտ է եղել, և «մարախն (մորեխն – Մ.Մ.) երեկ աշխարհս»²¹⁹: 1599 թ. մարտի 17-ին էլ Առաքել Դավիթեցին դառնաշունչ «ձմեռ» է հիշատակում²²⁰: Այսօրինակ դիպվածների հիշատակումը մեզ ստիպում է ուսումնասիրել բնակչիմայական փոփոխությունների միտումները 16-րդ դարում: Երկրաբանական, դենդրոխրոնոլոգիական, մատենագրական և այլ ուսումնասիրությունների համադրությամբ պարզվել է, որ եթե 1315 թ. Հայաստանի հարավային և ծայր արևմտյան հատվածում նկատվել է նորմայից ցածր տեղումների քանակ, ապա 1540 թ. տեղումները նորմայից միայն մի փոքր են ցածր եղել, ընդ որում՝ երկու դեպքում էլ Հայաստանի մեծ մասում՝ Վանա լճի ավազանից արևելք և հյուախս՝ մինչև Տայք ներառյալ, տեղումները նորմայից բարձր են եղել: Հյուսիսային Միջազգետքում առաջին դեպքում տեղումները նորմայից ցածր են եղել, իսկ երկրորդ դեպքում՝ գրեթե նորմայի սահմաններում: Այս տվյալների կողքին առավել հետաքրքիր է 1616 թ. պատկերը՝ Վանա լճից հարավ և հարավ-արևելք տեղումները նորմայից բարձր են,

²¹⁶ Տե՛ս «Մանր ժամանակագրություններ», հ. 1, էջ 171:

²¹⁷ Տե՛ս Devlet Meteoroloji İşleri Genel Müdürlüğü, տե՛ս՝

<http://www.dmi.gov.tr/veridegerlendirme/il-ve-ilceler-istatistik.aspx?m=SIVAS>, հասանելի էր՝ 28.01.2016:

²¹⁸ «Մանր ժամանակագրություններ», հ. 1, էջ 172:

²¹⁹ Նոյն տեղում, էջ 146:

²²⁰ Տե՛ս Առաքել Դավիթեցի, էջ 476:

Արարատյան դաշտից մինչև Էրզրում՝ նորմայից միայն մի փոքր բարձր²²¹: Ուշմիջնադարյան Եվրոպայի տեղումների այս 3 քարտեզներում Հայաստանի տարածքի մասնակի ուսումնասիրությունը միայն միմյանցից կտրված 3 տարիներով է ներկայացված և, անշուշտ, չի կարող արտահայտել բնակլիմայական փոփոխությունների ընդհանուր պատկերը, սակայն 1550-1750 թթ. համեմատական քարտեզը ցույց է տալիս, որ Հայաստանի մեծ մասում տեղումները նորմայից մի փոքր ավելի բարձր են եղել²²²:

Համադրելով է. Քուրի և նրա շուրջ 40 գործընկերների հրատարակած աշխատանքի տվյալները մեր ունեցած մատենագրական տեղեկությունների ու միգրացիոն գործընթացների մասին հաղորդումների հետ՝ հանգում ենք հետևյալ եզրակացությանը: Տեղումների քանակի՝ նորմայից մի փոքր բարձր լինելը նպաստավոր գործոն էր գյուղատնտեսական աշխատանքների համար: Այն նպաստավոր պայմաններ էր ստեղծում ոչ միայն երկրագործության, այլ նաև անասնապահության համար, ուստի բնակլիմայական պայմանները կարող էին ապահովել սննդի արտադրության մեծ ծավալները: Այս համատեքստում այնպիսի անոմալ երևույթները, ինչպիսիք 1547 և 1575 թթ. հեղեղներն էին ու 1569 թ. չորային եղանակը և մորեխների ակտիվությունը, կոնկրետ տարում պետք է բացասաբար ազդեին բերքի ստացման վրա՝ նպաստելով սովոր առաջացմանը: Ինչ վերաբերում է Առաքել Դավիթեցու կողմից 1599 թ. մարտի վերջին ցրտահարության հիշատակմանը, ապա ավանդական վերարտադրության պայմաններում գյուղատնտեսական աշխատանքներին այսօրինակ երևույթների կողմից հասցված վնասը պետք է հան-

²²¹ Տե՛ս Cook Ed. et al., Old World megadroughts and pluvials during the Common Era, Science Adv., Nov. 6, 2015;1:e1500561, էջ 2-3 (ներբեռնվել է <http://advances.sciencemag.org/> կայքից, հասանելի էր՝ 25.01.2016):

²²² Տե՛ս նոյն տեղում, էջ 4:

գեցներ սովի և մարդկային մեծ զոհերի, ինչպես 1740-1741 թթ. Իոլանդիայում բռնկված մեծ սովի պատճառը դարձավ 1740 թ. սկզբին Երկարատև սոսկաի ցուրտը²²³: Եվ իսկապես, նախկինում միայն ջալալիական Ելույթներով բացատրվող 1599-1600 թթ. սովը, որ հետևել էր Հայաստանում 1599 թ. մեծ երաշտին և սերմերի չորանալուն²²⁴, պետք է բացատրել նաև 1599 թ. ցուրտ ձմեռով և մարտյան ցրտահարությամբ:

Այսպիսով, 16-րդ դարում ժողովրդագրական գործընթացները Հայաստանում կրել են ոչ միայն թուրք-պարսկական պատերազմների խիստ բացասական ազդեցությունը, այլև մերժընդմերթ ազդվել են բնական աղետներից (նախևսառաջ՝ Երկրաշարժերից) և բնակիմայական պայմանների փոփոխություններից: Այդուհանդերձ, 16-րդ դարում ժողովրդագրական գործընթացներն ազդվել են նախևսառաջ ռազմական գործողություններից, որոնք տասնամյակներ շարունակ հազարավոր մարդկային զոհեր են խել հայ բնակչությունից, պատճառ դարձել զանգվածային գերեվարությունների ու բռնագաղթերի, սովի ու համաճարակի, ներքին միգրացիայի և մեծածավալ արտագաղթի, որոնք էլ, փաստորեն, ժողովրդագրական գործընթացների հիմնական առանձնահատկություններից են դարձել՝ պայմանավորելով նաև հայ բնակչության՝ մայրենի հողում նոյն թվաքանակի սահմաններում մնալու կամ ցածր աճ ունենալու միտում: Վերջինիս զուգահեռ նախկինի համեմատ ավելի մեծ ծավալներ են սկսում ընդունել օտար էթնիկական ներթափանցումները Հայաստան և Հարավային Հայաստանի առանձին հատվածներում հաստատված օտար ցեղախմբերի մի մասի շարժը դեպի Հայաստանի կենտրոնական նահանգներ:

²²³ Ste' u Cook Ed., նշվ. աշխ., էջ 2:

²²⁴ Ste' u «Մանր ժամանակագրություններ», հ. 2, էջ 356:

1.2. Էթնոժողովրդագրական գործընթացները

1.2.1. Օդար Էթնիկական ներթափանցումներն ու բեղաշարժերը

16-րդ դարում Հայաստանը Ենթարկվել է օտար Էթնիկական տարրերի ներթափանցման, ինչը, սակայն, չի կարողացել փոխել նրա հայեցի էթնոնկարագիրը²²⁵: Սեֆյան պետությունը խրախուսում էր շիա դավանանքի թյուրբական և քրդական քոչվոր մի քանի ցեղերի հաստատվելն Արևելյան Հայաստանի տարրեր շրջաններում՝ փորձելով հենարան ստեղծել սուննի Օսմանյան կայսրության դեմ մղվող պայքարում²²⁶: Ներթափանցումների ծավալները պատճերացնելու համար հարկավոր է ուշադրություն դարձնել այն հանգամանքին, որ նույն հողը մի ցեղապետից որոշ ժամանակ անց անցնում էր մեկ այլ ցեղապետի ձեռքը, ինչը նշանակում է, որ ցեղապետերի տրամադրության տակ եղած մարդկանց թիվը չէր կարող շատ մեծ լինել: Այսպես, 16-րդ դարի առաջին տասնամյակում Արարատյան կուսակալությունում շարունակել են իշխել արդեն Սեֆյաններին հարած Սաադլու ցեղի ամիրաները²²⁷:

1515 թ. Օսմանյան կայսրության հետ կնքած հաշտությունից հետո շահ Իսմայիլ կուսակալությունը խոչոր ավատի իրավունքով տվել է ղզբաշական ռումլու մեծ ցեղի ամիրաներին, ինչի մասին են վկայում Հասան-բեկ Ռումլով տեղեկությունները²²⁸: 16-րդ դարի առաջին կեսին Կարսը, Զարիշատը, Մաղասքերդը, Բայազետը, Մակուն և Կաղզվանը որպես օլքա (ավատ) Սեֆյան-

²²⁵Տե՛ս «Հայոց պատմություն», հ. II, գ. II, էջ 625:

²²⁶Տե՛ս Պետրովսկի Ա., նշվ. աշխ., էջ 89-91, 142:

²²⁷Տե՛ս «Մատենադարանի պարսկերեն վավերագրերը», հ. II, Կալվածագրեր, պ. Ա, կազմեց Հ. Փափազյան, Երևան, 1968, վավ. 21, 23, 25, 27:

²²⁸Տե՛ս Փափազյան Հ., Օտար տիրապետությունը Արարատյան երկրում (Ժ2 դ.), էջ 26, 28:

Ների կողմից փոփոխաբար տրվել են սաադլու, չմշկածագլու (չմշկածագցի), բայաթ, դունքուլի (դենքելի) և այլ դպրաշական (թյուրքախոս) ու քուրդ ցեղերի²²⁹: Իսքանդար Մունշին 1552 թ. դեաի Էրզրում կատարվող պարսկական արշավանքի մասնակիցների թվում հիշատակում է Արարատյան կուսակալությունում իշխող Շահկուլի սուլթան Ռաթաջլուին, որը, փաստորեն, նշանակվել էր կուսակալությունում 1549 թ. Հուսեյնջան սուլթան Ռումլուի՝ Էրզրումի Իսքանդար փաշայից պարտություն կրելուց հետո²³⁰: Փաստորեն, իշխանությունը Արարատյան կուսակալությունում մի ցեղից անցել էր դպրաշական մեկ այլ ցեղի: Հասանթեկ Ռումլուի, Իսքանդար Մունշի և թուրք հեղինակ Սելանիկի տեղեկությունների գուգադրմամբ ստացվում է, որ նորանշանակ «սուլթանին» ավելի քան երկու տասնամյակ անց հաջորդել է որդին՝ Մուհամմադի խան Թոխմախը²³¹: Իսքանդար Մունշին Թահմասպ Ա-ի գահակալության երկրորդ շրջանում տիրույթներ ունեցող 114 ամիրաների թվում ներկայացնում է նաև Արարատյան կուսակալությունում օլքաներ ունեցող տարբեր ցեղերի ամիրաների, օրինակ՝ Մուհամմադի խան Թոխմախի օրոք Շորագյալի (Շիրակի) և ապա Ալաշկերտի կառավարիչն էր Կարախան Բայբրուղլուն, օլքաներ ունեն նաև քուրդ փազուկիները²³²: Այդուհանդերձ, Արևելյան Հայաստանում ժառանգական սեփականության նշված տարածքներն ամենևին էլ չվերածվեցին:

Ամենազանգվածային տեղաշարժերը տեղի ունեցան Հայկական լեռնաշխարհի հարավարևմտյան և հարավային հատ-

²²⁹ Տե՛ս **Փափառյան Հ.**, Օտար տիրապետությունը Արարատյան երկրում (Ժ2 դ.), էջ 28:

²³⁰ Տե՛ս նոյն տեղում:

²³¹ Տե՛ս նոյն տեղում, էջ 29-30: Ի դեպ, Թոխմախ խանն իշխել է հարաբերական խաղաղության պայմաններում, և հենց նրա օրոք է կառուցվել ոռոգման զգայի հնարավորություններ տվյալ Թոխմախի լճակը Երևանի տարածքում:

²³² Տե՛ս նոյն տեղում, էջ 30:

վածներում, որոնք պայմանավորված էին քրդական ցեղերի հետ: Փաստորեն, 16-րդ դարում Հայաստանի բնակչության էթնոկրոնական կազմում որոշ փոփոխությունների առանցքը դարձան քրդական ցեղերի տեղաշարժերը դեպի Հայկական լեռնաշխարհի խորքերը: Ն. Աղոնցը Հայկական հարցի և Արևմտյան Հայաստանում քրդական գործոնի մասին իր մի քանի հոդվածներում («Թուրքիայի անդամահատում», «Քրդերի ներթափանցումը Հայաստան», «Առաջավոր Ասիայի հիմնահարցի լուծման շուրջ» և այլն)²³³ նշում է, որ քրդական հետքը մինչ ուշ միջնադար Հայկական լեռնաշխարհում դեռևս զգալի չի եղել: Վ. Բայրուրյանը հետևում է Ն. Աղոնցի այն տեսակետին, որ, բացառությամբ Վանի և Բաղեշի (Բիթլիսի) իշխող տների, մնացյալ քրդական տիրույթները Եփրատի և Տիգրիսի հովտում առաջացել են թուրք-պարսկական պատերազմների սկզբնական շրջանում՝ 16-րդ դարի սկզբին²³⁴: Միաժամանակ պետք է նկատել, որ հայ-քրդական առաջին առնչությունները վկայված են դրանից մի քանի հարյուրամյակ առաջ²³⁵: Քրդերը Մրվանյան հարստության ժամանակվանից (10-11-րդ դարեր) Միջազգետքից շարժվել են հյուսիս, և 14-րդ դարում քրդական ցեղապետների մի մասը, մոնղոլների մոտ ծառայության անցնելով, Վանա լիճ և Արևելյան Եփրատի ավազաններում հողային տիրույթներ է ստացել: 16-րդ

²³³ Տե՛ս Աղոնց Ն., Երկեր, հ. 2, Երևան, 2012; Նույնի, Հայկական հարցի լուծման շուրջ, Երևան, 1989; Adonzi N., Kurdish Intrusion into Armenia, “The new Armenia”, vol. 14 (1920), № 1, pp. 4-6.

²³⁴ Տե՛ս Բայրուրյան Վ., Օսմանյան կայսրության կողմից Արևմտյան Հայաստանի «քրդականացման» քաղաքականությունը, էջ 69:

²³⁵ Տե՛ս Դալալյան Տ., Հայ իշխանական տների հետքերը Հարավարևմտյան Հայաստանում (քրդական որոշ ցեղանունների և ցեղերի ծագման հարցի շուրջ), «ՊԲՀ», 2004, թ. 2, էջ 174-196: Քրդական վաղ տեղաշարժերի մասին տե՛ս Փոլառյան Ա., Քրդերը և ռազմաքաղաքական անցքերը Ասրբատականում Հ դարի առաջին կեսին (ըստ արաբական աղբյուրների), «ՊԲՀ», 1984, թ. 2, էջ 87-92:

դարի կեսերին պորտուգալացի ճանապարհորդ Մ. Աֆոնսոն Հազոյում (Հարավային Սասունում) 500-600 բնակչութերի մեջ մեծամասնություն կազմող հայ քրիստոնյաների կողքին հիշատակում է նաև մահմեդական քրիստոնյաներին²³⁶: Շարաֆ-խանը Սասունի քրդական ցեղամիավորման իշխաններին կոչում է «Հազո» և սերած համարում երկու եղբայրներից, որոնք անջատվել են ռոժեկի ցեղից²³⁷: Այս պատմությունը, ինչպես նկատել են Ս. Հարությունյանը և Հ. Բարթիկյանը, կրում է «Սասնա ծոեր»-ի կնիքը: Ըստ Էվլիյա Զելեբիի՝ Հազո քերդին տիրացել է Բիթլիսի Արդալ խանի նախնիներից մեկը Լենկ-Թեմուրի արշավանքների ժամանակաշրջանում, այնուհետև 1514 թ. այն շնորհվել է Բիթլիսի խանին՝ Դիարբեքիրի նահանգի հյությունների կարգավիճակով²³⁸: Խլաթն էլ «Սասնա ծոեր»-ի քրդական պատումներում հիշվում է որպես Հայաստանի մայրաքաղաք, ուստի քրդական ընկալման մեջ խոր արմատներ է գցել Շահ-Արմենների պետության անվանումը. չէ՞ որ այդ պետության կենտրոնը Խլաթն էր:

Քրդական ցեղերի՝ Հայաստան ներթափանցման ամբողջական ուսումնասիրությունը, իհարկե, չի տեղավորվում մեր ուսումնասիրության սահմաններում, սակայն կարևոր է դրա որոշ դրվագների վերհանումը, որպեսզի հետագա ուսումնասիրության ընթացքում ընկալելի լինեն քրդական ցեղերի՝ Հայաստանի տարբեր տարածքներում տեղաբաշխման և ներքին տեղաշարժերի միտումները: Հայաստանի հարավարևմտյան գավառներում քրդական տարբեր հաստատման ուսումնասիրման համար կարևոր են ոչ միայն հայկական, այլև արաբական սկզբանադրուները, որոնց համադրմամբ պարզվում է, որ արդեն 14-րդ

²³⁶ Տե՛ս Հարությունյան Ս., Բարթիկյան Հ., «Սասնա ծոերի» արձագանքները «Շարաֆ-խանեում», «ՊԲՀ», 1975, թ. 2, էջ 97-99:

²³⁷ Տե՛ս Դալայյան Տ., նշվ. աշխ., էջ 195:

²³⁸ Տե՛ս «Թուրքական աղբյուրներ», հ. Գ, էջ 194:

դարում ձևավորվել են Բաղեշի (ռոժակի, ռուժակի, ռուզիկի, պարսկի՝ ռուզաքի) ցեղի), Վան-Ռոտանի (շամոյան կամ հաքքարի ցեղի), ինչպես նաև ավելի փոքր՝ Խիզանի, Հազոյի, Ջերմուկի, Սպարերտի, Բալուի և այլ իշխանությունները։ Ըստ «Շարաֆ-Շամե»-ի՝ Բաղեշի քուրդ ամիրաներն արդեն 14-րդ դարի կեսերից ժառանգաբար էին իշխում²³⁹։ Այս ամիրայության առնչությամբ Առաքել Դավիթիցին, մեջքերելով Արճեշում գրված մի իշխատակարան, պատմում է Աղթամարի Զաքարիա Գ կաթողիկոսի (1434-1464) միջամտությամբ Բաղեշի ամիրայի կողմից Բաղեշի, Մուշի, Խութի, Սասունի և Նրանց գավառների բնակչությանը հալածանքներից ազատելու մասին²⁴⁰։ Կայսերական հարկ վճարելով՝ նա «ազատեաց զամենայն խառնիճաղանճ ժողովուրդն զհայ և զՏաճիկ ի ծեռաց անօրինաց և ի դառն գերութենէ»²⁴¹։ Հետագա շարադրանքում նոյն ամիրայի մասին խոսելիս նա նշում է «ի Քուրդ ամիրայէն»²⁴² արտահայտությունը, իսկ առավելյա Ուտան քաղաքում իշխողը «էր ազգաւ Քուրդ»²⁴³։ Փաստորեն, 14-15-րդ դարերում նկատվել է քրդերի տեղաշարժ Տավրոսով դեպի հյուսիս՝ Հարավարևմտյան Հայաստան²⁴⁴։

Տոհմաբան Ե. Ցամբառուր, պատմաբան Մ. Զաքին և ուրիշներ, առաջնորդվելով Շարաֆ-խանի կիսավիպագրական տվյալներով, առաջ են քաշել այն տեսակետը, որ Վանը, Ուտանը, Ջուղամերիկը և Հաքքարին ընդգրկող քրդական իշխանու-

²³⁹ Տե՛ս **Փափազյան Հ.**, Օսար տիրապետությունը Արարատյան երկրում (ԺԵ դ.), էջ 35:

²⁴⁰ Տե՛ս **Առաքել Դավիթիցի**, էջ 331-333:

²⁴¹ Նոյն տեղում, էջ 333:

²⁴² Նոյն տեղում:

²⁴³ Նոյն տեղում, էջ 334:

²⁴⁴ Տե՛ս **Բայրուրյան Վ.**, Օսմանյան կայսրության կողմից..., էջ 67-84։ Քրդական տեղաշարժերի մասին տե՛ս նաև **Փափազյան Հ.**, Քուրդ ժողովրդի պատմության մի նոր սկզբնաղբյուր, «Բանքեր Մատենադարանի», թ. 8, Երևան, 1967, էջ 229-248։

թյունը հիմնադրվել է 1480-1490-ական թթ.²⁴⁵: Հիմնվելով 15-րդ դարի հայերեն ձեռագրերի հիշատակարաններում տրված տվյալների վրա՝ Լ. Խաչիկյանը պարզել է, որ քրդական ամիրայության հիմնադիրը հայկական սկզբնադրյուրներից մեզ հայտնի ամիր Եղիշն-Շերն (Եղիշանշիր, Իգեդ դին-Շեր) է, ով իշխել է 1380-ական թթ.²⁴⁶: Ա. Խաչատրյանը հայերեն ձեռագրերի հիշատակարաններից, Թովմա Մեծոփեցու և արաբական վիմագիր տվյալներից դուրս է բերել Հարավային Հայաստանում քրդերի մասին հաճախակի դարձող տեղեկությունները: Նպատակ չունենալով մանրամասնել 14-րդ դարի անցքերը՝ այժմ ներկայացնենք Ա. Խաչատրյանի կողմից առանձնացված դեպքերի միայն վայրը և թիվը՝ Ոստան (1318, 1335, 1377, 1384, 1386, 1392, 1395 թթ.), Խլաթ (1328, 1396 թթ.), Երզնկա (1338 թ.), Աղբակ (1351 թ.), Վան (1387 թ.), Դիզի ծոր (Փոքր Աղբակ, 1398 թ.), Զուլամերիկ (1398 թ.)²⁴⁷: Հաջորդ դարի առաջին քառորդին Բաղեշում արդեն հիշվում է ոռժակի ցեղի ամիրայությունը, իսկ Արծկեն ընդգրկվել էր Ոստանի ամիրայության մեջ²⁴⁸: Ըստ Ա. Խաչատրյանի՝ Հաքքարիի ամիրայությունը՝ Ոստան կենտրոնով, գոյություն է ունեցել 1335-1424/1425 թթ., Վերականգնվել է 15-րդ դարի վերջին, իսկ 16-17-րդ դարերում տրոհվել է Զովամերիկի, Ոստանի, Խոշարի և Բերկրիի իշխանությունների²⁴⁹: Էվլիա Չելբին, 17-րդ դարի կեսերին հյուրընկալվելով Բիթլիսում իշխող

²⁴⁵ Տե՛ս **Խաչատրյան Ա.**, Հաքքարի քրդական իշխանության կազմավորման հարցի շուրջ (ԺԴ դար), «Մերձավոր և Միջին Արևելքի երկրներ և ժողովուրդներ», հ. 13, Երևան, 1985, էջ 134-135:

²⁴⁶ Տե՛ս «Հայ ժողովուրդի պատմություն», հ. IV, էջ 36, 58; «ԺԵ դարի հայերեն ձեռագրերի հիշատակարաններ», կազմեց՝ Լ. Խաչիկյան, մասն Բ (1451-1480 թթ.), Երևան, 1958, I-VII:

²⁴⁷ Տե՛ս **Խաչատրյան Ա.**, նշվ. աշխ., էջ 136-141:

²⁴⁸ Տե՛ս նույն տեղում, էջ 142-145:

²⁴⁹ Տե՛ս նույն տեղում, էջ 145-151:

քրդական ռոժակի ցեղի պետ Արդալ խանի մոտ, նշում է, որ նրանք «հին քրոներից են»²⁵⁰, ինչը խոսում է այն մասին, որ քրոները մի քանի փուլով են հաստատվել Արևմտյան Հայաստանում: Ուստիմնասիրելով ցեղապետից ուղեգրի գրի առած բանաստեղծությունը՝ հոլանդացի գիտնական Մարտին վան Բրոյնեսենը եզրակացրել է, որ ռոժկի ցեղն ունի հայկական ծագում²⁵¹:

Քրդական ներթափանցումների փուլերը դիտարկելիս կարևոր է հասկանալ՝ ինչպես է ընկալվել այս էթնոսը ժամանակի հայ էթնոքաղաքական մտածողության կողմից: Այս առնչությամբ Հ. Մարգարյանը իրավացիորեն նկատել է, որ ուշմիջնադարյան հայ հեղինակների, օրինակ՝ Առաքել Դավիթեցու և Զաքարիա Քանաքեցու մոտ զանգվածաբար գործածվող «մար» և «քուրդ» էթնոնիմները հանդես են գալիս որպես հոմանիշներ, ինչպես և կարծում է Վ. Մինորսկին, մինչդեռ մինչև Մատթեոս Ուտիայեցին և Դավիթ Ալավեկառորդին հայ հեղինակներին անծանոթ է եղել «քուրդ» անվանումը, իսկ 13-րդ դարի հեղինակներ Կիրակոս Գանձակեցին և Վարդան Արևելցին մինչև 12-րդ դարի դեաքերին անդրադառնալիս օգտագործել են «մար», այնուհետև 12-րդ դարից սկսած՝ «քուրդ» էթնոնիմները²⁵²: Այսպիսով, մեր ուսումնասիրության ներքո գտնվող ժամանակաշրջանի հեղինակների համար երկու եզրերն էլ հավասարապես ընդունելի են եղել, ինչում կհամոզվենք տեղական սկզբնադրյուրներից հետագա մեջթերումներում: Այս շփոթը կա նաև օտար հեղինակների մոտ, ինչի պատճառը, ըստ Վ. Իվանովի, այն էր, որ «քուրդ» անվանու-

²⁵⁰ «Թուրքական աղբյուրներ», հ. Գ, էջ 202:

²⁵¹ Տե՛ս Դալայան Տ., նշվ. աշխ., էջ 188-189:

²⁵² Տե՛ս Մարգարյան Հ., Զաքարյանների ծագման ավանդությունը միջնադարյան հայ պատմագրության մեջ, «ՊԲՀ», 1992, թ. 2-3, էջ 146-149:

մով միջնադարում բնորոշվում էին իրանալեզու բոլոր քոչվորները, ուստի այն նոյնական չէ ժամանակակից էթնոնիմին²⁵³:

16-րդ դարի սկզբին քրդական ցեղերը շարունակում են իրենց տեղաշարժերը Վանա լճի ավազանի հյուախս: Դեպքերին ժամանակակից Բարսեղ Արծիշեցին նշում է, որ 1501 թ. Բաղեշի քրդերը գրավել են Արծկեն և այրել ու ավերել նորաշեն տները²⁵⁴: 1502 թ. հայ բնակչությունը նոյնիսկ ստիպված է եղել հեռանալ Արճեշից: Հաջորդ տարի Սևանի բերդի (Արճակ լճից հարավարևմելք) քրդերը թալանել են Արճեշը և 1210 բեռ հաց տարել, ապա պատասխան գործողություններով ներխուժել են ղզլքաշները՝ հարձակվելով Արծկե քաղաքի վրա, որտեղից «ազգն Մարաց» հեռացել է, բայց որոշ ժամանակ անց «ազգն քրդաց» վերստին գրավել է բերդը²⁵⁵: Սեֆյանները քիչ անց ևս մեկ անգամ անցել են պատասխան գործողությունների, Արճեշի հայերից ծանր հարկեր են հավաքել, «յելանելն բազում կին և հարսն գերի վերուցին», այնուհետև Մանձկերտի (Բուլանուխ) գավառում 7 դշլախ քրդերի (700 հոգու) սրի են քաշել, շարունակել են Արճեշում հայերից բռնի հարկեր հավաքել, ինչպես նաև 400 հայ պատանիների են գերել ու 1000 տավար տարել²⁵⁶: 1504 թ. Տարոնի դաշտում գտնվող քրդական և թուրքական 500 ծիավոր ներխուժել են Քաջքերունիք՝ տանելով Արճեշի ու գյուղերի բոլոր անաստունները²⁵⁷: Նոյն 1504 թ. «ազգն մարաց» ավերածություններ է արել Վանում, Աղթամարում և Արծկեում²⁵⁸: Փաստորեն, Սեփյանների կողմից Հայաստանի նվաճման ժամանակ Վանա լճի

²⁵³ Տե՛ս Ivanow Wl., The Gabri Dialect Spoken by the Zoroastrians of Persia, Roma, 1940, էջ 42:

²⁵⁴ Տե՛ս «Մանր ժամանակագրություններ», հ. 1, էջ 130:

²⁵⁵ Տե՛ս նոյն տեղում, էջ 127:

²⁵⁶ Տե՛ս նոյն տեղում, էջ 127-128:

²⁵⁷ Տե՛ս նոյն տեղում, էջ 128:

²⁵⁸ Տե՛ս «Ժամանակագրություն (XII-XVIII դդ.)», էջ 273:

ավագանի քրդական ցեղերը համառ դիմադրություն են ցուց տվել, և դրանից մեծապես տուժել է տեղի հայ բնակչությունը:

Սուննի քրդերի և շիա Սեֆյանների միջև ռազմական բախումը բնական հիմքեր ստեղծեց թուրք-քրդական համագործակցության սկզբնավորման համար: Զալդրանի ճակատամարտում (1514 թ.) քուրդ ցեղապետերի մի մասը օսմանյան բանակի կողմից էր, մի մասն էլ (ազդեցիկ 25 առաջնորդներ, օրինակ՝ Մայաֆարկինի, Հիսն Քայֆի (Հասան Քեյֆ)²⁵⁹, Ագիլի (Անգո), Սասունի, Բալուի բեյերը) նրանց կողմը հակվեց ճակատամարտից հետո²⁶⁰: Սելիմ Ահեղի՝ Զալդրանի ուղղությամբ շարժվելիս Դիարբեքիրի քրդերը ասպատակել են Կամախի, Դերջանի, Բաբերդի բերդերի միջև ընկած տարածքները՝ վնաս պատճառելով օսմանյան զորքերին: Սելիմը և Դիարբեքիրի իշխողը նամակագրական կապի մեջ են մտել, և վերջինս նշել է իր 200 հազար հրացանաձիգների մասին: Ի վերջո, Սեֆյաններին պարտության մատնելուց հետո սուլթանի 100 հազարանոց բանակը՝ վեզիր Բյուզի Մուհամեդ փաշայի ղեկավարությամբ, պաշարել է Դիարբեքիրը: Քրդերը, մոլլա Իդրիս Իմատիի միջամտությամբ, բերդը գիշել են վեզիրին և գնացել Մարդին, իսկ Իդրիսը սով-

²⁵⁹ Հիսն Քայֆի շրջանում քրդական տարրի առկայության մասին խոսում են դեռևս միջնադարյան արաբական սկզբնավրյուրները: Քրդական հոմայդա ցեղից էին ծագում Մրվանյանները, որոնք 10-րդ դարում Համդանյան ցեղի արաբներից գործեցին Դիարբեքիրը, Մայաֆարկինը, Հիսն Քեյֆը, կարճ ժամանակով՝ նոյնիսկ Մանազկերտը, Խլաթը, Արճեշն ու Վանը՝ իրենց կենտրոնը դարձնելով Ապահովիքը (տե՛ս «Արաբական աղբյուրները Հայաստանի և հարևան երկրների մասին», կազմեց՝ Հ. Նալբանդյան, Երևան, 1965, էջ 156-157, 261):

²⁶⁰ Տե՛ս Բայրության 4., Օսմանյան կայսրության կողմից..., էջ 72-73: Ճակատամարտի մասին առավել մանրամասն տե՛ս Savory R., The Principal Offices of the Safavid State during the Reign of Ismail I (907-30/1501-24), “Bulletin of the School of Oriental and African Studies”, University of London, 23(1), էջ 91-105:

թանի կողմից ընդմիշտ ստացել է Դիարբեքիրը²⁶¹: 19-րդ դարի և 20-րդ դարի սկզբի թուրք պետական գործիչ և պատմագիր Մեհմեդ Քյամիլ փաշան իր «Օսմանյան պետության քաղաքական պատմությունը» երկում գրում է 1514-1515 թթ. մոլլա Իդրիսի գործունեության և քրդական դերերեյությունների հիմնադրման մասին: Ըստ նրա՝ Իդրիսի շնորհիվ Խամայիլի դեմ ապստամբական օջախներ են դարձել Դիարբեքիրը, Բիթլիսը, Հիսնի-Քեյֆը, ինչպես նաև Սղերդի, Քիրքուքի և հարակից շրջանների 9 ցեղերի առաջնորդներ ընդունել են օսմանյան հպատակությունը, ապա նրանց են միացել հարևան ևս 16 բեյեր, որոնց օժանդակությամբ օսմանյան բանակը գրավել է Մուշը, Մարդինը, Էրդանը, Սինճարը, Ուրֆան, Ջերմուկը, Բերեջիկը և Դիարբեքիրի հարավային շրջանները²⁶²: Ըստ Ն. Աղոնցի՝ Իդրիսի ջանքերով քրդերն Արևմտյան Հայաստանի խորքեր էին տեղափոխվում Երեք ուղղություններով՝ Դիարբեքիրից, Մոսուլից Հայարիով, Իրանից Սոուլքուլաղի շրջակայրից: Իդրիսը նույնիսկ համոզեց Իրանից մոտ 20 ցեղապետերի գաղթել Դիարբեքիրի շրջան²⁶³:

Էվլիյա Չելեբին իր ուղեգորությունների տարբեր հատվածներում քրդերին անդրադառնալիս գրում է օսմանյան իշխանությունների կողմից նրանց հնագանդեցման մասին: Այսպես, 1514 թ. Բիթլիսի խանը հպատակվել է Սելիմ Ահեղին, և «հյուքումեթի կարգով նրա որդիները մինչև իհմա էլ իշխում են իբրև խան, որոնց փադիշահական իրամաններում վեհաշուք խան

²⁶¹ Էվլիյա Չելեբին Դիարբեքիրի հիմնադրման մասին մի մտացածին իսլամական ավանդագրուց է պատմում, որտեղ պատմական անցքերին առնչվող երկու դրվագ կա՝ մինչ մուսուլման իշխողների մուտքը Դիարբեքիրում ոչ մուսուլման բնակչություն էր, և մուսուլման տարրի հոսքը Մոսուլի շրջանի հետ է կապվում (տե՛ս «Թուրքական աղբյուրներ», հ. Գ, էջ 179-181):

²⁶² Տե՛ս «Թուրքական աղբյուրներ», հ. Դ, թարգմ.՝ Ա. Սաֆրաստյանի և Գ. Սանթուրջյանի, Երևան, 1972, էջ 79:

²⁶³ Տե՛ս Բայբուրդյան Վ., Օսմանյան կայսրության կողմից..., էջ 76:

տիտղոսն է տրվում»²⁶⁴: Էվլիյա Չելեբին, շարունակաբար իսլամական գոյներով ներկայացնելով հայկական բնակավայրերի պատմությունը, Բիթլիսի մասին խոսելիս առաջին մահմեդական տիրակալին նշելուց առաջ ասում է՝ «առաջին անգամ այս վայրը քրիստոնյաներից գրավել է»²⁶⁵ դրանով իսկ ընդունելով մինչ այդ քրիստոնեական իշխանության գոյության փաստը: 1514 թ. Սելիմ Սիեղի վեզիր Բյուրջի Մուհամեդ փաշան Չալդրանի ճակատամարտից վերադառնալիս Դիարբեքիրի հետ գրավում է նաև Միաֆարկինը²⁶⁶: 1515 թ. Սղերդի խանը Մոլլա Իդրիսի համաձայնությամբ ևս սովորական հպատակվել են Բալուն (հյուգյումեթ), Ճապաջուրը, որ, ըստ Էվլիյա Չելեբիի, քրդական 9 օջաքլըներից էր, Գենճը²⁶⁸: 1516 թ. Մոլլա Իդրիսի և Բյուրջի Մուհամեդ,

²⁶⁴ «Թուրքական աղբյուրներ», հ. Գ, էջ 196:

²⁶⁵ Նոյն տեղում:

²⁶⁶ Էվլիյա Չելեբին հաղորդում է մի լեզենո, ըստ որի՝ քրդերի նախնին Միաֆարկինում հաստատվել է հավանելով տեղի ջուրն ու օդը (տե՛ս նոյն տեղում, էջ 191-192): Սա նշանակում է, որ միայն ռազմաքաղաքական գործընթացներով դժվար է բացատրել քրդական տեղաշարժերի պատճառները, քանի որ Կարսոր դեր են խաղացել նաև բնակիմայական և սոցիալ-տնտեսական փոփոխությունները: Միջազգեաքրում 14-16-րդ դարերում տեղումները նորմայից ցածր են եղել, ուստի այս շարունակական միտումը կարող էր հանգեցնել ջրային ռեսուրսների պատճառով միգրացիոն այլիք առաջացման դեպի ավելի ջրառատ տարածաշրջան: Դիարբեքիրի նահանգը, որ ընդգրկել է ոչ միայն Հարավյան Հայաստանի հողերը, այլև Հյուսիսային Միջագետքի մի մասը 16-17-րդ դարերում բավականին նպաստավոր բնակիմայական պայմաններ ուներ: Քյաթիթ Չելեբիի տեղեկությունների համաձայն՝ Նիսիրինի (Մծրինի) մոտ մերձափնյա շուրջ 40 հազար բանջարանոց կար, Սղերդում առատ էին թուզը, նուզը և խաղողը, և «բոլոր ծառերն այստեղ աճում են անձրևի ջրով» («Թուրքական աղբյուրներ», հ. Բ, էջ 54-56): Ներկայիս խիստ ջրային պայմաններում (հովհանոսուու ամիսներին 11-12 մմ տեղումներ) դժվար է նոյնը պատկերացնել:

²⁶⁷ Տոհմի ընդհատման պատճառով այդ ժամանակ Սղերդը Դիարբեքիրի նահանգի գավառի էր Վերածվել (տե՛ս «Թուրքական աղբյուրներ», հ. Գ, էջ 264):

²⁶⁸ Տե՛ս նոյն տեղում, էջ 164, 167: Յորթլուք, օջաքլընը և հյուգյումեթը Օսմանյան կայսրությունում ժառանգական հողատիրության ձևեր էին: Հյուգյումեթի

փաշայի ձեռքով Սաղմանը ևս հպատակվել է Սելիմ Ահեղին²⁶⁹: 1515 թ. սկսած՝ Իդրիսի կողմից խրախուսվել է քրդական ցեղերի հոսքը Էրզրումի նահանգի հարավային շրջաններ²⁷⁰: Էվլիյա Չելեբին 17-րդ դարի կեսերին Դիարբեքիրի նահանգում նշում է 5 հյուգյումներ (Էլ-Զեզիրե, Էկիլ (Անգո), Գենճ, Բալու, Խորո), 19 սանջակ, որոնցից «8-ը քրդական բեյերի տիրապետության ներքո էին գտնվում, որովհետև (սուլթան) Սելիմ խանը [այդ երկրները] նվաճելու ժամանակ նրանց (քուրդ բեյերին) յուրթուք և օջաքլը է շնորհել»՝ Սաղման (թուրք՝՝ Սարման), Կողը (Խովի, թուրք՝՝ Կովեր), Միհրանի, Թարջի (թուրք՝՝ Թերջի), Արթախ (թուրք՝՝ Աթաք), Բերդակ (թուրք՝՝ Փերթեք), Ճապաղզուր (թուրք՝՝ Ջապաջուր), Զերմուկ (թուրք՝՝ Զերմիք), իսկ Հիսնի-Քեյֆը, Մայաֆարկինը և Սինջարը լոկ օսմանյան սանջակներ հին²⁷¹:

1515 թ. պայմանագրով Արևմտյան Հայաստանը և Հյուսիսային Միջագետքը Սեֆյաններից անցան օսմանյան տիրապետության տակ: Ըստ Հ. Փափազյանի՝ պետական սահմանների

տներն ու բերքերը իշխողներին էր պատկանում, իսկ օջաքլքում՝ պետությանը (տե՛ս նոյն տեղում, էջ 318-320, ծան. 77):

²⁶⁹ Տե՛ս նոյն տեղում, էջ 163:

²⁷⁰ Տե՛ս **Троттер**, Мало-азийские курды, «Известия Кавказского отдела императорского Русского географического общества», т. VII, Тифлис, 1882-1883, էջ 1-3:

²⁷¹ Տե՛ս «Թուրքական աղբյուրներ», հ. Գ, էջ 25: 16-րդ դարի Վերջին քառորդին Օսմանյան կայսրության վարչատարածքային քաժանման ցուցակում, որ ներկայացնում է 16-րդ դարի թուրք պետական գործիչ, պատմագիր Ֆերհորն բեյը, արտացոլվում է քրդական ցեղերի հողատիրությունը Արևմտյան Հայաստանում: Կարևոր է, որ իշխատակվող օջաքլքների մոտ 80%-ը կապված էր քրդական ցեղերի հետ: Դիարբեքիրի նահանգի 22 գավառների շարքում Զերնեքը, Մարկերտը, Կալեքը, Էրակը, Միհրանին, Քորքիշը, Ահաքեսը, Մայաֆարկինը և Քուրդանը օջաքլքներ էին, իսկ Զեսոր, Հետոր, Էրուր, Բերիել, Բալու և Գենճ օջաքլքները՝ հյուգյումներներ, Վանի նահանգի գավառների շարքում Վերֆայի, Մոլուի, Շենավի և Կուրկուրի օջաքլքները, ինչպես նաև Բիթիսի, Հարանի և Հեքքարի յորթուք օջաքլքներն ու Մահմութի հյուգյումները (թուրք-քրդական այլափոխության ենթարկված տեղանունները տրված են բնագրի հայերեն թարգմանության համաձայն՝ տե՛ս «Թուրքական աղբյուրներ», հ. Բ, էջ 218-221):

նման փոփոխությունը հանգեցրել է Արևմտյան Հայաստանում բնակչության տեղաշարժերի, մասնավորապես՝ քրդական տարրն սկսել է տեղաշարժվել նաև դեպի Հայաստանի կենտրոնական նահանգներ²⁷²: Թեև նա կարծում է, թե քրդերն այդտեղ սկսել են կայուն բնակություն հաստատել սակայն հայ հեղինակների, եվրոպացի և անգամ թուրք ուղեգիրների տվյալները ցույց են տալիս, որ նրանք այդտեղ դեռևս մշտաբնակ չեն եղել: Բաղեցի ռոժակի մեծ ցեղից Մոլլա Իդրիսի միջոցով դավանակից քրդերին թուրք-պարսկական սահմանային գոտում որպես պատնեշ օգտագործելու քաղաքականության իրագործման ընթացքը նկարագրված է Շարաֆ Խան Բիթլիսի կողմից. «...բազմաթիվ աշիրաթներ Սովեյմանի քրդերից, որոնք բնակվում էին Միաֆարղինի կողմերում, գնացին բնակություն հաստատելու կըզըլքաշներից գրավված վայրերում, միաժամանակ հանձն առնելով պաշտպանել սահմանները: Այդ աշիրաթների պարագլուխները կարևոր պաշտոններ՝ զիամեթներ, ալայրեկիներ և սանջաքներ ստացան»²⁷³: Շարաֆ Խանը հատկապես կարևոր է փեսյան ցեղի առաջնորդ Շահսուլար թեկին, որին վստահված էր Բայազետի թերդի պաշտպանությունը²⁷⁴: Արարատյան կուսակալության վարչամիավորներում քրդական ցեղերի մասին քուրդ հեղինակն ընդիհանրապես չի խոսում: Խսքանդար Մունշիի հաղորդմամբ՝ Խսմայիլն էլ իր հերթին իրեն հավատարիմ մահմուղի և փազուկի քրդերին տիրույթներ էր տվել Ա-

²⁷² Տե՛ս **Փափազյան Հ.**, Օտար տիրապետությունը Արարատյան Երկրում (Ժ2 դ.), էջ 24:

²⁷³ “Scheref-nameh ou Histoire des Kourdes, par Scheref, prince de Bidlis”, pubijee par V. Veliaminof-Zernof, SPB, 1860, t. 1, pp. 269-270, հղումը տե՛ս՝ **Փափազյան Հ.**, Օտար տիրապետությունը Արարատյան Երկրում (Ժ2 դ.), էջ 24:

²⁷⁴ Տե՛ս նոյն տեղում:

լաշկերտի՝ դեռևս իր տիրապետության ներքո գտնվող արևելյան մասում և Մակոփ մերձակայքում²⁷⁵:

14-16-րդ դարերի միգրացիոն տեղաշարժերի հետևանքով 16-րդ դարի առաջին կեսին Վանի նահանգում բնակվում էին նեմիրան (Մամրտանք, Խիզանում), մահմուտի (Խոշաբում), դուբուլի (Սաղմանում), փազուկի (Արճեշում և Աղիլցևազում), ոռժկի (Բիթիխում) ցեղերը: «Շարաֆ-նամե»-ում հիշատակվում են նաև հաքքարի, բելիլան, բիլբասի, կավալիսի, քեսյանի (Կեցանի), շեկակի (շկակ) և այլ ցեղեր, որոնք բնակվում էին Հայաստանի հարավային շրջաններում: Ամենաազեցիկը Բիթիսի (Բաղեշի) ամիրաներն էին, որոնք, ըստ ծեռագրերի հիշատակարանների տեղեկությունների, իշխում էին Բիթիխում, Խլաթում, Մուշում, Խոնուառ, Բասենում և Ավնիկում: Վանա լճի հարավային ավագանը Խիզանի քուրդ ամիրաների իշխանության ներքո էր: Ազնեցիկ էին նաև Ոստանի շամբո ցեղի ամիրաները²⁷⁶: 1540-ական թթ. դեպքերի առիթով Էվլիյա Զելեբին Կոթուրի ձորից արևմուտք՝ մինչև Վան, հիշատակում է փինյանիշի քրդերին²⁷⁷:

Մ. Զուլայյանը կարծում է, որ 16-17-րդ դարերում քոչվոր և կիսաքրչվոր ցեղերին (իիմնականում՝ քրդական և թուրքմենական) Արևմտյան Հայաստանում ավելացնելով՝ օտար տիրապետությունը ծգտում էր մասնատել և թուլացնել տեղական նստակյաց բնակչությանը²⁷⁸: Կարծում ենք՝ Մ. Զուլայյանն իրավացի է,

²⁷⁵ Տե՛ս **Փափազյան Հ.**, Երևանի Մուհամադ-խան Ղաջարի՝ Միրզա-աղա Սիակիին և Ահմադ-աղա Զիլանիին շնորհած աղայության հրամանագրերը (XVIII դ.), «Մերձավոր և Միջին Արևելքի երկրներ և ժողովուրդներ», հ. 13, Երևան, 1985, էջ 275:

²⁷⁶ Տե՛ս **Յուլայյան Մ.**, Արմենիա և հայություն 16-17-րդ դարերում, էջ 25-26:

²⁷⁷ Տե՛ս «Թուրքական աղբյուրներ», հ. Գ, էջ 230:

²⁷⁸ Տե՛ս **Զուլայյան Մ.**, Արևմտյան Հայաստանը XVI-XVIII դդ., էջ 210-212: Վանի նահանգի քրդական ցեղախմբերի մասին տե՛ս նաև **Բաղդայյան Գ.**, Վանի էյա-

քանի որ օտար էթնիկ տարրի ստվարացման պայմաններում նստակյաց բնակչության համար ռեսուրսների հասանելիությունը սահմանափակվում էր: Լեռն, Վ. Մինորսկին և Վ. Բայբուրդյանը նշում են, որ օսմանյան քաղաքականությունը ձգտում էր ապահովել քուրությունը տիրապետող դիրքը Արևմտյան Հայաստանում, ընդ որում՝ հայերի զանգվածային արտագաղթը և քրդական տարրի շարունակական ներթափանցումը հանգեցրին նրան, որ արդեն 18-րդ դարում գրեթե բոլոր վարչամիավորներում հայերի կողքին զգալի էր նաև քրդերի թիվը²⁷⁹: Նրանց բնակության օջախներն էին Դիարբեքիրի և Վանի նահանգները, մասամբ՝ Պարսկահայքը և Էրզրումի նահանգի հարավը:

Քրդական ցեղային իշխանությունների իրավունքների սահմանափակման փորձերը խիստ բացասաբար էին ընկալվում նրանց կողմից, և նման մի առիթի պարագայում 1533 թ. Բիթլիսի քուրությունը էմիր Շարաֆ խանն ապստամբություն բարձրացրեց՝ աջակցություն ստանալով Սեֆյանների կողմից²⁸⁰: Թուրք-պարսկական պատերազմական թոհութուի մեջ, ի վերջո, Սուլեյման Ախն հաջողվեց վերստին հպատակեցնել քրդական ցեղերին: Այսպես, 1548 թ. հպատակվել է մահմուտի քրդերի բեյը՝ յուրթուրի և օջաքլիքի կարգով, և մասնակցել Թավրիզի, Նախիջևանի ու Երևանի ուղղությամբ արշավանքներին²⁸¹: 1549 թ. Ամյուկը, Ոստանը և այլ տարածքներ դարձել են մահմուտի քրդերի բեյի հյույցումնեթք, այնուհետև հետևել են Զերմ, Բերկրի և այլ բերդերի քուրությունները²⁸²: 1549 թ. քուրությունը բեյերը հպատակվել են

լեթի քրդական իշխանությունները (հուքյումեթները) 14-րդ դ. – 19-րդ դ. 40-ական թթ., «Իրան-նամէ», 1998, թ. 2-3, էջ 23-37:

²⁷⁹ Տե՛ս Բայբուրդյան Վ., Օսմանյան կայսրության կողմից..., էջ 77, 80-82:

²⁸⁰ Տե՛ս Զոլովյան Մ., Հայ ժողովրդի պատմության հարցերը ըստ Եվրոպացի հեղինակների, էջ 114:

²⁸¹ Տե՛ս «Թուրքական աղբյուրներ», հ. Գ, էջ 224:

²⁸² Տե՛ս նոյն տեղում, էջ 229:

Սովեյմանին²⁸³: Այդուհանդերձ, Սովեյման Ա-ն նախկինի չափ չէր վստահում քրդական ցեղապետերին և Արճեշի բերդի պահպանության համար մարդկանց էր բերել Բոսնիայից և Ալբանիայից, ովքեր մի քանի սերունդներ շարունակ կատարել են իրենց վստահված գործը, իսկ «անձանոթ քրդերին», ըստ Էվլիյա Զելեբիի, ներս չին թողնում²⁸⁴:

16-րդ դարի թուրք-պարսկական պատերազմների կապակցությամբ սկզբնաղբյուրներում քրդական ցեղերը քանից հիշատակվում են արդեն նաև Պարսկահայքում: 17-րդ դարի թուրք պատմագիր Սոլաք Զադեն 1549-1550 թթ. հիշատակում է Խոյի խան Նշանակված դենքելի (դունքովի) Հաջի բեյին, ինչպես և Արճեշի ու Աղիլզեազի քուրդ բեյերին²⁸⁵: Հատկանշական է, որ թուրք-պարսկական սահմանի երկու կողմերում հաստատված քրդական ցեղերը ռեսուրսների ծեռբերման համար միմյանց դեմ հաճախ պայքար էին մղում: 1577 թ. Վանի նահանգի արևելքում բնակվող քրդական ցեղերն ասպատակության ենթարկեցին Խոյի, Սալմաստի և Ուրմիո շրջանները²⁸⁶: Հարյարիի Գավառի գավառակի Կարպելա գյուղից Բարսեղ Վարդապետը 1598 թ. Բաղեշի Ամիրդոլու վանքում ընդօրինակած ծեռագրի հիշատակարանում գանգատվում է իր հայրենի բնակավայրում Աղբակի քուրդ տանուտերերի բռնություններից՝ նշելով, որ այլև «Ոչ եղեւ մեզ բնակութիւն անդ եւ մի՛ այսուհետեւ լիցի բնաւ»²⁸⁷:

²⁸³ Տե՛ս «Թուրքական աղբյուրներ», հ. Գ, էջ 214:

²⁸⁴ Տե՛ս նոյն տեղում, էջ 222:

²⁸⁵ Տե՛ս «Թուրքական աղբյուրներ», հ. Բ, էջ 143, 144:

²⁸⁶ Տե՛ս **Փափազան Հ.**, Օտար տիրապետությունը Արարատյան երկրում (ԺԶ դ.), էջ 30: Սալմաստում Սուաքել Դավիթեցին դարավերջին հիշատակում է «քուրդ պարոն» Ղազի խանին (տե՛ս **Առաքել Դավիթեցի**, էջ 65):

²⁸⁷ «Մայր ցուցակ հայերէն ծեռագրաց Մաշտոցի անուան Մատենադարանի», հ. Ը, № 2605, այ. 677-678:

Քրդական ցեղերի տեղաշարժի հաջորդ ալիքն ուղղվեց դեպի Էրզրումի նահանգ: Սկզբնաղբյուրներում քանիցս հիշատակվում է 1590-1592 թթ. քրդական տեղաշարժը դեպի Երզնկա՝ ջալախ Գզիրողի Մուստաֆա բեկի ղեկավարությամբ²⁸⁸: Մեզ են հասել 16-րդ դարի վերջին և 17-րդ դարի սկզբին քրդական ավագակախմբերի կողմից նահանգի տարբեր շրջաններում, օրինակ՝ Կամախում, քարավանների թալանի մասին հիշատակություններ²⁸⁹: 1590-1595 թթ. Կերիքին անդրադառնախս Հակոբ Կարնեցին նշում է. «Զի այն ժամանակ յոյժ շէն եղեալ է Կեռի, բրվանդակ հայք և անուանիք և դասատոն վարդապետաց»²⁹⁰: Հաջորդող տարիների համար ժամանակագիրը շարունակում է. «...ազգն քրդաց ապշտամբ և ջալախ քազում են եղեալ, որ զմիմեանց գերկիրն ասպատակեն, և թալանեն և գողանան եղեր հանապազ և յանցս ճանապարհաց և ի լերինս բազումք որսան և ըսպանեն, որ դեռևս սովորութիւն նոցա այն է, որ մինչև Բ (2) և Գ (3) անգամ գերկիրն Կերու և Բալվա թալաներ և ալիրեալ են, զի դեռ ևս Օսմանցիք ոչ են եղեալ այսչափ հզօր զօրութեամբ և նուանեալ զամենայն աշխարհ, զի անտիրացեալ է ի թագաւորաց: Վասն որոյ տարի վերայ տարւոյ աւերումն է սկսեալ և սղութիւն հացի»²⁹¹: Հակոբ Կարնեցու պապը՝ Միրաքը, Ամիդ գնալու ճանապարհին հենց նմանատիպ հարձակման հետևանքով իր ուղեկիցների հետ թալանվել և սպանվել է²⁹²: Փաստորեն, Հակոբ Կարնեցու հաղորդած տեղեկությունները խոսում են

²⁸⁸ Տե՛ս «Մանր ժամանակագրություններ», հ. 2, էջ 269, 394; Սամուել Անեցի և շարունակողներ, էջ 322; Առաքել Դավիթեցի, էջ 475: Տե՛ս նաև նոյն տեղում, էջ 551-552, ծանոթ. 598-599:

²⁸⁹ Տե՛ս Փափազյան Վ., Առևտրական ճանապարհների պաշտպանությունը Մեֆյան պետությունում XVII դարում, «ՊՐՀ», 1986, թ. 4, էջ 158:

²⁹⁰ «Մանր ժամանակագրություններ», հ. 1, էջ 246:

²⁹¹ Նոյն տեղում, էջ 246-247:

²⁹² Տե՛ս նոյն տեղում, էջ 247:

օսմանյան կենտրոնական իշխանության թուլացման մասին: Ի դեպ, նա իր ժամանակակից հեղինակների պես համարժեք իմաստներով օգտագործում է «քուրդ» և «մարդ» եզրերը²⁹³:

Այսպիսով, 16-րդ դարում քրդական ցեղախմբերի հողատիրության ընդլայնումն Արևմտյան Հայաստանում և Պարսկահայքում դարձավ օտար Էթնիկական տարրի ամրապնդման կարևոր փուլերից մեկը, թեև այդ ժամանակ նորահաստատ, ինչպես և 14-րդ դարի կեսերից վերաբնակված ցեղերը դեռևս մեծամասնությունը չէին կազմում այն հողերում, որի նստակյաց երկրագործ հասարակության արտադրած սննդամթերքի շնորհիվ կարողանում էին ապահովել իրենց սեզոնային-անասնապահական ապրելակերպը: Միաժամանակ նկատելի էր քրդական ցեղախմբերի սեզոնային տեղաշարժ դեպի Հայկական լեռնաշխարհի կենտրոնական շրջաններ:

1.2.2. Օսմանյան կայսրության Էթնոկրոնական քաղաքականությունը²⁹⁴ Հայաստանում ի սկզբանե ունեցել է որոշակի առանձնահատկություններ, քանի որ հայերին դիտում էին իբրև այլադապանների, որոնք հայերնի հողում ակնհայտ մեծամասնություն էին կազմում: Սովորան Մեհմեդ Բ Ֆաթիհի (1444-1446, 1451-1481)

Օսմանյան կայսրության Էթնոկրոնական քաղաքականությունը²⁹⁴ Հայաստանում ի սկզբանե ունեցել է որոշակի առանձնահատկություններ, քանի որ հայերին դիտում էին իբրև այլադապանների, որոնք հայերնի հողում ակնհայտ մեծամասնություն էին կազմում: Սովորան Մեհմեդ Բ Ֆաթիհի (1444-1446, 1451-1481)

²⁹³ Տե՛ս «Մանր ժամանակագրություններ», հ. 1, էջ 246-247:

²⁹⁴ Ներկայումս ժողովրդավարական երկրների կրոնադավանական ազատությունների պայմաններում կրոնական քաղաքականությունը ժողովրդավրական քաղաքականության բաղադրիչը չէ, սակայն Օսմանյան կայսրության կրոնական քաղաքականությունն ուներ էթնիկ պատկանելությունն ընդգծող դրսւրումներ, և ազգային հարցերի հիմքում շեշտվում էր կրոնադավանական պատկանելությունը, ուստի «կրոնական քաղաքականության» փոխարեն նախընտրել ենք օգտագործել «էթնոկրոնական քաղաքականություն» եզրույթը:

օրոք Օսմանյան կայսրությունում կազմակերպվել է կրոնադավանական համայնքների՝ միլլեթների համակարգ²⁹⁵, որը թուրքամետ ուսումնասիրողները ներկայացնում են որպես «դրական» երևոյթ²⁹⁶: Դրա անհրաժեշտությունը բխում էր նրանից, որ անգամ էգեյան և Մարմարա ծովերի առափնյա քաղաքներից շատերում քրիստոնյաները կազմում էին բնակչության մեծամասնությունը: Նշենք նաև, որ 16-րդ դարում ևս բոլոր խոշոր քաղաքներում կային հոլովերի, հայերի, հրեաների և այլ ժողովուրդների խոշոր համայնքներ²⁹⁷: Միլլեթների համակարգը կրոնամշակութային ներհամայնքային սահմանափակ ազատություն ունենալու հնարավորություն էր ընձեռուաւ²⁹⁸: Այդ համակարգի տրամաբանությունից էր բխում նաև 1461 թ. Կոստանդնոպոլսի հայոց պատրիարքության ստեղծումը²⁹⁹, որը բնականաբար ուներ նաև այլ պատճառներ, որոնք մեր ուսումնասիրության առարկան չեն: Առաջին հայացքից թվում է, թե այս ամենը կարող էր նպաստել Օսմանյան կայսրության կողմից աստիճանաբար նվաճվող Արևմտյան Հայաստանում հայ բնակչության իրավունքները հաշվի առնելուն, սակայն օսմանյան իշխանությունների գործադրած մանկահավաքչության և բռնագաղթերի քաղաքականությունը վկայում է բոլորովին այլ դիրքորոշման մասին:

15-րդ դարում Օսմանյան կայսրությունում արմատավորվեց «սյուրպունային» (բռնագաղթերի) քաղաքականությունը: Այն

²⁹⁵ Տե՛ս “Handbook of Ethnic Conflict: International Perspectives”, editors D. Landis & R. Albert, New York-Dordrecht-Heidelberg-London, 2012, էջ 266:

²⁹⁶ Տե՛ս օրինակ՝ Shaw S., Empire of the Gazis: The Rise and Decline of the Ottoman Empire (1280–1808), London, 1976, էջ 59:

²⁹⁷ Տե՛ս Barrington M. Jr., Ethnic and Religious Hostilities in Early Modern Port Cities, “International Journal of Politics, Culture and Society”, vol. 14, 2001, № 4, էջ 710:

²⁹⁸ Տե՛ս Խառասյան Ա., նշվ. աշխ., էջ 59:

²⁹⁹ Տե՛ս օրինակ՝ Bardakjian K., The Rise of the Armenian Patriarchate of Constantinople, in “Christians and Jews in the Ottoman Empire: The Functioning of a Plural Society”, edited by B. Brande and B. Lewis, Vol. I, New York, 1982, էջ 89-100:

Կրում էր մե՛րթ զանգվածային, մե՛րթ նպատակային բնույթ: 15-րդ դարի երկրորդ կեսին բալկանյան տարրեր քաղաքներից և Կեսարիայից հայ արհեստավորներ են տարվել Կոստանդնուպոլիս, իսկ այուրգունի համակարգը վերածվել է օսմանյան պետական զանգվածային վերաբնակեցման քաղաքականության³⁰⁰: 1473 թ. Դերջանում Ուզուն Հասանի նկատմամբ տարած հաղթանակից հետո Մեհմեդ Ֆաթիհն էրգրումի, Երգնկայի, Բարեդի, Տէրիկի, Սեբաստիայի, Դիարբեքիրի և այլ վայրերի հայ արհեստավորների բռնի տեղափոխել է Կոստանդնուպոլիս³⁰¹: 1573 թ. Կեսարիայի Աղյոնաս, Մեծ և Փոքր Բուռունգյուզ (Պուրունկյուզ), Ուրկյուա գյուղերը Սելիմ Բ-ի հրամանով բռնագաղթեցվել են դեպի Կիպրոս³⁰²: 17-րդ դարի թուրք ճանապարհորդ Էվլիյա Չելեբին մինչև իսկ թվարկում է Կոստանդնուպոլիսի այն թաղամասերի անունները, որտեղ բնակվում էին Արևմտյան Հայաստանից և Փոքր Ասիայից բռնագաղթված հայ արհեստավորները³⁰³: 16-րդ դարում թուրք-պարսկական պատերազմները մշտապես ուղեկցվել են հայ բնակչության բռնագաղթերով, ընդ որում՝ 16-րդ դարում դրանց հիմնական կազմակերպիչն Օսմանյան կայսրությունն էր, իսկ 17-րդ դարում՝ Սեֆյանները:

Ռ. Սաֆրաստյանն իրավացիորեն նկատում է, որ Օսմանյան կայսրությունը միակ դագիական բեյությունն էր, որ վերաճեց կայսրության, ուստիև քրիստոնյա ժողովուրդներին պատկանող

³⁰⁰ Sté'u Agoston G., The Ottoman Empire and the Technological Dialogue Between Europe and Asia: The Case of Military Technology and Know-How in the Gunpowder Age, in “Science between Europe and Asia; Historical Studies on the Transmission, Adoption and Adaptation of Knowledge”, edited by F. Günergun & D. Raina, Dordrecht, 2011, էջ 35:

³⁰¹ Sté'u Çark Y., Türk devleti hizmetinde Ermeniler, İstanbul, 1953, էջ 10-11:

³⁰² Sté'u Ալպօաճեան Ա., Պատմութիւն հայ Կեսարիոյ, Գահիրէ, 1937, էջ 633, 804, 889:

³⁰³ Sté'u «Թուրքական աղբյուրներ», հ. Գ, էջ 35; Զուլայան Մ., Հայոց պատմության խեղաթյուրումը արդի թուրք պատմագրության մեջ, էջ 111:

տարածքների աստիճանական նվաճումն ուղեկցվում էր ղազիական բեյության էթնիկական միատարր կառավարման հոգեբանությամբ, որի փայլուն արտահայտությունն էին դևշիրմեն (մանկահավաքությունը) և փենչիքը (Մուրադ Ա-ի ժամանականից քրիստոնյա գերիների մեկ հինգերորդի հարկադիր աշխատանք, մուալիմանացում և ենիշերիների մեջ ընդգրկում)³⁰⁴: Ըստ թուրք պատմաբան Մ. Գյորգիգինի՝ իրենց թվապես գերազանցող հպատակ քրիստոնյաներին ենթակայության մեջ պահելու հիմնական մեթոդը օսմանյան իշխանությունների կողմից ենիշերական գորաբանակում գինվորական ծառայությունն ու մահմեդականացումն էր³⁰⁵: Նմանօրինակ բացատրություն է ներկայացնում նաև ոռու նշանավոր արևելագետ Վլ. Մինորսկին³⁰⁶:

Թուրք պատմիչ Կոչի-թեյը Օսմանյան կայսրությունում մանկահավաքի ենթակա էթնոսների ցուցակում հիշատակում է հայերին³⁰⁷: Հայկական սկզբնաղբյուրներում քանիցս հանդիպում են մանկահավաքի մասին հիշատակումներ: Կայսրության փոքրասիական շրջանների հայ բնակչությունից մանկահավաք կատարվել է դեռևս 1457, 1464, 1472 թթ.³⁰⁸: Ն. Ակինյանն այն տեսակետն է առաջ քաշել, որ հայկական սկզբնաղբյուրներում բուն Հայաստանում հիշատակվող առաջին մանկահավաքը եղել

³⁰⁴Տե՛ս Սաֆրաստյան Ռ., Ցեղասպանության ակունքները միջնադարյան Թուրքիայում, «ՊԲՀ», 1998, թ. 1-2, էջ 105-112:

³⁰⁵Տե՛ս Շաքարյան Ա., Դևշիրմեն համակարգի սկզբնավորման հարցերի շուրջ, «Մերձավոր և Միջին Արևելյան երկրներ և ժողովրդներ», հ. 23, Երևան, 2004, էջ 444, 449:

³⁰⁶Տե՛ս Minorsky VI, Shaykh Bâlî-Efendi on the Safavids, "Bulletin of the School of Oriental and African Studies", University of London, Vol. 20, 1957, № 1/3, էջ 437:

³⁰⁷Տե՛ս Զոլաբյան Մ., «Դևշիրմեն»-ն (մանկահավաքը) Օսմանյան կայսրության մեջ ըստ թուրքական և հայկական աղբյուրների, «ՊԲՀ», 1959, թ. 2-3, էջ 250:

³⁰⁸Տե՛ս Խառատյան Ա., նշվ. աշխ., էջ 341-342:

Է 1531 թ.³⁰⁹, մինչդեռ Մ. Զոլայանը, վկայակոչելով Անանուն Սեբաստացու ժամանակագրությունը³¹⁰, կարծում է, որ առաջին մանկահավաքը եղել է 1519 թ.³¹¹ և հետագայում կրկնվել է նաև 1531, 1536, 1543, 1547, 1550, 1567, 1585, 1589, 1590 և 1622 թթ.³¹² Վարդան Բաղիշեցին (17-րդ դար) և մի քանի այլ հեղինակներ ևս հիշատակում են, որ առաջին դևիչի սահմանել է Սէլիմ Ահեղը 1519 թ.³¹³: Ա. Շաքարյանը սա համարում է ոչ թե դևիչի սահմանել, այլ ընտրողաբար արված փենչիք, քանի որ Հայատանն այդ ժամանակ դեռևս ռազմադաշտ էր, իսկ հայեղը նվաճված գերի ժողովուրդ էին, որի մեջ հինգերորդը պատկանում էր սովորանին³¹⁴: Նման տարակածության պատճառները հասկանալու համար դիմել ենք սկզբնաղբյուրների օգնությանը: Այսպես, Անանուն Սեբաստացին (16-րդ դար) գրում է, որ 1519 թ. «բարկութիւնն աստուծոյ սաստկաւ և սովորան (սովորան – Մ.Մ.) Սէլիմն տղայ ժողովուրդ ի քրիստոնէից»՝ մի քանի տող ներքև շարունակելով՝ 1531 թ. «տղայ ժողովուրդ ի քրիստոնէից, ահ և փախ, լաց և աղաղակ և խեղճ բաներ շատ եղլ»³¹⁵: Այստեղից հնարա-

³⁰⁹ Տե՛ս Ակինեան Ն., Մաղաքիա վ. Դերջանցի. տաղասաց, շինարար եւ բարեգործ, «Հանդէս Ամսօրեայ», 1952, թ. 11-12, էջ 591:

³¹⁰ Տե՛ս «Մանր ժամանակագրություններ», հ. 1, էջ 169:

³¹¹ Տե՛ս Զոլայան Մ., «Դևիչիմե»-ն Օսմանյան կայսրության մեջ, էջ 250; **Փափազյան Ա.**, Արևմտահայության վիճակը ըստ օսմանյան սովորանական ֆերմանների (XVI-XVIII դդ.), «ՊԹՀ», 1988, թ. 2, էջ 131:

³¹² Տե՛ս «Մանր ժամանակագրություններ», հ. 1, էջ 169, 170, 171, 172; **Զոլայան Մ.**, «Դևիչիմե»-ն Օսմանյան կայսրության մեջ, էջ 250; **Նույնի**, Արևմտյան Հայաստան XVI-XVIII դդ., էջ 329-331: 1585 թ. Հովհաննես Սեբաստացին գրում է, որ Սեբաստիայից սովորանի կողմից առաքված մի պաշտոնյա ժողովել է 300 մանուկ և «արձակեալ ընդ ամենայն տեղիս զնոյն առնէր ի վերա քրիստոնէական տոհմից...» (ՄՄ, ձեռ. № 1868, էջ 232թ-233ա, հղումը տե՛ս՝ «Մանր ժամանակագրություններ», հ. 2, էջ 254):

³¹³ Տե՛ս «Դիան Հայոց պատմութեան», գիրք Ժ, էջ 71; **Առաքել Դավիթիցի**, էջ 474; «Մանր ժամանակագրություններ», հ. 2, էջ 355:

³¹⁴ Տե՛ս Շաքարյան Ա., Դևիչիմե համակարգի սկզբնավորման..., էջ 445:

³¹⁵ «Մանր ժամանակագրություններ», հ. 1, էջ 169-170:

վոր չէ Եզրակացնել,թե Երկրորդը պետք է փենչիք լիներ, ուստի Երևոյթի մասին տեղեկությունները դիտարկել ենք նաև այլ աղբյուրներում: 17-րդ դարի պատմիչ Առաքել Դավրիժեցին ներկայացնում է, որ 1519 թ. «սուլթան Սէլիմն արար զմանչ ժողովելն: ... սուլթան Սէլիմն չարացավ՝ տղայ ժողովեաց ի քրիստոնէից»³¹⁶: Անդրեաս սրկ. Եվդոկացու ժամանակագրության (16-րդ դար) մեջ նշվում է, որ 1531 թ. «Եղաւ սկիզբն տղայ ժողովի»³¹⁷: Անանուն ժամանակագրության (18-րդ դար) համաձայն՝ Սելիմը «արար տղայ ժողով ի քրիստոնէից», իսկ 1533 թ. «սկիզբն Եղս տղայ ժողովելոյ»³¹⁸: Ինչպես տեսնում ենք, առկա հիշատակություններով հնարավոր չէ վերջնական Եզրահանգման գալ ընտրողաբար արված փենչիքի հարցում: Հետաքրքրություն է ներկայացնում մանկահավաքի աշխարհագրությունը: 1531 թ. մանկահավաքն «ի հայոց ազգէս» ներառել է Տրապիզոնը, Համշենը, Սպերը, Բարերդը, Դերջանը, Երզնկան, Կամալսը, Տկրիկը³¹⁹, իսկ հատկապես 1550 թ. մանկահավաքն ընդգրկուն է Եղել³²⁰:

Մանկահավաքի կազմակերպման սկզբունքները Մ. Զուլյայնն ուսումնասիրել է թուրք հետազոտող ի. Ուզունչարշուիի՝ սուլթանական հրովարտակների և հրամանների հիման վրա 1943 թ. հրատարակած աշխատության միջոցով: Ըստ այդմ, մանկահավաքը կազմակերպվում էր 2-3 կամ 5 տարին մեկ անգամ՝ 8-20 տարեկան քրիստոնյաներից՝ 40 տնից մեկ կամ ավելի շատ մարդ վերցնելով³²¹: Բալկանյան աղբյուրները վկայում են 7-12 տարեկանների, իսկ սուլթանական հրովարտակները՝ 15-20

³¹⁶ Առաքել Դավրիժեցի, էջ 474:

³¹⁷ Նոյն տեղում, էջ 156:

³¹⁸ Նոյն տեղում, էջ 321, 322:

³¹⁹ Տե՛ս Զուլյայս Մ., «Դէշիրմե»-ն Օսմանյան կայսրության մեջ, էջ 251:

³²⁰ Տե՛ս «Մանր ժամանակագրություններ», հ. 1, էջ 172:

³²¹ Տե՛ս Զուլյայս Մ., «Դէշիրմե»-ն Օսմանյան կայսրության մեջ, էջ 251-252:

տարեկան պատանիների հավաքագրման մասին, ինչը փաստում է գործնականում կամայական հավաքագրումը³²²: Ա. Խառատյանն իրավացիորեն մեջբերում է Ն. Իցկովիչի այն դիտարկումը, որ Օսմանյան կայսրությունում սոցիալական շարժունությունը՝ ռայայից ասկյարի անցումը, ինարավոր էր իսլամ ընդունելու և դևհիրմեթի ուղիով, որոնք, փաստորեն, բռնի մեթոդներով էին կիրառվում: Դևհիրմեռվ հավաքածների մի մասն ուղղվում էր Ենիշերական զորամասեր, մյուս մասը՝ հարկադիր աշխատանքի: Նոր նվաճված տարածքների բնակչությունն առհասարակ ռազմագերի էր համարվում, ուստի նրանցից վերցվողների քանակը որոշվում էր սովորանի կամ ռազմական գործողությունը դեկավարած փաշայի կողմից: Հանքարդյունաբերական շրջաններում, վակֆային (մզկիթապատկան) հողերում և մայրաքաղաքում երթեմն մանկահավաքներ չէին իրականացվում՝ վերագործարկվելով պատերազմական իրադրության պայմաններում³²³: Ենիշերի վերածվածները ստանում էին մուտքմանական դաստիարակություն և կտրվում իրենց ազգային համայնքից: 16-րդ դարի վերջին և 17-րդ դարում Օսմանյան կայսրության ռազմատնտեսական հզորության անկումը պայմանավորեց գերության համակարգի քայլքայման գործընթացը³²⁴: 1637 թ. օսմանյան աղբյուրներում հիշատակվող վերջին պաշտոնական դևհիրմեթից հետո իրականացվող դրվագային դևհիրմեները քրիստոնյաների նկատմամբ տիրապետության պահպանման մեխանիզմներից

³²²Տե՛ս Շաքարյան Ա., Մանկահավաքն Օսմանյան կայսրությունում որպես աշխատուժի վերակազմակերպման միջոց, «Մերձավոր և Միջին Արևելիք երկրներ և ժողովրդներ», հ. 24, Երևան, 2005, էջ 431:

³²³Տե՛ս Խառատյան Ա., նշվ. աշխ., էջ 341-344:

³²⁴Տե՛ս նոյն տեղում, էջ 345:

մեկն էին դարձել, իսկ Ենիշերական զորքերի համալրումն արդեն բռն օսմանյան տարրից էր կատարվում³²⁵:

Դևիրմենվ հավաքված քրիստոնյա երեխաների մեծ մասը, փաստորեն, ոչ թե համալրում է Ենիշերիների զորաբանակը, որ 16-րդ դարի վերջին առավելագույնը կարող էր հասնել 48 հազարի, այլ, ըստ ֆրանսիացի ճանապարհորդ դ'Արամոնի, օգտագործվում էր գյուղատնտեսական աշխատանքներում՝ էժան գներով վաճառվելով փոքրասիական թյուրքալեզու գյուղացիությանը³²⁶: Ա. Շաքարյանը կարծում է, որ դևիրմենի համակարգի մասնակի վերաճումը ստրկավաճառության բխում էր մարդկային ռեսուրսների խիստ կարիքից և մարդուժով առավել հարուստ տարածքների հաշվին մարդկային նվազ ռեսուրսներ, հետևաբար և թույլ գյուղատնտեսություն ունեցող վայրերի զարգացման քաղաքականության մեջ էր տեղափորվում³²⁷:

Սկզբնաղբյուրներում առկա վկայությունները փաստում են, որ մանկահավաքը կատարվել է միայն բռնի եղանակներով³²⁸: Պատահական չէ, որ սլավոնական ժողովուրդների մոտ դևիրմեն ստացել է «արյան հարլ» անվանումը³²⁹: Ինչպես եզրակացնում է Մ. Զոլայանը, մանկահավաքը Օսմանյան կայսրության

³²⁵ Տե՛ս Խառատյան Ա., նշվ. աշխ., էջ 347:

³²⁶ Տե՛ս Շաքարյան Ա., Մանկահավաքն Օսմանյան..., էջ 434-436:

³²⁷ Տե՛ս նոյն տեղում, էջ 430, 439-440:

³²⁸ Տե՛ս Զոլայան Մ., «Դևիրմեն-ն Օսմանյան կայսրության մեջ», էջ 252-254; «Մանր ժամանակագրություններ», հ. 1, էջ 169-170; Գրիգոր Դարանալոցի, էջ 304-311; Օրմանեան Մ., Ազգապատում, հ. Բ, Էջմիածին, 2001, սյ. 2608-2610; Զամչեան Մ., Պատմութին Հայոց, հ. Գ, Վենէտիկ, 1786, էջ 513: Ըստ ժամանակագրի Հովհաննես Սեբաստացու և Մ. Զամչանի՝ 1543 թ. մանկաժողովի ժամանակ նույնիսկ հայկական ութ եկեղեցիներ են այրվել (տե՛ս Զամչեան Մ., նշվ. աշխ., էջ 513; Ալպօյանեան Ա., Պատմութին Եվրոպիոյ Հայոց, Գահիրէ, 1952, էջ 598):

³²⁹ Տե՛ս Շաքարյան Ա., Օսմանյան կայսրության բնակչության խուսափումը դևիրմեցից (համաձայն օսմանյան փաստաթղթերի), «Մերձավոր Արևելք», հ. III, Երևան, 2006, էջ 32:

քրիստոնյաների ազգային ճնշման և ուժացման քաղաքականության բաղադրիչներից էր³³⁰: Ի մի բերելով մեջքերված տեսակետները՝ հարկ է նկատել, որ մանկահավաքը քրիստոնյաների մուտքանացման ճանապարհով մարդկային ռեսուլտների բավարարման քաղաքականություն էր, ուստի, ինչպես նկատել է Մ. Զովայանը, այն պետք է անպայման դիտարկել Օսմանյան կայսրության ազգային-կրոնական քաղաքականության համատեքստում: Ընդհանուր առմամբ, 3 դարերի ընթացքում ավելի քան 500 հազար քրիստոնյաների մանուկներ վերածվել են ենիշերիների³³¹, իսկ այլ աշխատանքներում ընդգրկվածների թիվը մի քանի անգամ ավելին պետք է լիներ: Երբեմն պետական կարևորություն ունեցող աշխատանքներում ընդգրկված քրիստոնյաներն օգտվել են արտոնություններից, օրինակ՝ 1569 թ. Շապին-Գարահիսարի մոտակա 4 հանքերում աշխատող 23 գյուղերի բնակիչներ ազատվել են ուշիրմեհց³³²: Այդուհանդերձ, հրովարտակներից մեկում ակնհայտ է, որ որոշ դեպքերում մանկահավաքի են ենթարկվել անգամ արտոնություններ վայելող Կամախի, Գյումոշխանեի, Շապին-Գարահիսարի հանքերում աշխատող հայ և հույն հանքափորների ընտանիքները³³³:

Հետաքրքիր է մանկահավաքների նկատմամբ Հայ առաքելական եկեղեցու մոտեցումը: Սկզբնաղբյուրներում քանից ներկայացված է, որ 1543 թ. դերջանցի Մաղաքիա վարդապետը գնաց սովորական Սովեյմանի մոտ և վերջինիս հրամանով չեղարկեց մանկահավաքը Դերջանում և Բաբերդում³³⁴: Սովեյման Ա-ի

³³⁰ Տե՛ս Զովայան Մ., «Դևիրմե»-ն Օսմանյան կայսրության մեջ, էջ 255:

³³¹ Տե՛ս «Ուղեգրություններ», հ. 2, էջ 294:

³³² Տե՛ս Շաքարյան Ա., Մանկահավաքն Օսմանյան կայսրությունում..., էջ 433:

³³³ Տե՛ս Զովայան Մ., «Դևիրմե»-ն Օսմանյան կայսրության մեջ, էջ 253:

³³⁴ Տե՛ս Ալաքել Դավիթիծեցի, էջ 439: Մաղաքիա Դերջանցու գործունեության մասին տե՛ս նաև՝ «Մայր ցուցակ հայերէն ծեռագրաց Մաշտոցի անուան Մատենադարանի», հ. Է, ձեռ. թիվ 2145, ս. 194:

Կողմից Կեսարիայի թեյին ուղղված 1564 թ. մի հրամանագրում նշվում է մանկահավաքի Ենթարկված մի քանի տղաների՝ Կոստանդնուպոլիսից հայրենի բնակավայր փախչելու և վերստին քրիստոնյա դառնալու մասին³³⁵: Սատ նոյն փաստաթղթի՝ Եկեղեցում հայրենի դավանանքին վերադառնալու ծես է կատարվել³³⁶: Սա նշանակում է, որ այդ ժամանակաշրջանում բռնի իսլամացած մանուկը կամ պատանին քրիստոնեական համայնքի կողմից անմիջապես մերժված չէր համարվում, այլ հնարավոր էր նրա վերադարձը հարազատ համայնք: Սա լիովին բացատրելի է Հայ առաքելական Եկեղեցու 7 խորհուրդների նշանակությամբ, քանի որ մկրտության խորհուրդն անցինք է համարվում:

Թուրքական սկզբնադրյուրները վկայում են նաև Արևելյան Հայաստանից մանուկների և պատանիների հավաքման մասին: 1589 թ. մանկահավաքը, ըստ Սելանիկիի, ընդգրկել է նաև Սեֆյաններից գրավված հողերը: Նա հետևյալ կերպ է բնութագրում դևիրմեհ կատարման ընթացքը. «Ժամանակի իշխողները տղաների դևիրմեհ գործում անխիղճ են եղել և նվերի անվան տակ շատ մեծ կաշառքներ են վերցրել. ինչպես գայլն է հարձակվում ոչխարի հոտի վրա, այնպես էլ նրանք ագահորեն հարձակվել են երկրի ռայաների վրա: Հարուստ ռայաներից կուել են անթիվ անհամար հարստություն, իսկ աղքատ ռայաներից՝ նրանց զավակներին, քանդել են նրանց տունն ու տեղը»³³⁷:

³³⁵ Տե՛ս **Փափազյան Ա.**, Օսմանյան կայսրության ոչ մահմեդական ժողովուրդներին վերաբերող թուրքական մի շարք վավերագրեր, «ՊԲՀ», 1983, թ. 4, էջ 202:

³³⁶ Տե՛ս **Շաքարյան Ա.**, Օսմանյան կայսրության բնակչության խուսափումը դևիրմեհց, էջ 31:

³³⁷ «Թուրքական աղբյուրներ», հ. Բ, էջ 136-137:

Տղայաժողովներից զատ սկզբնադրյուրներում կան նաև առջիկների հավաքմանն առնչվող փաստեր, ինչպես օրինակ՝ 1569 թ. «աղջիկ ժողովեցին ի քրիստոնէից»³³⁸:

Հայաստանի տարածքում մանկահավաքների ծավալների վերաբերյալ հայագիտության մեջ տարբեր կարծիքներ կան: Այսպես, Մ. Օրմանյանն իր «Ազգապատում» աշխատության մեջ այն հետևյալ կերպ է ներկայացնում. «Մանկաժողովը աւելի Ասիական գաւառներու մէջ կը կատարուէր, եւ քրիստոնեայ տարրերուն մէջ աւելի հարստահարուողը Հայը կ'ըլլար»³³⁹: Ի հակառակ այս տեսակետի՝ Մ. Զոլայանը պնդում է, որ օսմանյան իշխանությունները քրիստոնյա երեխաններին Բալկաններում ավելի շատ էին հավաքում, քան Արևմտյան Հայաստանում, որովհետև այստեղ որպես իրենց ռազմական հենարան օգտագործվում էին քուրդ ցեղապետները, իսկ Բալկաններում այդպիսի տարրը բացակայում էր, ուստի անտք էր հնարավորինս արագ ամրապնդվել: Նրա կարծիքով՝ հայերից մանկահավաքն առավել մեծ չափերով դրսնորվել է ոչ թե բուն Հայաստանում, այլ Եփրատից արևմտաք ընկած շրջաններում, որոնք 16-րդ դարում խիստ հայահոծ էին³⁴⁰: Մեր կարծիքով՝ Մ. Զոլայանի դիտարկումը միայն մասամբ է հաստատվում սկզբնադրյուրների տվյալներով, քանի որ բազմաթիվ են մանկահավաքների մասին տեղեկություններն Երզրումի նահանգում, որտեղ 16-րդ դարում քրդական տարրի առկայությունն առանձնապես նկատելի չէր:

Բացի դևշիրմեից, հայ բնակչության աճի դինամիկայի վրա բացասաբար էր անդրադառնում նաև հարկային քաղաքականությունը: Օսմանյան կայսրության ու Մեֆյան Պարսկաստանի ազգային և հարկային քաղաքականության՝ կրոնականաց-

³³⁸ «Մանր ժամանակագրություններ», հ. 2, էջ 355:

³³⁹ Օրմանեան Մ., նշվ. աշխ., սյ. 2608:

³⁴⁰ Տե՛ս Յովալյան Մ., Արմենիա в первой половине XVI в., էջ 49:

ված լինելու վառ վկայությունն է այլադավաններից գինվորական ծառայության փոխարեն գլխահարկի (ջիզիե կամ ջիզյա) գանձումը: Ջիզիեն 1528 թ. Օսմանյան կայսրության եկամտի 8%-ն էր, ընդ որում՝ այն հաճախ գանձվում էր ոչ միասնական սկզբունքով: Միայն 1691 թ. այն միօրինակացվեց՝ գանձվելով 14-75 տարեկան ոչ մուսուլման տղամարդկանցից³⁴¹: 17-րդ դարի թուրք պատմագիր Կոչի բեյի «Ռիսալե» երկում նկարագրվում է 1582 թ. և դրան հաջորդող տարիներին աղքատ ոչ մուսուլման հպատակներից ջիզիեի հարկման գործընթացը, հավելյալ ապօրինությունները, օրինակ՝ սահմանված 240 ակչեի փոխարեն հաճախ 700-800 ակչե էր գանձվում³⁴²:

Միտումնավոր անտեսելով հենց օսմանյան սկզբնադրյուր-ների հաղորդած տվյալները՝ արդի թուրք պատմաբանները փոր-

³⁴¹ Տե՛ս **Մարտիրոսյան Ա.**, Գլխահարկն Օսմանյան կայսրությունում, «Մերձավոր Արևելք», հ. VI, Երևան, 2009, էջ 168-174: Օսմանյան կայսրությունում քրիստոնյաների նկատմամբ հարկային քաղաքականությունը մանրամասն չենք ներկայացնում, քանի որ դա ավելի շատ սոցիալ-տնտեսական պատմության մաս է: Օսմանյան հարկային քաղաքականության մասին տե՛ս «Հայոց պատմություն», հ. III, գ. I; **Անասյան Հ.**, XVII դարի ազատագրական շարժումներն Արևմտյան Հայաստանում; **Զուլայյան Մ.**, Արևմտյան Հայաստանը XVI-XVIII դդ.; **Սահակյան Լ.**, Բարձր Հայրի...; **Փափազյան Ա.**, Թուրքական վավերագրերը Հայաստանի և հայերի մասին (16-19-րդ դարեր), Երևան, 1999; «Օսմանյան օրենքները Արևմտյան Հայաստանում (XVI-XVII դարերի կանոն-նամեներ)», թարգմ. և ծանոթ.՝ Ա. Սաֆրաստյանի և Մ. Զուլայյանի, Երևան, 1964; **Саркисян Е.**, Административная и демографическая политика османского правительства в Западной Армении, էջ 357-380; «Аграрный строй Османской империи XV-XVII вв.: документы и материалы»; **Darling L.**, Revenue Raising and Legitimacy: Tax Collection and Finance Administration in the Ottoman Empire, 1560–1660, New York, 1996; **Gerber H.**, Muslims and Zimmis in Ottoman Economy and Society: Encounters, Culture, and Knowledge, "Studies in Ottoman Social and Economic Life", edited by R. Motika, Ch. Herzog, M. Ursinus, Heidelberg, 1999, p. 141-169; **Balla E., Johnson N.**, Fiscal Crisis and Institutional Change in the Ottoman Empire and France, "The Journal of Economic History", № 69 (3), 2009, p. 809-845: Թուրքական մեկնաբանությունները տե՛ս **Tuncer H.**, Osmanlı imparatorluğunda toprak hukukü, arazi kanunları ve kanun açıklamaları, Ankara, 1962; **Çizakça M.**, A Comparative Evolution of Business Partnerships: The Islamic World and Europe, with Specific Reference to the Ottoman Archives, Leiden – New York, 1996.

³⁴² Տե՛ս «Թուրքական ադրյուրներ», հ. Բ, էջ 230-231:

ծում են առաջ քաշել այն տեսակետը,թե իբր Օսմանյան կայսրությունում հարկերն անհատական չեն եղել, իսկ հարկային քաղաքականության հիմքում կրոնադավանական տարանջատում չի եղել: Նույնիսկ նման տեսակետն ամերիկյան թուրքագիտության մեջ առաջ տանող թուրք պատմաբան Մ. Զոշգելը ստիպած է խոստովանել, որ ջիզիեն ոչ մուսուլման բոլոր չափահաս տղամարդ հպատակներից անհատապես գանձվող հարկատեսակ էր³⁴³: Այս կերպ թուրք պատմաբանն ակամայից հաստատում է այն փաստը, որ օսմանյան հարկային համակարգը կրոնական խորականության սկզբունքի վրա է հիմնված եղել:

«Արյան հարկից» և գլխահարկից զատ ակնհայտ բռնի գործողություններ են իրականացվել քրիստոնյա բնակչության նկատմամբ՝ ընդհուպ մինչև զանգվածային կամ մասնակի իսլամացման դեպքերը: Հաճախ է քննարկման թեմա դառնում Համշենի հայության իսլամացման ժամանակաշրջանի հարցը: Այսպես, Լ. Սահակյանը կարծում է, որ համշենահայության բռնի իսլամացման քաղաքականությունն ակտիվացել է 16-րդ դարի վերջից³⁴⁴, Լ. Խաչիկյանը և Մ. Արքահամյանը՝ 17-րդ դարից³⁴⁵, Հ. Տաշյանը՝ 17-րդ դարի վերջից³⁴⁶: Մ. Զուլայյանն իրավացիութեն նկատում է, որ մանկահավաքի ենթարկված հայության հա-

³⁴³ Տե՛ս Coşgel M., The Fiscal Regime of an Expanding State: Political Economy of Ottoman Taxation, “University of Connecticut Department of Economics Working Paper Series”, Working Paper 2013-28, էջ 20; Առյնի, Efficiency and Continuity in Public Finance: The Ottoman System of Taxation, “University of Connecticut Department of Economics Working Paper Series”, Working Paper 2004-02R, էջ 20:

³⁴⁴ Տե՛ս Սահակյան Լ., Օսմանյան կայսրությունում համշենահայերի բռնի մահմեդականացման քաղաքականության հետևանքները, էջ 207-218:

³⁴⁵ Տե՛ս Խաչիկյան Լ., Էջեր համշենահայ պատմությունից, «Բանբեր Երևանի համալսարանի», 1969, թ. 2, էջ 136; Արքահամյան Մ., Օսմանյան կայսրությունում համշենահայերի բռնի իսլամացման խնդրի շուրջ, «Թուրքագիտական և օսմանագիտական հետազոտություններ», հ. VII, Երևան, 2011, էջ 180-184:

³⁴⁶ Տե՛ս Տաշյան Յ., նշվ. աշխ., էջ 30:

մար սկզբնաղբյուրներում հաճախ նշվում են Տրապիզոնը, Համշենը և Էրզրումի նահանգը³⁴⁷, ուստի այդ տեղում բնակչության գերակշիռ մեծամասնությունը պետք է կազմեին քրիստոնյաները: Բացի այդ, Լ. Սահակյանն իր վերջին ուսումնասիրություններից մեկում հստակ ցույց է տվել, որ Համշենը 16-րդ դարի առաջին երեսնամյակին եղել է հայ գրչության կարևոր կենտրոններից մեկը³⁴⁸: Փաստորեն, Համշենի բնակչության զանգվածային իսլամացումը չպետք է դիտարկել 16-րդ դարում:

Զանգվածային իսլամացման դեպք գրանցվել է 1578 թ., երբ Արևմտյան Հայաստանում օսմանյան վարչամեթենան հաստատելու և տեղի բնակչությանը հարկման ենթարկելու խնդրով Բաբերդի, Սպերի, Թորթումի և այլ գավառներ է ուղարկվել Լալա փաշան: Նա կարճ ժամանակում ավերակների է վերածել Բարձր Հայքի և Տայքի հայկական բազմաթիվ բնակավայրեր, սրի քաշել տասնյակ հազարավոր մարդկանց, և ավելի քան 50 հազար հայեր ֆիզիկական ոչնչացումից փրկվելու համար իսլամ են ընդունել³⁴⁹: Ըստ Ա. Ալպոյաճյանի՝ Կեսարիայում ևս տեղ են գտել զանգվածային մուավանացման դեպքեր³⁵⁰:

Զգալի թիվ են կազմում իսլամացման մասին մասնավոր դեպքերի, կրոնական հողի վրա սպանությունների և եկեղեցիների՝ մզկիթի վերածման մասին հիշատակությունները սկզբնաղբյուրներում: Անհատական կամ մասնակի իսլամացման դեպքերը տեղ են գտել առանձնաշնորհումների և որոշ հարկերից ազատման պատճառով: Շարիաթի համաձայն՝ մուավանան իրավունք ունի իր քրիստոնյա ազգականի ժառանգածը ստանալ: 17-

³⁴⁷ Տե՛ս Զուլայյան Մ., «Դևիլիմե»-ն Օսմանյան կայսրության մեջ, էջ 251:

³⁴⁸ Տե՛ս Սահակյան Լ., Համշենը հայկական ծեռագրերում, «Արևելագիտության հարցեր», հ. 12, Երևան, 2016, էջ 86-95:

³⁴⁹ Տե՛ս Տայքեան Յ., նշվ. աշխ., էջ 3-20:

³⁵⁰ Տե՛ս Ալպոյաճեան Ա., Պատմություն հայ Կեսարիոյ, էջ 638-640:

թդ դարում Ռումելիի հույն, ալբանացի, բուղար, սերբ մեծ թվով բնակչություն իսլամ ընդունեց, իսկ հայ բնակչության շրջանում այդ գործընթացն ավելի դանդաղ էր ընթանում³⁵¹: Եկեղեցիների բռնազավթման դեպքերից առանձնանում են 1518 թ. Ամիդում Կաթողիկե Ս. Թեոդորոսի վերածումը մզկիթի³⁵², 1565 թ. Սեբաստիայի Ս. Գրիգոր Լուսավորիչ Եկեղեցու ժամատան քանդումը³⁵³ և 1592 թ. վերջինիս ու Ս. Աստվածածին Եկեղեցու վերածումը մզկիթի³⁵⁴: Բազմաթիվ են հավատի համար նահատակությունների հիշատակումները: 1550 և 1590 թթ. Էրզրումում հիշատակվում են քրիստոնյաների՝ մեկօրյա զանգվածային սպանություններ³⁵⁵: Ահա նահատակված մարդկանց նաև անունները. 1517 թ. Ամիդում՝ Խաչատուր Կողբացի, 1519 թ.՝ Աստվածատուր, 1524 թ.՝ Բարունակ Ամիեցի, 1524 թ.՝ Մալաթիայի Եկեղեցու լուսարար Կարապետ, 1528 թ.՝ Եղեսիայում Թորոս, 1533 թ.՝ Սեբաստիայի նահանգի Տլու (Slungni) վանքի արեղա Հայրապետ, 1534 թ.՝ Թաղեսոս քահանա Սեբաստացի, 1535 թ.՝ Սեբաստիայի Շանքուտակ (Շնքուտակ) գյուղում երիտասարդ քահանա, 1536 թ.՝ Սեբաստիայում խոջա Կոգջան և այլք³⁵⁶:

Ինչպես Օսմանյան կայսրությունում, Սեֆյան Պարսկաստանում ևս 16-րդ դարում գործադրվել է ջիզիեն, սակայն չեն հիշատակվում զանգվածային մուսուլմանացման դեպքեր, իսկ դւշիրմեի ինստիտուտը չի գործել: Պատերազմների ժամանակ մա-

³⁵¹ Տե՛ս Ալպօյաճեան Ա., Պատմութիւն հայ Կեսարիոյ, էջ 640-643:

³⁵² Տե՛ս Առաքել Դավրիթեցի, էջ 428:

³⁵³ Տե՛ս «Մանր ժամանակագրություններ», հ. 1, էջ 172:

³⁵⁴ Տե՛ս նոյն տեղում, էջ 173; հ. 2, էջ 268, 518: Հմմտ. Առաքել Դավրիթեցի, էջ 475:

³⁵⁵ Տե՛ս «Մանր ժամանակագրություններ», հ. 2, էջ 267, 518, 531:

³⁵⁶ Տե՛ս Օրմանեան Մ., նշվ. աշխ., սյ. 2591-2592, 2597-2599; «Դիւան Հայոց պատմութեան», գիրք Ժ, էջ 62, 499; Առաքել Դավրիթեցի, էջ 474; «Մանր ժամանակագրություններ», հ. 1, էջ 170; հ. 2, էջ 266, 284, 382; Զամշեան Մ., նշվ. աշխ., էջ 516:

նուվների գերեվարումների հիշատակումն ավելի շատ համադրելի է փենչիքի հետ: Հավատի համար 16-րդ դարում նահատակությունների դեպքերի հիշատակություններն Արևելյան Հայաստանում հազվադեպ են, օրինակ՝ Գեղարքունիքի Աղամխան գյուղի Ս. Աստվածածին եկեղեցում 1576 թ. թվագրվող տապանաքարի վրա գրված է. «Այս է հանգիստ Զաւերապին որ մարտիրոսածաւ (մարտիրոսացաւ – Մ.Մ.) ի սէր Քրիստոսի»³⁵⁷, ուստի սա հավատի համար նահատակված անձ է: Արևելյան Հայաստանում նահատակությունների մասին դեպքերի և դեպի Պարսկաստան բռնագաղթի Ենթարկվածների զանգվածային մուսուլմանացման հիշատակումներ սկզբնադրյուրներում ավելի շատ հայտնվում են 17-րդ դարում շահ Աբաս Ա-ի գործունեության և հաջորդող շրջաններում³⁵⁸:

Այսպիսով, 16-րդ դարում Օսմանյան կայսրության էթնոկրոնական քաղաքականությունը Հայաստանում արտահայտվում էր այնպիսի բացասական երևոյթներով, ինչպիսիք էին մանկահավաքները և գլխահարկի գանձումը, իսկ բռնի զանգվածային մուսուլմանացման դեպքերը թեև հազվադեպ են հիշատակվում, սակայն նախադեպ էին դառնում հաջորդ դարերի ընթացքում դրանց հաճախակի գործադրման համար: Այս ամենը կազմակերպված բնույթ ուներ, Հայաստանի տարածքում ուղղակիորեն վերաբերում էր տեղաբնիկ հայ բնակչությանը և սերտաճած էր պետական ժողովրդագրական քաղաքականությանը՝ բացասաբար անդրադառնալով հայ բնակչության թվաքանակի շարժընթացի և հասարակական կյանքի վրա:

³⁵⁷ «Դիվան հայ վիմագրության», պր. IV, էջ 203:

³⁵⁸ Էթնոքաղաքական ընդհանուր խճանկարը տե՛ս **Galichian R.**, A Glance into the History of Armenia through Cartographic Records, London, 2015, էջ 42-43:

1.3. Բնակչության դեղաբաշխման ընդհանուր պատկերը (առանձին վարչամիավորների օրինակով)

16-րդ դարում, չնայած հաճախակի տեղի ունեցող պատերազմական գործողություններին, զանգվածային բռնագաղթերին, սովին և ժանտախտին, սննդի ստացման համար հարմար բնակլիմայական պայմանների և համապատասխան հողերի առատության շնորհիվ Հայաստանի զգայի մասը շարունակում էր խիտ բնակեցված լինել: Բնակչության տեղաբաշխման ընդհանուր պատկերը տեսնելու համար դիմենք Հայաստանի տարբեր վարչամիավորներում բնակչության տեղաբաշխման ներկայացմանը: Նախնառաջ սկսենք օսմանյան վարչամիավորներից:

16-րդ դարում Արևմտյան Հայաստանի ամենամարդաշատ վարչամիավորներից էր Էրզրումի նահանգը: 1474 թ. իտալացի ճանապարհորդ < Բարբարոյի վկայությամբ Էրզրումի ամենամարդաշատ կենտրոններից Բարբերդն ունեցել է 1500 ընտանիք հայ բնակչություն³⁵⁹: Ըստ Էվլիյա Չելեբիի՝ Մեհմեդ Ֆաթիհը իզմիրին մերձակա թիրե քաղաքը գրավելուց հետո այնտեղից մոտ 3 հազար մարդ բերել է Բարբերդի սանջակ (գավառ)՝³⁶⁰ Ի. Միրօղլիի իրատարակած օսմանյան աշխարհագիր մատյանների շնորհիվ Լ. Սահակյանը վերիանել է 16-րդ դարում Էրզրումի նահանգի մի քանի գավառների բնակավայրերի թիվը, բնակչության մոտավոր թիվը և էթնոկրոնական կազմը: Այսպես, Բարբերդի կազմայում (գավառակում) 1516-1518 թթ. հաշվառված է 211 (մոտ 15 հազար մարդ), 1520 թ.՝ 203, 1530 թ.՝ 207 (16,7 հազար մարդ) գյուղ, ընդ որում՝ քրիստոնյաները (հայերը) և մահմեդականները 1516 թ. կազմում էին բնակչության համապատասխա-

³⁵⁹Տե՛ս «Ուղեգրություններ», հ. Ա, էջ 195:

³⁶⁰Տե՛ս «Թուրքական աղբյուրներ», հ. Գ, էջ 126:

նարար 78 (89) և 11 %-ը, 1530 թ.՝ 71 (87) և 13 %-ը³⁶¹: Հետաքրիդ է, որ Բարերո քաղաքի բնակչության թիվը, չնայած ոչ նպաստավոր ռազմաքաղաքական անցքերին, 16-րդ դարում շարունակաբար աճել է՝ 1520 թ. 3341-ից 1591 թ. հասնելով 5630-ի, ընդ որում՝ քրիստոնյաների տեսակարար կշիռը 68,7 %-ից նվազել է 65,2 %-ի³⁶²: Ակնհայտ է, որ քաղաքում մահմեդականների տեսակարար կշռի՝ գյուղական բնակչության համապատասխան ցուցանիշը գերազանցելու գլխավոր պատճառը բերդում տեղակայված կայազորն էր:

Էրզրումի նահանգի մեկ այլ վարչամիավորում՝ Սպերի գավառակում, 1520 թ. կար 139 գյուղ, իսկ հրապարակված 41 գյուղերում 6,3 հազար բնակչության միայն 0,2 %-ն էր մահմեդական՝ 1530 թ. հասնելով միայն 1,6 %-ի³⁶³: Թ. Հակոբյանը, հենվելով Եվրոպացի ուղեգիրների տեղեկությունների վրա, կարծում է, որ, չնայած 1548 թ. Սեֆյանների կողմից ավերմանը, 16-րդ դարի Երկրորդ կեսին Սպերի բնակչության թիվը 4-5 հազար ընտանիք էր³⁶⁴:

Զգալի թվով բնակավայրեր են գրանցվել նաև Դերջանում՝ 1516 թ.՝ 173 (Ներքին Դերջանի 66 գյուղից 34-ը ավերված էին), 1530 թ.՝ 170, ընդ որում՝ 1516 թ. 4,7 հազար բնակիչներից միայն 9,8 %-ն էր մահմեդական, իսկ 1530 թ.՝ մոտ 10,8 հազարից 7,6 %-ը³⁶⁵: Այսպիսով, Էրզրումի նահանգի 3 գավառակների օրինա-

³⁶¹ Տե՛ս Սահակյան Լ., Բարձր Հայքի..., էջ 58, 212, VI: Փակագծերում ավելացված են «անհայտ» կրոնական պատկանելություն ունեցողները, որոնց Լ. Սահակյանը հաշվարկել է քրիստոնյաների թվի մեջ:

³⁶² Տե՛ս նոյն տեղում, էջ 125-128: Տե՛ս նաև Melkonyan A., The demography of the Province of Erzerum: Sixteenth-Twentieth Centuries, in “Armenian Karin/Erzerum”, Edited by R. Hovannisian, Costa Mesa (California), 2003, էջ 134-145:

³⁶³ Տե՛ս Սահակյան Լ., Բարձր Հայքի..., էջ 58, 245:

³⁶⁴ Տե՛ս Հակոբյան Թ., Պատմական Հայաստանի քաղաքները, էջ 225-226:

³⁶⁵ Տե՛ս Սահակյան Լ., Բարձր Հայքի..., էջ 272-273, XII:

կով երևում է, որ 16-րդ դարի առաջին կեսին հայ բնակչությունը շարունակում էր գերակշռող մեծամասնություն կազմել իր հայրենի հողում (3 գավառակներում՝ միջինը 93 %): 3 գավառակներում 1516-1530 թթ. 520-ից ավելի գյուղերի հիշատակումն էլ իր հերթին խոսում է բնակչության մեծ խտության մասին: Դարավերջին էլ (1591 թ.) Բաբերդի գավառակի գյուղերում հաշվառվել է 4534 (5087) քրիստոնյա և 1800 մահմեդական³⁶⁶: Անշուշտ, այս թվերը նախորդների հետ անհամատեղելի են թվում, սակայն, ուսումնասիրելով օսմանյան հարկացուցակների՝ ըստ շնչերի կազմելու սկզբունքները, հանգել ենք այն եզրակացության, որ այստեղ խոսքը միայն գլխահարկ վճարող քրիստոնյաների մասին է, այսինքն՝ չափահաս տղամարդ բնակիչները՝ առանց ծերունիների: Ըստ Թ. Հոլլինգսուորթի՝ Երեխաները ուշմիջնադարյան Եվրոպայում կազմում էին բնակչության 40 %-ը³⁶⁷, ուստիև սրա հետ միասին հաշվի առնելով նաև զառամյալներին (պայմանականորեն՝ շուրջ 5%), ստանում ենք, որ գավառակում ապրում էր 18,5 հազար քրիստոնյա, ինչը համադրելի է դարի առաջին կեսի վիճակագրական ցուցանիշների հետ:

Էրգրումի հարևան Կարսի նահանգում բնակչության տեղաբաշխման ավանդական պատկերի վրա խիստ բացասական ազդեցություն ունեցավ Ամասիայի պայմանագիրը, որի մասին խոսել ենք նախորդ Ենթագլխում: Այդուհանդերձ, անգամ Ամասիայի հաշտությունից և շահ Արաս Ա-ի կազմակերպած բռնագաղթից հետո՝ 1608-1610 թթ., Կարսում հայ բնակչություն է հիշատակվում՝ «բնակիչք Ղարսայ հայք»³⁶⁸:

Օսմանյան կայսրության՝ արևմտահայկական ամենահայուն վարչամիավորներից մեկն էր Վանի նահանգը: Այստեղ

³⁶⁶Տե՛ս Սահակյան Լ., Բաբեր Հայքի..., VI:

³⁶⁷Տե՛ս Hollingsworth T., նշվ. աշխ., էջ 49:

³⁶⁸«Դիան պատմութեան Հայոց», գիրք Ժ, էջ 59:

դեռ 1510-ական թթ. վենետիկցի մի վաճառական Վանը հիշատակում է որպես հիմնականում հայերով բնակեցված մեծ քաղաք, իսկ Աղթամար կղզում՝ «Արմենիկ» անունով բազմամարդ քաղաք (այսինքն՝ հայկական աղբյուրներում հիշատակվող Աղթամար ավանը), որտեղ միայն հայ քրիստոնյաներ էին բնակվում³⁶⁹: Վանի նահանգի վերաբերյալ պաշտոնական վիճակագրություն, ցավոք, չի հրատարակվել: Սովեյման Կանունիի կողմից անցկացված մարդահամարի մասին քանիցս հիշատակում է թուրք ուղեգիր Էվլիյա Չելեբին: Այդուհանդերձ, «Գյուղքիատանի վիլայեթի մեծ դավթար»-ի օրինակը ցույց է տալիս, որ հարկացուցաներում հնարավոր չէ տեղեկություններ գտնել օջաքլըք կամ հյուքյումեր հանդիսացող վարչամիավորներում, որոնք առկա էին նախևառաջ հենց Վանի և Դիարբեքիրի նահանգներում: Այդ իսկ ոչ միասնական սկզբունքների պարագայում 1577 թ. օսմանյան թիմարների մի դավթառում Վանի նահանգի Վանի, Արճեշի, Արծկե (թուրք՝՝ Աղիլշաազ), Բիթլիսի, Բերկրիի և Կեցանի (թուրք՝՝ Քեսան) գավառների Գավաշի, Արճեշի, Տատիկի, Օխւանի, Չուտուրի, Ամյուկի, Մուշի, Աղիլշաազի, Բերկրիի և այլ նահիեներում (գյուղախմբերում) նշվում է 104 գյուղ³⁷⁰: Նոյնպիսի մի դավթար էլ 1603 թ. հիմնականում համապատասխանում է նախորդին³⁷¹: Հետաքրքրական է, որ, երբ 1561 թ. «Շամիրամայ ջուրն բերին Վանայ այգին», Վան քաղաքից աշխատանքներին մասնակցել է 8 հազար մշակ³⁷²: Սա խոսում է այն մասին, որ քաղաքը պետք է բնակչության մեծ թիվ ունենար:

³⁶⁹ Տե՛ս «Ուղեգրություններ», հ. Ա, էջ 300-301:

³⁷⁰ Տե՛ս **Փափազան Հ.**, Սոֆիայի Կիրիլ և Մեթոդի ժողովրդական գրադարանի Վանի էջաթերին վերաբերող օսմանյան դիվանական վավերագրերը, «Բանքեր Մատենադարանի», թ. 15, Երևան, 1986, էջ 275:

³⁷¹ Տե՛ս նոյն տեղում:

³⁷² Տե՛ս «Մանր ժամանակագրություններ», հ. 2, էջ 482:

Հետաքրքիր իրավիճակ էր թուրք-վրացական հարաբերություններում կրվախնձոր հանդիսացող Սամցխեի աթարեկությունում (Վրաց.)՝ Սաաթաբագո): Նրան վերաբերող 1520-ական թթ. կազմված օսմանյան մի զեկուցագրում նշվում է, որ Տայք (Վրաց.)՝ Թավելիի գավառը, գտնվում էր Վրաստանի կազմում, բազմամարդ և ընդարձակ էր, իսկու բնակեցված ու բարգավաճ, ուներ շուրջ 200 բարեկարգ գյուղեր³⁷³: Մամրվանի (թուրք.) Նարիման) գավառը ուներ 40-50 գյուղ, ջրառատ էր և ցանքատարածություններով ու արոտավայրերով հարուստ³⁷⁴: Թորթումի Խախոյի (Խշխանաձորի) շրջանում մոտավորապես 100 գյուղ կար, այդ թվում՝ 20-30-ում կառավարում էին անկախ «անհավատ ազնավորներ»³⁷⁵, այսինքն՝ քրիստոնյա ազնվականներ: Արդահանի գավառում՝ մինչև Շմուկ բերդ, 300 գյուղ կար՝ ջրառատ և ցանքատարածություններով ու արոտավայրերով հարուստ³⁷⁶: Զավախքում՝ մինչև Ածղուր (Ասկուրեթ), մոտ 200 գյուղ կար՝ հարթավայրոտ, իսկու բնակեցված գյուղերով, իսկ փաշայանիստ Ախալցխայի շրջակայրում 200 գյուղ կար³⁷⁷: Այսպիսով, զեկուցագրի տվյալների համադրմամբ ստացվում է, որ 1520-ական թթ. աթարեկությունում շուրջ 1050 գյուղ կար:

Համանման թվեր են ներկայացված դարավերջի օսմանյան հարկացուցակում: Չըլլըրի (Ախալցխայի) նահանգի 1250 բնակավայրերի բնակչության գերակշիռ մասը, ըստ 16-րդ դարի վերջի օսմանյան հարկացուցակի՝ «Գյուրջիստանի վիլայեթի մեծ դավթար»-ի, կրում էր հայերի ու վրացիների շրջանում մեծ տա-

³⁷³ Տե՛ս Մուրադյան Ս., XVI դ. օսմաներեն մի վավերագիր, «Մերձավոր և Միջին Արևելքի երկրներ և ժողովուրդներ», հ. 22, Երևան, 2003, էջ 244:

³⁷⁴ Տե՛ս նույն տեղում:

³⁷⁵ Տե՛ս նույն տեղում:

³⁷⁶ Տե՛ս նույն տեղում, էջ 245:

³⁷⁷ Տե՛ս նույն տեղում, էջ 246:

րածում ունեցող անուններ, այսինքն՝ Երկրամասը գերազանցապես քրիստոնեաբնակ էր³⁷⁸: Ա. Մելքոնյանը համեմատել է օսմանյան Երկու հարկացուցակների տվյալները՝ Եզրակացնելով, որ միայն Վերին Ջավախիք 3 գավառներում 1595 թ. եղել է 358 գյուղ, իսկ 1694-1732 թթ.՝ 142, այսինքն՝ 2,5 անգամ ավելի քիչ: 1595 թ. Ախալքալաքի գավառում եղել է 139 գյուղ (Աշշեհիրի նահիե՝ 84 գյուղ, Թմուկ՝ 22, Նիհալիսդուրի՝ 33), Խերթվիսի գավառում՝ 119 (Անտառային Ջավախիք՝ 69, Խերթվիս՝ 38, Բուզմարեթ՝ 12), Չըլդրի գավառում՝ 100 (Ջանքազ՝ 51, Գայլաբերդ՝ 16, Քանարբել՝ 33), ընդ որում՝ բնակավայրերի թիվը նվազել է բոլոր նահիեներում, հատկապես՝ Բուզմարեթի նահիեում ընդամենը մեկ բնակավայր էր մնացել³⁷⁹: Մեր կարծիքով՝ այս կտրուկ նվազման ժամանակահատվածը պետք է համարել 17-րդ դարի Երկրորդ կեսը, քանի որ Չըլդրի Էյալեթի 13 սանջակներում Էվլիյա Չելեբին 17-րդ դարի կեսին հիշատակում է 1060 գյուղ³⁸⁰: Հետագայում բռնի մահմեդականացման քաղաքականությունից առանձնակի տուժել է Օլթիի լիվան, որի բնակավայրերի թիվը 18-րդ դարի առաջին քառորդին 16-րդ դարի վերջի համեմատ կրկնակի նվազել է³⁸¹:

Օսմանյան կայսրության կազմում զգայի վերափոխումներ է կրել Համշենը: Թուժք պատմաբան Մ. Գյոքբիլգինի հրապարակած Տրապիզոնի գավառին պատկանող օսմանյան աշխար-

³⁷⁸ Տե՛ս **Մելքոնյան Ա.**, Օսմանյան կայսրության ժողովրդագրական քաղաքականությունը որպես ցեղասպանության դրսևորում ըստ Երգորովի և Ախալցխայի նահանգների օրինակների, էջ 40; **Նոյսինի**, Ջավախքը 19-րդ դարում և 20-րդ դարի առաջին քառորդին, Երևան, 2003, էջ 76-82:

³⁷⁹ Տե՛ս **Մելքոնյան Ա.**, Օսմանյան կայսրության ժողովրդագրական քաղաքականությունը..., էջ 43:

³⁸⁰ Տե՛ս «Թուրքական աղբյուրներ», հ. Գ, էջ 110:

³⁸¹ Տե՛ս **Ակոպով Ա.**, Տայք. վարչաժողովրդագրական պատկերը XVI դարից XIX դարի Ի Երևանամյակը, Երևան, 2013, էջ 97, 102:

հագիր մատյաններից տեղեկանում ենք, որ 16-րդ դարում Համշենը Տրապիզոնի գավառի մի գավառակ էր 3 նահիեներով (գյուղախմբերով)՝ Հեմշին, Քարահեմշին, Էքսանոց³⁸²: Համաձայն այդ հրապարակման՝ 1532 թ. Տրապիզոնի գավառի նույնանուն գավառակում կար 199 գյուղ (բնակչությունը՝ 12639 տուն քրիստոնյա և 1094 տուն մահմեդական), իսկ Համշենի գավառակում՝ 34 գյուղ (457 տուն քրիստոնյա և 214 տուն մահմեդական)³⁸³՝ 682 շունչ բնակչությամբ³⁸⁴: Լ. Սահակյանն ընտանիքի անդամների թվի՝ 8-10 միջին գործակցով հաշվարկել է Համշենի բնակչության թիվը՝ անընդունելի համարելով 682 շունչ բնակչության մատնանշումը Մ. Գյոքբիլգինի մոտ: Նա ստացել է 3656-4570 քրիստոնյա և 1712-2140 մահմեդական³⁸⁴: Միանգամայն ընդունելի համարելով Լ. Սահակյանի հաշվարկը, պետք է միաժամանակ նկատենք, որ 682 շունչը գիշահարկ վճարող տղամարդկանց թիվն է միայն: Ըստ Լ. Սահակյանի՝ Համշենում բռնի մահմեդականացման առաջին փորձերը պետք է դիտարկել 16-րդ դարի վերջից և 17-րդ դարից, ինչն Օսմանյան կայսրության՝ Սեֆյանների հետ սահմանին սուննի մահմեդականների տիրապետող դիրքն ամրապնդելու տրամարանությունից էր բխում³⁸⁵:

Արևմտյան Հայաստանի քաղաքներում օսմանյան կայազորների տեղակայման պայմաններում արհեստականորեն ավելանում էր բնակչության թիվը: Միաժամանակ տեղաբնիկ տարրի հաշվին 16-րդ դարում մարդաշատ քաղաքներ էին Էրզրումը, Վանը, Երզնկան, ինչպես նաև Կարսը, Բայազետը, Խլաթը, Բիթլիսը, Մուշը, Արճեշը, Սեբաստիան, Մալաթիան, Դիարբեքիրը, նույնիսկ՝ Մանազկերտը, որը քրդական բեյերի միջև մղվող

³⁸² Տե՛ս Սահակյան Լ., Օսմանյան կայսրությունում համշենահայերի..., էջ 212:

³⁸³ Տե՛ս նույն տեղում, էջ 213:

³⁸⁴ Տե՛ս նույն տեղում, էջ 215:

³⁸⁵ Տե՛ս նույն տեղում, էջ 216-218:

կոփվներից դեռևս այնքան էլ չէր տուժել և 16-րդ դարի սկզբին ուներ մոտ 6 հազար տուն բնակչություն³⁸⁶:

16-17-րդ դարերի միգրացիոն գործընթացների արդյունքում ավելի ստվարացավ պատմական Փոքր Հայքի տարածքում ստեղծված օսմանյան վարչամիավորների հայ բնակչությունը: Հայահոծ էր հատկապես Սեբաստիայի նահանգը, իսկ Կեսարիայի շրջանում հայ բնակչության ստվարացմանը զուգընթաց 1550-1680-ական թթ. արդեն հիշվում են Կեսարիայի և Թոմարգայի հոգևոր առանձին առաջնորդներ³⁸⁷:

Սեֆյան Պարսկաստանի կողմից Արևելյան Հայաստանում ստեղծված վարչամիավորներում բնակչության տեղաբաշխման պատկերը ստանալու հարցում մեր տրամադրության տակ պաշտոնական վիճակագրություն չկա: Գուցե այս հարցում մեզ որոշ չափով օգներ 1591 թ. Երևանի նահանգում Օսմանյան կայսրության կողմից կազմված հարկացուցակը, որը, սակայն, չի հրատարակվել և, բացի այդ, ամբողջական չի կազմվել: Նման պայմաններում պարսկական կալվածագրերի³⁸⁸, իրովարտակների, հայ մատենագրիների, Եվրոպացի և թուրք ուղեգիրների, ինչպես նաև վիմագրերի տվյալներով հնարավոր է հաստատապես պնդել, որ 16-րդ դարում Արևելյան Հայաստանը բավկանին խիտ է բնակեցված եղել, ընդ որում՝ բնակչության գերակշիռ մեծամասնությունը շարունակել են կազմել հայերը: 1533 թ. օսմանյան բանակի՝ Արևելյան Հայաստան արշավանքը նկարագրելիս թուրք պատմիչ Իբրահիմ Փեչևին Շորագյալի (Շիրակի) համար

³⁸⁶ Տե՛ս Հակոբյան Թ., Պատմական Հայաստանի քաղաքները, էջ 20:

³⁸⁷ Տե՛ս Ալպօյաճեան Ա., Պատմութիւն հայ Կեսարիոյ, էջ 907-909, 981:

³⁸⁸ Տե՛ս «Մատենադարանի պարսկական վավերագրերը», II, կալվածագրեր, այր. Ա (ԺԴ-ԺԶ դդ.), կազմեց՝ Հ. Փափազյան, Երևան, 1968, վավ. 12-16, 18, 19, 21, 22, 24, 26, 27; **Փափազյան Հ.**, Գյուղերն ու ագարակները Արևելյան Հայաստանում XVI-XVII դարերում, «ՊԲՀ», 1966, թ. 4, էջ 222:

առանձնահատուկ նշում է, որ մինչ իրենց զորքերի մուտքը «շատ բարեշեն է եղել, ունեցել է մշակված հողերով հարուստ բազմաթիվ գյուղեր», իսկ իրենց բանակն ավերել է դրանք³⁸⁹: Թահմասպ Ա-ի 1565 թ. հրովարտակում առանձնահատուկ կարևորությամբ նշված են Զուղան, Նախիջևանը, Գեղարքունիքը, Կաղզվանը և Շիրակը, ուստի նրանք միջազգային կամ տարածաշրջանային առևտուրի կարևոր ուժիների վրա էին³⁹⁰: 20 հազար³⁹¹ բնակչությամբ Զուղան գյուղաքաղաքն առհասարակ վերածվել էր մետաքսի միջազգային առևտուրի համաշխարհային կենտրոններից մեկի, և «Էր մեծ և երսելի շեն այն ի ժամանակին յանմիկ ի մէջ արեւելեայ աշխարհիս» (ընդգծումը մերն է – Մ.Մ.), զի տակալին ոչ էին վարեալ յաշխարհն Պարսից յայնմ ժամանակի»³⁹²: 1590-1605 թթ. օսմանյան տիրապետության շրջանից մեզ հասել են Թադեի, Դարաշամբի, Աստապատի և մերձակա վանքերի, Մակոփ, Զորսի, Նախիջևանի և Գողթնի գյուղական որոշ համայնքների մասին օսմանյան վավերագրեր³⁹³, որոնք հաստատում են Գողթն-Նախիջևանում և Պարսկահայքում հայ բնակչության գերակշռող լինելու մասին: Մինչ շահ Արասի բռնագաղթը Սալմաստի Եպիսկոպոսությունը բավականին բարձր դիրք ուներ³⁹⁴: Պարսից արքոնիքին տրվելիք պարտքը փակելու համար աթոռակից Սահակ կաթողիկոսը մեկնել է հայաբնակ տարբեր

³⁸⁹ Տե՛ս «Թուրքական աղբյուրներ», հ. Ա, էջ 33:

³⁹⁰ Տե՛ս **Փափազյան Վ.**, Առևտուրարհենտագործական հարկը Սեֆյան տերության մէջ XVI դարում և նրա վերացման հանգամանքները, «ՊԲՀ», 1984, թ. 2, էջ 117-120:

³⁹¹ **Հասրաթյան Մ.**, Հայկական ճարտարապետությունը և պատմաաշխարհագրական ու դեմոգրաֆիկ գործոնները, «ՊԲՀ», 1996, թ. 1-2, էջ 170:

³⁹² **Առաքել Դավիթիեցի**, էջ 61:

³⁹³ Տե՛ս **Փափազյան Հ.**, Մատենադարանի թուրքերեն վավերագրերի աղբյուրագրական արժեքը, «ՊԲՀ», 1974, թ. 4, էջ 93:

³⁹⁴ Տե՛ս **Առաքելեան Հ.**, նշվ. աշխ., էջ 26-27:

վայրեր, այդ թվում՝ Խոյի գավառ³⁹⁵: Պարսկահայքի պատմաքաղաքական տարանջատումը Հայաստանի ընդհանրությունից, ըստ Հ. Առաքելյանի, տեղի է ունեցել 15-րդ կամ 16-րդ դարում, քանի որ մինչ այդ հիշատակվում է Երասխի կամուրջը, որի մասին չգիտեն Առաքել Դավրիժեցին, Տավերնիեն, Շարդենը, Թուրլնեֆորը, ընդ որում՝ Շարդենը նույնիսկ պարզ նշում է, որ Երասխը Հայաստանը բաժանում է Մեղիայից³⁹⁶:

Արևելյան Հայաստանում հոծ հայ բնակչություն էր կենտրոնացած հատկապես Արարատյան դաշտում, որտեղից քանից 16-րդ դարում կազմակերպվել են հայերի բռնագաղթեր, մելիքական տների հովանու ներքո գտնվող Արցախում, Գեղարքունիքում, ինչպես նաև Սյունիքի մյուս հատվածներում, Գանձակում, Վրացահպատակ Լոռիում: 1538 թ. Թահմասպ Ա-ի հրամանագրով հաստատվել է Գեղարքունիքի Ալթուն Թախիթ, Փոքր Ենգիջա, Մեծ Ենգիջա, Փոքր Արաք, Միրաքար, Գյուղջի Վերան և Ամրսաղ գյուղերի մովերի պատկանելությունը Գեղարքունիքի Մելիք Բեկ Մելիք-Շահնազարյանին, 1605 թ. Մելիք Քյամալին է շնորհվել Նախիջևանի թումանի Զառուգիբեկի (Ծար և Սոդք) գավառի Ղարասաղալ գյուղից հարկերի գանձման իրավունքը, նույն թվին Արաս Ա-ի հրամանագրով շահական բոլոր պաշտոնյաներին հրամայվել է Գեղարքունիքից բերված գերիներին ներմամբ հանձնել Յավդի Բեկին, իսկ 1708 թ. Երևանի դատարանի արձանագրության մեջ նշվում է Մելիք-Շահնազարյաններին վերադարձվող գյուղերի ցանկը՝ Ղարանլուղդարա, Դրախտիկ (Թումալիջա), Մազրա, Ադիյաման (Կոթ), Ալթուն Թախիթ, Փոքր Ենգիջա, Մեծ Ենգիջա, Փոքր Արաք, Միրաքար, Գյուղջի Վերան,

³⁹⁵ Տե՛ս Առաքել Դավրիժեցի, էջ 206:

³⁹⁶ Տե՛ս Առաքելեան Հ., նշվ. աշխ., էջ 35-36:

Ամրսաղ³⁹⁷: 16-րդ դարում Գեղարքունիքի մելիքության՝ Տաթևի վանքին հարկատու գյուղերի ցանկում թվարկված են Ղուլայի (Գավառից 2 կմ հարավ-արևելք), Վերին Քյոլաղրան, Դալու-դարդաշ (Սարուխան), Քթաշեն, Գավառ, Կոթ, Կածիք, Կնձուտ, Գանձակ, Նորատուս և այլ գյուղեր³⁹⁸:

Ընդհանրացնելով ներկայացրած տվյալները՝ նշենք, որ 16-րդ դարի վերջին Երևանի և Գանձակի նահանգներում, ըստ Խուան Պարսկաստանցու (16-17-րդ դարեր), 250 հազարական ծովու բնակչություն կար, իսկ ըստ Սիդոնի Եպիսկոպոսի մի գրության՝ 1587 թ. «Մեծ Հայք» կաթողիկոսի իրավասության տակ կար ավելի քան 260 հազար հայ ընտանիք, Սսի՝ ավելի քան 20 հազար³⁹⁹: Հաշվի առնելով այն հանգամանքը, որ Վանա լճի ավագանում գործում էր Աղթամարի կաթողիկոսության նվիրապետական աթոռը, Գանձակ-Արցախում՝ Գանձասարի կաթողիկոսությունը, իսկ մեր կողմից հայ բնակչության ընտանիքի միջին մեծության գործակիցը 7,6 էինք հաշվարկել, ուստի ստացվում է, որ, Սիդոնի Եպիսկոպոսի գրության համաձայն, 1587 թ. դրությամբ Հայաստանի տարածքում միայն Ս. Էջմիածնի նվիրապետության ներքո, որը 16-րդ դարի վերջին շատ ծանր ժամանակաշրջան էր ապրում, կար առնվազն 2 մին հայ բնակչություն: Այս թվին գուգահեռ հաշվարկելով Խուան Պարսկաստանցու թվերը և դիտարկելով Լ. Սահակյանի և Ա. Մելքոնյանի կողմից մահմեդականների համար ընդունելի համարվող ընտանիքի միջին մե-

³⁹⁷ Բնակավայրերի անվանումները տրված են մահմեդական փաստաթյաերում ներկայացված ոչ հայկական ծերով (տե՛ս Կոստիկյան Ք., Գեղարքունիքի Մելիք-Շահնազարյանների պատմությունից, «Մերձավոր և Միջին Արևելքի երկրներ և ժողովրդներ», հ. 24, Երևան, 2005, էջ 303-329):

³⁹⁸ Տե՛ս Բարիսուղարյան Ա., Գեղարքունիքի մելիքներն ու տանուտերերը ըստ Տաթևի վանքի մի փաստաթյութի, էջ 191-227:

³⁹⁹ Տե՛ս Կարապետյան Մ., Երևանի բնակչության էթնիկական կազմի և թվաքանակի փոփոխությունները 1600-1724 թթ., «ՊԲՀ», 1986, թ. 2, էջ 97:

ծովայան 6 գործակիցը՝ միջինացված գործակցով հաշվարկով ստանում ենք, որ Գանձակի և Երևանի նահանգներում օսմանյան բռնազավթման սկզբնափուլում կար յուրաքանչյուրում շուրջ 1,75 միլիոն բնակչություն: Փաստորեն, այս երկու թվերի հաշվարկը բերում է միմյանց հակառակ ծայրահեղությունների:

Նման պարագայում հետադարձ հայացք գցելով նաև Արևմտյան Հայաստանի վարչամիավորներում բնակչության տեղաբաշխմանը (1250 գյուղ Չըլդըրի նահանգում, 520 գյուղ Էրգրումի նահանգի միայն 3 գավառակներում, 100-ից ավելի գյուղեր Վանի նահանգի միայն մոտ մեկ տասնյակ նահիեներում՝ կարելի է եզրակացնել, որ 16-րդ դարում Հայաստանը շարունակել է բավականին խիստ բնակեցված լինել, ընդ որում, չնայած պատերազմական գործողություններին, օտար էթնիկական ներթափանցումներին, հայ բնակչության զանգվածային բռնագաղթերին, կամավոր արտագաղթին, սովոր և հիվանդություններին, հայկական բնակավայրերի ավանդական ցանցը դեռևս շարունակել է պահպանվել: Համադրելով վերը կատարած մեր հաշվարկները, բնակչության տեղաբաշխման պատկերը, Հայկական լեռնաշխարհի բնակլիմայական պայմանները և հետևաապես հացահատիկի ու առհասարակ սննդի ստացման լայն հնարավորությունները՝ միանգամայն իրատեսական ենք համարում, որ Հայաստանի բնակչության թիվը լիներ 5 միլիոնի սահմաններում, որից առնվազն 4 միլիոնը՝ հայեր: Հակառակ պարագայում 17-րդ դարի սկզբին Հայաստանին պատած ամենազանգվածային բռնագաղթից, ինչպես և աննախադեպ սովոր ու ժանտախտից հետո մի քանի տասնամյակում բնակչության տեղաբաշխման նախկին պատկերը և բնակավայրերի ցանցը չեն կարող իրենց հիմնական գծերով վերականգնվել:

ԳԼՈՒԽ Բ

ԺՈՂՈՎՐԴԱԳՐԱԿԱՆ ԳՈՐԾԸՆԹԱՑՆԵՐԸ ՀԱՅԱՍՏԱՆՈՒՄ 17-ՐԴ ԴԱՐԻ ԱՌԱՋԻՆ ԿԵՍԻՆ

2.1. Ժողովրդագրական գործընթացների միտումները և առանձնահատկությունները

Ժողովրդագրական գործընթացները Հայաստանում 17-րդ դարում աչքի են ընկել մի շարք առանձնահատկություններով, որոնք պայմանավորված էին ռազմաքաղաքական իրադրությամբ թելադրվող հանգամանքներով, մասնավորապես՝ թուրք-պարսկական հերթական պատերազմի ընթացքում կատարվեց հայ բնակչության՝ նախադեպը չունեցող բռնագաղթ, իսկ 16-րդ դարի վերջին տարիներից մինչև 17-րդ դարի առաջին տասնամյակի վերջը Հայաստանը և հարևան Փոքր Ասիան փոթորկվել էին ջալալիական շարժումներից: 16-րդ դարի վերջին տասնամյակում և 17-րդ դարի սկզբին ամբողջ Հայաստանը գտնվում էր Օսմանյան կայսրության տիրապետության տակ: Ինչպես նշել ենք նախորդ գլխում, 1586 թ. սկսած տեղ են գտել զանգվածային արտագաղթերի դեպքեր Արևելյան Հայաստանից, որտեղ մելիքական տները և բնակչությունը չեն հարմարվել օսմանյան հարկային վարչամեքենային: Այս միտումը շարունակվել է նաև 1601-1603 թթ.: Նախիջևանի Խառցն գյուղում ընդորինակված Ավետարանի 1602 թ. հիշատակարանում ուշագրավ տեղեկություն կա այն մասին, որ «մեծ մայրաքաղաք գեղն Ճահուկի» բնակչությունը, չդիմանալով օսմանյան հալածանքներին, «ելեալ փախան ի բնակչացն իրեանց»⁴⁰⁰:

17-րդ դարում Հայաստանում տեղի ունեցած ժողովրդագրական գործընթացների վրա ամենաբացասական ազդեցությունն են գործել շահ Արա Ա-ի կողմից կազմակերպված զանգ-

⁴⁰⁰ «Հայերեն ձեռագրերի ժեկ դարի հիշատակարաններ», հ. Ա, էջ 66:

վածային բռնագաղթը և Օսմանյան կայսրության ասիական նահանգները համակած ջալալիական շարժումները, որոնց կանդրադառնանք առանձին:

Շարունակվող թուրք-պարսկական պատերազմների համար շարունակում էր բնութագրական լինել հայերի զանգվածային գերեվարումը: 17-րդ դարի սկզբին Կոստանդնուպոլիսի շուկաներից մեկում Սիմեոն Լեհացին ականատես է եղել քրիստոնյա մանուկ և պատանի գերիների զանգվածային վաճառքի⁴⁰¹: Ա. Խառատյանը մեծագույն առաքինություն է համարում հայ խոջաների, Եկեղեցու և համայնքների կողմից գերիների փրկագնման դեպքերը (1534 թ. խոջաները՝ նախիջևանցի ունիթորի, 17-րդ դարի սկզբին՝ Օգոստինոս Բաջեցին՝ ևս նախիջևանցի ունիթորների, 1620-1630-ական թթ.)՝ Կարինի հայ մաքսապետ Սանոս Չելեպին (ըստ Հակոբ Կարնեցու՝ շուրջ հազար մարդու), 1630 թ.⁴² Մովսես կաթողիկոսը 3-4 հազար գերի Երևանից, Թավրիզից և այլ վայրերից)⁴⁰²: Նա իրավամբ կարծում է, որ Հայ Եկեղեցին գերիներին փրկագնելը քաղաքականություն էր դարձրել, օրինակ՝ 1638 թ. Արարատյան դաշտից և Երևանից գերվածներին հաջողվեց փրկագնել Էրզրումի հայ վաճառականների օգնությամբ⁴⁰³: Եվ իսկապես, փրկագնման քաղաքականությունը վարել է ոչ միայն Մովսես Գ Տաթևացին (1629-1632), այլև նրա հաջորդ Փիլիպպոս Ա Աղբակեցին (1633-1655), ով 1650 թ.

⁴⁰¹ Տե՛ս Սիմեոն դպրի Լեհացոյ Ուղեգրութիւն. տարեգրութիւն եւ յիշատակարանը (այսուհետ՝ Սիմեոն Լեհացի), հրատ.⁴ Ն. Ակինեան, Վիեննա, 1936, էջ 18-20:

⁴⁰² Գերիների ազատման դրվագ է ներկայացված 1607 թ. Ավետարանի հիշատակարանում, որի համաձայն՝ պարունտեր Ղալապեկ Ոհանը Գանձակ քաղաքից շատ գերիներ և գրքեր ազատեց (տե՛ս «Հայերն ձեռագրերի ժեղարի հիշատակարաններ», հ. Ա, էջ 282):

⁴⁰³ Տե՛ս Խառատյան Ա., նշվ. աշխ., էջ 331-334:

շահ Աբաս Բ-ից (1642-1666) փրկագնման միջոցով կարողացել է մի խումբ հայերի ազատել գերությունից⁴⁰⁴:

17-րդ դարի առաջին կեսին Հայաստանում ժողովրդագրական գործընթացների մեջ հետաքրքիր առանձնահատկություն էր վանականների թվի կտրուկ աճը, ինչը պայմանավորված էր Հայ առաքելական եկեղեցու գործունեության ակտիվացմամբ, գոյություն ունեցող վանքերի վերաշինմամբ և նոր վանքերի հիմնմամբ: Ձեռագրերի հիշատակարաններում, մանր ժամանակագրություններում և անգամ թուրք ուղեգիրների աշխատանքներում քանից հանդիպում ենք այս կամ այն վանական կենտրոնում հոգևորականների թվի հիշատակմանը կամ թվարկմանը: Ս. Էջմիածնում հիշատակվում են ավելի քան 500 հոգևորականներ⁴⁰⁵, Մշո Ս. Կարապետ վանքում՝ 300⁴⁰⁶, Վարագավանքում՝ ավելի քան 300⁴⁰⁷, Աղթամարի Ս. Խաչ վանքում՝ ավելի քան 200 (և մոտ 300 ճանապիր դերձակներ)⁴⁰⁸, Տաթևի վանքում՝ ավելի քան 100⁴⁰⁹, Լիմ անապատում՝ 60-70⁴¹⁰, Հովհաննավանքում՝ 60⁴¹¹, Խոտակերաց վանքում՝ 6⁴¹²: Տարբեր բնակավայրերում հիշատակվում են բազմաթիվ հոգևորականներ, օրինակ՝

⁴⁰⁴ Տե՛ս «Մատենադարանի պարսկերեն վավերագրերը», հ. I, հրովարտակներ, պ. II (1601-1650 թթ.), կազմեց՝ Հ. Փափազյան, Երևան, 1959, վավ. 39:

⁴⁰⁵ Տե՛ս «Մանր ժամանակագրություններ», հ. 2, էջ 296, 358:

⁴⁰⁶ Տե՛ս «Թուրքական աղբյուրներ», հ. 4, էջ 170:

⁴⁰⁷ Տե՛ս նոյն տեղում, էջ 259: Վարագավանքում 16-րդ դարում (1575 թ.) ևս մեծ թվով բարձրաստիճան հոգևորականների թվարկման օրինակ տե՛ս՝ ՄՄ, ձեռ. № 4749, էջ 95ա:

⁴⁰⁸ Տե՛ս «Թուրքական աղբյուրներ», հ. 4, էջ 257:

⁴⁰⁹ Տե՛ս «Հայերեն ձեռագրերի ժեղարի հիշատակարաններ», հ. Բ, էջ 187-189:

⁴¹⁰ Տե՛ս «Մանր ժամանակագրություններ», հ. 2, էջ 356; «Հայերեն ձեռագրերի ժեղարի հիշատակարաններ», հ. Բ, էջ 199, 478-479, 523, 811; **Ուկեան Հ.**, Վասպորական-Վանի վանքերը, Գ. մաս, Վիեննա, 1947, էջ 978:

⁴¹¹ Տե՛ս **Զաքարիա Քանաքենցի**, հ. II, էջ 188:

⁴¹² Տե՛ս «Հայերեն ձեռագրերի ժեղարի հիշատակարաններ», հ. Ա, էջ 402-404:

Բաղեշում՝ 11⁴¹³, Ագուխում՝ 10⁴¹⁴, Հովհաննավանքում՝ ավելի քան 10⁴¹⁵, Խզանում՝ ավելի քան 10⁴¹⁶, Ղարամուրատում (Գանձակի Զակամի գավառ)՝ 7⁴¹⁷: Ուշագրավ է, որ Փիլիպպոս Աղբակեցին ծեռնադրել է ավելի քան 400 կուսակրոն հոգևորականներ՝⁴¹⁸, կանոնակարգել է կրթությունը, վանքերում կարգել արեղաներ, գյուղերում ու քաղաքներում՝ երեցներ. «Եւ սովաւ բազում կիսաւեր և խախտեալ եկեղեցիք նորոգեցան, և ի գիւղ և ի քաղաքս յոլով եկեղեցիք նոր շինեցան հրաշազան յօրինուածովը՝ պայծառ և փառաւոր ամենայն որպիսութեամբ»⁴¹⁹:

Զեռագրերի հիշատակարաններում գրիչի կամ ստացողի ընտանիքի անդամների թվարկումից շատ հաճախ պարզ է դառնում, որ նոյն գերդաստանի մի քանի սերունդներում եղել են մի շարք հոգևորականներ: Այսպես, Մշո Եղիազարու (Առաքելոց) վանքում գրված Սաղմոսարանի 1636 թ. հիշատակարանում 3 սերունդում ներկայացված են 4 հոգևորականներ⁴²⁰: Սյունյաց Աջանան գավառի Եղինկյան գյուղում 1615 թ. գրված «Վարք Հարանց»-ի հիշատակարանում գրիչ Մինաս քահանան հիշատակում է քահանա հորը և քահանա եղբորը⁴²¹: Դիզակի Թաղասեռ գյուղում նորոգված Ավետարանի 1634 թ. հիշատակարանում թվարկված են Հովհաննես Եպիսկոպոսին արյունակից 4 Եպիսկոպոսներ, 2 արեղաներ և 2 քահանաներ⁴²²: 1630-1660-ական թթ. վանական կյանքի աշխուժացմանը զուգահեռ աննախադեպ

⁴¹³ Տե՛ս «Հայերեն ծեռագրերի ժԷ դարի հիշատակարաններ», հ. Ա, էջ 603-606:

⁴¹⁴ Տե՛ս «Հայերեն ծեռագրերի ժԷ դարի հիշատակարաններ», հ. Բ, էջ 423-432:

⁴¹⁵ Տե՛ս նոյն տեղում:

⁴¹⁶ Տե՛ս նոյն տեղում, էջ 146-148:

⁴¹⁷ Տե՛ս «Հայերեն ծեռագրերի ժԷ դարի հիշատակարաններ», հ. Ա, էջ 362-368:

⁴¹⁸ Տե՛ս «Մանր ժամանակագրություններ», հ. 2, էջ 359:

⁴¹⁹ **Առաքել Դավիթիծեցի**, էջ 266:

⁴²⁰ Տե՛ս «Հայերեն ծեռագրերի ժԷ դարի հիշատակարաններ», հ. Բ, էջ 640:

⁴²¹ Տե՛ս «Հայերեն ծեռագրերի ժԷ դարի հիշատակարաններ», հ. Ա, էջ 543:

⁴²² Տե՛ս «Հայերեն ծեռագրերի ժԷ դարի հիշատակարաններ», հ. Բ, էջ 557:

տարածում ստացավ նաև կուսակրոն կանանց թվի աճը, և հատկապես աչքի էին ընկնում Երնջակ գավառի Շոռորթի, Ալինջի, Վարանդայի Ավետարանոց գյուղի և Ագուիսի կուսանոցները⁴²³:

17-րդ դարի առաջին կեսին հայերեն ծեռագրերի հիշատակարաններում ժողովրդագրական գործնթացներին առնչվող տեղեկություններ հայթայթելիս հանդիպելով գրիչների կամ ստացողների ընտանիքների անդամների հաճախակի թվարկմանը՝ մենք որոշեցինք դրանց միջոցով հաշվարկել տվյալ ժամանակաշրջանում ընտանիքի միջին մեծության գործակիցը (ընտանիքի անդամների միջին թիվը): Հաշվի ենք առել միայն այն հիշատակարանները, որոնք գրվել են բուն Հայաստանում և ունեն ծեռագրի ընդորինակման վայրի հստակ տեղորոշում⁴²⁴: Տվյալների դուրսբերման համար ընթերցել ենք շուրջ 3000 հիշատակարաններ, որոնցից դուրս ենք բերել շատ թե քիչ կանոնավոր թվարկմամբ մոտ 650 ընտանիքների վերաբերյալ տվյալներ: Այս գործում ոչ նպաստավոր գործոն է որոշ դեպքերում իգական սեռի ներկայացուցիչների ոչ կանոնավոր թվարկումը կամ ընդհանրապես բացակայությունը⁴²⁵, օրինակ՝ Խիզանում ընդորինակված Ավետարանի 1623 թ. հիշատակարանում պարզապես գրված է՝ «և ամենայն դստերքն իւր», «և հանգուցեալ կանայքն իւր»⁴²⁶: Երբեմն թվարկման մեջ չեն թվարկվում ոչ միայն իգական սեռի ներկայացուցիչ հարազատները, այլև անգամ

⁴²³ Տե՛ս Մկրտչյան Հ., Հայկական ծեռագրերի հիշատակարանները կանանց մենաստանների և կուսակրոն կանանց վերաբերյալ, «Էջմիածին», 2013, թ. Բ, էջ 89-101:

⁴²⁴ Սունց վայրի նշման կամ գաղթօջախներում գրառված ծեռագրերն առանձին ուսումնասիրության նյութ կարող են լինել: Մեր աշխատանքում դիտարկել ենք գաղթօջախների ծեռագրերի միայն այն հիշատակարանները, որոնցում ներկայացված են նոր վերաբնակիչներ՝ հայրենի բնակավայրի հիշատակմամբ:

⁴²⁵ Տե՛ս օրինակ՝ «Հայերեն ծեռագրերի ժեկան դարի հիշատակարաններ», հ. Ա, էջ 20-21:

⁴²⁶ «Հայերեն ծեռագրերի ժեկան դարի հիշատակարաններ», հ. Բ, էջ 115:

արական սեոի ներկայացուցիչները, օրինակ՝ Դիզակի Քամալեցիք գյուղում ծաղկված Ավետարանի 1639 թ. հիշատակարանում ծաղկող Ավետիսը հիշատակում է ծնողներին և «Եղբայրքն իմ և քըւերքն իմ»⁴²⁷: Թշվարկման տվյալներն ի մի բերելուց հետո ստացել ենք ընտանիքի միջին մեծության 6.2 գործակիցը⁴²⁸: Հաշվի առնելով իգական սեոի ներկայացուցիչների թշվարկման ժամանակ թույլ տրված հաճախակի բացթողումները (մեր կողմից ուսումնասիրված հիշատակարաններից ավելի քան 80 ընտանիքների պարագայում, այսինքն՝ 12,3 % դեպքերում)՝ կարծում ենք, որ ընտանիքի միջին մեծության գործակիցը ճիշտ կին 12,3 %-ով (եթե անորոշ գրված «քըւերք» կամ «դստերք» ձևակերպումների պարագայում իգական սեոի ներկայացուցիչների թիվը նվազագույն հնարավորն ենք դիտարկում՝ 2) ավելի բարձր համարել, այսինքն՝ 7: Փաստորեն, միանշանակ ճիշտ է վարվել Ա. Մելքոնյանը, որ շահ Աբասի բռնագաղթի վերաբերյալ ընտա-

⁴²⁷ «Հայերեն ձեռագրերի ժեւ դարի հիշատակարաններ», հ. Բ, էջ 768-769:

⁴²⁸ Հաշվարկի տվյալների հիմքը (ընտանիքի անդամների թշվարկումը) տե՛ս՝ «Հայերեն ձեռագրերի ժեւ դարի հիշատակարաններ», հ. Ա, № 9, 12, 13, 14, 16, 17, 18, 22, 25, 32, 43, 59, 60, 64, 66, 67, 70, 71, 78, 80, 81, 82, 83, 92, 95, 100, 105, 108, 144, 160, 163, 167, 169, 170, 171, 172, 173, 175, 180, 193, 208, 209, 218, 224, 230, 231, 237, 240, 254, 259, 272, 318, 321, 333, 353, 355, 364, 365, 366, 371, 378, 386, 395, 445, 459, 464, 478, 508, 533, 537, 606, 608, 611, 612, 614, 660, 665, 683, 690, 694, 718, 719, 724, 729, 731, 764, 791, 797, 798, 808, 815, 844, 851, 861, 863, 872, 894, 931, 932, 944, 951, 969, 980, 982, 987; հ. Բ, № 1, 19, 29, 31, 49, 54, 64, 65, 66, 96, 158, 159, 164, 190, 204, 214, 267, 277, 290, 293, 311, 314, 318, 320, 335, 340, 353, 367, 368, 372, 378, 380, 381, 383, 435, 446, 485, 504, 505, 515, 549, 554, 561, 563, 581, 592, 603, 626, 628, 645, 654, 665, 685, 690, 692, 702, 733, 820, 823, 824, 825, 827, 835, 846, 861, 864, 874, 901, 911, 917, 923, 935, 946, 959, 960, 965, 967, 968, 972, 1004, 1018, 1028, 1030, 1077, 1081, 1083, 1085, 1090, 1097, 1098, 1117, 1121, 1140, 1150, 1155, 1178, 1187, 1188, 1189, 1195, 1207; հ. Գ, № 22, 33, 61, 75, 83, 107, 115, 151, 166, 173, 175, 249, 298, 301, 303, 313, 315, 316, 329, 338, 358, 384, 421, 428, 442, 446, 463, 484, 485, 492, 495, 523, 524, 542, 554, 560, 575, 606, 618, 625, 630, 634, 637, 642, 652 և այլն:

Նիքների թվի հիշատակումները բազմապատկել է իր կողմից 19-րդ դարի սկզբին Էրզրումի նահանգի համար հաշվարկած 7-8 գործակցով⁴²⁹ ընդունելով, որ 17-րդ դարի սկզբին գործակիցը նոյնը պետք է լիներ:

Հաշվարկները կատարելիս ուշադրություն ենք դարձել, որ ընտանիքների անդամների միջին թիվն առանձնապես մեծ էր Վանա լիի ավագանում, Էրզրումի նահանգում, Արցախում, Արարատյան կուսակալության մեջ մտնող Կոտայքում և մի քանի այլ շրջաններում (միջինը՝ 7.5-8): Գործակիցը տասնամյակներով հաշվարկելիս ամենաբարձրը ստացել ենք 1601-1610 թթ.՝ 6.5, թեև մահվան մասին դեպքերի ամենաշատը հանդիպել ենք հենց այս տասնամյակում: Կարծում ենք, որ ընտանիքի անդամների թվի մեծությունը պայմանավորված է 16-րդ դարի վերջին երկու տասնամյակներում ծնվածների թվով: 1611-1620 թթ. գործակիցը նվազում է 8,3 %-ով, 1621-1630 թթ.՝ ևս 4,1 %-ով, ինչը պետք է պայմանավորված լիներ 1604 թ. բռնագաղթի և 1606-1609 թթ. սովոր հետևանքով բնակչության բացարձակ թվի նվազմամբ, հետևաբար և ավելի քիչ թվով մարդկանցից ծնվածների թվով: Ժողովրդագրական «պայման» է գրանցվում հաջորդ տասնամյակում՝ 1631-1640 թթ., երբ ընտանիքի անդամների միջին թիվն աճել է մոտ 8 %-ով, ինչը պետք է պայմանավորված լիներ նախորդող մեկ և կես տասնամյակներին Արևելյան Հայաստանում Ամիրգունա խանի ժողովրդագրական քաղաքականությամբ, իսկ Արևմտյան Հայաստանում՝ Զալալիխական շարժումների հայթահարմամբ և մի շարք այլ գործոններով, որոնց կանդրադառնանք հաջորդ ենթագլուխներում: Մեր հաշվարկների համաձայն՝ 1641-1650 թթ. գրեթե պահպանվել է նախորդ տասնամյակի պատկերը՝ չչին (2,4 %) նվազմամբ:

⁴²⁹Տե՛ս «Հայոց պատմություն», հ. II, գ. II, էջ 629:

Հարկ ենք համարում շեշտել, որ ընտանիքի միջին մեծության գործակիցը հաշվարկելիս դիտարկել ենք միայն ամուսիններին և իրենց զավակներին: Միաժամանակ կարծում ենք, որ Լ. Սահակյանը⁴³⁰ և տարբեր այլ ուսումնասիրողներ ճիշտ են վարվում ծխերի (տների) միջին մեծության գործակիցը շատ ավելի բարձր, օրինակ՝ 10 դիտարկելով, քանի որ, ինչպես նկատել է Մ. Կարապետյանը Ի. Շոպենի վիճակագրության ուսումնասիրությունից⁴³¹, տների և ընտանիքների համաժամանակյա վիճակագրության մեջ առաջինի մեջ ավելի շատ մարդիկ էին մտնում: Սա, իհարկե, բացատրվում է նահապետական ընտանիքով, այսինքն՝ մեկ ծխի մեջ կարող էին լինել տատիկն ու պապիկը կամ էլ ամուսինների մի քանի որդիների ընտանիքները: Սա, ինչպես և եվրոպական շատ երկրներում, երբեմն հետապնդում էր նաև վճարելիք որոշ հարկերի չափը նվազեցնելու նպատակ⁴³²: Զաքարիա Քանաքեռցու տեղեկությունը Կարի գյուղաքաղաքում մեկ տանը 30, իսկ Պետրոս Պետրիկի հաղորդումը Նախիջևանի Ապարաներ գյուղում՝ 20-25 (առնվազն՝ 5) անհատի մասին⁴³³ ևս հաստատում են մեկ տան՝ մեկ ընտանիքից զգալիորեն մեծ լինելու հանգամանքը: Նման պարագայում կարծում ենք, որ ճիշտ է սկզբնադրյութներում կիշատակվող «ընտանիք» և «ծովս» («տուն») հասկացությունների պարագայում միջին գործակից համարել համապատասխանաբար 7 և 10:

⁴³⁰ Տե՛ս Սահակյան Լ., Բարձր Հայրի..., էջ 60-63:

⁴³¹ Մ. Կարապետյանը Ի. Շոպենի վիճակագրության մեջ նկատել է, որ Ռուսական կայսրությանը միացվելուց հետո Երևանի 1730 տներում 2751 ընտանիք կար (տե՛ս Կարապետյան Մ., Երևանի բնակչության..., էջ 103, իսկ նրա կողմից օգտագործված վիճակագրությունը տե՛ս՝ Ռոպեն Ի., Исторический памятникъ состояния Армянской области въ эпоху ее присоединенія къ Россійской Имперіи, Санкт-Петербургъ, 1852, էջ 468, 543-546): Փաստորեն, 19-րդ դարի երկրորդ քառորդի սկզբին 1 տանը բաժին էր ընկուում միջինը 1.59 ընտանիք:

⁴³² Տե՛ս Hollingsworth T., նշվ. աշխ., էջ 90-91:

⁴³³ Տե՛ս Կարապետյան Մ., Երևանի բնակչության..., էջ 103:

Ընտանիքների անդամների թվարկումից ակնհայտ է, որ բարձր է եղել մահացության գործակիցը, հատկապես՝ կանանց և երեխաների շրջանում: Բայու քաղաքում ընդօրինակված Ավետարանի 1623 թ. հիշատակարանում ներկայացված են ստացող պարոն դարբին Աղաջանի հանգույցյալ 2 կանայք և ողջ կինը⁴³⁴: Այսօրինակ հիշատակումներից հստակ երևում է կանանց շրջանում մահացության բարձր գործակիցը, որը պետք է պայմանավորված լիներ ծննդաբերությունների ժամանակ մահացությամբ:

Կյանքի միջին տևողության վիճակագրություն կազմելու համար բավարար տվյալներ չունենք, քանի որ հազվադեպ են հանդիպում մահվան տարիքի հիշատակումները: Այդ եզակի օրինակներից մեկում՝ Որոտանի Գետաթաղ գյուղում գրված Շարակնոցի 1639 թ. հիշատակարանում գրիչ Ավետը հիշատակում է 3-ամյա հասակում վախճանված 2 եղբայրներին, 12 տարեկանում վախճանված քեռուն, ինչպես նաև ծեռագրի ստացող Մինաս քահանայի՝ 15 տարեկանում վախճանված եղբորը⁴³⁵. Հազվադեպ հիշատակվում է նաև մահվան պատճառը: 1619 թ. Կեցանի Եղեգիս գյուղում գրված Ավետարանի հիշատակարանում Մարտիրոս գրիչը հաղորդում է, որ Ավետարանի պատվիրատու Հռվիաննեսի որդի Կարապետը «տարաժամ փոխեցաւ առ Քրիստոս»⁴³⁶. մահվան պատճառը ժանտախտն էր: Հետաքրքիր տվյալներ է հաղորդում Հակոբ Կարնեցին: Նրա հավաստմամբ՝ իր հոր՝ Գևորգի հայրն ու մայրը 4 զավակ են ունեցել: Գևորգը ծնվել է 1583 թ. և մահացել 1655 թ.՝ ապրելով 72 տարի: Գևորգի ամուսնանալուց հետո՝ 1606 թ., վրա է հասել սովոր, և նրա մայրն ու երկու եղբայրները մահացել են: Ունեցել է 7 երեխա (5 որդի և 2 աղջիկ), որոնցից 3-ը մանկահասակ մահացել են: Ավագ որդի

⁴³⁴Տե՛ս «Հայերեն ծեռագրերի ժեկ դարի հիշատակարաններ», հ. Բ, էջ 112-113:

⁴³⁵Տե՛ս նույն տեղում, էջ 765:

⁴³⁶Նույն տեղում, էջ 18:

Մելքոնը մահացել է հորը գրեթե զուգահեռ՝ 42 տարեկանում, ա-նիքների հիվանդությունից⁴³⁷: Հակոբ Կարնեցու ընտանիքին վերաբերող տվյալներից երևում է սովոր, հիվանդությունների և մանկամահացության ազդեցությունը կյանքի միջին տևողության վրա, ինչպես նաև դրանց շրջանցման պարագայում 70 տարե-կանի շեմը հաղթահարելու մեծ հավանականությունը:

17-րդ դարի հենց սկզբից ժողովրդագրական գործընթաց-ներում իրենց անբաժան տեղն ունեին պատերազմական գործո-ղություններին ուղեկցող սովոր ու ժանտախտը: Խիզան քաղաքում ընդօրինակված Ավետարանի 1601 թ. հիշատակարանում ասվում է. «...յոյժ սղութիւն է հացի և այլ ամենայն իրաց: Եւ է [տա]րաժամ մահ ի [տեղ]իս...»⁴³⁸: Այսօրինակ հիշատակումները բազմաթիվ են շահ Աբաս Ա-ի կազմակերպած բռնագաղթին և Զալալիական շարժմանը հաջորդող տարիներին՝ 1606-1609 թթ., որոնց հաջորդ ենթավերնագրերում կանդրադառնանք: Բազմա-թիվ են ժանտախտի դեպքերը նաև հաջորդ տասնամյակներում: Սկզբնաղբյուրներում հիշատակվում է, որ 1618 թ. «մահ անկաւ, հարիւր և քառասուն տղայ մեռաւ ի Գումիշխանէն ի մէկ օրն»⁴³⁹: Վարդան Բաղիշեցու ժամանակագրության (17-րդ դար) համա-ձայն՝ սա սաստիկ մարդամահ էր Գյումուշխանէի համար, «որ փոքր քաղաք մի է՝ երեք հարիւր տուն»⁴⁴⁰: Ըստ Հակոբ Կարնե-ցու՝ 1621 թ. «յոյժ մահ է անկեր Արգորում և շրջակա բոլորն»⁴⁴¹: Մեկ այլ սկզբնաղբյուրի համաձայն՝ 1621 թ. «մահ տարածեցաւ յարնելից մինչև ի մուտս արևու, անասելի և անպատմելի, մինչ

⁴³⁷Տե՛ս «Մանր ժամանակագրություններ», հ. 1, էջ 242-243, 246, 247, 248, 249:

⁴³⁸«Հայերեն ծեռագրերի ժեկարի հիշատակարաններ», հ. Ա, էջ 34:

⁴³⁹Առաքել Դավիթիծի, էջ 480; «Մանր ժամանակագրություններ», հ. 2, էջ 268, 283:

⁴⁴⁰«Մանր ժամանակագրություններ», հ. 2, էջ 394:

⁴⁴¹«Մանր ժամանակագրություններ», հ. 1, էջ 240:

զի փոս հատեալ ի (20), Լ (30), Խ (40), Ծ (50) մարդ ի ներս լնուի ին և որոց ոչ գոյր տեարք, անկեալը յանցս ճանապարհաց»⁴⁴²:

Ժանտախտի դեպքեր արձանագրվել են նաև 1623 թ.⁴⁴³: 1623 թ. Խիզանում ընդօրինակված Ավետարանի հիշատակարանում Հովհաննես քահանան հաղորդում է, որ Եգիպտոսից և Ստամբուլից սաստիկ մահտարաժամը 2 տարվա ընթացքում հասել է Հայեա, Ուոհա, Ամիդ, Բաղեշ, Վան, Խիզան և մոտակա գավառներ՝ օրական մինչև 100 կյանք խլելով (երբեմն՝ մեկ տնից միանգամից 2-3 մեոյալ)⁴⁴⁴: Տեղեկությունը հաստատում է նաև Ավնդանց գյուղի Կիրակոս քահանան՝ 2 շաբաթվա մեջ օրական 8-10 մահ արձանագրելով (ընդ որում՝ գրիվել է նաև գրչի Ստեփանոս որդին, և կարճ ժամանակ անց ծնվել է նոր որդի՝ Մովսեսը)⁴⁴⁵: 1624 թ. Ավնդանց գյուղում գրված Ավետարանի ստացող Կարապետ Մոկացին ներկայացնում է շահ Աբասի բռնագաղթից հետո ստեղծված իրավիճակը՝ բռնագաղթյալների մի մասի մահը, համատարած սովը, մարդակեր գայլերի տարածումը, տարաժամ մահը, որը, ըստ նրա, սկսել է «Լատինացոց աշխարհից» ու տարածվել մինչև Պարսկաստան⁴⁴⁶: Այդուհանդեռձ, ըստ նրա, մահտարաժամի գլխավոր պատճառը 1601 թվականից չդադարող պատերազմներն էին⁴⁴⁷:

1630-ական թթ. առաջին կեսին ռազմական գործողությունները հիմնականում ընթանում էին Միջագետքում՝ օսմանյան ռազմերթերի ժամանակ մեծ նեղություններ պատճառելով Դիարբեքիրի հայությանը, որ ստիպված էր լինում ոչ միայն լրա-

⁴⁴² «Մանր ժամանակագրություններ», հ. 2, էջ 356:

⁴⁴³ Տե՛ս «Մանր ժամանակագրություններ», հ. 1, էջ 146; հ. 2, էջ 520:

⁴⁴⁴ Տե՛ս «Հայերն ծեռագրերի ժԷ դարի հիշատակարաններ», հ. Բ, էջ 115:

⁴⁴⁵ Տե՛ս նույն տեղում, էջ 148: Հմմտ. նույն տեղում, էջ 597-598, 635, 725:

⁴⁴⁶ Տե՛ս նույն տեղում, էջ 150-151:

⁴⁴⁷ Տե՛ս նույն տեղում:

ցուցիչ հարկային և աշխատանքային պարտավորություններ ստանձնել, այլև գործին ապահովել պարենամթերքով և կացարանով: Ամիդում ընդօրինակված Աստվածաշնչի 1635 թ. հիշատակարանում Մինաս գրիչը հաղորդում է, որ «տարածեաց յաշխարհս Միջազնետաց մահ տարաժամ, ի քաղաք և ի գլուհ, ևս առաւել ի քաղաքս Համիթ», և վեզիր Մահմադ փաշայի գործերի դուրսբերում (մարտի 28) հետո մահտարաժամը մեծ ծավալներ է ընդունել: ապրիլին վախճանվել են քաղաքի հայ հոգևորականներից Սուաքել արեղան և Հովհաննես քահանան ու նրա կինը, իսկ հունիսին համաճարակն ավելի է սաստկացել՝ խելով գրչի աշակերտի՝ Սաֆար դպիրի կյանքը, և միայն հուլիսի 5-ին՝ Վարդավառին, համաճարակը նահանջել ⁴⁴⁸:

Հատկանշական է, որ Ամիդում 1635 թ. գրված հիշատակարանում խոսվում է մահտարաժամի ժամանակ ամուսնությունների խաթարման մասին, ուստիև մահտարաժամի պատճառած ժողովրդագրական վնասը նկատելի էր ոչ միայն զոհերի թվաքանակի արտահայտությամբ, այլև ընտանիքների կազմման և ծնելիության մակարդակի դանդաղեցման ուղղությամբ⁴⁴⁹: Պատերազմից հետո ևս հիշատակվում են մահտարաժամի մի քանի դեպքեր: Ըստ Հակոբ Կարնեցու՝ 1643 թ. օգոստոսին Էրզրումում «մահ անկաւ»⁴⁵⁰, իսկ 1644 թ. ևս «տղայամահն եղև»⁴⁵¹: Վերջին հիշատակումը խոսում է համաճարակների՝ նախևառաջ մանուկների և պատանիների կյանքի համար վտանգավորության բարձր աստիճանի մասին: Եվ իսկապես, հայերեն ձեռագրերի

⁴⁴⁸ Տե՛ս «Հայերեն ձեռագրերի ժեկություններ», հ. Բ, էջ 597-599: Համաճարակի մասին հիշատակում կա նաև 1634 թ. (տե՛ս «Մանր ժամանակագրություններ», հ. 1, էջ 146):

⁴⁴⁹ Տե՛ս «Հայերեն ձեռագրերի ժեկություններ», հ. Բ, էջ 598-599:

⁴⁵⁰ «Մանր ժամանակագրություններ», հ. 1, էջ 242:

⁴⁵¹ «Մանր ժամանակագրություններ», հ. 2, էջ 395:

հիշատակարաններում գրիչներն իրենց կամ ստացողների ընտանիքի անդամներին թվարկելիս շատ հաճախ հիշատակում են «տղայ՝» մանուկ հասակում վախճանված եղբորը, քրոջը կամ զավակին: Հատկանշական է, որ մահտարաժամի մասին տեղեկություններում հեղինակները, որոշ բացառություններով, մատնանշում են համաճարակի՝ արևմուտքից ներթափանցելու մասին: Ընդհանուր առմամբ, դժվար է գնահատել ժանտախտից վախճանվածների հանրագումարը Հայաստանում 16-րդ դարում և 17-րդ դարի առաջին կեսին, քանի որ վիճակագրական տվյալները խիստ սահմանափակ են: Սովոր և ժանտախտի պատճառած վնասներին հաճախ գումարվել է նաև մորեխների պոպուլյացիայի ակտիվացումը, ինչպես օրինակ՝ 1608 թ. Վանում⁴⁵²:

Պատերազմական գործողությունների, սովոր և համաճարակների ուղղակի և անուղղակի ազդեցությունը ժողովրդագրական գործնթացների, մասնավորապես՝ մահացության գործակցի աճի վրա ակնհայտ է ոչ միայն ձեռագրերի հիշատակարանների, այլև 17-րդ դարի առաջին կեսի թվակիր տապանաքարերի և խաչքար-մահարձանների ուսումնասիրությունից: Արևելյան Հայաստանի մի քանի շրջաններում (ՀՀ Սյունիքի, Վայոց ձորի, Գեղարքունիքի, Լոռու և Տավուշի մարզերում, ԼՂՀ-ում և Գանձակում) հաշվարկել ենք 17-րդ դարի առաջին կեսի՝ միայն հստակ թվագրում ունեցող ավելի քան 130 տապանաքրեր ու խաչքար-մահարձանների վիմագրեր՝ մոտ 150 հանգույցախների տվյալներով⁴⁵³: Մեր հաշվարկի արդյունքում ստացվել է, որ

⁴⁵² Տե՛ս «Հայերեն ձեռագրերի մեջ դարի հիշատակարաններ», հ. Ա, էջ 300-301:

⁴⁵³ Տե՛ս «Դիվան հայ վիմագրության», պր. II, էջ 68, 73-74, 76, 117, 122, 135; պր. III, էջ 19, 32, 43-44, 46, 47, 63, 65, 184, 200-202; պր. IV, էջ 15, 16-17, 28-29, 31-37, 42, 47-48, 105-106, 111-112, 129, 137-141, 144-145, 171-173, 178, 179-181, 192-193, 202-203, 206-207, 236-239, 244-247, 254-259, 269-275, 281-283, 285, 298-301, 312, 319-325, 329-332, 340, 342, 347-348, 351-352, 356-359, 361, 362, 369-371, 379; պր. V, էջ 18, 57, 94, 95, 98, 103-104, 147, 162-164, 172, 173, 179,

դրանց ավելի քան մեկ երրորդը (38,2 %-ը) վերաբերում է դարի առաջին տասնամյակին, այսինքն՝ այն ժամանակահատվածին, երբ տեղի են ունեցել շահ Աբաս Ա-ի կողմից կազմակերպված թռնագաղթը և 1606-1609 թթ. Մեծ սովը: Կարծում ենք, որ վերջինս պետք է անվանել «Մեծ սով», քանի որ տարածքային ընդգրկմամբ, մարդկային զոհերի մասին հիշատակումների քանակով և տևողությամբ այն աննախադեպ էր:

Ժողովրդագրական գործընթացների վրա շարունակել են իրենց բացասական ազդեցությունը թողնել նաև բնական աղետները: 1636 թ. Խլաթի Սոխորդ գյուղը «Վերուստ ի վայր իշաւ», և 1637 թ. բաղիշեցի մահտեսի Սիմեոնը սողանքից փլուզման ենթարկված գյուղի կարիքների համար աղբյուրը ևս իջեցրեց գյուղ⁴⁵⁴: Այդուհանդերձ, փոքր տարածքում վնասի մասին այսօրինակ հիշատակությունները սակավաթիվ են:

Աղետաի հետևանքներ են ունեցել հատկապես Երկրաշարժերը: Զգալի արհավիրքներ է պատճառել 1646 թ. ապրիլի 2-ին Վանում տեղի ունեցած ուժեղ Երկրաշարժ, երբ շատերը մնացին փլատակների տակ⁴⁵⁵: Առաքել Դավիթեցու հաղորդմամբ՝ զոհվեցին հազարավոր մարդիկ, ավերվեցին Վան քաղաքը, բազմաթիվ գյուղեր (Քարափոս, Նորագյուղ և այլն), քաղաքի 4

185-186, 193, 195, 233-237, 240, 244-246, 248, 250, 253-254, 255, 257-264, 265, 268, 272-274; պր. VI, էջ 30, 55; պր. IX, էջ 35, 103, 105, 106, 221, 223, 271, 275, 296-297, 320-321, 392, 421, 444-445, 448, 449, 457: Տե՛ս նաև «Գանձակի գաւառ. Նիկողոս ապագայ ուստամսախրութեան համար», կազմեց՝ Ե. Լալայան, «Ազգագրական հանդէս», գիրք Ե, Թիֆլիս, 1899, թ. 1, էջ 262-263: «ՀՀ կառավարության որոշումը ՀՀ Լոռու մարզի պատմության և մշակույթի անշարժ հուշարձանների պետական ցուցակը հաստատելու մասին» (տե՛ս ՀՀ կառ. որոշում № 49-Ա, 29.01.2004 <http://www.arlis.am/DocumentView.aspx?DocID=37965>):

⁴⁵⁴ Տե՛ս Առաքել Դավիթեցի, էջ 484:

⁴⁵⁵ Տե՛ս «Մանր ժամանակագրություններ», հ. 1, էջ 161, 355; հ. 2, էջ 483; «Հայերեն ձեռագրերի ժեղարի հիշատակարաններ», հ. Գ, էջ 218: Երկրաշարժը կարող է թվագրվել 1648 թ. (տե՛ս Առաքել Դավիթեցի, էջ 485), սակայն այդ դեպքում հակասություն է առաջանալու մյուս աղբյուրների հետ:

Եկեղեցիները և բոլոր մզկիթները՝ բացառությամբ մեկի: Ըստ նրա՝ Կանի գավառում փլուզվել են 15 վանքեր (այդ թվում՝ Վարագավանքը), որոնցից միայն 3-ն են այնուհետև վերականգնվել: Բոլոր գյուղերի Եկեղեցիները ևս փլուզվել են: Բազմաթիվ աղբյուրներ ցամաքել են, որի պատճառով տեղի է ունեցել բերդաշինական համակարգի և տարաբնակեցման համակարգի (բնակավայրերի ցանցի) վերաբաշխում, օրինակ՝ Եղնաբերդի և Ներքին Փագախ գյուղի աղբյուրների ցամաքման պատճառով բերդը և գյուղը տեղափոխվեցին Ղասրիկ (Խասրիկ): Ավանց գյուղի աղբյուրները նոյնպես ցամաքեցին: Վանքերի վերաշինման գործում ակտիվորեն ներգրավված են Եղել Վանի խոջաներն ու չելեափիները՝ խոջա Ախիջանը, խոջա Ամրիսանը, Մարիսաս չալապին, խոջա Դիլանչին, խոջա Հովհաննեսը և այլք⁴⁵⁶: Երկրաշարժի ավերիչ հետևանքների մասին ականատես Կարապետ Վանեցի գրիչը «Յայսմատոլք»-ի 1647 թ. հիշատակարանում հայտնում է ոչ միայն 40 Եկեղեցիների փլուզման և բազմաթիվ զրհերի մասին, այլև նշում, որ ողջ մնացածները «գրոհ տուեալ Ելին ի քաղաքէն, քանզի ոչ դադարէր երկիրն ի շարժմանէն», իսկ Վանի Նորագյուղ գյուղը հիմնովին փլուզվել էր՝ խլելով 6-7 մարդու կյանք, ընդ որում՝ վերաշինումն էլ 2 տարի է տևել⁴⁵⁷:

Բնակլիմայական երևոյթները ևս երբեմն ազդեցություն են ունեցել ժողովրդագրական գործնթացների վրա: Սկզբնադրյուրներում հաճախ հանդիպում են բնակլիմայական երևոյթների անոմալ դրսևորման դրվագներ: Մի ճառընտիրի 1615 թ. հիշատակարանում ասվում է, որ օգոստոսի 10-ին «գետ մի վազեց», իսկ ձմեռը ծյուն չեկավ⁴⁵⁸: Ղարաջալու գյուղում (Ուրմիայի մոտ) ոմն Պետրոս երեց 1631 թ. մի բնական աղետ է նկարա-

⁴⁵⁶ Տե՛ս Առաքել Դավրիթեցի, էջ 377-380:

⁴⁵⁷ Տե՛ս «Հայերեն ձեռագրերի ժեկանու հիշատակարաններ», հ. Գ, էջ 240-241:

⁴⁵⁸ Տե՛ս «Հայերեն ձեռագրերի ժեկանու հիշատակարաններ», հ. Ա, էջ 549:

գրում. «...պատուհաս Երեկ ի վերայ աշխարհիս՝ ծուն Եկաւ մեծ Զատկի Կանաչ կիրակին, և ամենայն պտղաբերքն չորացան, և ապայ Աստուած ողորմած էր՝ կէս մի կանաչեցաւ, և կէս մի անցաւ մինչև ի տակն չորացաւ»: Գրիչը նաև հայտնում է, որ 3 տարի ապրել են բերդի տակ, և միայն ձմռան 3 ամիսներն էին տունն անցկացնում⁴⁵⁹: Մկրտիչ Երեցը հաղորդում է, որ 1633 թ. Բաբերդում աղբյուրները ցամաքել էին, ճորոխից էին քաղաքի ջուրը վերցնում, սակայն հաջորդ տարին խիստ ջրառատ է եղել՝ «աղբիւր չեղած տեղացն ջուր բլիսէր»⁴⁶⁰: 1640-1648 թթ. Էվլիյա Չելեբին խոսում է Չարշամբա քազարի անանցանելի գետի (այսինքն՝ Կըզըլ-Ըրմաքի) մասին, որն ավերում է Թոփսատը, այնուհետև ոռոգում Ամասիայի հողերը⁴⁶¹: Հետաքրքիրն այն է, որ Ներկայում Թոփսատում հովիսան տեղումները միջինը 11,5 մմ են⁴⁶², ինչի պարագայում ջրհեղեղի հավանականությունը շատ փոքր է: Պատմական Փոքր Հայքի տարածքում 17-րդ դարի երկրորդ քառորդից սկսած տեղումների առատությամբ պետք է նաև բացատրել միգրացիոն ալիքներն այդ ուղղությամբ:

Այսպիսով, 17-րդ դարի առաջին կեսին պահպանվել է պատերազմական իրադրության վճռորոշ ազդեցությունը ժողովրդագրական գործընթացների վրա: Վերջիններիս վրա թողած հետևանքներով առանձնանում են Սեֆյան շահ Աբաս Ա-ի կողմից կազմակերպված բռնագաղթը և ջալալիական շարժումները, որոնց կանդրադառնանք հաջորդիվ:

⁴⁵⁹ Տե՛ս «Հայերեն ձեռագրերի ժեղարի հիշատակարաններ», հ. Բ, էջ 412-413:

⁴⁶⁰ Նոյն տեղում, էջ 559:

⁴⁶¹ Տե՛ս «Թոփքական աղբյուրներ», հ. Գ, էջ 38: 1653 թ. հովիսին Թոփսատում մեծ ջրհեղեղ է եղել, որն ավերածությունների և գոհերի պատճառ է դարձել (տե՛ս «Մանր ժամանակագրություններ», հ. 1, էջ 161):

⁴⁶² Տե՛ս Devlet Meteoroloji İşleri Genel Müdürlüğü, տե՛ս՝ <http://www.dmi.gov.tr/veridegerlendirme/il-ve-ilceler-istatistik.aspx?m=TOKAT>, հասանելի էր՝ 28.01.2016:

2.2. Շահ Աբաս Ա-ի բռնագաղթի ժողովրդագրական հետևանքները

16-րդ դարում և 17-րդ դարի առաջին կեսին Օսմանյան կայսրությունը և Սեֆյան Պարսկաստանը միմյանց միջև ընթացող պատերազմների ժամանակ հաճախակի են իրականացրել հայ բնակչության զանգվածային բռնագաղթները, որոնք նրանց ժողովրդագրական քաղաքականության կարևոր տարրերից էին: Այդ ժամանակաշրջանում հայերի ամենազանգվածային բռնագաղթը կազմակերպել է պարսից շահ Աբաս Ա-ն (1587-1629), որը սկզբնադրյուրներում ստացել է թուրքերեն «sürgün» (արտաքսում, տեղահանություն, բռնագաղթ) բառից ծագող «մեծ սուրգուն»⁴⁶³ անվանումը:

Բռնագաղթին զուգընթաց տեղի են ունեցել նաև հայ բնակչության ներքին տեղաշարժները, որոնց ևս անդրադառնալու ենք ստորև: Տեղի ունեցած արհավիրքների զանգվածային ընդգրկման հետևանքներն այնպիսին են եղել, որ հանգեցրել են բազմաթիվ բնակավայրերից հայ բնակչության խստառ տեղահանության, հետևաբար ժողովրդագրական նկարագրի փոփոխությունը որոշ տարածքներում ստեղծել է այնպիսի իրավիճակ, որն ի նպաստ հայերի չի եղել: Նման համայնապատճերում բռնագաղթի բոլոր ծալքերը վերհանելու համար առաջ են քաշվում հետևյալ խնդիրները.

1. որո՞նք էին բռնագաղթի պատճառները,
2. ե՞րբ է այն սկսվել,
3. քանի՞ փուլերով է տեղի ունեցել,
4. ինչպիսի՝ տարածքային ընդգրկում է ունեցել,

⁴⁶³ Տե՛ս օրինակ՝ Առաքել Դավթիծեցի, էջ 167, 183, 186, 194; «Հայերեն ձեռագրերի ժեկա դարի հիշատակարաններ», հ. Ա, էջ 269-271:

5. որո՞նք են ժողովրդագրական հետևանքները, մասնավորապես՝ որքա՞ն մարդ է բռնագաղթի ենթարկվել, և միայն հայերի՝ նկատմամբ է նման քաղաքականություն կիրառվել:

Այս խնդիրների քննությունը կարևոր և արդիական է ոչ միայն պատմական ժամանակաշրջանի ուսումնասիրության տեսանկյունից, այլև լուս է սփռում աղրթանական պատմագեղծարարության կողմից եղծվող հայոց պատմության տարրեր դրվագների վրա: Մասնավորապես, Հայաստանի տարրեր հատվածներում, օրինակ՝ Նախիջևանում, հայ բնակչության տեսակարար կշռի զգայի նվազումը, որ հիմնականում նշյալ բռնագաղթի արդյունք էր, աղրթանական պատմագիտական մտքի կողմից միտումնավոր կերպով չի փոխկապակցվում այս բռնագաղթի հետ: Հիմք ընդունելով 1897 թ. համառուսաստանյան առաջին մարդահամարի, 1926, 1939, 1959, 1970, 1979, 1989 թթ. խորհրդային մարդահամարների տվյալները, որոնց համաձայն Նախիջևանում հայերն այլևս մեծամասնություն չեն (հայեր էին բնակչության՝ համապատասխանաբար 34.4^{464} , 10.8^{465} , 10.5^{466} ,

⁴⁶⁴ «Первая Всеобщая перепись населения Российской Империи 1897 г.», Таблица XIII. Распределение населения по родному языку: Губернские итоги. Нахичеванский уездъ. Марդահամարի տվյալները տե՛ս՝ http://www.demoscope.ru/weekly/ssp/emp_lan_97_uezd.php?reg=575 Հասանելի էր՝ 01.06.2019 թ.: Հատկանշական է, որ Ուլիսական կայսրության վիճակագրական ժողովածուների տվյալներով հայերի տեսակարար կշռը երեմն ավելի բարձր է եղել, քան մարդահամարի ժամանակ: Այսպես, մարդահամարից մետք տարի առաջ՝ 1896 թ. Ակզրի դրությամբ, հայերը կազմել են բնակչության 42.2-ը (տե՛ս «Энциклопедический словарь Ф. Брокгауза и И. Ефроня», т. XXA, С.-Петербургъ, 1897, էջ 704-705), իսկ կայսրության փլուզմանը հանգեցրած հեղափոխական 1917 թ. նախորդող տարրում՝ 1916 թ. հոնվարի 1-ի դրությամբ՝ 42-ը (տե՛ս «Кавказский календарь на 1917 годъ: Отделъ статистический», Тифлисъ, 1916, էջ 218-221, հաշվարկը մերն է):

⁴⁶⁵ «Всесоюзная перепись населения 1926 г.», Таблица VI. Население по полу, народности. Нахичеванская АССР. Марդահամարի տվյալները տե՛ս՝ http://www.demoscope.ru/weekly/ssp/sng_nac_26.php?reg=2294 Հասանելի էր՝ 01.06.2019 թ.:

⁴⁶⁶ «Всесоюзная перепись населения 1939 г.», Таблица 26. Национальный состав населения районов, районных центров, городов и крупных сельских населенных

6.7⁴⁶⁷, 2.9⁴⁶⁸, 1.4⁴⁶⁹ և 0.6⁴⁷⁰ %-ը), այդտեղ առկա էթնոժողովրդագրական պատկերը մեկնաբանվել է առանց նախընթաց իրադարձությունների պարզաբանման՝ աչքաթող անելով տեղանքի պատմաժողովրդագրական անցքերը: Նման պարագայում առաջ է քաշվել կեղծ թեզ, թե տեղի մահմեդական բնակչությունը միշտ գերակշռող է եղել, ինչը բացարձակապես չի համապատասխանում պատմական ճշմարտությանը: Հատկանշական է, որ անգամ 1829-1832 թթ. Հայկական մարզում ժողովրդագրական իրավիճակը ներկայացնող ոուս վիճակագիր ի. Շոպենը Նախիջևանի և առհասարակ հայկական գավառների բնակչայրերի մասին խոսելիս նշում է, որ դրանք Մեծ Հայքի թագավորության մասն են կազմել և հայաթափվել են շահ Աբասի քաղաքականության հետևանքով⁴⁷¹:

Նշված խնդիրների պարզաբանումը թույլ կտա նաև քարոզական դաշտում հակագրելու պատմական կեղծ թեզերին:

пунктов. Нахичеванская АССР. Уарդահамарի тվյալները տե՛ս՝ http://www.demoscope.ru/weekly/ssp/ussr_nac_39_ra.php?reg=752 Հասանելի էր՝ 01.06.2019 թ.:

⁴⁶⁷ «Всесоюзная перепись населения 1959 г.», Таблица 3, 4. Распределение населения по национальности и родному языку. Нахичеванская АССР. Уарդահамарի тվյալները տե՛ս՝ http://www.demoscope.ru/weekly/ssp/resp_nac_59.php?reg=66 Հասանելի էր՝ 01.06.2019 թ.:

⁴⁶⁸ «Всесоюзная перепись населения 1970 г.», Таблица 7с. Распределение населения по национальности, родному и второму языку. Нахичеванская АССР. Уарդահамарի тվյալները տե՛ս՝ http://www.demoscope.ru/weekly/ssp/resp_nac_70.php?reg=73 Հասանելի էր՝ 01.06.2019 թ.:

⁴⁶⁹ «Всесоюзная перепись населения 1979 г.», Таблица 9с. Распределение населения по национальности и родному языку. Нахичеванская АССР. Уарդահамарի тվյալները տե՛ս՝ http://www.demoscope.ru/weekly/ssp/resp_nac_79.php?reg=76 Հասանելի էր՝ 01.06.2019 թ.:

⁴⁷⁰ «Всесоюзная перепись населения 1989 г.», Таблица 9с. Распределение населения по национальности и родному языку. Нахичеванская АССР. Уарդահамарի тվյալները տե՛ս՝ http://www.demoscope.ru/weekly/ssp/resp_nac_89.php?reg=70 Հասանելի էր՝ 01.06.2019 թ.:

⁴⁷¹Տե՛ս օրինակ՝ **Шопен И.**, նշվ. աշխ., էջ 318-320:

Նախնառաջ անդրադառնանք բռնագաղթի պատճառներին և սկզբին: Ըստ Առաքել Դավիթեցու՝ թուրք-պարսկական հերթական պատերազմի սկզբում՝ 1603 թ., Թավրիզը կորցնելուց հետո օսմանյան զորքը նահանջեց Նախիջևան և, իմանալով, որ վաղ թե ուշ շահը գրավելու է «զաշխարհս զայս», որոշեցին թալանել «գեղականաց գաւառացն, և մանաւանդ Զուլայու», որտեղից «ամենեքեան ելեալը ի բնակութեանց և ի շինամիջէ փախեան, և ելին ի լերինս՝ յայրս և յամուր վայրս տեսանել զվերջն թէ որպէս լինելոց է»⁴⁷²: Սա հայերի ներքին (ներհայաստանյան) տեղաշարժի օրինակ է և, փաստորեն, այս պատերազմի ժողովրդագրական առաջին հետքն է հայ բնակչության վրա: Այս առնչությամբ հետաքրքրական է պատմիչի այն տեղեկությունը, որ «ի պահպանութիւն գաւառականացն Նախչուանու», շահն ուղարկում է Զրադ Սովորան զորավարին, բայց մինչև նրա հասնելը թուրքական զորքը թալանում է «ի մերձակայ գեղօրէիցն»⁴⁷³: Սա ցուց է տալիս, որ շահն ի սկզբանե առանձնահատուկ վերաբերմունք է ունեցել գավառի բնակչության նկատմամբ և նկատի է ունեցել նրանց օգտագործումն իր հետագա ռազմավարական ծրագրերում:

Նախիջևանի գրավումից հետո պարսկական բանակը շարժվում է Երևանի ուղղությամբ: Խիզանում ընդօրինակված Ավետարանի 1604 թ. հիշատակարանում Մարտիրոս գրիչը դեպքերի առնչությամբ համակրանքով է խոսում շահ Աբասի մասին՝ շեշտելով, որ նա Երևանի ուղղությամբ արշավանքի ժամանակ խնայել է «ի քրիստոնեայսն», այսինքն՝ հայերին⁴⁷⁴: Նման հիշատակումների պարագայում հատակություն մտցնելու համար հարկ ենք համարում նշել, որ միջնադարյան հայ հեղինակների

⁴⁷² Առաքել Դավիթեցի, էջ 66:

⁴⁷³ Նոյն տեղում, էջ 66-67:

⁴⁷⁴ Տե՛ս «Հայերեն ձեռագրերի ժեկարի հիշատակարաններ», հ. Ա, էջ 143-144:

մոտ հայերի համար համարժեքորեն օգտագործվել է «քրիստոնյա» տերմինը: Այսպես օրինակ, Առաքել Դավիթեցին հայ էթ-նոնիմին համարժեք օգտագործում է «քրիստոնեայք», «ազգն քրիստոնէից», «ազգն Հայոց», «ազգս Հայոց», «տունս Արամեան», «ազգաւ Հայ և հաւատով քրիստոնեայ» արտահայտությունները⁴⁷⁵: Նույն մոտեցումն առկա է ուշմիջնադարյան հիշատակարանների գրիչների մոտ⁴⁷⁶:

Փաստորեն, արևելահայկական տարածքների գրավման ժամանակ շահը փորձում էր պահպանել օսմանյան տիրապետության ժամանակահատվածում իր նկատմամբ ծևավորված համակրայից վերաբերմունքը հայերի շրջանում: Այդ տրամադրություններն ի հայտ էին եկել երկու պատճառով. նախ օսմանյան վարչակարգն Արևելյան Հայաստանում աչքի ընկավ ավելի ծանր հարկային քաղաքականությամբ, և, բացի այդ, արևելահայ առևտրական վերնախավը՝ խոչայությունը, տնտեսական սերտ կապեր էր հաստատել պարսկական արքունիքի հետ, քանի որ Սեֆյանների տարածքով էր անցնում հայ խոչայության առևտրական տարանցման ուղղու զգալի մասը⁴⁷⁷:

Այսպիսով, առաջ է գալիս հետևյալ հարցը. շահ Արասն արդյոք իր արշավանքի սկզբում ծրագրե՞լ է իրականացնել հայ բնակչության զանգվածային բռնագաղթ, թե՞ պատերազմական գործողությունների ընթացքն է ստիպել դիմելու նման քայլի:

⁴⁷⁵Տե՛ս Առաքել Դավիթեցի, էջ 239, 240-241, 254, 256, 257, 258, 288, 311, 322, 324, 378:

⁴⁷⁶Տե՛ս օրինակ՝ 1575 թ. հիշատակարան՝ ՄՄ, ձեռ. № 3566, էջ 132թ:

⁴⁷⁷Տե՛ս Blow D., նշվ. աշխ., էջ 77; Herzig E., The Deportation of the Armenians in 1604-1605 and Europe's Myth of Shah 'Abbas I, էջ 59-71: Սեֆյանների քաղաքական զարգացման պահուման մասին տե՛ս Mitchel C., The Practice of Politics in Safavid Iran: Power, Religion and Rhetoric, "BIPS Persian Studies Book Series", vol. 1, London-New York, 2009, էջ 189-190:

Ստորև դեպքերի ներկայացման հաջորդականությունը և մեր կողմից ժամանակագրական ու տարածքային փուլաբաժանումը հստակորեն ցույց է տալիս, որ բռնագաղթը նախապես ծրագրված է եղել, թեև ծավալային ընդգրկման խնդիրը, անշուշտ, պայմանավորված է եղել արդեն պատերազմական գործողությունների ընթացքով:

Երևանի պաշարման ժամանակ շահ Աբասը նվաճում է Արարատյան կուսակալությունը, «որ էր շնչն և լի ամենայն բարեօք՝ ուստի լցեալ լինէր ամենայն պիտոյք բանակին Պարսից, մարդկան և անասնոց»⁴⁷⁸: Վարչամիավորի շենության և ամենայն բարիքներով լիության հիշատակումը հաստատում է այդտեղ միջնադարում բնակչության արագ վերարտադրման համար անհրաժեշտ պայմանների առկայությունը, ինչի շնորհիվ այստեղ քանիցս կրկնված բռնագաղթերից հետո բնակչությունն արագ վերականգնվում էր⁴⁷⁹:

Պարսից բանակը Երևանի պաշարման ընթացքում օգտագործում է Արարատյան կուսակալության հայ բնակչության ներուժը: Այս առնչությամբ Առաքել Դավիթիծեցին գրում է. «Եւ յատիրս յայսոսիկ հրամայեաց շահն օրացն Պարսից գնալ յերկիրն Այրարատո՛ և յամենայն շրջակայ գաւառու նորա, հանել յամենայն տեղեաց արս՝ որ ասի ըռադաթ⁴⁸⁰, եթէ ի քրիստոնէից իցէ, և եթէ ի մահմետականաց, որոյ և իցէ ազգաց, ժողովել և բերել ի բանակն Պարսից, զի ընդ օրացն Պարսից մարտակից լիցին,

⁴⁷⁸ **Առաքել Դավիթիծեցի**, էջ 69-70:

⁴⁷⁹ Այս պայմանների մասին առավել մանրամասն տե՛ս **Մալխասյան Մ.**, ժողովրդագրական գործընթացների միտումները և առանձնահատկությունները Հայաստանում ժ՛՛ դարում, էջ 70-88:

⁴⁸⁰ Կարծում ենք՝ արաքերեն ռախյաթ բարի աղավաղված ծևն է, որ թարգմանաբար նշանակում է հարկատու բնակչություն, քանի որ մեջբերված հատվածում խոսքը գնում է աշխատունակ տղամարդկանց մասին:

զսիրայն⁴⁸¹ քշել և այլ գործակցութեամբ օգնական լինել զօրացն Պարսից: Եւ ի ժամ պատերազմին յորժամ երիշ⁴⁸² առնէին և կամ զսիրայն ի վեր քշէին, զքրիստոնեայսն յառաջ խաղացուցեալ ընդդէմ հրոյ և սրոյ մատուցանէին, որովք կոտորեալը լինէին ազգն Հայոց յերկուց կողմանց՝ յառաջուատ յՕսմանցոց՝ և յետուատ ի Պարսից»⁴⁸³: Փաստորեն, այս փուլում տեղահանվում և Երևանի բերդի մոտ էին բերվում Արարատյան կուսակալության հարկատու, այսինքն՝ աշխատունակ տղամարդիկ:

Բոնի տեղահանության այս առաջին փուլում, ըստ Առաքել Դավիթեցու, Երկու ամսում Ամիրգունա խանը, բացի Արարատյան կուսակալությունից, նաև «զերկիրն Գանձակայ՝ ուր և կարաց հասանել, հրոյ ճարակ տուեալ և սրով մաշեալ, զորս կոտորեաց և զորս աւարեալ գերեաց աղխիթ և ընտանեօք և բերեալ էած յերևան ի լիովին և ի յղիովին բանակին Պարսից»⁴⁸⁴: Գանձակի ուղղությամբ բռնի տեղահանության ժամանակ, ի տարբերություն Արարատյան կուսակալության, պատմիչի կողմից մասնակի կոտորածի մասին հիշատակությունը ցույց է տալիս, որ այստեղ հնարավոր է՝ բնակիչները դիմադրության փորձ են ցուցաբերել, ինչի պատճառով արժանացել են նման վերաբերմունքի: Ընտանիքի անդամների և նրանց ունեցվածքի բռնի տեղափոխումը պարսից զորակայան բնութագրում է նրանց՝ որպես բանակին սպասարկող անձնակազմ օգտագործվելը:

Այսպիսով, դեռևս մինչև օսմանյան հիմնական ուժերի ժամանումն արդեն իսկ իրականացվում է բռնագաղթի առաջին

⁴⁸¹ Արաբերենից թարգմանաբար՝ պաշարողական մեթենա:

⁴⁸² Թուրքերենից թարգմանաբար՝ հարձակում:

⁴⁸³ **Առաքել Դավիթիթեցի,** էջ 70: Այս մեջբերման վերջնամասում ևս մեկ անգամ տեսնում ենք «զքրիստոնեայսն» և «ազգն Հայոց» համարժեք կիրառությունը՝ որպես էթնոնիմ:

⁴⁸⁴ Նույն տեղում:

փովը, որը, փաստորեն, առայժմ ներքին բնույթ էր կրում՝ Հայաստանի մի հատվածից դեպի մեկ այլ հատված: Արարատյան կուսակալության բոլոր կողմերից Երևանի մատուցներ բերված բնակչությունից հենց հայերն էին ամբողջությամբ շահագործվում: Առհասարակ, բռնագաղթի այս փովի նպատակը Երևանը պաշարած պարսկական բանակի ամբողջական սպասարկումն էր: Դեպքերի ականատես պորտուգալյացի ավգուստինյան հոգևորականների խումբն առաջնորդող Անտոնիո դի Գոուվեան նույնիսկ Առաքել Դավիթեցուց ավելի կոնկրետ ու մոայլորեն է նկարագրում հայերի զրկանքները: Ըստ նրա՝ շուրջ 12 հազար հայ արհեստավորներ բերվել են Երևանի շրջակայքից, այսինքն՝ Արարատյան կուսակալությունից, որպեսզի կառուցեն պաշարողական ենթակառուցվածքները, և անգամ պարենի սպառման, ձմեռվա ցրտի ու թուրքական կայազորի կողմից հակազդման պայմաններում շարունակել են աշխատել ու բազմաթիվ կորուսներ կրել⁴⁸⁵:

Բացի Երևանի մատուցներ բերված հայ բնակչությունից՝ ծանր դրության մեջ էին նաև քաղաքի ներսում գտնվող հայերը: Ընդ որում՝ Երևանի բնակչությունը կորուսներ է կրել ոչ միայն բռն պատերազմական գործողություններից, այլև դրանց հարուցած սովից: Խիզանում ընդօրինակված Ավետարանի 1604 թ. հիշատակարանում գրիչ Սարգիս քահանան հետաքրքիր տեղեկություն է հայտնում, որ Երևանի 8-ամսյա պաշարման ընթացքում «բազումք ի ներս քաղաքին սովալրով և սովամահ լինէին և զմահացեալսն քարավէժ առնէին»⁴⁸⁶: Սա բացատրվում է հենց

⁴⁸⁵ Stéu Di Goufea, Relation des Grandes Guerres et Victoires Obtenues par Le Roy de Perse Chah Abbas, Rouen, 1646, էջ 237-245 (հղումը տե՛ս՝ Blow D., նշվ. աշխ., էջ 78-79, 249): Ռազմական պատրաստությունների մասին մանրամասն տե՛ս նաև Խորանար թեգ Մունշիի մոտ՝ Eskandar Beg Monshi, էջ 844-846:

⁴⁸⁶ «Հայերեն ձեռագրերի ժեկ դարի հիշատակարաններ», հ. Ա, էջ 147:

շահի մարտավարական մոտեցմամբ, քանի որ նա մտադրվել էր սովամահ անելու ճանապարհով ստիպել օսմանյան կայազրորին հանձնվել⁴⁸⁷:

Այս իրադարձությունների ժամանակ հետաքրքրական է Հայաստանում հաստատված քրդական ցեղերի տեղաշարժերի հնարավորության ուսումնասիրությունը: Ըստ դեպքերի ժամանակակից պարսից պայտական պատմիչ Խսքանդար բեգ Մունշիի՝ Երևանի պաշարման ժամանակ Ամիրգունա խանի դիվանագիտական ջանքերի շնորհիվ քրդական հաքքարի, մահմուդի, դունբուի և այլ ցեղերի աշխրեթապետեր, եկել են Երևան և հպատակություն հայտնել շահին⁴⁸⁸: Այս ցեղերը բնակվում էին այն տարածքներում, որոնք մինչև 1590 թ. Կոստանդնուպոլիսի պայմանագիրը թուրք-պարսկական սահմանի արևելյան հատվածն էին կազմում: Հաքքարի ցեղը զբաղեցնում էր պատմական Աղբակ գավառի և դրանից հարավ, մահմուդին՝ դրանից դեպի հյուսիս և հյուսիս-արևմուտք, իսկ դումբուլին՝ հաքքարից դեպի հյուսիս-արևելք՝ դեպի Խոյ ընկած տարածքները⁴⁸⁹: Այս ցեղերը, փաստորեն, մինչև շահի արշավանքը շուրջ երկու տասնամյակ եղել են օսմանյան հպատակներ, իսկ այդժամ իրավիճակը կտրուկ փոխվում էր: Նկարագրելով Վանի օսմանյան բեգարբեգի ստորակա, Խոչաբի և Կարահիսարի կառավարիչ Սուլեյման Բեգ Մահմուդի՝ շահին հպատակվելու հանգամանքները՝ Խսքանդար բեգ Մունշին նշում է, որ քուրդ ամիրաներին բնորոշ էր հավատարմություն հայտնելը այն ուժին, որը գերիշխող էր դառ-

⁴⁸⁷ Տե՛ս Blow D., նշվ. աշխ., էջ 78:

⁴⁸⁸ Տե՛ս Փափազյան Հ., Օտար տիրապետությունը Արարատյան երկրում (ԺԷ դ.), էջ 30; «Հայ ժողովրդի պատմություն», հ. IV, էջ 97:

⁴⁸⁹ Առավել մանրամասն տե՛ս Բադալյան Գ., Վանի էջալեթի քրդական իշխանությունները (հույսումեթները) 14 դ. - 19-րդ դ. 40-ական թթ., էջ 23-37:

նում, ինչը շահը գիտակցում էր, սակայն ընծաներով և խան տիտղոսը շնորհելով՝ հետ է ուղարկում իր տիրույթները⁴⁹⁰:

Այդ նոյն ժամանակ օսմանյան զորքերն էրզրումի և Վանի ուղղությամբ զորաշարժեր են կազմակերպել՝ Սեֆյանների դեմ վճռական գործողությունների նախապատրաստվելով, և այդ պատճառով հայ բնակչությունը զգայի նեղություններ է կրել Վանի դաշտում Ահմադ փաշայի զորքերի կողմից⁴⁹¹: Ակնհայտ է, որ զորքի պարենավորման խնդիրը պետք է լուծվեր հենց դաշտի հայ բնակչության գյուղատնտեսական արտադրանքի միջոցով: Որոշ անհաջող գործողություններից հետո Ահմադ փաշան ստիպված նահանջում է Մշո դաշտ, որտեղ շուտով դիմավորում է օսմանյան իիմնական ուժերով այստեղ ժամանող Զղալ-օղլու Սինան փաշային⁴⁹²:

Երևանի պաշարման ձգձգման պայմաններում շահը կազմակերպում է ոչ միայն Արարատյան կուսակալության և Գանձակի, այլև Արևմտյան Հայաստանի՝ Արարատյան կուսակալությանը սահմանամերձ օսմանյան վարչամիավորների հայ բնակչության բռնագաղթը: Սա, փաստորեն, բռնագաղթի երկրորդ փուլն էր: Ըստ Առաքել Դավրիժեցու՝ 1603-1604 թթ. ծմունը շահը «առաքեաց զօրագլուխս բազում զօրօք ի կողմն Արզրումայ որք գնացեալ աւերեցին գերկիրն Բասենու և զիսնուսայ և զաշտն (զդաշտն – Մ. Մ.) Արզրումայ և զայլս ուր և կարացին հասանել, քանդեալ, աւերեալ, այրեալ և ապականեալ գերկիրն և զշէնսն, և զինչս և զստացուածս կողոպտեալ, և զարս սպանեալ, և զկանայս և զմանկունս գերեցուցեալ, բերին յԵրևան ի բանակն իւրեանց: ... Սոյնպէս և յերկիրն Արճիշու առաքեաց զօրս, որք գնա-

⁴⁹⁰ Տե՛ս Eskandar Beg Monshi, v. II, էջ 856:

⁴⁹¹ Տե՛ս «Հայերեն ծեռագրերի ժեկարի իիշատակարաններ», հ. Ա, էջ 147:

⁴⁹² Տե՛ս Eskandar Beg Monshi, v. II, էջ 855-856:

ցեալ արարին ըստ վերոյասացելումդ աւար և գերութիւն և ապականութիւն ազգին Հայոց ի ժամանակս ծմերայնոյ»⁴⁹³:

Երբ հաստատվում է տեղեկությունը, որ Սինան փաշանքանակել է Մշո դաշտում, շահը զորք է ուղարկում Կարսի և Զարիշատի գավառներ՝ կարգադրելով ոչնչացնել այդտեղի հացահատիկի ցանքատարածությունները և արոտավայրերը, որպեսզի դրանցից չկարողանա օգտվել և պարենավորվել դեպի արևելք աճապարող օսմանյան բանակը: Ըստ Խաքանդար Մունշիի՝ 1604 թ. ամոնանը պարսից զորքերն ասպատակում, կողոպտում և հրկիզում են Կարսի ու Զարիշատի ցանքսերն ու արոտավայրերը՝ մինչև Բասենի Հասան-Կալա բերդը, և երկու-երեք հազար ընտանիք հայեր ու քոչվոր ցեղեր քշում դեպի Իրաք, իսկ շուրջ 20 հազար «ոչ-մուսուլմաններ» խլամացվում են⁴⁹⁴: Ինչպես նկատում է Հ. Մուրադյանը, 17-րդ դարի ֆրանսիացի ճանապարհորդ Ժան-Բատիստ Տավերնիեն բռնագաղթից հետո աղետալի է նկարագրում նշված տարածաշրջաններից հատկապես Կաղվանի գավառի վիճակը, որն ավերակ և անմարդաբնակ էր⁴⁹⁵: Ուսումնասիրելով սկզբնադրյուրի անգլերեն հրատարակությունը՝ տեսնում ենք, որ ճանապարհորդը Վերին Բասենի Չորանի՝ Հովվի կամրջից մինչև Կարսի շրջան մոտենալը հիշատակում է ան-

⁴⁹³ Առաքել Դավիթիծիցի, էջ 72:

⁴⁹⁴ Տե՛ս Eskandar Beg Monshi, v. II, էջ 856-857: <<ԳԱԱ կողմից հրատարակված հայոց պատմության թե՛ իին և թե՛ նոր բազմահատորյակներում նշված հատվածը վրիհմամբ թարգմանված է ոչ թե դեպի Իրաք բռնագաղթի ուղենշմամբ, այլ՝ դեպի Արարատյան կոսակալության տարածք, այնտեղից էլ՝ Պարսկաստան (տե՛ս «Հայոց պատմություն», հ. II, գ. II, էջ 628):

⁴⁹⁵ Տե՛ս Մուրադյան Հ., Ժողովրդագրական տեղաշարժերը Կարսի նահանգի Կաղվանի գավառում (17-19-րդ դարի 1-ին երեսնամյակին), «Կանթեղ», 2001, թ. 4, էջ 171-177: Կարսի նահանգից պարսիկները բռնագաղթեր են կազմակերպել նաև հաջորդ տարիներին (տե՛ս Նոյնի, Ժողովրդագրական տեղաշարժերը Կարսի նահանգում XVI-XIX դարի առաջին կեսին, «Հայոց պատմության հարցեր», թ. 5, Երևան, 2005, էջ 61-62):

տառոտ լեռներ և ամայի շրջաններ, որտեղ ընդամենը մեկ գյուղ է տեսել⁴⁹⁶: Այս մասին է վկայում նաև Հ. Առաքելյանի կողմից մեջբերվող Նոր Զուղայի Ս. Ամենափրկիչ վանքի մի Ավետարանի հիշատակարան, ըստ որի՝ Երևանի գրավումից (գերեվարվածների ժամանման պահին բերդն արդեն գրավված էր) հետո շահը Կարսի նահանգից գերել է ավելի քան 20 հազար հայ⁴⁹⁷:

Բասենի, Կարսի ու Զարիշատի տեղահանությանը զուգահեռ Արծկեի անհաջող պաշարումից հետո պարսից զորահրամանատար Ալակվերդի խանը «զամենայն երկիրն Արծկեոյ հաւսար աերեաց և իրդէի արկեալ այրեաց. և զամենայն արու արս կոտորեաց՝ և զինչս, և զստացուած՝ զուստերս և զբստերս և զկանայս յաւար և ի գերութիւն առեալ: Եւ ելեալ անտի եկն յԱրճէշ և ի Բերկրի, և ի Վան և յամենայն գաւառս նոցա արար այնպէս»⁴⁹⁸: Այս ամբողջ բազմությանը և բռնագրավված անասուններին նա տեղափոխեց Երևանի մոտ: Ըստ Առաքել Դավիթեցու՝ միայն Արծկեից, Արճեշից, Բերկրիից և Վանից գերեվարված ու Երևանի մոտ պարսից զորակայան բերված հայերի թվաքանակը, չիաշված զոհվածներին, 23 հազար էր⁴⁹⁹. Հետաքրքրական է, որ հայ պատմիչը բռնագաղթի այս փուլում Էրզրումի և Վանի նահանգներից տեղահանության առնչությամբ շեշտում է արական սեոի ներկայացուցիչների կոտորման մասին: Սա գուցե զանգվածային չի կրել, սակայն տեղահանության հապեաւ և բռնի բնույթը ցույց է տալիս, որ այն անկասկած որոշակի դիմադրական արձագանք էր ստանալու Արևմտյան Հայաստանում:

⁴⁹⁶ Տե՛ս “The Six Voyages of John Baptista Tavernier, A Noble Man of France now living, Through Turkey into Persia, and The East-Indies, Finished in the Year 1670. Giving an Account of the State of those Countries”, Book I,Made English by F. P., London, 1678, էջ 9:

⁴⁹⁷ Տե՛ս Առաքելեան Հ., նշվ. աշխ., էջ 63-64:

⁴⁹⁸ Առաքել Դավիթեցի, էջ 74:

⁴⁹⁹ Տե՛ս նույն տեղում:

Ուսումնասիրողների կողմից ամայացման այս քաղաքականությունը անվանվել է «այրված հողի» մարտավարության ռազմագիտական տերմինով⁵⁰⁰: Կանադացի իսլամագետ Ռ. Աբիսաբը պնդում է, որ սահմանակից շրջանների ամայացումը, բնակչության տեղահանումն ու նույնիսկ բռնի իսլամացումը եղել են շահ Աբասի քաղաքականության կարևոր տարրերը, և նկատում, որ Խորանդար Մունշին շահ Աբասի իրականացրած այս քաղաքականությունը հիշատակում է ավելի շատ դեպքերում, քան նրան նախորդած որևէ տիրակալի պարագայում⁵⁰¹:

1604 թ. հունիսին շահ Աբասը գրավում է Երևանը և հանձնում դզբճաշ կազար մեծ ցեղի աղջա-կոյունլու օյմադից Ղազինի պաշտոնյա Ամիրգունա խանին⁵⁰²: Քաղաքում շարունակվում էր սովոր: 1605 թ. հիշատակարաններից մեկում ձեռագիրն ստացող Հայպաթը և Ասլանը նշում են, որ երբ Աբասը Երևանը գրավեց, «սովոր զշորս կողմ աշխարհ... բազումք մեծատունք սովամահ կորեան...»⁵⁰³: Այդ նույն դեպքերի առնչությամբ Քաշաթաղի մելիք Հայկազի ստացած Ավետարանի 1606 թ. հիշատակարանում նշվում է, որ շահը Երևանի բերդը գրավելիս կոտորել է 12 հազար «մանկտիս և կանայս»⁵⁰⁴: Որևէ այլ սկզբնաղբյուրում կոտորածի մասին տեղեկություն չկա, ուստի սա Երևանի պաշարման

⁵⁰⁰ Տե՛ս Բայրուրյան Վ., Օսմանյան կայսրության պատմություն, էջ 228; Perry J., Forced Migration in Iran during the Seventeenth and Eighteenth Centuries, “Iranian Studies”, 1975, vol. 8, N 4, էջ 199-215; Abisaab R., Converting Persia: Religion and Power in the Safavid Empire, London – New York, 2004, էջ 61; Newman A., Safavid Iran: Rebirth of a Persian Empire, London – New York, 2009, էջ 60-61; Kia M., Daily Life in the Ottoman Empire, “The Greenwood Press Daily Life Through History Series”, Santa Barbara-Greenwood, 2011, էջ 119:

⁵⁰¹ Տե՛ս Abisaab R., նշվ. աշխ., էջ 61-62, 194, ծանոթ. 61:

⁵⁰² Տե՛ս Փափազյան Հ., Օտար տիրապետությունը Արարատյան երկրում (ԺԷ դ.), էջ 29-30:

⁵⁰³ Տե՛ս «Հայերեն ձեռագրերի ժեղարի հիշատակարաններ», հ. Ա, էջ 168:

⁵⁰⁴ Տե՛ս նույն տեղում, էջ 206-207:

ժամանակ սովից և պատերազմական գործողություններից զոհվածների ընդհանուր թիվը միայն կարող է լինել:

Այնուհետև կազմակերպվում է բռնագաղթի երրորդ փուլը: Երևանի գրավումից հետո շահ Աբասը բնակչությանը Պարսկաստան տեղափոխելու նպատակով հրամայում է. «...որքան ժողովուրդը, որը դարիպականքն են և պանդուխտը, և այնք ևս որք ի գերութենէ ազատեալը են, - եթէ քրիստոնեայք իցեն, եթէ մահմետականք, եթէ եբրայեցի, - զոր բերին խաներն... . եթէ Ամիրգունա խանն որ երեր ի Գանջայու երկրէն, եթէ Ալահվէրտի խանն, որ երեր յԱրծկէոյ և յԱրծիշոյ և ի Բերկրու և ի Վանայ, եւ թէ միա խաներն, որք միասնագամ բերին յԱրիճշոյ, ի Մանազկերտու, յԱլաշկերտու, և ի Մակուայ, եթէ միա խաներն որք բերին ի Կարսայ, ի Կաղզվանայ, ի Բասենու, յԱրզումայ, ի Խնուսայ. և զայլս զամենեսեան, որք յայլ ուստեք լեալ էին, զսոսա զամենեսեան հրամայեաց զի խոյզ արարեալ գտցեն յերկրին Երևանու...»⁵⁰⁵: Առաքել Դավիթեցու այս տեղեկությունից ակնհայտ է, որ շահը հրամայել է Հայաստանի տարբեր հատվածներից Արարատյան կուսակալություն բերված բազմությանը հավաքել և կենտրոնացնել մի տեղ՝ հետագայում Պարսկաստան տանելու համար, ընդ որում՝ մեջբերումը ցոյց է տալիս նաև, որ մարդկանց մի մասը կարողացել էր ազատվել գերությունից, որոնց նոյնպես պետք է գտնեին և բռնագաղթի ենթարկեին: Այս մանրամասները ևս մեկ անգամ հաստատում են մեր այն տեսակետը, որ բռնագաղթը տեղի է ունեցել մի քանի փուլերով:

Այն, որ Արարատյան կուսակալությունում բռնագաղթի վճռական փուլի նախօրեին ոչ միայն տեղի հայերն էին, այլև Արևմտյան Հայաստանից և Գանձակի վարչամիավորից տեղահանվածները, հաճախ աչքաթող է արվում ուսումնասիրողների

⁵⁰⁵ Առաքել Դավիթեցի, էջ 75-76:

կողմից, բայց Առաքել Դավրիթեցու և մի քանի հիշատակարան-ների տվյալները հնարավորություն են ընձեռում հասկանալու այս կարևոր խնդիրը:

Տեղեկանալով օսմանյան գրահրամանատար Զղալօղի Սինան փաշայի՝ Էրզրումից դեպի Արարատյան կուսակալություն շարժվելու մասին՝ շահ Աբասը Շիրակավանից Աղջակալա (Երվանդակերտ) է գալիս և «զոր ի վաղ ժամանակաց ունէր ի մտի զքշելն ազգին քրիստոնէից և զաւերելն աշխարհին Հայոց անդ յայտնեաց խորհրդակցաց իւրոց: Քանզի գիտէր ի միտս իւր, թէ ո՞չ կարէ պատերազմաւ զդէմ ունել Սինան փաշային, այսինքն Զղալօղի Սարդարին: Վասն որոյ հրամայեաց զամենայն բնակիչս աշխարհին Հայոց, եթէ քրիստոնեայ, եթէ հրէայ, եթէ մահմետական, քշել յաշխարհն Պարսից: Զի եկեալ Օսմանցւոցն անբնակ գտանիցեն զերկիրն ի մարդկանէ: Եւ ո՞չ զոցի կերակուր և ոռճիկ և այլ ինչ պիտոյք նոցա և անասնոց նոցա, և առ ի չգոյէ հարկատրաց Վտանգեսիցն զօրքն Օսմանցւոց: Նաև տարեալ ժողովուրդըն լինիցին նմա անզերծանելի հարկատուք՝ ծառայք և հողագործք մինչև ցյալիտեան»⁵⁰⁶: Առաքել Դավրիթեցին, փաստորեն, մի կողմից նշում է, որ շահը վաղուց էր նպատակադրվել «ազգին քրիստոնէից» քշել Պարսկաստան, մյուս կողմից էլ այդ քայլին էր դիմում, քանի որ չէր կարող դիմադրել Սինան փաշային: Փաստորեն, փաշան պարենավորման հնարավորություն չէր ունենալու, իսկ Պարսկաստանը «ցյալիտեան» ստանում էր հարկատու հողագործ բնակչություն:

Իսբանդար Մունշին ևս նշում է, որ Ամիրգունա խանը և Արդարիլի Զոլֆեղար խանը հրաման են ստանում Մշո դաշտից Երևանի ուղղությամբ արշավանքի նախապատրաստվող Զղալօղի Սինան փաշայի արշավանքին ընդառաջ Արարատյան կու-

⁵⁰⁶ Առաքել Դավրիթեցի, էջ 77:

սակալության և Նախիջևանի շրջակայքի բնակչությանը տեղահանել, բնակավայրերն ավերել, ցանքսերն ու հացահատիկի պաշարները հրկիզել⁵⁰⁷:

Նոյն պատճառներն է նշում նաև բռնագաղթից հետո Հայաստան այցելած ֆրանսիացի ճանապարհորդ Ժան Շարդենը: Ըստ նրա՝ Երևանի և Նախիջևանի դաշտերն ու այգիները հրկիզվեցին, շինություններն ավերվեցին, բնակչությունն ու անասնահոտերը տեղափոխվեցին Պարսկաստան, և նոյնիսկ ջրի աղբյուրները թունավորվեցին, որպեսզի օսմանյան բանակը Պարսկաստանի դեմ արշավանքների ժամանակ գրկվեր պարենավորման հնարավորություններից⁵⁰⁸:

Թուրքական աղբյուրները նոյնպես հավաստում են, որ երբ 1604 թ. ձմռանը Զղալե Զադե (Զղալօղլի) Սինան փաշան հասնում է Կարս, «ճանապարհին եղած ռայաների [հայերի] գյուղերի ու ավանների բնակչիները աքսորված լինելով, երկիրը մնում է անմշակ: Երկրում սով է տիրում»⁵⁰⁹:

Ինչպես արդեն նշել ենք, բռնագաղթի պատճառներից էր նաև այն, որ պարսից շահը նպատակ ուներ հայ վաճառականների միջոցով ընդլայնել Պարսկաստանի արտաքին առևտրական կապերը, ինչպես նաև հայ արհեստավորների և երկրագործների միջոցով զարգացնել երկրի հետամնաց տնտեսությունը⁵¹⁰:

⁵⁰⁷ Տե՛ս **Փափազյան Հ.**, Օտար տիրապետությունը Արարատյան երկրում (ԺԷ դ.), էջ 30:

⁵⁰⁸ Տե՛ս **Զոլայան Մ.**, Հայ ժողովորի պատմության հարցերը ըստ Եվրոպացի հեղինակների, էջ 150-151:

⁵⁰⁹ «Թուրքական աղբյուրներ», հ. Բ, էջ 94:

⁵¹⁰ Տե՛ս “The Cambridge History of Iran”, Vol. 6, Cambridge University Press, 1986, էջ 271; **Blow D.**, նշվ. աշխ., էջ 79-80; **Newman A.**, նշվ. աշխ., էջ 61; **Canby Sh.**, Shah ‘Abbas: The Remaking of Iran, London, 2009, էջ 64-65; **Aslanian S.**, From the Indian Ocean to the Mediterranean: the Global Networks of Armenian Merchants from New Julfa, Berkeley, 2011, էջ 33-34:

Հ. Առաքելյանը բռնագաղթի այս փուլի պատճառների թվում միայն օսմանյան բանակի պարենավորման արգելակումը բավարար չի համարում, քանի որ այդ պարագայում հարկ չկար բռնագաղթի ենթարկելու Աստրատականի հայերին: Այս համատերսում նա մեջբերում է Շարդենի տեղեկություններն այն մասին, որ Երևանի, Նախիջևանի, Զուղայի և Բարձր Հայքի (այսինքն՝ Էրզրումի նահանգի) հայերին տեղահանեց և տարավ իր մայրաքաղաքը՝ այդտեղի առևտուրն աշխուժացնելու համար, քանի որ Եվրոպացի վաճառականների համար հայերը կրոնակից էին, ուստի և՝ ավելի համակրենի⁵¹¹: Նա հույս ուներ նաև մեծ հարված հասցնել Օսմանյան կայսրության մետաքսի առևտորին՝ փոխարենը զարգացնելով մետաքսի սեփական առևտուրը, որը Հայաստանի տարածքից տեղափոխվելու էր հարավ՝ ընդհուած մինչև Պարսից ծոց⁵¹²: Փաստորեն, այս բռնագաղթի միջոցով պարսից շահը հեռահար նպատակներ էր հետապնդում՝ ցանկանալով հզորացնել իր երկիրն ու միաժամանակ թուղարացնել թշնամուն:

Բռնագաղթի հիմնական փուլը, ըստ Առաքել Դավիթեցու, սկսվել է 1604 թ. օգոստոսին՝ հիմնական թափն առնելով Խաչվերացից հետո՝ աշնանը⁵¹³: Այս համատերսում առանձնակի հետաքրքրություն է ներկայացնում Հին Զուղայում սկսված և Սպահանում ավարտին հասցված մի «Յայսմատուրք»-ի հիշատա-

⁵¹¹ Տե՛ս Առաքելեան Հ., նշվ. աշխ., էջ 76-78:

⁵¹² Տե՛ս Newman A., նշվ. աշխ., էջ 61; Faroqhi S., The Ottoman Empire and the World Around It, London-New York: I.B. Tauris, 2004, էջ 139: Համաշխարհային տարանցիկ առևտորի հետ առնչության մասին մանրամասն տե՛ս Baghdiantz McCabe I., The Shah's Silk for Europe's Silver: The Eurasian Trade of the Julfa Armenians in Safavid Iran and India (1530-1750), “University of Pennsylvania Armenian Texts and Studies”, Book 15, Atlanta: Scholars Press, 1999:

⁵¹³ Տե՛ս Առաքել Դավիթեցի, էջ 79: Տե՛ս նաև Դանելյան Լ., Հայերի բռնագաղթն Իրան 17-րդ դարում, էջ 63-75: Հմմտ. «Մանր ժամանակագրություններ», հ. 1, էջ 146, 302:

կարանը, որտեղ գրիչ Արիստակես աբեղան հայտնում է, որ Զուռ-նա գյուղաքաղաքի Ս. Հովհաննես Մկրտիչ Եկեղեցում է գրել 1604 թ. հունվարի 20-ից մինչև հունիսի 4-ը, իսկ ավարտել է 1605 թ. Սպահանում⁵¹⁴: Սա հաստատում է Առաքել Դավրիժեցու և մանր ժամանակագիրների այն տեղեկությունը, որ բռնագաղթալների ալիքը Սպահան է հասել հաջորդ տարի, ուստի Զուռնայի բռնագաղթը 1604 թ. ամռանն է սկսվել: Միաժամանակ անընդունելի ենք համարում բռնագաղթն արհեստականորեն 1605 թ. տանելը՝ հիմնվելով լոկ Խարբերդի Գահլու գյուղից Հովհաննես գրիչի կողմից 1606 թ. թվագրումը, քանի որ նոյն գրիչը 1605 թ. նշում է, որ ինքը Սպահան տարվածների խմբում էր⁵¹⁵: Այսպիսով, բռնագաղթի վճռական փուլը սկսել է 1604 թ., իսկ բռնագաղթի ենթարկվածների բազմությունը տեղ է հասել միայն հաջորդ տարի՝ 1605 թ.:

Գաղյի կազմակերպման գործում ներգրավվել են նաև հայոց մեծամեծները, որոնք, սակայն, առաջարկել են գաղյի գնալ գարնանը, քանի որ գույքը, ծերերին ու մանուկներին տեղափոխելու համար անհրաժեշտ քանակով փոխադրամիջոցներ չկային⁵¹⁶: Այդուհանդերձ, շահը զորապետներին կարգել է տարբեր ուղղություններով և հրամայել բոլոր մարդկանց գերեւարել: Ամիրգունա խանին հանձնարարվել է Արարատյան կուսակալության գործը, և նա բերել է բոլորին Արարատյան դաշտ, որտեղ, ըստ Առաքել Դավրիժեցու, Գառնու լեռներից մինչև Երասխ գետը լայնությամբ ձգվում էր գաղյականության բանակը, իսկ Երկարությունը մեկ օրվա ճանապարհ էր գրադեցնում⁵¹⁷: Ընդ որում՝ պարսից բանակը ոչ միայն քշում էր բնակչությանը բոլոր

⁵¹⁴ Տե՛ս «Հայերեն ծեռագրերի ժեղարի հիշատակարաններ», հ. Ա, էջ 183-184:

⁵¹⁵ Տե՛ս նոյն տեղում, էջ 236:

⁵¹⁶ Տե՛ս Առաքել Դավրիժեցի, էջ 78:

⁵¹⁷ Տե՛ս նոյն տեղում, էջ 78-79:

բնակավայրերից, այլև՝ Արևմտյան Հայաստանում իրականացրածի օրինակով վերացնում հացահատիկի պաշարները⁵¹⁸:

Ըստ Առաքել Դավիթեցու՝ Ամիրգունա խանի ուղարկած ուժերը Գառնի գյուղում թալան են սկսում, հափշտակում «զզաւակս քրիստոնէից»⁵¹⁹: Սա տեսնելով՝ գյուղացիները համախմբվում են և դուրս քշում զորականներին, և միայն Ամիրգունա խանն է կարողանում հնազանդեցնել նրանց ու միացնել գաղթական զանգվածներին⁵²⁰: Գառնի գյուղից բացի՝ Գառնիի գավառում կային նաև այլ գյուղեր, «որք ամրացեալք են յամուր վայրս լերանց երկրիս՝ յայրս և ի ծերպս քարանձաւաց»⁵²¹: Հավուց թաղի վանքի Մանուել Եպիսկոպոսը և Գեղարդավանքի Աստվածատուր Եպիսկոպոսը մի խումբ հոգևորականների և աշխարհականների հետ որոշ պարենով ամրացան Գեղարդի ծորի քարայրներում, որտեղ, ի վերջո, խանը բռնեց նրանց: Մարդկանց մի մասը, այդ թվում՝ Մանուել Եպիսկոպոսը, սրի քաշվեց, մյուս մասը քշվեց գաղթականության ընդհանուր զանգվածի մոտ⁵²²: Այդուհանդերձ, Գառնու գավառում զորքը ոչ բոլորին է կարողացել գերել՝ «թողեալ ի բաց գնացին». հասնում են Քոռադարա մեծ ծորը և «թէպէտ բազումք կային անդէն ի ծորն այրք և ամրոցք, յորում թաքրուցեալք էին քրիստոնէայք, թողեալ զայլսն զամենայն՝ դիմեցին ի վերայ անուանի այրին՝ որում Եախըշխան այր⁵²³ ասէին. զի վասն ամրութեան նորին բազումք էին անդ ժո-

⁵¹⁸ Տե՛ս Առաքել Դավիթեցի, էջ 79:

⁵¹⁹ Տե՛ս նոյն տեղում, էջ 83:

⁵²⁰ Տե՛ս նոյն տեղում:

⁵²¹ Տե՛ս նոյն տեղում:

⁵²² Տե՛ս նոյն տեղում, էջ 83-84:

⁵²³ Յախշխան քարանձավ. Գառնի գյուղի մոտ՝ Ազատ գետի վերին հոսանքում, տեղակայված քարանձավներից սա ամենամեծն է և կարող է տեղավորել շուրջ հազար մարդ (տե՛ս «Հայաստանի և հարակից շրջանների տեղանունների բա-

ղովեալք արք և կանայք քրիստոնեայք, անձինք իբրև հազարք»⁵²⁴: Երկարատև շրջափակումից հետո մտան անձավ ու կոտորեցին մեծ մասին, իսկ փրկվածներին գերեվարեցին⁵²⁵:

Այսպիսով, շահ Աբասն «անմարդաբնակ արար միահաղոյն զամենայի և զյութի աշխարհս Հայոց», քանզի «ո՞չ թէ զմի կամ զերկու գաւառս վարեաց ի Պարսկաստուն (Պարսկաստան – Մ. Մ.), այլ զբազումս: Եւ սկսեալ ի սահմանացն Նախօւանու և անցեալ ընդ Եղեգածոր, առ Եզերը Գեղամայ, և Լոռոյ, և զՀամզաշման գաւառն, զԱպարան, զՇարապիսանէն, զՇիրակուան, զՋարիշատ, և մասն ինչ ի գեղօրէիցն Կարսայ, և զՃորն Կաղզվանու բնափին, և բովանդակ զԵրկիրն Ալաշկերտու, և զգեղօրայսն Մակուայ, և զԵրկիրն Աղբակու և զՍալամաստու և զԽոյայ և զՈրմի (զՈւրմիոյ – Մ. Մ.), և որ ինչ պանդուխտք և դարիպականք մնացեալք էին ի քաղաքն և ի գեղօրայսն Թարվիզու (Թավլիզու – Մ. Մ.), զԴաշտն Արարատու բովանդակ, և զԵրևան քաղաք, զԵրկիրն Ղրիմովաղայ, զԾաղկունուց ձոր, զԳառնու ձորն, զՈւրծածորն: Եւ յառաջ քան զայս՝ զգաւառն Կարնոյ, և զԲասենու, և զԽնուաայ, և զՄանազկերտու, և զԱրծկէոյ, և զԱրճշոյ, և զԲերկրու, և զՎանայ աւարով և զԵրութեամբ բերեալ էին յԵրևան, և ընդ սոսա քշեցին և տարան»⁵²⁶: Անգամ 17-րդ դարի կեսին Առաքել Դավիթիժեցին իր ժամանակի համար գանգատվում է. «Որ և այժմ տեսանեմք զարգաւանդ և զբերրի զիոնս զարտ և զանդաստանս սորա, և զաւրակս բազմապատիկ գեղօրէիցն և զմեծանիստ աւանացն»⁵²⁷: Նշված տարածքներից Աղ-

ուարան», կազմեցին՝ Ռ. Հակոբյանը, Ստ. Մելիք-Բախչյանը, Հ. Բարսեղյանը, հ. 3, Երևան, 1991, էջ 915):

⁵²⁴ Տե՛ս Առաքել Դավիթիժեցի, էջ 84-85:

⁵²⁵ Տե՛ս Նույն տեղում, էջ 85-86:

⁵²⁶ Նույն տեղում, էջ 86-87:

⁵²⁷ Նույն տեղում, էջ 87:

բակի բռնագաղթի մանրամասներին անդրադառնում է նաև Իս-քանդար Մունշին: Ըստ այդմ՝ այստեղ քրիստոնյա բնակչությունը դիմադրություն է կազմակերպել, և նրանցից շուրջ հազար կանայք և երեխաներ, որպես ռազմագերիներ, տարվել են շահի մոտ՝ Թավրիզ⁵²⁸: Այս նկարագրությունը կարևոր ենք համարում, քանի որ գավառը հետագայում հայտնի է դառնում որպես գերազանցապես քրդաբնակ տարածք: Ինչ վերաբերում է Գեղամա Եզերքի հիշատակմանը, ակնհայտ է, որ այստեղ խոսքը վերաբերում է Գեղարքունիքի միայն արևմտյան կեսի՝ Գեղամա լեռների լանջերին, իսկ 1606 թ. Թիֆլիսից վերադառնալիս շահը Մազրայում հյուրընկալվել է հայոց մելիք Շահնազարի տանը և վերահաստատել նրա մելիքական ժառանգական իրավունքները⁵²⁹:

1650-ական թթ. հայ բնակչության՝ Սպահանի կենտրոնից արվածաններ տեղափոխումը նկարագրելիս Առաքել Դավիթեցին թվարկում է բռնագաղթի հետևանքով վերաբնակեցված հայության ծագման վայրերը՝ նշելով նաև Բաղեշը, Երզնկան, Մուշը, Դերջանը, Բաբերդը, Սպերը⁵³⁰, որոնք բռնագաղթը նկարագրելիս պատմիչը չէր մատնանշել: Նման պարագայում անհրաժեշտ է դիմել դեպքերին մոտ մեկ այլ հեղինակի՝ Զաքարիա Քանաքեռոց տվյալներին: Բոնագաղթի ընդգրկած տարածքը նկարագրելիս նա գրում է. «Սկսեալ ի կողմանցն Նախչուանայ՝ զԵղեգաձոր, զԳեղամ, զԼոփ, զՀամզաշիման, զՆիգ, զՇարապիսանայ, զՇիրակ, զԶարիշատ, և զգեղօրայսն Կարուց, և զձորն Կաղզուանայ, զԱլաշկերտ, զՄակու, զԱղբակ, զՍալմաստ, զԽոյ, զՈրմի, և զկողմն Թալրիզու, զդաշտն Արարատու, զԵրևան քաղաք, զԿոտէս գավառ, զԾաղկնուձոր, զԳառնուձոր, զՈւրծաձոր, և որ զգաւառն Կարնոյ և զԲասենոյ՝ զԽնուա, զՄանագկերտ,

⁵²⁸ Տե՛ս Eskandar Beg Monshi, v. II, էջ 869-870:

⁵²⁹ Տե՛ս Առաքել Դավիթեցի, էջ 114:

⁵³⁰ Տե՛ս նույն տեղում, էջ 352:

զԱրծկէ, զԱրճէշ, զԲերկրի, և զամենայն գաւառսն Վանայ, և այլ ամենայն տեղից գերեաց և աւերեաց, այրեաց և հրդեհեաց զամենայն բնակութիւնսն, զի մի մնասցէ շէն»⁵³¹:

Զաքարիա Քանաքեռցին, ինչպես տեսնում ենք, գրեթե նոյնությամբ կրկնում է բռնագաղյի ընդգրկած տարածքը, ուստի անհրաժեշտ է ուշադրություն դարձնել նաև դեպքերին շատ մոտ գրված ձեռագրերի հիշատակարաններին: Պարսկատանի Գյանդումանի նահանգի Քաղաք գյուղում 1611 թ. գրված Ավետարանի հիշատակարանում գրիչ Զաքարիա Վանեցին նշում է, որ հրամայվեց գերելու «ազգս Հայոց», և «գերեցուցին զԿարս, զՃիրակոնիս, զԲասեն, զԿաղզլաւան, զԱղջաղալէն, զԱլաշկէրտ, զԳագիսու] (զԳյուկսու – Մ. Մ.), [զԽ]նուս, զՄալ[ազ]կերտ, զԱկրլիս, զՏումանիս, զՂլդըր, զԱրտախսան (զԱրտահան – Մ. Մ.), զԿոլայ (զԿող – Մ. Մ.), զՃաքի, զՃրաւան, զՃամախի, զԲ[ա]նակ, զՓասկեր (իմա՝ Փանասկերտ – Մ. Մ.), զՅուխստիք (զՈւխստիք – Մ. Մ.), զՄամրվան, զԹարիխուն (զԹորթում – Մ. Մ.), զՍեպեր, զԹէրջան (զԴերջան – Մ.Մ.), զԿամախս, զՎան, զԱրճէշ, զԱրծկէ, զԲերկրի, զ[Ձ]արիշատ, զԵրեւան, զՆախչըրան, զՋուղայ, զԱղբակ, զՍալամաստ և այլ բազում գեաւղ և քաղաք...»⁵³²: Այստեղ Զիջրի էյալեթի տարածքների հիշատակումը սկզբունքորեն տարբերվում է մյուս աղբյուրների տեղանունների շարքից և չի հաստատվում այլ աղբյուրներով:

1611 թ. գրված մեկ այլ հիշատակարանում բռնագաղյի ընդգրկած տարածքում նշված են Գանձակը, Նախիջևանը, Երևանը, Սալմաստը, Աղբակը, Վանը, Կարսը, Էրզրումը⁵³³, որոնք, ըստ Էռլիջան, բռնագաղյի հիմնական օջախներն էին:

⁵³¹ Զաքարիա Քանաքեռցի, էջ 49:

⁵³² «Հայերեն ձեռագրերի ժեւ դարի հիշատակարաններ», հ. Ա, էջ 411-412:

⁵³³ Տե՛ս նոյն տեղում, էջ 448-450:

Հովհաննավանքում ընդօրինակված ժողովածուի 1631 թ. հիշատակարանում գրիչ Ղուկասը շարադրում է. «...շահ Ապազ վերաձայնելալ ի Ռ և ի ԾԳ (1604) թվին Եկեալ յաշխարս Հայոց, ի Արարատեան տանէս և ի Գողթնեաց գաւառէ, մանաւանդ թէ զջուղայ իսկ, բովանդակ տարեալ բնակեցոյց ի Ծօշ քաղաք և ի շրջակա գաւառսն իր տունք իբրև Ժ (10) հազար»⁵³⁴: Այստեղ, փաստորեն, բռնագաղթի մայր օջախն է Նշվում Արարատյան կուսակալությունը՝ Գողթն գավառով հանդերձ: Նմանօրինակ հատվածական հիշատակումները երբեմն ստիպել են ուսումնասիրողներին կարծել, որ Առաքել Դավիթիծեցու մատնանշած տարածքը չափազանցություն է, սակայն, մեր կարծիքով, այդ տեղեկությունների բնույթը պայմանավորված է հիշատակարանի գրչության վայրով, օրինակ՝ նախորդ դեպքում Հովհաննավանքը գտնվում էր Արարատյան կուսակալությունում, ուստի պետք է ներկայացներ հենց իր վարչամիավորի կրած վնասը: Նոյն տրամաբանությամբ վերը նշված 10 հազար տունը միայն այդ հատված տեղափոխվածների թիվն է:

Նման մոտեցման արտացոլումն է 1608 թ. Բաբերդում Գրիգոր Դարանաղցու գրած հիշատակարանում բռնագաղթի ընդգրկած տարածքի ներկայացումը՝ Երևանի գավառներից մինչև Բասեն⁵³⁵, քանի որ վերջինս, ինչպես և Բաբերդը, Էրզրումի նահանգի կազմում էր: Բաբերդում ընդօրինակված ձեռագրի 1638 թ. հիշատակարանում նոյն Գրիգոր Դարանաղցին նշում է. «Նա թագաւորն Պարսից շահ Ապազն (Աբասն – Մ. Մ.) երեկ է-առ զԵրևան և զամենայն գաւառըն մինչև ի Բասէն, և զամենայն աշխարհնին հրձիգ և աւերակ արար և զամենայն բնակիչքն թէ՝ Հայք, թէ՝ Տաճիկ՝ միահամուռն սուրկուն արար, և տարօ ի Սու

⁵³⁴ «Հայերեն ձեռագրերի ժԷ դարի հիշատակարաններ», հ. Բ, էջ 428:

⁵³⁵ Տե՛ս «Հայերեն ձեռագրերի ժԷ դարի հիշատակարաններ», հ. Ա, էջ 328-329:

քաղաքին, որ է Խսպահէն»⁵³⁶: Նույն նահանգի բնակիչ Հակոբ Կարնեցին գրում է. «Բասենու հետ զազգս Հայոց սուրեկուն արար տարաւ ի Սպահան»⁵³⁷:

Բասենի՝ որպես բռնագաղթի մայր օջախներից մեկի մասին հիշատակումները հանդիպում են նաև այլ սկզբնաղբյուրներում: Այսպէս, Մարտիրոս դի Առաքելի ժամանակագրության (18-րդ դար) մեջ ևս առանձնակի շեշտադրում է կատարվում Բասենի վրա՝ շահը «հասեալ մինչև ի Վան և զբասեն աւերեաց: Եւ անտի զամենայն ազգս Հայոց քշեաց, սկսեալ անտի մինչ Երևան: Եւ անտի բերեալ ափն Երասխ գետոյն, որ էր թիվ ՌԾԴ (1605) մուտ տարոյն: Ըսդ նմին և գիւղաքաղաքն Զուղայ քշեաց և տարաւ յԱսպահան բնակեցոյց և ի գաւառս նորայ սփոռեաց: Այս է մէծ սուրբունն. որ և յետ Բ (2) ամի եղևս սով սաստիկ, մինչ Գ (3) ամ, այնպէս որ մարդիք զմեռեալս և զկենդանիս սպանանեալ ուտէին, որ է սարսուելի ի լսելն»⁵³⁸: Այնուհետև ժամանակագիրը շարունակում է, որ շահը «յոյժ նեղեաց զազգս Հայոց և Երկիրս Հայոց ցիր և ցան արար և անբնակ արար Հայաս տուն և ոչընչացոյց գերկիրն»⁵³⁹:

Մեկ այլ ժամանակագրության մեջ նշվում է. «Ճահ Ապասն... զՀայոց ազգն քշեց Խսպահան, զԵրևան և զՆախչևան և զԶուղայ և զայլ կողմանսն՝ յԱլաշկերտու ի Խօյայ և տարաւ ի Գիլան և յՍպահան»⁵⁴⁰: Փաստորեն, կրկին համոզվում ենք, որ սկզբնաղբյուրի գրչության վայրի հանգամանքը Երբեմն ներագդել է հեղինակների վրա՝ բռնագաղթի ընդգրկումը միայն իրենց վարչամիավորի տարածքում ներկայացնելու համար, քանի որ

⁵³⁶ «Հայերեն ձեռագրերի ժէ դարի հիշատակարաններ», հ. Բ, էջ 724:

⁵³⁷ «Մանր ժամանակագրություններ», հ. 1, էջ 240:

⁵³⁸ «Մանր ժամանակագրություններ», հ. 2, էջ 428:

⁵³⁹ Նույն տեղում:

⁵⁴⁰ «Մանր ժամանակագրություններ», հ. 1, էջ 324:

վերը ներկայացված օրինակներում հաստատվում է բռնագաղթի՝ աշխարհագրական այն մեծ ընդգրկումը, որ ներկայացնում է Առաքել Դավրիժեցին:

Բռնագաղթի ենթարկված ջուղայեցի Արիստակես արեղան բռնագաղթի ընդգրկած տարածքը նշում է «ի Ջուղայոյ մինչ ի Կարս ամենեթեան գերի վարեցան, ի ծերոց մինչև ցողայն, որ Երկիրն անբնակ եղև»⁵⁴¹: Սա, փաստորեն, բռնագաղթի հիմնական արեալն էր:

Բռնագաղթի առնչությամբ հայագիտության մեջ մեծ տարածում ունի Աստվածատուր քահանայի 1605 թ. հիշատակարանը⁵⁴²: Նա պատմում է Թավրիզի գրավման ժամանակ շահ Աբասի կողմից քրիստոնյա բնակչության կոտորածի մասին (ըստ թուրքական աղբյուրների՝ կոտորվել է քաղաքի տուննի բնակչության մի մասը), այնուհետև Երկու փուլով ներկայացնում է բռնագաղթը, մեկը՝ հայ և մուսուլման բնակչությանը Երևանից, Նախիջևանից և Սալմաստից դեպի Թավրիզ՝ այնտեղից հաջորդ տարի միայն հայերին՝ Սպահան, իսկ մյուսը՝ Կարսից, Շիրակից, Արծենից, Արճեշից, Բերկրից, Խնուաից՝ 300 հազար հայերի⁵⁴³: Ընդ որում՝ նախորդ հրատարակություններում պահվել է տեղանունների թվարկման շարքում Երևանի, Նախիջևանի, Ջուղայի, Աղբակի և Սալմաստի թվարկումը, որը Վ. Հակոբյանը և Ա. Հովհաննիսյանը, փաստորեն, կրճատել են իրենց տպագրածում:

⁵⁴¹ «Հայերեն ձեռագրերի ժեկարի հիշատակարաններ», հ. Ա, էջ 184:

⁵⁴²Տե՛ս նոյն տեղում, թիվ 225, էջ 181-183: Հմմտ. «Մի ձեռագիր Աւետարան Զարմահայի Լիվասեան գիլդում», կազմեց՝ Ա. Երեմեան, «Հանդէս ամսօրեայ», 1948, թ. 3-6, այ. 293-299; «Ցուցակ Մայր Աթոռ Ս. Էջմիածնի նոր ստացված ձեռագրերի», «Էջմիածն», 1950, թ. Է-Ը, էջ 81-88; «Ցուցակ Թեհրանի հայերէն ձեռագիրներու», կազմեց՝ Հ. Ոսկեան, «Հանդէս ամսօրեայ», 1953, թ. 1-3, այ. 95-110; «Ժեկարի մի ձեռագիր Աւետարան», հրատ.՝ Ա. Երեմեան, «Սիոն», 1967, թ. 7-8, էջ 328-330:

⁵⁴³Տե՛ս «Հայերեն ձեռագրերի ժեկարի հիշատակարաններ», հ. Ա, էջ 182:

Բռնագաղյօթի տարածքային ընդգրկման, փուլաբաժանման և հետևանքների խնդիրներին առնչվող նյութեր կան նաև բազմաթիվ այլ սկզբնաղյուրներում, որոնք մենք ևս ուսումնասիրել ենք և խմբավորել դեռևս մեր թեկնածուական ատենախոսությունը շարադրելիս: Հարկ է նկատել, որ հայերի բռնագաղյօթի մեկ այլ փուլ տեղի է ունեցել վրաց բռնագաղյօթի հետ, որն առանձին ուսումնասիրության թեմա է, թեև ընկալելի է դարձնում վերը նշված տարածքային թվարկումները:

Ուսումնասիրողներից խնդրին առանձնահատուկ անդրադարձել է Գ. Բադայանը, որը քարտեզագրել է բռնագաղյօթը: Ըստ նրա կազմած քարտեզի՝ բռնագաղյօթն ընդգրկել է Արարատյան կուսակալությունը, Վանա և Ուրմիո լճերի միջակայքը, Գանձակից մինչև Էրզրում և Թորթում ընկած տարածքը⁵⁴⁴: Ուշագրավ է, որ հայ մելիքների կողմից տնօրինվող Արցախը և Սյունիքի կենտրոնական ու արևելյան մասերը խուսափել են ժողովրդագրական այս արհավիրքից: Բռնագաղյօթն ընդգրկել է ոչ միայն Արևելյան Հայաստանի Արարատյան կուսակալությունը (Ներառյալ՝ Նախիջևանը), այլև Գանձակի գավառը, Ուրմիո, Սալմաստի, Խոյի, Մակուի վարչամիավորները, ինչպես նաև Արևատյան Հայաստանի Վանի նահանգի արևելյան և հյուսիսային մասերը, Էրզրումի նահանգի արևելյան ու կենտրոնական հատվածները և Կարսի նահանգն ամբողջությամբ:

Ի հակառակ տեղային նշանակության հիշատակարանների, որոշ գրիչների հաղորդած տվյալները չեն սահմանափակվում իրենց վարչամիավորով: Զակամ գավառի Ղարամուրատ

⁵⁴⁴ Տե՛ս «Հայերի բռնագաղյօթը Շահ-Արաս 1-ինի կողմից Պարսկաստան XVII դ. սկզբին», հեղինակ՝ Գ. Բադայան, մասշտաբ՝ 1:4 000 000, «Հայաստանի ազգային ատլաս», հ. Բ, էջ 51: Տե՛ս նաև «Հայաստանը XVII դ. առաջին կեսին», հեղինակ՝ Գ. Բադայան, մասշտաբ՝ 1:3 600 000, «Հայաստանի ազգային ատլաս», հ. Բ, էջ 50:

գյուղում 1610 թ. գրված հիշատակարանում գրիչ Դավիթ Եպիսկոպոսը պատմում է Գողթան գավառի մոտ Երասխի գետանցի և ջրասույզ Եղած բազում մարդկանց, Զուղայի և Երևանի բնակչությանը Սպահանում բնակեցնելու մասին.

«...Յետ դառնալոյ չկայր հրաման:

Բոլոր Երկիրս ամենայն,

Մինչ Կաղզըվան և Շիրակուան,

Զորն Եղեքաց և Նաղէջվան.

Զամենեսեան սուրկուն տարան»⁵⁴⁵:

Բռնագաղթին ժամանակակից Անանուն ժամանակագրության (17-րդ դար) հեղինակը մանրամասն նկարագրում է բռնագաղթը՝ Երբեմն մեջբերելով ականատեսների վկայություններ և այնպիսի դրվագներ, որոնք բացակայում են ժամանակակից պատմիչների մոտ: Նա գրում է, որ իր ժամանակներում ապրում են «ի մէջ վեցեկի պատուհասի, որ է՝ սով, սուր, գերութիւն, տարածամ մահ, անօրինաց զրկանքն և սաստիկ հարկապահանջողութիւն»⁵⁴⁶: Նա նաև նկարագրում է բռնագաղթի ընթացքը, որը համապատասխանում է մեր կողմից վերը ներկայացված փուլաբաժանմանը: Ըստ նրա՝ 1604 թ. օսմանյան բանակը չկարողացավ կասեցնել Երևանի գրավումը, քանի որ «ընդ ամենայն տեղիս Ելուզակ էին Եղեալ իշխանքն և զաշխարհն աւերէին, սովն և նեղութիւն ի յիրեանց Երկիրն էին ձգեալ»⁵⁴⁷: Տեսնելով, որ Զղալողի Սինան փաշայի արշավանքը հնարավոր չէ կասեցնել, Արարատյան գավառում «զվայրքն իրձիգ առնէր, զի մի օթևան լիցի զօրացն Տաճկաց կամ գրաստուց նոցա կերակուր և դարման», որից հետո հրամայեց զորքին «զազգն Հայոց» քշել Պարսկաստան, և պարսից բանակը հաճճեպորեն Շիրակավանի ու Կար-

⁵⁴⁵ «Հայերեն ձեռագրերի ժէ դարի հիշատակարաններ», հ. II, էջ 365-366:

⁵⁴⁶ «Մանր ժամանակագրություններ», հ. 1, էջ 181:

⁵⁴⁷ Նույն տեղում, էջ 181-182:

սի գավառներից մինչև Գողթան գավառ բռնագաղթեցրել է բնակչությանը⁵⁴⁸: Անանուն ժամանակագիրը մանրամասնորեն նկարագրում է պարսից բանակի կողմից գործադրվող բռնությունները (սպանություններ, կտտանքներ, թալան, գյուղերի հրդեհում՝ սպառիչ կերպով ցույց տալով, որ բնակչության միգրացիան բռնի կերպով է կազմակերպվել: Նրանց հասցրել են Զուղա, այնուհետև այստեղի բնակիչներին ևս տեղահանել են, քաղաքն այրել⁵⁴⁹: Բավական կածալի է Երասխի գետանցման դրվագը. շատերը զոհվում են, պատանիներ գերեվարվում⁵⁵⁰:

Ըստ դեպքերին ականատես պորտուգալացի Գոռուվեայի՝ բռնագաղթի հրամանը կատարելիս պարսկական 100 հոգանոց զորագնդերը մտնում էին հայկական գյուղերը և դաժանորեն դուրս մղում բնակիչներին իրենց տներից⁵⁵¹: Եվրոպացի հեղինակը նշում է նաև, որ բռնություններ են գործադրվել հայ աղջիկների և կանանց նկատմամբ, ընդ որում՝ նրանցից ավելի քան 100 հազար հոգի քշվել են ստրկավաճառական շուկաներ: Նա այս թիվը չափազանցված չի համարում, քանի որպարսից զորագնդերը յուրաքանչյուր բնակավայրից, իր հավաստմամբ, առնվազն 10 հոգի կարող էին տանել⁵⁵²:

1606 թ. Խարբերդի Գահլու գյուղում գրված հիշատակարանում Հովհաննես երեցը հաղորդում է, որ Զղալօղիի

⁵⁴⁸ Տե՛ս «Մանր ժամանակագրություններ», հ. 1, էջ 182:

⁵⁴⁹ Տե՛ս նոյն տեղում, էջ 182-183:

⁵⁵⁰ Տե՛ս նոյն տեղում, էջ 183: Այստեղ ևս, ինչպես Առաքել Դավիթեցու երկում, նկարագրվում է, որ ոմանք փախուստի են դիմել՝ չենթարկվելով գաղթի հրամանին, սակայն մահվան են դատապարտվել, ինչպես Հավուց թաղի Մանուել Եպիսկոպոսը, Գեղարդավանքի Աստվածատուրը և Երևանի տեր Եղիան: Նկարագրվում է Գառնիի և Գեղարդավանքի մի խումբ բնակիչների ապաստանելը և եղերական մահը քարանձավներում (տե՛ս նոյն տեղում, էջ 184):

⁵⁵¹ Տե՛ս Զոլայան Մ., Հայ ժողովրդի պատմության հարցերը ըստ Եվրոպացի հեղինակների, էջ 148:

⁵⁵² Տե՛ս նոյն տեղում:

գալստյան լուրն ստանալուն պես շահը «գերի և աւար էառ զաշխարհ Հայոց՝ զԿարսայ յերկիրն գերեցուց և զցորեան և զկալն կրակով այրեաց, որդին կորըստեան: Որ ի յերկրորդում տարին հանց սով եղև Խարս (Կարս – Մ. Մ.) և Արգրում, որ շատ ոք սովամահ մեռան: Եւ [Շ]ահն այրեաց յԱնու (Անի – Մ. Մ.) քաղաքէն մինչև զՃուղայ և զՆախճռւան զամենայն գիւղ և զքաղաք, և զմարդուն լայրվ և ողբով քշեաց ի յԱսպահան»⁵⁵³:

Քաշաթաղի մելիք Հայկազի կողմից ստացված Ավետարանի 1606 թ. հիշատակարանում, ի տարբերություն այլ աղբյուրների, բռնագաղթը ներկայացվում է Զղալօղիին հաղթելուց հետո, իսկ բռնագաղթի օջախն է նշվում Վանից, Մուշից, Արծկեցի, Խլաթից, Աղիլքսազից, Մոկսից, Լաթից մինչև Էրզրում. «Հանեալ տեղացն և Ղարս և անտի բերեալ Երևան, և անտից բերեալ Նախէնան, և բերեալ անցոյց Երասխովն: Եւ բազում ժողովրդոց թափել Երասխին խեղտամահել. ոմն սովամահ եղեալ, ոմն գերայվարեալ, ոմն գշեալ տարան զՂազմին (Ղազին – Մ. Մ.) և զՍպահան: [Ի] Զղոյ մինչև Նախչվան (Նախիջևան – Մ. Մ.), մինչև Երևան (Երևան – Մ. Մ.), մինչև Առզնկան (Երզնկա – Մ. Մ.), մինչև Վան ոչ մնաց շինութիւն: Վա՛յ և եղուկ Հայոց ազգին, որ բռնացնջ եղեն մնաց անմիջթար սուզ, բազումք մնացին քարածինք տեղիս...»⁵⁵⁴: Թեև աշխարհագրական ընդգրկման առումով հիշատակարանի տեղեկությունները համապատասխանում են մյուս աղբյուրների տվյալներին, սակայն բռնագաղթի կազմակերպումը Զղալօղիին հաղթելուց հետո չի հաստատվում այլ աղբյուրներով: Այստեղ, ըստ Երևույթին, հեղինակին մոլորության մեջ է գցել այն հանգամանքը, որ պարսից շահը բռնագաղթի հիմնական ալիքից հետո մի քանի անգամ լրացուցիչ ուժեր է

⁵⁵³ «Հայերեն ձեռագրերի ժեկարի հիշատակարաններ», հ. Ա, էջ 196-197:

⁵⁵⁴ Նոյն տեղում, էջ 206:

ուղարկել՝ տեղերում մնացած բնակիչներին ևս բռնագաղթեցնելու համար:

Առաքել Դավիթիթեցու և Զաքարիա Քանաքեցու տեղեկությունն այն մասին, որ բռնագաղթը և Երասխի գետանցը տեղի են ունեցել Զղալօղլու ժամանումից հետո, հաստատվում է ժամանակակից ձեռագրերի հիշատակարանների տվյալներով: Մոկսի Ծպատ անապատում ընդօրինակված Ավետարանի մեկնության 1604 թ. հիշատակարանում գրիչ Բարսեղ Վարդապետը հաղորդում է, որ Զղալօղլու բանակի՝ Էրզրում հասնելուց հետո պարսից բանակը «սկսեալ ի տանէն Շիրակայ մինչև ի Զուղայ և տունն Գողթնեաց զՀայք բնացինց արարեալ, տարեալ հանին ի խորին Պարսիկս՝ ի Շօշ և յԱսպահան՝ կաթուղիկոսով և եպիսկոպոսօք, քահանայիք և ժողովրդովք, արամբք և կանամբք, ընչիք և գոյիք: Եւ թողին զդաշտն Արարատեան և զՆախչաւան նահանգօքն և զիարթամն ճոխութեամբ զՁուղայ շրջակայիքն ամայի և թափուր ի բնակչացն»⁵⁵⁵: Մոկսում 1605 թ. գրված մեկ այլ հիշատակարանում գրիչ Հովհաննես քահանան, հաստատելով Զղալօղլիի ժամանման լուրից հետո բռնագաղթի արագացման փաստը, գանգատվում է, որ շահը «զամենեսեան գերեցոյց՝ զարս և զկանայս, զծերս և զողայս, և այնչափ քանդեաց և աւերեց, որ զշուն և զկատուն այլ սատակեաց, և զմարդն առաքեաց ի Խուժաստան (Խուզիստան – Մ. Մ.) աշխարհն իրեանց, և Եղեն այն ամենայն քրիստոնեայքն ցիր և ցան մինչ ի Քաշան և յԱսպահան...»⁵⁵⁶: Խիզանում և Սպահանում 1607 թ. գրված Ավետարանի հիշատակարանում գրիչ Խաչատուր Խիզանցին նկարագրում է բռնագաղթը՝ հաստատելով, որ Զղալօղլիի գալուց հետո դեպի Թավրիզ նահանջելիս «զէրսան՝ զՆախչաւան, զՁուղայ՝ զպար-

⁵⁵⁵ «Հայերեն ձեռագրերի ժէ դարի հիշատակարաններ», հ. Ա, էջ 129-130:

⁵⁵⁶ Նոյն տեղում, էջ 181:

ծանք Հայոց ազգիս, և զայլ ամենայն քրիստոնեայքն քանդեաց յիւրեանց տանցն և ի հայրենեացն, և առաքեաց ի Խուժաստան աշխարհն իւր, ի մէջ չար բարբարոսացն և եղեն այն ամենայն քրիստոնեայքն ցիր և ցան մինչև ի Քաջան և ի Սպահան»⁵⁵⁷:

Այժմ մանրամասն անդրադառնանք Երասխի գետանցին:

Փաստորեն, երբ պարսկական բանակը Զուղայում էր, օսմանյան ուժերը հասան Նախիջևան, և շահ Սրասը հրամայեց շտապ անցնել Երասխը: Հրամանը փութով կատարելու համար պարսից բանակը դիմում է դաժանությունների՝ անգամ չխորշելով հոգևորականների սպանություններից: Նավերը չէին բավականացնում, ուստի մեծ մասը ստիպված ոտքով է մտնում գետը: Ըստ Առաքել Դավրիթեցու և դեպքերին ականատես հայ կաթոլիկ հոգևորական Օգոստինոս Բաշեցու (Բաշենցի)⁵⁵⁸՝ լողալու մեջ ոչ հմուտ ծերերը, աղջիկներն ու մանուկները խեղդվում են, շատ աղջիկների փախցնում են զինվորները, մայրերից շատերն ստիպված թողնում են երեխաններին, տկարները լրվում են, իսկ մնացյալ գաղթականության զանգվածից զոհվում են հազարավոր մարդիկ⁵⁵⁹: 1606 թ. Գահիու գյուղում գրված հիշատակարանում Հռվիաննես Երեցը նկարագրում է ընտանիքի անդամների՝ միմյանցից բաժանման սոսկայի դրվագները և հավելում. «ոմանք ի յԱրասխն ջրայիսեղդ առ Աստուած փոխեցան. այլ ոք Մարանդայ սարին անհաղորդ ու անթաղ մնացին»⁵⁶⁰: Նոր Զուղայում 1618 թ. հիշատակարանում Սիմեոն Երեցը գրում է, որ 1604 թ. բռնագաղթի ժամանակ ավերվել են բազմաթիվ քաղաքներ, գյուղեր, եկեղեցիներ, «և շատ գերի վարեաց զազգս Հայոց, և ջրախեղդ եղեալ բազում հոգիք...»⁵⁶⁰: Գ. Բադալյանի հաշ-

⁵⁵⁷ «Հայերեն ձեռագրերի ժէ դարի հիշատակարաններ», հ. Ա, էջ 259:

⁵⁵⁸ Տե՛ս Առաքել Դավրիթեցի, էջ 80-81; Օգոստինոս Բաշեցի, էջ 6:

⁵⁵⁹ «Հայերեն ձեռագրերի ժէ դարի հիշատակարաններ», հ. Ա, էջ 196:

⁵⁶⁰ Նոյն տեղում, էջ 658:

վարկներով՝ բռնի տեղահանվածներից միայն 150-200 հազարն է ողջ մնացել բռնագաղթի երկարատև ու դաժան ճանապարհն անցնելուց հետո, ընդ որում՝ Երասխ գետն անցնելիս մահացել կամ խոշտանգումներով ոչնչացվել են շուրջ 100 հազար հայերի⁵⁶¹: < Առաքելյանը ևս կարծում է, որ Երևանի և Նախիջևանի հայերի մեծ բազմություն հիվանդություններից ոչնչացավ⁵⁶²:

Մայրաքաղաք Սպահանը միջազգային առևտութիւն մեջ ակտիվութեն ընդգրկված տարրով բնակեցնելու համար⁵⁶³ ենօրյա ժամկետում կազմակերպվեց Զուղա գյուղաքաղաքի հայ բնակչության բռնագաղթը: Շրջակա գյուղերի սակավաթիվ մահմեդականները պարսկական բանակի հետ գալիս էին, 10-30 հոգանոց խմբերով ներխուժում հայերի տներ ու թալան անում, ընդ որում՝ հայերը հեռանում էին Զուղայից «ակամայ կամօք»⁵⁶⁴: Զուղայե-

⁵⁶¹ Տե՛ս Բադայան Գ., Հայերի բռնագաղթը Շահ-Աբաս 1-ինի կողմից:

⁵⁶² Տե՛ս Առաքելյան Հ., նշվ. աշխ., էջ 79:

⁵⁶³ Տե՛ս Herzig E., The rise of the Julfa merchants in the late sixteenth century, “Safavid Persia”, edited by C. Melville, London: I. B. Tauris, 1996, էջ 305-322; Լեռ, Խոշայական կապիտալը և նրա քաղաքական-հասարակական դերը հայերի մեջ, Երևան, 1934, էջ 64:

⁵⁶⁴ Առաքել Դավիթիծիցի, էջ 90: Զուղայի գերեզմանատառնը զգալի թիվ են կազմել հատկապես 16-րդ դարի և 17-րդ դարի սկզբի գերեզմանները, ինչը վկայում է բնակավայրի այդ ժամանակահատվածում մեծ բնակչություն ունենալու մասին (տե՛ս Այվազյան Ա., Զուղա, Երևան, 1984): 1581 թ. Զուղա այցելած անգիշտի վաճառական Նյութերին նշում է 3 հազար տուն՝ 15-20 հազար բնակչով ու 7 եկեղեցներով, իսկ 1590 թ. անգլիացի ճանապարհորդ Քարլուայթը՝ 2 հազար տուն՝ 10 հազար բնակչով (տե՛ս Ալիշան Դ., Սիսական, էջ 413): 1673 թ. այդտեղ այցելած Շարդենը գրում է, որ հայերն ասում են՝ Զուղան 4 հազար տուն բնակչություն է ունեցել, սակայն ավերակներից կարելի էր ենթադրել 2 հազար, իսկ իր ժամանակ միայն 30 ընտանիք կար, բոլորն էլ հայ: Շոպենը նշում է, որ Զուղան և Ազուլիսն ունեին համապատասխանաբար 8 և 10 հազարական տուն բնակչություն, և ոչ բերի հողերի պատճառով գրաղվում էին վաճառականությամբ (տե՛ս Առաքելյան Հ., նշվ. աշխ., էջ 30-31, 81): Նոր Զուղայի հիմնադրման ժամանակ բնակություն է հաստատել շուրջ 30 հազար մարդ (տե՛ս «Ուղեգրություններ», հ. 2, էջ 80), ընդ որում՝ Զուղայից վերաբնակվեց 3 հազար հայ ընտանիք (տե՛ս “The Cambridge History of Iran”, Vol. 6, էջ 271):

ցիների համակրանքը ձեռք բերելու համար շահը հրամայում է նրանց երիվաներով և ուղտերով անցկացնել գետը, սակայն ջուղայեցիների պարագայում ևս գերեվարում են երիտասարդ աղջիկներ և տղաներ, շատերը խեղդվում են, «յերկու կողմէ յեզերս գետոյն ցրուեալք էին գէշք և դիք մարդկան խեղդելոց ի ջրոյն»⁵⁶⁵: Շահ Աբասը հրամայեց Թահմազկովի (Թահմասպկովի) բեկին վերադառնալ Զուղա և ոչնչացնել բոլոր շինությունները՝ «ո՞չ բնաւ թողին յարկ ծածկեալ կամ շէն, այլ յաւեր և յապականութիւն դարձուցին»⁵⁶⁶: Երասին անցնելուց հետո Զուղայի գաղթականությանը հանգստի ժամանակ չտրվեց, և եղանակային դժվարին պայմաններում նրանք արագ հասան Թավրիզ, որտեղ Թահմազկովին տեղեկացավ, որ Զուղայի բնակիչների մի մասը տեղափոխվել է Լեռներ, մի մասն էլ՝ առողջական կամ ֆիզիկական տարբեր պատճառաբանություններով մնացել է Զուղայում, ուստի հանձնարարեց Համբամ աղային Զուղայից բերել մնացած մարդկանց: Համբամ աղան հաջորդ գարնանը եկավ Զուղա և կոտորածի սպառնալիքով հրամայեց բոլորին կատարել շահի հրամանը: Լեռներում ու ձորերում ապաստանածներին ևս բերեցին և տարան Թավրիզ, ապա՝ Ղազվին, որի գյուղերում էլ ձմեռեցին և գարնանը գնացին Սպահան⁵⁶⁷: Առաքել Ղավրիժե-

⁵⁶⁵ **Առաքել Ղավրիժեցի**, էջ 91-92:

⁵⁶⁶ Նոյն տեղում, էջ 92: Հմմտ. նոյն տեղում, էջ 88:

⁵⁶⁷ Տե՛ս նոյն տեղում, էջ 92-93: Բռնագաղթի հետագա ուղղությունների, Պարսկաստանում վերաբնակեցման շրջանների, համայնքային կյանքի կազմակերպման, ինչպես նաև բռնի մահմեդականացման փորձերի մասին տեղում, էջ 82, 93-97, 147-191, 346-372; **Զաքարիա Քանաքեռցի**, հ. II, էջ 49; «Հայերեն ձեռագրերի ժեղարի հիշատակարաններ», հ. Ա, էջ 745; հ. Բ, էջ 318-319; **Մարտիրոսյան Հ.**, Հայերի տեղաբաշխումն Իրանում, «Մերձավոր և Միջին Արևելքի երկրներ և ժողովուրդներ», հ. 4, Երևան, 1969, էջ 150-171; **Առաքելեան Հ.**, նշվ. աշխ., էջ 86-88; **Բայրության Վ.**, Իրանի հայ համայնքը, էջ 34-35; **Մինասյան Լ.**, Պատմություն Փերիայի հայերի (1606-1956), Անթիլիաս, 1971; **Բայրության Վ.**, Նոր Զուղա, Երևան, 2007:

ցին վստահեցնում է, որ բազմաթիվ ականատեսներից և հիշատակարաններից տեղեկացել է, թե բռնագաղթի հիմնական այլքից հետո շահը փոքր խմբերով 7-8 անգամ Աստրապատականից տեղափակվել է հայերին⁵⁶⁸:

1611 թ. Զաքարիա Վանեցին նշում է, որ բռնագաղթյալներին Թավրիզ հասցնելիս շահը նախ հրամայում է նրանց բնակվել տեղում կամ գնալ յուրաքանչյուրն իրենց տեղը, սակայն ճանապարհվելիս առաջին 2 օրերի ընթացքում հարձակումների են ենթարկվել քրդական ցեղախմբերի կողմից, շատերը զրկվել կամ գերի են տարվել: Շահը հրամայել է մինչև մարտ մնալ այդտեղ, իսկ հետո տարել է Սպահան⁵⁶⁹: Ըստ Առաքել Դավրիժեցի՝ Նախիջևան քաղաքի ամբողջ բնակչությունը, ի տարբերություն Գողյանի, բռնագաղթի է ենթարկվել առաջին ալիքից հետո՝ բանսարկության արդյունքում, և շահի հրամանով բնակչությունը տարվել է Ֆահրապատ, այգեստաններն ու տները քանովել են, և բնակչների միայն մի փոքր մասն է կարողացել պատսպարվել շրջակա գյուղերում, օրինակ՝ Ագուլսում՝ փրկվելով տեղահանությունից⁵⁷⁰: 17-րդ դարի սկզբին միատարր հայ բնակչություն ունեցող Նախիջևանն ընդգրկում էր Վասպուրականի Նախճավան և Գողյան, Սյունիքի Վայոց ձոր, Ճահովկ, Երնջակ և Ծղուկ գավառները, և բաժանված էր Զուղայի (Ազատ-Զիրանի և Դարաշամբի մահալներ) ու Շահապունիքի (Դարալազյազի մահալ և Սիսականի օլքա) շրջաններից⁵⁷¹: Հ. Փանոսյանը, վկայակոչելով Մատենադարանի № 1294 ձեռագիրը, հաշվարկել է, որ շահ Աբասի կողմից Նախիջևանի երկրամասից բռնագաղթի է

⁵⁶⁸ Տե՛ս Առաքել Դավրիժեցի, էջ 147:

⁵⁶⁹ Տե՛ս «Հայերեն ձեռագրերի ժԷ դարի հիշատակարաններ», հ. Ա, էջ 411:

⁵⁷⁰ Տե՛ս Առաքել Դավրիժեցի, էջ 286:

⁵⁷¹ Տե՛ս «Մատենադարանի ապրուկերեն հրովարտակները», պր. III, կազմեց՝ Ք. Կոստիլյան, Երևան, 2005, էջ 77:

Ենթարկվել ավելի քան 160 հազար հայ⁵⁷²: Հղելով № 4521 ձեռագիրը՝ նա նշում է, որ Ազատ-Զիրանի և Դարաշամբի մահալներից բռնագաղթվել է մոտ 21 հազար տուն հայ՝ Նախիջևանի բնակչության կեսից ավելին, իսկ Դարալազյագի մահալի և Սիսական օլքայի լեռնային հատվածները զերծ են մնացել բռնագաղթից՝ հեռու գտնվելով շահի արշավանքի ճանապարհից⁵⁷³: Հիմք ընդունելով Մատենադարանի № 2494, 3138, 4120 և 6496 ձեռագրերը՝ Հ. Փանոսյանը նշում է, որ Ազատ-Զիրանի մահալի Ազուլիս քաղաքից տեղահանվել է 2,5 հազար ընտանիք (մոտ 15 հազար մարդ), Օրդուքաղից՝ 1,2 հազար ընտանիք (8 հազար մարդ), Զուղայից՝ 2 հազար ընտանիք (մոտ 12 հազար մարդ), Դարալազյագի մահալի կենտրոն Նախիջևանից՝ 5,3 հազար ընտանիք (31,8 հազար մարդ): Նա Մատենադարանի ձեռագրերից դուրս է բերել բռնագաղթի տվյալները գյուղացանկերով՝ 34 գյուղ Ազատ-Զիրանի մահալից (5505 ընտանիք՝ 44711 անդամներով), 25 գյուղ Դարաշամբի մահալից (4000 ընտանիք՝ 33786 անդամներով)⁵⁷⁴: Փաստորեն, այս հաշվարկները ցույց են տալիս, որ ուսումնասիրողը ծիփ և ընտանիքի միջին մեծությունը տարբեր գործակիցներով է հաշվարկել, ուստիև եթե իր իսկ ներկայացրած մոտ 21 հազար տուն հայ բռնագաղթվածներին հաշվարկում ենք մեզ համար ընդունելի 10 գործակցով, ստանում ենք մոտ 210 հազար թիվը, ինչը կարող է չափազանցություն թվալ անգամ ամբողջ բնակչության թվաքանակի համար, բայց համապատասխանում է Երկրամասի բնական պայմանների ընձեռած հնարավորություններին: Այդուհանդերձ, իր իսկ տեղային

⁵⁷² Տե՛ս **Փանոսյան Հ.**, ժողովրդագրական տեղաշարժերը Թուման-է Նախիջևանի Ազատ-Զիրանի ու Դարաշամբի մահալներում (XVII դ. առաջին կես), «Գիտական աշխատություններ», թ. XV, Երևան, 2013, էջ 48:

⁵⁷³ Տե՛ս նոյն տեղում, էջ 50:

⁵⁷⁴ Տե՛ս նոյն տեղում, էջ 50-52:

հաշվարկների հանրագումարում ստանում ենք շուրջ 145 հազար թիվը, որն ավելի իրատեսական է:

Ըստ դեպքերի ժամանակակից Իսբանդար Մոնշիի՝ 1604-1605 թթ. ձմռանը թուրքերի կողմն անցած Մուհամմադ Թաքալուն Նախիջևանին տիրելու համար պայքար է ծավալում պարսիկներին հավատարիմ Մակսուդ-սուլթան Քանգարլուի դեմ՝ զգալի թվով կրվողներ հավաքագրելով Արարատյան կուսակալության տարրեր մահալներից: Սա նշանակում է, որ բռնագաղթից անմիջապես հետո կուսակալությունում պետք է բնակչություն լիներ, որ նրանից էլ հավաքագրում կատարվեր⁵⁷⁵: Այս տեսանկյունից հետաքրքրական է, որ Օգոստինոս Բաջեցին հաղորդում է, թե Նախիջևանի և Երնջակի հայ կաթոլիկների մի մասը կարողացել է պապական դեսպանի միջնորդությամբ վերադառնալ Նախիջևան⁵⁷⁶: <. Փանոսյանը Մատենադարանի № 3478 ձեռագրից դուրս է բերել, որ բռնագաղթից հետո մի քանի տասնամյակների ընթացքում 5 հազար հայ ընտանիքներ տարրեր ճանապարհներով եւտ են եկել Նախիջևանի Ազատ-Զիրանի և Դարաշամբի մահալների հայրենի գյուղեր⁵⁷⁷:

Նոր Զուղայում 1609 թ. գրված Ավետարանի հիշատակարանում ստացող խոչա Տերիջանը թվարկում է ծնողներին, կնոջը, 5 որդիներին (2-ը՝ հանգույցա), եղբորը, 2 քուրերին (1-ը՝ հանգույցա), քրոջ 3 որդիներին (2-ը՝ հանգույցա) և 2 դուստրերին: Ակնհայտ է, որ 7-ական անդամ ունեցող այս ընտանիքներում հանգույցաների մեծ թիվը պետք է պայմանավորված լիներ բռնագաղթի դժվարին ճանապարհով, ընդ որում՝ գրիչ Ստեփանոս քահանան գանգատվում է 1604 թ. բռնագաղթից, երբ շահը

⁵⁷⁵ Տե՛ս **Փափազյան** Հ., Օտար տիրապետությունը Արարատյան երկրում (ԺԷ դ.), էջ 31:

⁵⁷⁶ Տե՛ս **Օգոստինոս Բաջեցի**, էջ 7-8:

⁵⁷⁷ Տե՛ս **Փանոսյան** Հ., նշվ. աշխ., էջ 52, 55:

«սուր հասոյց ի վերայ Հայաստանաց, զոր քակեաց և ալիրեաց զամենայն տունս և բնակութիւնս, զոր փախեալ և թաքեալ ի յամրոցն և ի ծերպս վիմաց, զոմանս գտեալ կոտորեալ, զոմանս գերի վարեալ և առաքեալ ի Շատ քաղաքն Ասպահան...»⁵⁷⁸: Սպահանում բնակվող ոմն Մկրտիչ քահանա 1606 թ. նորոգված «Յայսմատուրք»-ի հիշատակարանում նշում է, որ Գողթն գավառի Դաշտ գյուղից է և 40 տներով հաստատվել են Սպահանում: Նա նաև թվարկում է ծնողներին, կնոջը, 3 որդիներին (1-ը՝ հանգուցյալ), դստերը, 2 եղբայրներին (1-ը՝ հանգուցյալ), 6 քույրերին (5-ը՝ հանգուցյալ)⁵⁷⁹: Այս տան ընտանիքների օրինակով ևս տեսնում ենք մահացածների անսովոր մեծ թիվը, ինչպես նաև նկատում ենք երկու սերունդներում ընտանիքի անդամների համապատասխանաբար 11 և 6 թվերը: Ստացվում է, որ մեր տրամադրության տակ եղած բռնագաղթյալ 4 ընտանիքների անդամների միջին թիվը 7.75 է: Միաժամանակ վերը նշված ընտանիքների պատմության դիտարկմամբ հաստատվում է Գ. Բարյայանի այն կարծիքը, որ բռնագաղթի ենթարկվածների շուրջ մեկ երրորդը ոչնչացել է ճանապարհին:

Մինան փաշայի զորքը Վանի նահանգում բանակելիս սպառեց հայ բնակչության կուտակած պարենամթերքը և թշվառության հասցրեց նրան: Շուտով պարսիկները Վանի մոտ պարտության մատնեցին Սինան փաշային, և պատերազմական գործողությունների պատճառով Վանի նահանգի բնակիչներից շատերը զոհվեցին, գերեվարվելով Թավրիզ տարվեցին մեծ թվով մարդիկ ու անասուններ՝ «ի լիութին ազգին Պարսից»⁵⁸⁰:

Կարևոր նշանակություն ունի շահ Աբասի կողմից բռնագաղթի ենթարկվածների մոտավոր թվաքանակի դուրսբերումը:

⁵⁷⁸ «Հայերեն ձեռագրերի ժէ դարի հիշատակարաններ», հ. Ա, էջ 337-339:

⁵⁷⁹Տե՛ս նույն տեղում, էջ 222-223:

⁵⁸⁰ Առաքել Դավթիթեցի, էջ 99:

Ինչպես արդեն նշել ենք բռնագաղթի տարածքային ընդգրկման հիմնախնդրի առնչությամբ, Աստվածատուր քահանայի 1605 թ. հիշատակարանում⁵⁸¹ բռնագաղթը երկու փուլով է ներկայացվում, մեկը՝ հայ և մահմեդական բնակչությանը Երևանից, Նախիջևանից և Սալմաստից դեպի Թավրիզ՝ այնտեղից հաջորդ տարի միայն հայերին՝ Սպահան, իսկ մյուսը՝ Կարսից, Շիրակից, Արծկեցից, Արճեշից, Բերկրից, Խնուացից՝ 300 հազար հայերի⁵⁸²: Ընդ որում՝ գրիչը պնդում է, որ բռնագաղթայների առաջին ալիքը ճանապարհին հարձակման է Ենթարկվել քուրդ ցեղագետնի կողմից, իսկ երկրորդ ալիքից շատերը զոհ են գնացել պարսից բանակի բռնություններին⁵⁸³: Հայագիտության մեջ շրջանառվող 300 հազար թիվը⁵⁸⁴ գործածության մեջ է մտել հենց այս հիշատակարանի հիման վրա: Ի դեպ, մոտ թիվ է ներկայացնում նաև գերմանացի Կ. Ռիտտերը (24 հազար բռնագաղթված հայ ընտանիք) Գիլան և Սպահան տեղափոխվածների կտրվածքով: < Առաքելյանն այս թիվը ճիշտ համարելու դեպքում, ընտանիքի միջին մեծության 10 գործակցով հաշվելով, մարդկանց թիվը 240-250 հազար է ստանում⁵⁸⁵:

1665 թ. Ստեփանոս քահանայի պատմագրական երկում Սպահանի նահանգում հաշվվում է 12 հազար տուն կամ մոտ 150 հազար մարդ հայ, իսկ Նոր Ջուղայի Ս. Մինաս Եկեղեցում պահվող ժամանակակից մի ձեռագրի հիշատակարանում նշվում է,

⁵⁸¹ Տե՛ս «Հայերեն ձեռագրերի ժեկարի հիշատակարաններ», հ. Ա, էջ 181-183: Հմմտ. «Մի ձեռագիր Աւետարան Զարմահայի Լիվասեան գիտում», սյ. 293-299; «Յուցակ Մայր Աթոռ Ս. Էջմիածնի նոր ստացված ձեռագրերի», էջ 81-88; «Յուցակ Թեհրանի հայերէն ձեռագիրներու», սյ. 95-110; «Ժեկարի մի ձեռագիր Աւետարան», էջ 328-330:

⁵⁸² Տե՛ս «Հայերեն ձեռագրերի ժեկարի հիշատակարաններ», հ. Ա, էջ 182:

⁵⁸³ Տե՛ս նույն տեղում, էջ 182-183:

⁵⁸⁴ Տե՛ս «Հայ ժողովրդի պատմություն», հ. IV, էջ 98:

⁵⁸⁵ Տե՛ս Առաքելյան <, նշվ. աշխ., էջ 94:

որ բռնագաղթի ճանապարհին բազմության շուրջ կեսը մահացել է: Նման պարագայում <. Առաքելյանը մահացածների թիվը 200 հազար է հաշվում, իսկ հայ գաղթականների ընդհանուր թիվը՝ Հայաստանից՝ 400-500 հազար⁵⁸⁶: Ըստ Մ. Կարապետյանի՝ միայն 250 հազարն է հասել Պարսկաստան⁵⁸⁷:

Շրջանառության մեջ է նաև վրացական մի աղբյուրում նշված տարագրյալ ընտանիքների 80 հազար թիվը⁵⁸⁸: Այս տվյալն իրենց աշխատություններում օգտագործել են <. Նաջարյանը, Լ. Դանեղյանը, Մ. Կարապետյանը, Ա. Մելքոնյանը և ուրիշներ: Լ. Դանեղյանը և Մ. Կարապետյանը սրա հիման վրա բռնագաղթյաների թիվը 400-600 հազար են համարել⁵⁸⁹: Ուշադիր ուսումնասիրելով վրացական աղբյուրը՝ կարծում ենք, որ նշված թիվը միայն մասսամբ է առնչվում հայոց բռնագաղթին: Նախ հեղինակը ներկայացնում է թիվը շահ Աբասի կողմից Արցախի գրավումից հետո, այնուհետև գրում. «Ուստու հազար ծուխ վրացիներից, հայերից և հրեաներից, նաև իշխաններին և ազնվականներին տեղահան արին և Մազանդարանում տեղավորեցին և ոմանց այլ երկրները ցրեցին»⁵⁹⁰: Փաստորեն, այս թվի մեջ ներկայացված են նաև վրացիները և հրեաները, քանի որ հետո բռնագաղթի են Ենթարկվել նաև նրանք⁵⁹¹: Կախեթի և

⁵⁸⁶ Տե՛ս Առաքելեան <, նշվ. աշխ., էջ 95-97:

⁵⁸⁷ Տե՛ս Կարապետյան Մ., Երևանի բնակչության..., էջ 98:

⁵⁸⁸ Տե՛ս «Վրաց աղբյուրներ», հ. Բ, էջ 112:

⁵⁸⁹ Տե՛ս Դանեղյան Լ., Հայերի բռնագաղթը Իրան 17-րդ դարում, էջ 72:

⁵⁹⁰ «Վրաց աղբյուրներ», հ. Բ, էջ 112:

⁵⁹¹ Տե՛ս Առաքել Դավիթեցի, էջ 137-139: Սպահանում մոտ 300 տուն հրեա էր ապրում (տե՛ս նոյն տեղում, էջ 363), իսկ Քարթիֆից տարված վրացիները 20 հազար էին (տե՛ս “The Cambridge History of Iran”, հ. 6, էջ 272): Շարդենը խոսում է շերամապահության զարգացման համար Հայաստանից և Վրաստանից Մազանդարանում և Գիլանում տեղավորված 30 հազար քրիստոնյա ընտանիքների մասին: Ըստ նրա՝ միայն Կախեթից Պարսկաստան է տարվել 80 հազար ընտանիք: Մազանդարանում լինելով 1632/1633 թ.՝ նա հանդիպել է Ֆարհարանի հայ-

Գրիմայի բնակչության բռնագաղթի մասին Առաքել Դավիթեցին երկից նշում է, որ կազմվել են ցուցակներ, որտեղ գրառվել են ընտանիքի անդամները և տեղափոխվող ունեցվածքը⁵⁹²: Ակնհայտ է, որ նախապես սահմանված թիվ է եղել, քանի որ պատմիչը նշում է, որ ցուցակներն ընդգրկող մատյանով տեղափոխման գործին անցան այն ժամանակ, երբ բռնագաղթայների թիվն «եղև զբաւ հանելոյն»: Պետք է ենթադրել, որ այս մատյանները հաշվառված են եղել պարսից արքունի դիվանում: Ցավալի է, որ հայոց բռնագաղթը նկարագրելիս Առաքել Դավիթեցին չի խոսում նույնատիպ ցուցակների մասին, ինչը հավանաբար բռնագաղթի հապճեպությամբ է պայմանավորված:

Մ. Զուլայյանը գիտական շրջանառության մեջ է դրել դեպքերին ժամանակակից հիշատակարաններից մեկի տվյալը, որի համաձայն՝ Արևմտյան Հայաստանից Արարատյան դաշտ տարված բնակչության թիվը, առանց սպանվածների ու մահացածների, կազմել է 60 հազար մարդ⁵⁹³: Իրականում հիշատակարա-

եափառությունն և տեղեկացել, որ 400 քրիստոնյա ընտանիքներ էին մնացել վնասակար օդի պատճառով: < Սուպերեանն իրավացիորեն նկատում է, որ 30 հազար հայ և վրացի ընտանիքներ (իր հաշվարկով՝ մոտ 200 հազար մարդ) չեն կարող պարզաբեր բնածնչվել, նրանցից շատերը պետք է վերադարձած լինեն իրենց բնակավայրերը կամ էլ հեռանային այլ տեղեր՝ վկայակոչելով 1636 թ. Շամախի այցելած Աղամ Օլեարիոսի վկայությունը քաղաքում քազմաթիվ հայերի ու հայ եպիսկոպոսի կողմից անցկացվող ջրորինեքի արարողության մասին, ինչպես նաև Շարդենի տեղեկությունները Թիֆլիսից մինչև բուն Պարսկաստան հայերի մեծ թվի մասին տեղեկությունները (տե՛ս **Առաքելեան** Հ., նշվ. աշխ., էջ 89-90, 95, 97):

⁵⁹² 1615-1617 թթ. Վրաց բռնագաղթի մասին տե՛ս «Հայերեն ձեռագրերի ժԵ դարի հիշատակարաններ», հ. Ա, էջ 564, 569-570, 622; «Մարտիրոս դի Առաքելի ժամանակագրությունը», հրատ. Ա. Արքահամյան, «Մատենադարանի գիտական նյութերի ժողովածու», թ. 1, Երևան, 1941, էջ 96:

⁵⁹³Տե՛ս ՄՄ, ձեռ. № 5315, էջ 208 ա-բ (հղումը տե՛ս **Զուլայյան Մ.**, Թուրքաբարսկական պատերազմները Հայաստանում և նրանց հետևանքները (1590-1639 թթ.), «ԼՀԳ», 1966, թ. 2, էջ 85): Մեր կարծիքով՝ հղված ձեռագիրը պետք է

նում 1611 թ. Զաքարիա Վանեցին հաղորդում է, որ Թավրիզից մինչև Էրզրում անմարդաբնակ դարձավ, իսկ միայն Երևանից մինչև Թավրիզ 60 հազար գերի տարան՝ չհաշված սպանվածներին, սովոր մահացածներին, ջրախեղդ եղածներին և ցրտից մահացածներին⁵⁹⁴: Փաստորեն, բռնագաղթյալների թիվը վերաբերում է ոչ թե Արևամտյան Հայաստանին, այլ Երևանից մինչև Թավրիզ բռնագաղթվածներից ողջ մնացածներին:

Իրադարձություններին ականատես պորտուգալացի միսիոներ Գոուվեայի հաղորդմամբ՝ բռնագաղթեցվել է ավելի քան 60 հազար ընտանիք⁵⁹⁵: Ա. Մելքոնյանը, իիմք ընդունելով ընտանիքի անդամների 7-8 թիվը⁵⁹⁶, ինչպես նաև 60 հազար ընտանիքների մասին հիշատակումն ու Աստվածատուր քահանայի կողմից հիշատակված 300 հազար բռնագաղթյալների թիվը, որի մեջ չէին մտնում Երևանից, Նախիջևանից և Սալմատից տարագրվածները, բռնագաղթի ենթարկված հայերի թիվը 420-480 հազար է համարում⁵⁹⁷: Բռնագաղթի առնչությամբ Ա. Մելքոնյանը գրում է. «Հայոց պատմության մեջ իր նախադեպը չունեցող այս բռնագաղթն անդառնայի հարված հասցրեց ամբողջ Հայաստանին՝ լրջորեն փոխելով երկրի ժողովրդագրական պատկերը: Հայկական բազմաթիվ գավառներ միայն տասնամյակներ

լինի № 5345, ինչպես հրատարակվել է Վ. Հակոբյանի և Ա. Հովհաննիսյանի կողմից:

⁵⁹⁴ Տե՛ս «Հայերեն ճեռագրերի ժԷ դարի հիշատակարաններ», հ. Ա, էջ 412:

⁵⁹⁵ Տե՛ս Յօվու Γ., նշվ. աշխ., էջ 468; Զովայան Մ., Հայ ժողովրդի պատմության հարցերը ըստ Եվլոպացի հեղինակների, էջ 149; **Baghdiantz McCabe I.**, նշվ. աշխ., էջ 54:

⁵⁹⁶ Տե՛ս Մելքոնյան Ա., Էրզրումի նահանգի հայ ազգաբնակչությունը XIX դարի առաջին երեսնամյակին (պատմաժողովրդագրական ուսումնասիրություն), Երևան, 1994, էջ 112: Խ. Ժողովյանը բռնագաղթի ենթարկված ընտանիքների անդամների թիվը 6-10 է դիտարկում (տե՛ս **Tololyan Kh.**, նշվ. աշխ., էջ 39), ուստի այս պարագայում ևս միջինը 8 կարելի է դիտարկել:

⁵⁹⁷ Տե՛ս «Հայոց պատմություն», հ. II, գ. II, էջ 629:

անց կարողացան մասնակիորեն վերականգնել իրենց նախկին ժողովրդագրական վիճակը: Եղան նաև գավառներ, որոնք ընդհուպ մինչև XIX դարը մնացին ամայի: Հենց այդ ժամանակաշրջանում էլ լայն թափ ստացավ Հայկական լեռնաշխարհի տեղանունների օտարացման գործընթացը: Հայկական տեղանունները կա’մ ուղղակի թարգմանվեցին թուրքերեն, կա’մ նրանց տրվեցին օտար անվանումներ»⁵⁹⁸:

Շահ Աբասի կազմակերպած բռնագաղթի և զուգահեռ գործընթացների առնչությամբ հետաքրքիր տեղեկություններ ենք գտնում մի Ավետարանի 1604 թ. հիշատակարանում: Գրիչ Հակոբ երեցը հաղորդում է, որ շահ Աբասն ավերեց «զՀայոց աշխարհу՝ Առգրումայ մինչև ի Շրվան (Շիրվան – Մ. Մ.)», այնուհետև շարունակում է. «Յուսմանլուն, Գանճայու ղուվն Բ [2] անգամ գնաց ի Երկիրն Գեղամայ, բազում գերիս գեր[ե]աց՝ ի քահանայի[ց] և սարկաւարաց, Աւեդարանաց և ի գրոց: Տարան ի քաղաքն Գանձակոյ վաճառեցին որդիքն ի վեր[այ] հարցն, կինն ի վերայ յայրոն, որն Ճ (100) մարչի, որն Ծ (50), այլ աւել և պակաս: ...Եղան սով հացի և աղի. Ելաւ որ մէկ հոդված աղն Ա (1) շահի, չէր անգանիլ ի մարդի յափ: ...Հայոց ազգին խաւար Եղան»⁵⁹⁹: Գեղամա «պարոնաց պարոն» Մելիք Շահնազարի պատվերով նորոգված Ավետարանի 1606 թ. հիշատակարանում նորոգող Դավիթ Եպիսկոպոսի կողմից նկարագրվում են շահ Աբասի գործողությունները՝ նշելով, որ Երևանի գրավումից հետո շահը գնաց «մինչև ի սահմանս Կարսայ բերդին, Ելին զալքն Պարսից, աւերեցին բազում Երկիրս, և գերեցին բազում քրիստոնեայս յաւելի քան գերկու բիւրս (ընդգծումը մերն է – Մ.Մ.)»⁶⁰⁰:

⁵⁹⁸ «Հայոց պատմություն», հ. II, գ. II, էջ 629-630:

⁵⁹⁹ «Հայերեն ձեռագրերի ԺԷ դարի հիշատակարաններ», հ. II, էջ 134:

⁶⁰⁰ Նոյն տեղում, էջ 217-218: Հիշատակարանում ասվում է, որ Երբ Զղալօղին ժամանեց, շահը հրամայեց Ամիրգունա խանին հանել «զամենեսեան ի տանէ և

Շատ հետաքրքիր տեղեկություններ են ներկայացվում Գեղարքունիքի՝ բռնագաղթի մեծ ալիքից գերծ մնալու վերաբերյալ: Այսպես, երբ շահը հեռանում է «Երկրէս Հայոց», օսմանյան բանակը շարժվում է «ի վերայ մնացելոցն՝ Երկրին Գեղամայ, որ ոչ կարացին տանել ազգն Պարսից»⁶⁰¹: Հետագայում ձմեռային հարկերը գանձելու համար Երնջակից Ամիրգունա խանն ուղարկել է Դատարեկ զրուավարին, որը կոտորել է Կոթ գյուղի բնակիչներին: Գարնանը Մելիք Շահնազարը կոչ է արել հարևան տարածքների բնակչությանն ապաստանել իր մոտ և ինքն ամրացել է Շարում ու Տպելում, և նրա հետ գնացածները «գերծան ի սրոյ և ի գրութենէ այլազգեաց»⁶⁰²: Թեև Բ. Ուզուարյանը կարծում է, որ բռնագաղթին Ենթարկվել են նաև Գեղամա ու Ծարի գավառների բնակիչները⁶⁰³, սակայն Պ. Չոբանյանը, հենվելով վերոնշյալ սկզբնադրյուրի վրա, իրավամբ կարծում է, որ Ծարի իշխանությունը թուրք-պարսկական պատերազմներում սովորաբար գերծ է մնացել ռազմական գործողություններից, գերեվարությունից և սովից, նույնիսկ Գեղարքունիքի մնացած հատվածներից հաճախ այստեղ են ապաստանել, ընդ որում՝ այն, որ Ծարը, մասնավորապես՝ Հաթերքը, գերծ է մնացել օսմանյան ներխուժումից, հաստատվում է նաև 1620 թ. իշխատակարանով⁶⁰⁴:

ի հայրենաց հրեանց՝ Հայը և Տաճիկը, Շիրակվանայ մինչև գաւառս Գողթան՝ հապճառության պայմաններում երթեմն նույնիսկ չթողնելով ծերերին և մանուկներին վերցնելու: Խոսվում է Երասխի գետանցից չտուժելու մասին, սակայն դա միայն Զոտային էր վերաբերում:

⁶⁰¹ Նոյն տեղում, էջ 218:

⁶⁰² Այդուհանդերձ, մի քանի օր անց Գանձակից և Լոռից օսմանյան բանակը հարձակվել է Գեղարքունիքի ուղղությամբ, ոմանց կոտորել են, ոմանց գերեվարել (3 անգամ): Առաքել Դավիթիթեցու հաղորդումը Մազրայում շահի և մելիքի հանդիպման մասին այս իշխատակարանով հաստատվում է (տե՛ս նոյն տեղում, էջ 218-219):

⁶⁰³ Տե՛ս Ուզուարյան Բ., Խաչենի իշխանությունը X-XVI դարերում, էջ 370:

⁶⁰⁴ Տե՛ս Չոբանյան Պ., Քարվաճառի եթնիկ դիմագծի հարցի շուրջ, էջ 214-216:

Արևելյան Հայաստանում հայ բնակչությունը տուժել է ոչ միայն բռնագաղթից, այլև շահի ռազմերթերից: Զակամի Ղարամուրատ գյուղում 1610 թ. գրված հիշատակարանում գրիչ Դավիթ Եպիսկոպոսը շարունակում է ներկայացնել շահի՝ Գանձակի և Վրաստանի ուղղությամբ արշավանքը՝ նշելով, որ երբ օսմանյան բանակը հասավ Գանձակի մոտերքը, Աղլաբար և Չաթախ գյուղի բնակիչները հեռացան Ղարամուրատ գյուղ, և նախորդ գյուղը դատարկվել է⁶⁰⁵: Շարունակվել է Արևմտյան Հայաստանից գերեվարումների միտումը: Ամիդում նորոգված ծեռագրի հիշատակարանում նկարագրվում է 1609 թ. Տարոնից պարսկական զորքերի կազմակերպած գերեվարություն, օրինակ՝ ծեր կրոնավոր գերեվարվեց և զոհվեց⁶⁰⁶:

Վրաց բռնագաղթից հետո՝ 1618 թ., ըստ Առաքել Դավիթիցու, շահ Աբասը ևս մեկ անգամ «վարեաց զազգս Հայոց յԱլտրապատական աշխարհէ՝ ի Պարսկաստան... յոլով անգամ...», այնուհետև «գնացին նորին իշխանքն բազում զօրօք ի քաղաքն Երևան և ի գաւառս նորա, ի Գանջայ և ի գաւառս նորա, ի Թարվէզ և ի գաւառս նորա, յԱրտաիլ և ի գաւառս նորա, և սկսան բննութիւն և որոնումն առնել ի մէջ ազգին Հայոց, թէ որ ոք իցէ բնիկ բնական ի հարց և ի հաւոց տեղական, և որ ոք ոչ է, այլ յայլմէ աշխարհէ Եկամուտ և ժողովածու: զբնիկսն թողին, և գեկամտացն զամենեցուն զանուանսն գրեցին ի քարտիսի, և կա-

⁶⁰⁵ Տե՛ս «Հայերեն ծեռագրերի ժեկարի հիշատակարաններ», հ. Ա, էջ 367-368: Գանձակի գրավումից հետո գավառի ջեկիրու սուննի մահմեդականների ցեղը բնաջնջվել է շահ Աբասի կողմից (տե՛ս Առաքել Դավիթիթեցի, էջ 113-114):

⁶⁰⁶ Տե՛ս «Հայերեն ծեռագրերի ժեկարի հիշատակարաններ», հ. Ա, էջ 397: Ամիդում 1616 թ. գրված Ավետարանի հիշատակարանում գրիչ Հովհաննեսը զանգատվում է շահի քաղաքականությունից՝ ասելով, որ շահը «յառաջն սակաւ մի լաւութիւն արար և յետոյ յոյժ չարացաւ, այս շահ Ապաս թագաւորն Պարսից: Եւ այսպէս զՀայաստան երկիրս կոխան առնելով աւերեցին, զոր ոչ կարեմ զամերումն ընդ գրով արկանել...» (նոյն տեղում, էջ 595-596):

ցուցին ի վերայ նոցա յազգէն Հայոց պետս և վերակացուս և ան-
ուանեցին զնոսա Մելիք, և նոցա յանձնեալ աւանդեցին զամե-
նայն ժողովուրդսն, զի թէ ոք պակասեսցի ի գրեալ ժողովրդոցն
փախստեամբ կամ այլով կերպի, նոքա գտեալ ածցեն ի գու-
մարս ժողովրդոցն, և թէ ոչ գտցեն, ինքեանք լիցին պարտաւորք
թագաւորին և արժանիս սպանանելոյ: Արդ՝ այսպիսի օրինակաւ
զամենեսեան հանին ի բնակեալ տեղեացն, և վարեալ տարան ի
Պարսկաստան»⁶⁰⁷: Քարագործ վարպետներին զատեցին բնա-
կեցրին Սպահանում (գավուրի՝ զրադաշտականների մեջ՝ շի-
նարարական աշխատանքների համար, իսկ մնացյալ ավելի քան
10 հազար տուն հայերը բնակեցվեցին Ֆահրապատ քաղաքում
և նրա գյուղերում, սակայն բնակլիմայական պայմանների և ար-
տագաղթի անթույլատրելիության պատճառով Առաքել Դավրի-
ժեցու ժամանակ նրանցից հազիվ 400 տուն էր մնացել⁶⁰⁸: Հիմք
ընդունելով 10 հազար տուն մարդկանց մասին այս հիշատակու-
մը՝ Հ. Նաջարյանը կարծում է, որ տեղահանվել է շուրջ 50 հա-
զար հայ, ընդ որում՝ բռնագաղթի են Ենթարկվել, ըստ նրա, ոչ
թե տեղաբնիկները, այլ Երևան, Գանձակ, Թավրիզ, Արդարիլ և
հարևան շրջաններ այլ տարածքներից վերաբնակվածները⁶⁰⁹: Այս 50 հազարը հայագիտության մեջ մեծ տարածում ունեցող
300 հազարին գումարելով է, որ ուսումնասիրողների մի մասը
հակված է բռնագաղթի Ենթարկվածների թիվը 350 հազար հա-
մարել⁶¹⁰: Վերահաշվարկելով այս տվյալը մեզ համար ընդունելի
10 գործակցով՝ ստանում ենք ավելի քան 100 հազար թիվը, ուս-
տի 350 հազար թիվը ևս չի դիմանում քննությանը:

⁶⁰⁷ **Առաքել Դավրիժեցի,** էջ 355-356:

⁶⁰⁸ Տե՛ս նոյն տեղում, էջ 356-357:

⁶⁰⁹ Տե՛ս **Նաջարյան Հ.**, Թուրք-իրանական հարաբերությունները..., էջ 230:

⁶¹⁰ Տե՛ս նոյն տեղում, էջ 209; **Հակոբյան Թ.**, Հայաստանի պատմական աշ-
խարհագրություն, էջ 368:

Ստորև ներկայացված աղյուսակում փորձել ենք ի մի բերել բռնագաղթի ենթարկված բնակչության թվաքանակի վերաբերյալ սկզբնաղբյուրներում առկա տվյալները.

Աղյուսակ 1

	Սկզբնաղբյուրում նշված դարածքը (համարմամբ համապատասխանեցված)	Բռնագաղթված հայ բնակչությունի թվաքանակը
1	Արևմտյան Հայաստան (Կարս, Շիրակ, Արծիվ, Արճիշ, Բերկրի, Խնուս ևն)	300 հազ.
2	Արարատյան կուսակալություն	առնվազն 60 հազ.
3	Նախիջևանի Երկրամաս	145 հազ.
4	Արարատյան կուսակալություն, Գանձակի նահանգ, Ասրավատական (Երկրորդ փույ)	100 հազ.
	Ընդհանուր	605 հազ.

Ստացված թվի պարագայում մեզ համար լիովին ընդունելի է դառնում Ա. Մելքոնյանի կողմից հաշվարկված 420-480 հազար թիվը, որը, հիմնված լինելով Գոռվեայի տվյալների վրա, ցոյց է տալիս ողջ մնացածներին: Հաշվի առնելով նաև տարրեր ուսումնասիրողների տեսակետը, որ բռնագաղթյաների մոտ մեկ երրորդը զոհվել է մինչև մշտական բնակչության նոր վայր հասնելը, կարծում ենք, որ բռնագաղթյաների ընդհանուր թիվը կազմել է առնվազն 605 հազար, որից շուրջ 420 հազարը վերաբնակության սկզբնական շրջանում դեռևս ողջ է մնացել: Հետագյում բնակլիմայական պայմանների պատճառով նրանց մի մասը վախճանվել է, իսկ մի փոքր մասն էլ իսլամացման է ենթարկվել:

Թեև սկզբնաղբյուրներում բռնագաղթյաների թվում հիշատակվում են երբեմն նաև «տաճիկը», ավելի հազվադեպ՝ հրեաներ, սակայն մեր կողմից բերված ընդարձակ մեջբերումներից և եվրոպացի հեղինակների տվյալներից ակնհայտ է, որ բռնագաղթի ենթարկվածների գերակշիռ մեծամասնությունը եղել է հայ բնակչությունը: Անշուշտ, ահոելի թիվ են կազմել նաև վրա-

ցիները, սակայն նրանց բռնագաղթը Սեֆյանների ժողովրդագրական քաղաքականության հաջորդ շրջափուլում էր:

Այսպիսով, 17-րդ դարի սկզբին տեղի է ունեցել հայ բնակչության՝ նախադեպը չունեցող բռնագաղթ Հայաստանից: Բռնագաղթն ընդգրկել է Հայաստանի զգայի մասը՝ Ուրմիո լճի արևմուտքից մինչև Վանա լճի արևելյան և հյուսիսային ափեր, Գանձակից ու Սևանա լճից մինչև Կարս և Էրզրում, ընդ որում՝ բռնագաղթի մայր օջախ են Եղել Բասենից ու Կաղզվանից մինչև Արարատյան ու Նախիջևանի դաշտերը, որոնք առավել տուժած շրջաններն էին: Բռնագաղթի Ենթարկվեց 600 հազարից ավելի հայ, ընդ որում՝ Արարատյան կուսակալությունում մինչև բռնագաղթը կային 20 խոշոր քաղաքներ (Երևան, Նախիջևան, Շարուր, Ագուլս և այլն) և շուրջ 1500 գյուղեր՝ շատ դեպքերում յուրաքանչյուրը 400-500 բնակչությամբ⁶¹¹: Ստացվում է, որ վարչամիավորի լոկ գյուղական բնակչության թիվը հասնում էր մինչև 600-750 հազարի, ուստի միանգամայն հնարավոր է բռնագաղթալների թիվը շուրջ 600 հազարի շրջանակներում դիտարկելն անգամ միայն Արարատյան կուսակալության շրջանակներում հարցը քննելիս: Չմոռանանք, որ ըստ Սիդոնի Եպիսկոպոսի մի գրության՝ 1587 թ. «Սեծ Հայք» կաթողիկոսի իրավասության ներքո, առանց Աղթամարի և Գանձասարի կաթողիկոսություններին Ենթակա շրջանների (Վանա լճի ավագան, Արցախ, Ու-

⁶¹¹ Տե՛ս ԷՅՈՎԵ Ղ., նշվ. աշխ., էջ 467: Հետաքրքիր է, որ թուրք ուղեգիր Էվլիյա Զելեբիի հաղորդմամբ՝ Յուսուֆ փաշայի օրոք, այսինքն՝ 16-րդ դարի վերջին օսմանյան տիրապետության շրջանում Երևանի հողում յուրաքանչյուր գյուղ վեր է ածվել մի խոշոր քաղաքի (տե՛ս «Թուրքական աղբյուրներ», հ. Գ, էջ 82): Փաստորեն, ի տարբերություն միջազգային առևտուրի ուղիներից հետու գտնվող շրջանների, առևտրական ուղիների վկա գտնվող բնակավայրերը, օրինակ՝ Երևանը, Նախիջևանը, Ագուլսը և Ջուլսն, չնայած օսմանյան հարկային քաղաքականությանը, այդուհանդեռ տնտեսական մեկ օրգանիզմի պայմաններում շատ արագ վերականգնվել են ավերածություններից և գերեվարումներից ու ձեռք են բերել իրենց նախկին մարդաշատությունը:

տիք), կար ավելի քան 260 հազար հայ ընտանիք⁶¹² (ավելի քան 2 մլն մարդ): Բացի այդ, ինչպես հաշվարկել էինք նախորդ գլուխ վերջում, 16-րդ դարի վերջին և 17-րդ դարի սկզբին Հայաստանում հայ բնակչությունը պետք է լիներ առնվազն 4 մլն, ուստի բռնագաղթալերի թվաքանակը չի հակասում Հայաստանի բնակչության հնարավոր թվին՝ միաժամանակ աղետալի լինելով իր ծավալներով (բնակչության ավելի քան 15 %-ը):

2.3. Մեծ սովոր (1606-1609 թթ.)

17-րդ դարի սկզբին Հայաստանում տեղի են ունենում ժողովրագրական մի քանի աղետներ, որոնցից իրենց սուսկալի հետևանքներով առանձնանում են պարսից շահ Աբա Ա-ի կողմից 1604 թ. կազմակերպված բռնագաղթը և 1606-1609 թթ. համատարած սովոր: Սույն հատվածում սկզբնաղյուրների քննությամբ ներկայացնում ենք սովորի պատճառները, ժամանակագրական և տարածքային ընդգրկումն ու հետևանքները:

Սովորի պատճառների մեջ առանձնանում են՝

1. 1596-1610 (1591-1611) թթ. Զալալիական շարժումը Օսմանյան կայսրությունում,

2. 1603-1618 թթ. թուրք-պարսկական պատերազմի ակտիվ գործողությունների առաջին փուլը (1603-1606 թթ.) Հայաստանի տարածքում, այդ թվում՝ 1604 թ. բռնագաղթի ընթացքում ցանքատարածությունների ոչնչացումը,

3. 16-17-րդ դարերի սահմանագլխին եղանակային պայմանների փոփոխությունը և մորեխների պոպուլյացիայի ակտիվացումը:

⁶¹²Տե՛ս Կարապետյան Մ., Երևանի բնակչության..., էջ 97:

ա) Զալալիական շարժման ազդեցությունը սովի առաջացման վրա: Առաքել Դավրիժեցին սովի առաջնային պատճառ է համարում Զալալիական շարժումը: Հետաքրքիր է, որ նրա երկի 7-րդ գլուխը վերնագրված է՝ «Յաղագս յայտնելոյ Զալալոցն եւ սաստիկ սովուն եւ մարդակեր գայլոցն, եւ այլ եւս աւարառութեանցն՝ որք ժամանեցին ի վերայ աշխարհի»⁶¹³: Հայ պատմագրի նմանօրինակ մոտեցումը միանգամայն ընդունելի է ժամանակակից հետազոտող Ս. Ուայթի համար, որն իր ուսումնասիրության մեջ շեշտում է հայ հեղինակի՝ առաջնային սկզբնաղբյուր լինելու հանգամանքը⁶¹⁴:

«Զալալիների» շարժումն իր անվանումն ստացել է 1519 թ. Թոխատում հակակառավարական ապստամբական ելույթ կազմակերպած ալմի քարոզիչ, շեյխ Զալալի (Զելալի) անունից: Օսմանյան կայսրությունում հետսուվեյմանյան ժամանակաշրջանում խորացող տնտեսական ճգնաժամը (դրամի արժեզրկումը և կենտրոնացված հարկման ծանրացումը), օսմանյան էֆենդիական խավի տնտեսական և ենիշերիների քաղաքական գորեղացումը, դևզիրմեթի (մանկահավաքի) համակարգի քայրայմանը զուգընթաց մահմեդական միջին հողատերերի ռազմական ուժի շահագործումը, ինչպես նաև հարկան պետություններում առկա հասարակական-քաղաքական խնդիրներն այնպիսի մտայնություն էին առաջացրել օսմանյան թիմարների (տարեկան 20 հազար ակչեցից պակաս հարկ վճարելու պարտավորությամբ պարգևական հողերի) տեր սիպահիների շրջանում, թե իրենց նվազող դիրքերը հնարավոր է ամրապնդել ռազմական գործողություններ իրականացնելով⁶¹⁵: Սա, բնականաբար, դիտվելու էր որ-

⁶¹³ Առաքել Դավրիժեցի, էջ 103:

⁶¹⁴ Ste'v White S., Նշվ. աշխ., էջ 183-184:

⁶¹⁵ Ste'v Griswold W. J., The Great Anatolian Rebellion (1000–1020/1591–1611), Islam-kundliche Untersuchungen, Vol. 83, Berlin: Klaus Schwarz Verlag, 1983, էջ 27-78:

պես կենտրոնական իշխանությունների դեմ անհնազանդություն: Նման մտայնությունը համակեց նախևառաջ կայսրության փոքրասիական նահանգները, որտեղ թիմարներ ունեցող առաջնորդներին հաճախ տանում էին իրենց հողերից հեռու՝ Եվրոպական երկրների դեմ պատերազմներու: Թեև Ա. Տվերիխինովան և Մ. Չովալյանը ջալալիների գործողությունները համարում են օսմանյան իշխանությունների դեմ ուղղված գյուղացիական շարժում⁶¹⁶, այդուհանդերձ Ա. Աբրահամյանն իրավացիորեն կարծում է, որ ջալալիների շարժումը գյուղացիական չէր⁶¹⁷: Եվ իսկապես, շարժումն արտահայտում էր միջին հողատերերի շահերը օսմանյան կենտրոնական իշխանության ժամանակավոր թուղարժան պայմաններում՝ ծանր դրության մեջ դնելով հատկապես ոչ մահմերականներին, այդ թվում՝ հայ բնակչությանը: Սկիզբ առած զանգվածային թալանը, հարկային լրացուցիչ պարտավորությունները, այնուհետև՝ համատարած սովոր և ժանտախտի համաճարակն ստիպում են հայ բնակչությանը դիմել զանգվածային արտագաղթի:

Ջալալիական շարժումն ընդգրկում էր Փոքր Ասիան, Ռումելին, Սիրիան, Իրաքը, Արևմտյան Հայաստանը, որոնցում տընտեսական կյանքը, հատկապես՝ առևտուրը և գյուղատնտեսությունը խաթարվել էին⁶¹⁸: 17-րդ դարի թուրք պատմագիր Քյաթիր Զելեբին «Ֆեզլեբե» աշխատության առաջին հատորում նկարագրում է ջալալիական շարժման առաջին ալիքը և Կարա Յազդ-

⁶¹⁶Տե՛ս **Тверитинова А.**, Восстание Кара Языджи – Дели Хасана в Турции, Москва–Ленинград, 1946, էջ 59, 71, 78; **Չովալյան Մ.**, Ջալալիների շարժումը և հայ ժողովորդի վիճակը Օսմանյան կայսրության մեջ, էջ 130-131, 139, 217-218:

⁶¹⁷Տե՛ս «Հայերեն ծեռագրերի ժեղարդի հիշատակարաններ», հ. Ա, էջ ԺԴ (առաջաբան):

⁶¹⁸Տե՛ս «Թուրքական աղբյուրներ», հ. Բ, էջ 75: Տե՛ս նաև **Չովալյան Մ.**, Արևմտյան Հայաստանը XVI-XVIII դդ., էջ 135-147:

Զիի⁶¹⁹ ապստամբությունն Ուրֆայում 1596-1601 թթ.⁶²⁰, այնուհետև՝ Դելի Հասանի ելութը⁶²¹: Ըստ թուրք հետևակի՝ այս ապստամբությունների հետևանքով գրեթե կրկնակի արժեզրկվել են օսմանյան ակչեն և ղոփուշը⁶²²: Նրա հավաստմամբ՝ ջալայիական շարժումը 7-8 տարի է տևել՝ մինչև 1607 թ., որի հետևանքով Օսմանյան կայսրության արևելքում երթևեկությունը խանգարվել է 15 տարով⁶²³: Սա հանգեցնում էր նշված տարածքներով միջազգային առևտորի խաթարմանը:

Առաքել Դավիթիցու բնորոշմամբ՝ Յազդիի և Հասանի ապստամբությունների հետևանքով Ամիդից (Դիարբեքիրից) կես օրվա տարածությունից հետո մինչև Կոստանդնուպոլիս ավերակ էր⁶²⁴: Աշխատության մեկ այլ հատվածում պատմիչը ևս մեկ անգամ նշում է, որ ջալայինների ավերածությունների պատճառով Կոստանդնուպոլիսից մինչև Երեվան ավերակ էր դարձել, և այս պատճառով «հողագործք և երկրագործք՝ որը յիւրաքանչիւր տեղիս գոյին, յերկիւլէ և յահէ սոցա փախուցեալը ի բերդս և ի դրեակս, և ի փապարս լերանց ամրանային». և ոչ կարէին առնել զերկրագործութիւն, վասն որոյ սերմանել և հնձել և կալ և կուտքարձաւ ամենակին: Եւ սկսաւ լինիլ սղութիւն հացի և ամենայն ուտելի իրաց և ո՛չ գտանիլ. և թէ ուրեք ուրեք ևս գտանիլ, և այն

⁶¹⁹ Կարա Յազդին հայկական, օսմանյան և Եվրոպական սկզբնադրյուններում հիշատակվում է նաև «Կարա Յազիջի», «Կարա Յազիճի», «Կարա Յազրի», «Կարա Յազդի», «Ղարա Յազիջի», «Ղարա Յազիճի», «Ղարա Յազրի», «Ղարա Յազիճի» և նմանատիպ այլ ձևերով: Մենք առաջնային ենք համարել թուրքական սկզբնադրյուններում օգտագործվող գրելածներ, քանի որ Կարա Յազդին օսմանյան իրականության ներկայացուցիչ էր:

⁶²⁰ Տե՛ս «Թուրքական ադրբյուններ», հ. Բ, էջ 79-81:

⁶²¹ Տե՛ս նոյն տեղում, էջ 82-85:

⁶²² Տե՛ս նոյն տեղում, էջ 80:

⁶²³ Տե՛ս նոյն տեղում, էջ 82, 84:

⁶²⁴ Տե՛ս Առաքել Դավիթիցու, էջ 429:

ևս ծանր գնոյ»⁶²⁵: Փաստորեն, ջալալիների շարժման պատճառով անձի ապահովությունից գրկված գյուղացիությունը դուրս չէր գալիս դաշտ, ջալալիները չէին թողել նաև անասուն և սերմացու: Այս ամենը հանգեցրել էր ապրանքների բազմակի գնաճի, հատկապես՝ հացի և աղի, ընդ որում՝ այն ընդգրկել էր թե՛ Արևելյան և թե՛ Արևմտյան Հայաստանը⁶²⁶:

Այս իրավիճակը հանգեցրել էր և՛ միջազգային առևտորի, և՛ գյուղատնտեսական գործունեության արգելակմանը: Քանի որ մարդու սննդի առնվազն 80 %-ն ուշ միջնադարում ստացվում էր հողից⁶²⁷, հողագործական աշխատանքների խափանումը կարող էր հանգեցնել ժողովրդագրական մեծ աղետի՝ համատարած սովի: Ավելին, առևտորային կապերի խզումն իր հերթին գրկում էր սննդի և այլ ռեսուրսների այլնտրանքից, ինչը ևս սովի առաջացման նպաստավոր պայման էր:

17-րդ դարի թուրք պատմագիր Կոչի բեյը ներկայացնում է տնտեսական կյանքի վատթարացման ազդեցությունը ժողովրդագրական գործընթացների վրա՝ նշելով, որ ջալալիական շարժումն ընդգրկել է Անատոլիայի, Կարամանի, Սեբաստիայի, Մարաշի, Հալեպի, Դամասկոսի, Ուրֆայի, Դիարբեքիրի, Էրզրումի, Վանի և Մոսովի նահանգների գյուղերն ու գյուղաքաղաքները, որոնք ավերվել են. «Վրանաբնակները և թուրքմեն ցեղերը, հպատակությունից դուրս գալով, աղքատ ռայաների նկատմամբ ծայր աստիճանի բռնություններ գործադրեցին, որի պատճառով բազմաթիվ գյուղեր ավերվեցին»⁶²⁸: Ռայաների, այսինքն՝ ոչ մուտու-

⁶²⁵ Առաքել Դավիթիծից, էջ 108:

⁶²⁶ Տե՛ս «Հայերեն ծեռագրերի մեջ դարի հիշատակարաններ», հ. Ա, հիշատակարաններ № 166, 224, 244, 254, 345, 354, 366, 549: Վերջինս Ազարիա Սասնեցու կողմից գրված հիշատակարանն է, որ քանից հովել է Մ. Զովայանի աշխատություններում:

⁶²⁷ Տե՛ս Բառ Մ., նշվ. աշխ., էջ 18-19, 22-23:

⁶²⁸ «Թուրքական աղբյուրներ», հ. Բ, էջ 231:

ման հպատակների վիճակի մասին շարունակելով խոսել՝ նա արձանագրում է, որ նրանք հարկատու են, ուստի նրանց ապահովությունը պետք է իբր երաշխավորված լինի արդարադատությամբ, «իսկ ներկայումս աշխարհը քայլայված է, ույաները ցրված են, գանձարանը դատարկ է...»⁶²⁹: Այսպիսով, թուրք հեղինակը ցույց է տալիս ջալալիական շարժման բացասական ազդեցությունը ոչ մուտքաման, հետևաբար և հայ բնակչության ժողովրդագրական գործընթացների վրա: Պատահական չէ 17-րդ դարի հայ մատենագիր, եկեղեցական գործիչ Գրիգոր Դարանացին նշում, որ ջալալիների շարժումից առանձնակի տուժել է «տառապեալ վշտատես ազգաց (ազգս – Մ.Մ.) Հայոց աշխարհին»⁶³⁰: Համանման տեղեկություններ է հաղորդում նաև Անաքել Դավիթիծեցին:

Հայկական աղբյուրներում ջալալիների մասին հիշատակումներն ի հայտ են գալիս 1591 թ.: 1611 թ. մի հիշատակարանում ջալալիների շարժումը ներկայացվում է 1591-1611 թթ.⁶³¹: Ավելի ուշ շրջանի մի աղբյուրի՝ Անանուն Վանեցու տարեգրության (18-րդ դար) համաձայն՝ Քոռօղլին, Գգիրօղլին և շատ ուրիշներ 1591 թ. ջալալի դարձան⁶³²: Մեկ այլ, անորոշ հիշատակում կա 1596 թվին. «...ջալալի (ջալալին – Մ. Մ.) Ելաւ յիւր աշխարհն ահ և փախ ի գեղ և ի գաւառ, և թալան շատ գործեցաւ...»⁶³³: Ի սկզբանե հիշատակությունների զգալի մասն առնչվում էր Արևմբույան Հայաստանի արևմտյան վարչամիավորներին: Սակայն վերը վկայակոչված 1611 թ. հիշատակարանում նշվում է անսովոր տարածք, մասնավորապես՝ Իբրահիմ բեկը 6 տարի ավե-

⁶²⁹ «Թուրքական աղբյուրներ», հ. Բ, էջ 232:

⁶³⁰ Գրիգոր Դարանացի, էջ 125-126:

⁶³¹ Տե՛ս «Հայերեն ծեռագրերի մեջ դարի հիշատակարաններ», հ. Ա, էջ 437-448:

⁶³² Տե՛ս «Մանր ժամանակագրություններ», հ. 1, էջ 355:

⁶³³ Նոյն տեղում, էջ 173:

րածություններ է կատարել Մուշում, ոմն Շարաֆ թալանել է Երևանը և Մշո դաշտը⁶³⁴: Բարերդում ընդօրինակված ձեռագրի 1638 թ. հիշատակարանում ջալալիների շարժման սկիզբ է նշվում 1603 թ.⁶³⁵, ինչը, անշուշտ, բխում է տեղական առանձնահատկությունից: Այսօրինակ հիշատակությունները ցույց են տալիս ջալալիական շարժման ժամանակագրական ընդգրկման և ասպատակիչ գործողությունների աշխարհագրության ընդարձակումը: Արդի ուսումնասիրություններում ջալալիական շարժումը թվագրվում է 1596-1610 թթ.⁶³⁶, թեև դրանից առաջ (1591 թ.) և հետո (1611 թ.) առկա են դրվագային հիշատակություններ թե՛ օսմանյան և թե՛ հայկական սկզբնադրյութներում:

Պարսից շահ Աքաս Ա-ի կողմից «զբաժին արևելեայ աշխարհիս», այսինքն՝ Արևելյան Հայաստանն ավերելու, «սկսեալ ի Կոստանդնոպոլսէ մինչ ի յԵրևան քաղաք» օսմանյան ավերածությունների և ջալալիների «ի կողմանս երկրին Օսմանցոց» առավել ասպատակելու հետևանքով Առաքել Դավրիժեցին թվարկում է 1599-1605 թթ. շուրջ երկու և կես տասնյակ ջալալի հրամանատարների անուններ՝ հազարավոր մարտիկներով: Նրանցից առաջինը խոսում է Կարա Յազըջի մասին, որը Ուտհայից, Թոփսատից, Սեբաստիայից, Պրոռապից, Անկյուրիայից և այլ վայրերից երկու տարվա խարացի հարկ է վերցրել⁶³⁷: 1600 թ. կառավարական բանակը՝ վեզիրի ղեկավարությամբ, Ուտհայից ուղարկվում է Ամիդ՝ Յազըջու դեմ, իսկ վերջինս, Ամիդից դուրս գալով, «ի Կոստանդնոպոլսէ մինչև Յամիթ (յԱմիդ – Մ.Մ.) գեաւու և քաղաք շին չեթող զամէնն աւերեց»⁶³⁸: Խաղալու գյու-

⁶³⁴ Տե՛ս «Հայերեն ձեռագրերի ժեղարի հիշատակարաններ», հ. Ա, էջ 437-448:

⁶³⁵ Տե՛ս «Հայերեն ձեռագրերի ժեղարի հիշատակարաններ», հ. Բ, էջ 723-724:

⁶³⁶ Տե՛ս White S., նշվ. աշխ., էջ 185:

⁶³⁷ Տե՛ս Առաքել Դավրիժեցի, էջ 107-108:

⁶³⁸ «Մանր ժամանակագրություններ», հ. 2, էջ 515: Հմմտ. էջ 516-518:

ղում ընդօրինակված Շարակնոցի 1601 թ. հիշատակարանում Կարապետ Երեցը խոսում է Կարա Յազրջի կողմից քրիստոնյաների հալածանքների մասին⁶³⁹, իսկ Վասպուրականի Կարմրավոր վանքում ընդօրինակված ժողովածոլի 1603 թ. հիշատակարանում նշվում է Խիզանի Ս. Հակոբ վանքի առաջնորդ Ստեփանոս Եպիսկոպոսի սպանության մասին⁶⁴⁰:

Փաստորեն, ջալալիկան ապստամբական ելույթներն ուղեկցվել են թալանով և ջարդերով: 1601 թ. Կարա Յազրջին ջարդ կազմակերպեց Սեբաստիայում, 1602 թ. շարժվեց Թոխատ, Չելա, Ամասիա, Մարզվան, թալանեց Եկեղեցական սպասք, գերեվարեց պատանի տղաների, և Թոխատի բնակիչները շուրջ 3 ամսով հեռացան քաղաքից⁶⁴¹: Խիզան քաղաքում ընդօրինակված ձեռագրի 1603 թ. հիշատակարանում նշվում է, որ Կարա Յազրջին Թոխատն ավերեց, շատերին գերեց կամ սպանեց⁶⁴²: 1603 թ. Թոխատում Ստեփանոս Թոխատեցու հիշատակարանում ասվում է. «Զ (6) Է (7) տարու ի վեր տղակներն զամէնն առին և հազուցին. զի մինչև հ՛՛՛ (20000) տղայ առեր էին ի հայէ և ի տաճկէ. և բազում սարկաւագունք և տոլվաթորաց տղայք տարան և զծնօղսն աղէխարշ արարին»⁶⁴³: Սեբաստիայում և Խիզանում ընդօրինակված ձեռագրի 1603 թ. հիշատակարանում նշվում է, որ Յազրջին Սեբաստիայում ավելի քան 20 հազար մարդ կոտորեց, 800 «անմեղ տղայս ի Հայոց և ի Հռոմոց գերի վարեաց»⁶⁴⁴: 1604 թ. մի հիշատակարանում էլ ասվում է, որ Կարա Յազրջին Սեբաստիայի գրավումից հետո «անխնայ

⁶³⁹ Տե՛ս «Հայերեն ձեռագրերի ժԵ դարի հիշատակարաններ», հ. Ա, էջ 40-41:

⁶⁴⁰ Տե՛ս նոյն տեղում, էջ 115-117:

⁶⁴¹ Տե՛ս «Մանր ժամանակագրություններ», հ. 1, էջ 160:

⁶⁴² Տե՛ս «Հայերեն ձեռագրերի ժԵ դարի հիշատակարաններ», հ. Ա, էջ 114-115:

⁶⁴³ Նոյն տեղում, էջ 125-126:

⁶⁴⁴ Նոյն տեղում, հիշատակարան № 138: Հմմտ. № 354:

կոտորեաց բազում քրիստոնեայս և զմանկունս նոցա գերի տարեալ... ամայի մնաց Սեփաստիայ (Սեբաստիայ – Մ.Մ.) թեմովն և վիճակովն բազում ժամանակս, բայց գոհանամք զԱստուծոյ, զի յետ սակաւ ժամանակի եղև կրկին խաղաղութիւն, որ ցրուեալ և ճապաղեալ ժողովուրդն հաւաքեցան ի թվին ՌԾԳ (1604)»⁶⁴⁵: Փաստորեն, Կարա Յազրշիի ելույթն ուղեկցվել է Փոքր Հայքի և Հայոց Միջագետքի հայ բնակչության թալանով, սպանություններով, գերեվարություններով, ընդ որում՝ գերեվարվել են հիմնականում պատանի տղաները, որոնց հնարավոր էր օգտագործել կառավարական ուժերի դեմ ռազմական գործողությունների ժամանակ:

Հայ հեղինակները գանգատվում են ոչ միայն Կարա Յազրշիի, այլև այլ ջալալիների գործողություններից: 1606 թ. հիշատակարանում Կիրակոս Երեցը բողոքում է ջալալի Թավովի գործունեությունից՝ «զԴ (4) կորլմանս աշխարհիս աւերեց և այրեց զամէն քաղաք և զգիւղս. և գերի տարաւ զամէն ազգ թէ՛ հայ, թէ՛ տաճիկ. ո՞վ կարէ պատմել զանալունութիւնն սորա ի սովոյ և ամենայն իրաց»⁶⁴⁶: 1606 թ. մեկ այլ հիշատակարանում ասվում է, որ Խարբերդի գավառում Թավովը «Ե (5) ամիս ի դաշտըն նստաւ, զգեղորայքն այրեց, շինութիւն պակասեցաւ»⁶⁴⁷: Ըստ Առաքել Դավիթեցու՝ Թավովի գործողություններից սումել է ոչ միայն Խարբերդի գավառը, այլ նաև Բալլոն⁶⁴⁸: Տրապիզոնում 1608 թ. գրված Ավետարանի մեկնության հիշատակարանում նշվում է Թավովի՝ նաև Երզնկա և Տարոն ներխուժմելը⁶⁴⁹: 1608 թ. մեկ այլ հիշատակարանում էլ փաստվում է ավելի քան 20 հազար մարդու կոտորած ջա-

⁶⁴⁵ «Հայերեն ձեռագրերի ժէ դարի հիշատակարաններ», հ. Ա, էջ 132-133:

⁶⁴⁶ Նոյն տեղում, էջ 237-238:

⁶⁴⁷ Նոյն տեղում, էջ 215:

⁶⁴⁸ Տե՛ս Առաքել Դավիթեցի, էջ 479:

⁶⁴⁹ Տե՛ս «Հայերեն ձեռագրերի ժէ դարի հիշատակարաններ», հ. Ա, էջ 293-295:

լալիների կողմից⁶⁵⁰: Զալալիների գործած ապօրինությունների հետևանքներն այնքան սարսափելի էին, որ անգամ շուրջ մեկ հարյուրամյակ անց հայ մշակութային գործիչ, մատենագիր, մաթեմատիկոս և աստղագետ Ավետիք Տիգրանակերտցին (17-րդ դարի երկրորդ կես – 18-րդ դարի առաջին կես) ավարառուական կենցաղ ունեցող աֆրիկյան մի ցեղի, որ բնակվում էր Եգիպտոսից հարավ, բնութագրում է հետևյալ կերպ. «...ցանել Վարել չգիտեն, արուեստ և բանել չգիտեն. այլ են որպէս վայրի գազան և անասուն... **ճալալու են** (ընդգծուած մերն է – Մ.Մ.), զայլոց վաստակ կու խլեն»⁶⁵¹:

Հետաքրքիր է, որ, ըստ Ա. Տվերիտինովայի և նրան հետևող Մ. Զովալյանի, 1608-1610 թթ. ջալալիական շարժումները ղեկավարում էին արար և քուրդ առաջնորդներ⁶⁵²: Ինչպես նկատել է Ա. Հովհաննիսյանը, Երևանի՝ նովյանիկ դեռևս 1604 թ. գրավմանը պարսից գործի շարքերում մասնակցած թյուկենջի և գյորդուպաք կոչվող 3 հազար ջալալիների մի մասը, ըստ Նայիմիի ժամանակագրության ուղղակի և Առաքել Դավիթիթեցու անուղղակի (շահ Արաս Ա-ի մոտ ապաստանած քրդերը) տեղեկության, քրդեր էին⁶⁵³: Արևմտյան ուսումնասիրողների մեծ մասը, հիմք ընդունելով օսմանյան սկզբնադրյուխների տեղեկությունները, շարժման մասնակից զանգվածներին համարում է թյուրքալեզու, մասնավորապես՝ թուրքմենական կիսաքոչվորական ցեղերի ներկայացուցիչներ, որոնց մասին, սակայն, հիշատակություններն առավել հաճախ են Արևմտյան Հայաստանից արևմուտք

⁶⁵⁰ Տե՛ս «Հայերեն ձեռագրերի ժեղարակարաններ», հ. Ա, հիշ. № 388:

⁶⁵¹ «Քազմավէպ», 1897, թիվ 10, էջ 461-462: Տե՛ս նաև **Միրզոյան Հ.**, XVII դարի հայ փիլիսոփայական մտքի բննական վերլուծություն, Երևան, 1983, էջ 40:

⁶⁵² Տե՛ս **Զովալյան Մ.**, Զալալիների շարժումը և հայ ժողովորի վիճակը Օսմանյան կայսրության մեջ, էջ 139-140, 219-220:

⁶⁵³ Տե՛ս **Հովհաննիսյան Ա.**, Դրվագներ հայ ազատագրական մտքի պատմության, հ. 2, էջ 81:

ընկած փոքրասիական տարածքներում: Այնուամենայնիվ, ջալալիական շարժումն էթնիկականացնել հնարավոր չէ, քանի որ այն էթնիկական որևէ կոնկրետ հենարան չուներ և համալրվում էր մահմեդական այլայլ ցեղերից:

Զալալիական շարժման ժողովրդագրական գլխավոր հետևանքը ոչ այնքան բազմաթիվ զրիերն ու գերեվարվածներն էին, որքան սովոր, որի մասին հիշատակումներն ի հայտ են գալիս դեռևս 1601 թ., երբ Կարա Յազդիին Սեբաստիայում կողոպուտ և կոտորած արեց, ինչի պատճառով էլ սով սկսվեց⁶⁵⁴: Հիշատակումները շատանում են 1604 թ., երբ Զալալիական շարժմանը գումարվում է թուրք-պարսկական հերթական պատերազմը: Խիզանանում խոսվում է Երկրի վիճակի մասին՝ սով, գերություն, կոտորած, ավերածություն, գիշակերություն, մարդակերություն, և Սեբաստիայի կողմերում «բազումք սովամահ եղեն»⁶⁵⁵: Մոլոք Ծպատ անապատում ընդօրինակված Շարակնոցի 1604 թ. հիշատակարանում Գրիգոր աբեղան գրում է, որ «Նեղիմք ի սովոյ և ի սղութենէ հացի և ի հարկապահանջութենէ այլազգեաց»⁶⁵⁶: Վարդան Բաղիշեցու Ժամանակագրության (17-րդ դար) համաձայն ևս 1604 թ. «Եղև սով սաստիկ մինչ զի կերին մարդիկ զծի և զջորի այլ և զմիմեանս ևս»⁶⁵⁷: Մոլոք գավառակում գրված և Խիզանանում ծաղկեցված Ավետարանի 1605 թ. հիշատակարանում գրիչ Հովհաննես քահանան գանգատվում է ծանր հարկապահանջությունից և գրում. «Եւ է սղութիւն մեծ...»⁶⁵⁸: ...ի Սևաս-

⁶⁵⁴ Տե՛ս Առաքել Դավիթիժեցի, էջ 477:

⁶⁵⁵ «Հայերեն ծեռագրերի ժեւ դարի հիշատակարաններ», հ. Ա, էջ 136-137:

⁶⁵⁶ Նոյն տեղում, էջ 152-153:

⁶⁵⁷ «Մանր ժամանակագրություններ», հ. 2, էջ 394:

⁶⁵⁸ Մեր կողմից բաց թողնված հատվածում նշվում են պարենային ապրանքների գները:

տու Երկիր (իմա՝ Սեբաստիայի նահանգ – Մ.Մ.) շատք զտղայք կերան, և ի մեր Երկիրս և ի ծովուս բոլորն ժ (10) օր խոտով և բաջարով (բանջարով – Մ.Մ.) անցուցանէին, և բազումք սովամահ եղեն»⁶⁵⁹: 1605 թ. մի հիշատակարանում նորոգող Թումա Երեցը գրում է, որ կատարել է իր գործը «ի դառն և ի նուրբ ժամանակիս՝ ի սով, և ի սուր, և ի մահտարաժամ ատենիս, որ ուտէին զամենայն գարշելիս, և զպիդն շուն, և զկատու, և զմիս մեռելոց ուտէին, հայր և մայր իրեանց զաւակն ուտէին»⁶⁶⁰: Մոկսի Սեպ գյուղում 1605 թ. ընդօրինակված Ավետարանի հիշատակարանում գրիչ Մխիթարը գանգատվում է հարկապահանջությունից, հացի թանկացումից և սղությունից, պարսից բանակի՝ Վանի վրա հարձակումից և արյունահեղությունից⁶⁶¹: Փասունքնեն, վերջին հիշատակարանի հեղինակը խոսում է սովի մեկ այլ պատճառի՝ թուրք-պարսկական պատերազմի մասին ևս:

թ) Թուրք-պարսկական պատերազմական գործողությունների ազդեցությունը սովի առաջացման վրա: Զայլիական շարժմամբ հարուցված սովն ավելի մեծ ընդգրկում է ստանում օսմանյան զորահրամանատար Զղալօղի Սինան փաշայի՝ պարսկական արշավանքից դեպի Վան գալուց հետո, Երբ նախ իր զորաշարժը, ապա պատասխան պարսկական ներխուժումն ու Վանի նահանգի հայ բնակչության կորուստները սովի խորացման պատճառ են դառնում: Արտամետում 1605 թ. ընդօրինակված Ավետարանի հիշատակարանում գրիչ Կարապետ Երեցը ներկայացնում է, որ Զղալօղին շահ Արասի դեմ մարտերից հետո Վան վերադառնալիս «աւերեաց զՎանայ աշխարհն (իմա՝ Վանի նահանգը – Մ.Մ.) զամեն...: ... Զայն ժամ սովն կալաւ զարարածս, որ Եղիս քիլայ ցորեան [ի ութ ափասի], [ապա] գնող կէր և ծախող

⁶⁵⁹ «Հայերեն ձեռագրերի ժէ դարի հիշատակարաններ», հ. Ա, էջ 180:

⁶⁶⁰ Նոյն տեղում, էջ 179:

⁶⁶¹ Տե՛ս նոյն տեղում, էջ 191-192:

չկէր... Որ ի սովու կերան հայք զշուն և զկատու, Եշ և ծի և կաշիք նոցա: Աղքատք ժողովէին գերեք չորս տարու չոր ոսկերներն և սղկէին և ոտեկին և կոտորոց կոտորոց մեռանէին... Որ կերաւ մայր զորդին, հայրն ծախեաց զորդին Բ (2) կորեկ հաց, որ մեռան ի սովու հազարք հազարաց և բիլք բիլորոց...»⁶⁶²: Գրիչը ներկայացնում է նաև սովի պատճառով սկիզբ առած արտագաղթի մեծ ալիքը և սովյալների զանգվածային մահացության որոշ վիճակագրություն. «Եւ այն, որ մնաց փախեան ի Զգիրէն (Զեգիրէն – Մ.Մ.), ի Բաղդատ և յԱրաբստան, ի յԱսորեստան (իմա՝ Ասորիք – Մ.Մ.), ի Թալիք, ի Ղազմին (Ղազմին – Մ.Մ.) և ի Խորասան և ի Գուշըրստան (իմա՝ Վրաստան – Մ.Մ.), և Խազարէն (հազարէն – Մ.Մ.) մէկ չի դարձօ ի յետս, ամեներեան մեռան ի ղարիբութիւն: [Որ] ի Զգիրէն ի քաղաքն միայն իրեցներն [խսապ] արին ամենքն զիւթեանց թաղածն՝ ԽՌ (40000) մարդ էր մեռեր, թո՞ղ զայն որ ի բուքն խեղրեցան և կամ ի գետն անկան և թո՞ղ զայլ քաղցոնէքն (քաղաքն – Մ.Մ.), որ ի Սալմատայ մինչև ի Գուշըրստան և մինչև յԸստամբուլ և հիախակողմով մինչև յԱմիթ (յԱմիթ – Մ.Մ.) և յԱլապ (ի Հալէպ – Մ.Մ.) եղին անմարդաբնակ, որ առջը և գայլը, խոզը և մարդակերքն ի շուր գային»⁶⁶³: Այստեղ հիշատակվող

⁶⁶² «Հայերեն ծեռագրերի ժԵ դարի հիշատակարաններ», հ. Ա, էջ 193-194: Հմմտ. «Մեղու Հայաստանի», 1876, թիվ 38, էջ 2-3; **Տեր-Ավետիսյան Ս.**, Գործ Դյուգա, Տბիլիսի, 1937, ս. 48-49; **Բարիսուտարեանց Մ.**, Արցախ, Բագու, 1895, էջ 297-298:

⁶⁶³ «Հայերեն ծեռագրերի ժԵ դարի հիշատակարաններ», հ. Ա, էջ 194: Հմմտ. «Մեղու Հայաստանի», 1876, թ. 38, էջ 2-3; **Բարիսուտարեանց Մ.**, նշվ. աշխ., էջ 297-298: Ի դեպ, Վ. Հակոբյանը և Ա. Հովհաննիսյանը 244 համարի ներքո հրատարակած այս հիշատակարանում մահացածների համար նշել են ՈՒս թիվը, որը չի համընկնում փակագծերում նշված 40 հազարի հետ: Քանի որ ծեռագիր Ավետարանը կորած է համարվում, ուստի անճշտության պատճառը հասկանալու համար մենք դիտարկել ենք հիշատակարանի սկզբնական հրատարակությունները: Առաջին անգամ 1876 թ. այն հրատարակել է Աղեքսանդր Արարատյանը, որին Ավետարանը ցուց է տվել Գանձակի Փիր գյուղի հոգևորական S. Պողոս քին. Մամիկոնյանը: Հրատարակության մեջ նշված է ոչ թե ՈՒս, այլ՝ ԽՄ:

բոլքը լրացուցիչ հանգամանք կարող էր լինել սովոր խորացման համար: Բացի այդ, Կարապետ երեցը փաստում է, որ օսմանյան իշխանություններն անգամ այդ սոսկայի իրադրության պայմաններում աշխատում էին պարենավորման խնդիրը լուծել հայ բնակչության հաշվին. «Եւ այն անօրէն և պիղծ գազանաբարույ ազգն Հռոմեցիքն (իմա՝ օսմանյան բանակը – Մ. Մ.) բռնէին զմարդիքն Հայոց, չարչարէին և գնոսա ամաւթն ծամէցնէին և ասէին «Մեզ հաց և զահրա տուէք». և նոքա ոչ ոնէին զատ որ տային նոցա [և] չարաչար մահուամբ սպանանէին զիայս»⁶⁶⁴: Գրիչը, ինչպես ուշմիջնադարյան արևմտաեվրոպական հետինակները Եվրոպայում բռնկված սովի և համաճարակների պարագայում, այս ամենը համարում է մեր մեղքերի համար աստվածային պատիժ և նշում, որ Աստված «յառաջ երեր զիսաշանց մահն, որ երեկ յարևելից և գնաց մինչև ի մուսու արևու, ի հիւսիսոյ ի հարաւ....: Ամէն յիննըսէն մէկն մնայ: ...Եւ յետոյ երեր զմարդկային պատուհասն, որ ի սովու կերան զմիմեանս..., որն մեռան կրուան, որն թուրքացան (ընդգծումը մերն է – Մ.Մ.), և որն փախան, այլ ոչ դարձան իրենց տեղն....: Մինն ի բազմաց եղկելի գծողս էր, որ առի զընտանիքն իմ և գնացի ի Զգիրէն»⁶⁶⁵: Այս հիշատակարանից պարզ է դառնում, որ սովի և ժանտախտի տարածմանը զուգընթաց տարածում է ունեցել դրանց հետ առաջին հայացքից որևէ կապ չունեցող թուրքացման կամ մահմեդականացման գործընթացը, ինչը պայմանավորված էր ապրուսի նվազագույն միջոցների հասանելիության՝ կրոնական պատկանելությամբ տարբերակված լինե-

(տե՛ս «Մեղու Հայաստանի», 1876, թ. 38, էջ 2): Խո՞ է նշված նաև երկրորդ հրատարակությունում (տե՛ս **Քարխուտարեանց Մ.**, նշվ. աշխ., էջ 297): Քանի որ առաջին երկու հրատարակիշները Ավետարանը տեսնելու հնարավորություն են ունեցել, ուստի հատկածը մեջբերելիս գրել ենք նրանց հրատարակած տվյալը:

⁶⁶⁴ Նոյն տեղում:

⁶⁶⁵ Նոյն տեղում: Գրիչը ներկայացնում է, որ օտարության մեջ վախճանվել են կինը, եղբայրը, հարսները, որդին և դուստրերը:

լու հետ, որը փաստվում է նաև մեր մեջբերած մյուս հիշատակարանների տվյալներով:

Սովոր աշխարհագրական ընդգրկման տեսանկյունից ուշագրավ է, որ 1601 թ. այն հիշատակվում էր միայն Սեբաստիայի նահանգում, իսկ 1604-1605 թթ.⁶⁶⁶ նույն նահանգում, ինչպես նաև ջալալիական շարժման մնացյալ օջախներում (հատկապես՝ Հարավարևմտյան Հայաստանում ու Հայոց Միջագետքում) և հատկապես թուրք-պարսկական պատերազմական գործողությունների թատերաբեմում գտնվող Վանի նահանգում:

1606 թ. սկսած՝ սովոր մասին հիշատակումներն աղբյուրներում սովորական երևույթ են դառնում՝ ընդգրկելով Հայաստանի գրեթե ողջ տարածքը: 1606 թ. մի հիշատակարանում խոսվում է հայոց ազգին համակած սովոր և գերեզմանների մասին. «Ահա Գ (3) ամ է որ իբրև զուռ (զուտի – Մ.Մ.) կը դողամք ի շահէն Պարսից: Եւս առաւել զայս տաին (տարին – Մ.Մ.), թէ որպիսի սով եղև ի Խարսայ (Կարսայ – Մ.Մ.) քաղաքին և իւր բոլոր գաւառքն: Հանց սով եղև որ շուն և կատու ուտէին, բայց յետոյ մեռանէին»⁶⁶⁶: Այս հիշատակումը կարևոր է նաև այն տեսանկյունից, որ փաստում է 1555 թ. Ամասիայի հաշտությամբ Կարսի չեղոք գոտու ամայացումից և 1604 թ. շահ Արասի կողմից նույն տարածքից շուրջ 20 հազար մարդկանց բռնագաղթից⁶⁶⁷ հետո Կարս քաղաքում և նրա գավառներում բնակչության առկայության մասին, ինչը հաճախ կասկածի տակ է դրվել թուրք պատմաբանների կողմից:

1606 թ. սովոր մասին հիշատակումները ոչ թե սահմանա-

⁶⁶⁶ «Հայերեն ձեռագրերի ժէ դարի հիշատակարաններ», հ. Ա, էջ 236: Մարտիրոս Խալիֆայի ժամանակագրությամբ (18-րդ դար) ևս փաստվում է, որ 1606 թ. «մեծ սով անկաւ, որ շուն և կատու կերին, նաև մարդագայլըն երևեցան» («Մանր ժամանակագրություններ», հ. 2, էջ 482):

⁶⁶⁷Տե՛ս Առաքելեան Հ., նշվ. աշխ., էջ 63-64:

փակվում են ջալալիական շարժման մայր օջախով կամ թուրք-պարսկական պատերազմների անմիջական թատերաբեմով, այլ աչքի են ընկնում Հայաստանի և հարակից տարածքների համընդհանուր ընդգրկմամբ: Հակոբ Կարնեցին իր ժամանակագրության մեջ գրում է. «Ի թվականութեանս մերում ՌՅԵ (1606) սով սաստիկ է եղեար, որ մարդ զմարդ, շուն և կատու կերեալ են ի վերին աշխարհս⁶⁶⁸ բովանդակ՝ Յանկիլրու և Ղայսարու (Կեսարիոյ – Մ.Մ.) հետ մինչև ի Թարվէզ (Թարէզ – Մ.Մ.), Վան և Բաղէշ, Համթայ սանճախն (Ամդայ սանջակն – Մ.Մ.), բոլորն Գ(3) տարի»⁶⁶⁹: Անանուն ժամանակագրության (17-րդ դար) համաձայն՝ 1606 թ. «խիստ սով եղև ի քաղաքն Վան և Յարզռում... և այնչափ մարդ ջարդեցաւ ի սովուն, որ ոչ կարէին թաղել...: ...Դարձեալ ի սոյն թուին սաստիկ սով եղև յԸստամպօլու մինչև ի Թավրէզ, ի Բաղրադայ մինչև ի Դամուր ղափին...»⁶⁷⁰: 1606 թ. մեկ այլ հիշատակարանում պարսկա-օսմանյան արյունահեղ բախումների ընթացքում խոսվում է պարսից քանակի կողմից Վանի ուղղությամբ արշավանքի սոսկալի հետևանքների մասին, քանզի «քազում կոտորում արաց հայ ու տաճիկ, քազում քահանայթ, քազում գերիք տարան, որ թիւն ու համարն չիմացանք», և Զդալոյլիի՝ դեափ Ամիդ նահանջից հետո Ամիդից մինչև Թավրիզ հացահատիկի դաշտերի ոչնչացման պատճառով հացի սոսկալի գնաճ գրանցվեց, ու այնպիսի սով սկսվեց,

⁶⁶⁸ Հակոբ Կարնեցին «Վերին Աշխարհ» կամ հատկապես «Վերին Հայք» անունով է հիշատակում Էրզրումի նահանգը: Սա բխում է Մեծ Հայքի Բարձր Հայք նահանգի անվանումից (առավել մանրամասն տե՛ս **Մալխասյան Մ.**, Հակոբ Կարնեցու «Տեղագիր Վերին Հայոց» երկը՝ պատմաշխարհագրական հետազոտությունների սկզբանաբյուր, էջ 110-125):

⁶⁶⁹ «Մանր ժամանակագրություններ», հ. 1, էջ 239:

⁶⁷⁰ «Մանր ժամանակագրություններ», հ. 2, էջ 283: Դամուրը քաղաք էր Միջերկրական ծովի արևելյան ափին, որն այժմ կազմում է Լիբանանի մայրաքաղաք Բեյրութի ազլումներացիայի մի մասը:

որ, հիշատակարանի հեղինակի պատկերավոր ծևակերպմամբ, մինչև իսկ մի տեղում 15 հոգու էին թաղում⁶⁷¹:

1606 թ. սովի մասին հիշատակումներում առանձնանում է Վանի նահանգը: 1606 թ. գրված Յայսմատուրքի հիշատակարանում գրիչներ Ստեփանոսը և Կարապետը ներկայացնում են շահ Աբասի բռնագաղթից հետո թուրք զորահրամանատար Զղալօղի փաշայի կողմից ռազմական գործողությունների ծավալման ժամանակ հանդիպած դժվարությունները. «Եւ սարտարն գնացեալ ի վերայ աւեր տեղացն ի վեր, և խիստ նեղացեալ. զի աւուրք աշնանային էր՝ ծիւն և ցուրտ խիստ, դարձաւ յետ»⁶⁷²: Նա ստիպված ծմեռում է Վանում, իսկ նրա դեմ հաջորդ տարի ուղարկված Ալահվերդի խանը «երեք սօլթանով» պաշարում է Վանը և 1606 թ. հուլիսի 26-27-ը «քան զիազարն աւելի քրիստոնեայք սրախոհոյ (սրախողխող – Մ.Մ.) արարին, և կամ քանի կին և անմեղ տղայք գերի վարեցին ի քրիստոնէից»⁶⁷³: Թավրիզի մատուցներում օսմանյան բանակի պարտությունից հետո «եղև սով սաստիկ և թանգութիւն (թանկութիւն – Մ.Մ.) յերկիրն Վանայ, յԱրծկէ, յԱրճէշ, և ի Խլաթ, ի Բաղէշ, ի Հիզան (Խիզան – Մ.Մ.), ի Մոկս, ի Շատախ: Ամենեքեան բէզար եղէն ի տանց և ի բնակութեանց իւրեանց. և ցրեցան յաշխարիէ յաշխարի, և անկաւ մահ ի վերայ նոցա՝ ընդ որ գնացին ամենեքեան մեռան»⁶⁷⁴: Այս հիշատակա-

⁶⁷¹ Տե՛ս «Հայերեն ծեռագործի մէջ դարի հիշատակարաններ», հ. Ա, էջ 205:

⁶⁷² Նոյն տեղում, էջ 211:

⁶⁷³ Նոյն տեղում:

⁶⁷⁴ Նոյն տեղում, էջ 211-212: Գրիչները նկարագրում են հացահատիկի գնաճը և ամենուրեք վրա հասնող մահվան սովորական տեսարանները: Վանի Եկեղեցիներին 1606 թ. նվիրաբերված մի Ավետարանի հիշատակարանում գրիչ Հովհաննես վարդապետը ներկայացնում է Զղալօղիի՝ Թավրիզից Վան վերադարձից հետո հացահատիկի գնաճի և սովի մասին, գրում, որ մարդիկ վաճառում էին իրենց այգիները, տները և սրբությունները, ինչպիսին 1573 թ. այդ Ավետարանն էր, որ Վանում ուն Սմբատ գնել էր: Գրիչն ասում է, որ շահը Արարատյան երկրի, այսինքն՝ Չուխուր-Սաադի բեկարբեկության «զժողովուրդն զամենեսեան ա-

րանի տեղեկություններից ակնհայտ է, որ սովին և ժանտախտին գուգահեռ մեծ թափ էր առել զանգվածային արտագաղթը:

1606 թ. ընդօրինակված Շարակնոցի հիշատակարանում ասվում է, որ Սեֆյանների բանակի հակահարձակման ժամանակ Վանում «զբազում կոտորեաց ի յայլազգեաց և քրիստոնէից», իսկ օսմանյան բանակի պատասխան արշավանքի ժամանակ ավերածությունների օջախն է դարձել Աղբակն իր շրջակա տարածքներով⁶⁷⁵: Խիզանում և Վանում գրված Յայսմատուրքի 1606 թ. հիշատակարանում Սարգիս գրիչը վերը նշված հիշատակագիրների պես գանգատվում է սովից, զանգվածային սպանություններից ու գերեվարություններից, գյուղերի ավերումից, բնակչության պարբերական տեղաշարժերից, Կոստանդնուպոլիսից մինչև իր հայրենի գավառ ավերակ վիճակից, հացահատիկի, այլուրի, յուղի և առաջնային սպառման այլ մթերքների գնաճից, դրա հարուցած սովից և բարձր մահացությունից՝ արձանագրելով, օրինակ՝ միայն մեկ դրվագում միանգամից 12 հոգու մահ⁶⁷⁶: Փաստորեն, թուրք-պարսկական պատերազմի ակտիվ փուլն ուղղակիորեն նպաստում էր սովի տարածմանը:

գ) Եղանակային պայմանների փոփոխությունների և մորեխների տարածման ազդեցությունը սովի ծավալման վրա: Սկզբնաղբյուրներում հաճախ տեղ են գտել վկայություններ սաստիկ շոգի և մորեխների տարածման մասին: Ս. Ուայթն Օսմանյան կայսրության արևելյան նահանգներում սովի բռնկման պատճառների մեջ կարևորում է Հայաստանից հարավ-արևելք ընկած տարածքներում ջալալիսկան շարժմանը նախորդող մի

ութալ տարաւ տարադէպ յարևելս՝ ի քաղաքն Ասպահան» (նոյն տեղում, էջ 213):

⁶⁷⁵ Տե՛ս նոյն տեղում, էջ 226:

⁶⁷⁶ Տե՛ս նոյն տեղում, էջ 201-202: Գրիչը այս ամենի համար մեղավոր է համարում պարսից և օսմանյան տիրակալներին, ընդ որում՝ նշում է, որ շահ Աքասը հասել է մինչև Խոշարի դաշտ՝ Մահմտանքի գավառ:

քանի տարիներին նկատված չափազանց չորային եղանակը⁶⁷⁷: Եղանակային նման միտումների առկայությունը հաստատվում է նաև վերջերս կատարված համայիր հետազոտություններով⁶⁷⁸:

Առաքել Դավիթեցին միաժամանակ հիշատակում է, որ ջալախական շարժմանը և թուրք-պարսկական պատերազմական գործողություններին համընթաց Միջնաշխարհում, այսինքն՝ Հայաստանի կենտրոնական նահանգներում մորեխներ հայտնվեցին, որոնք ոչնչացրին արտերը, ինչից հետո «եղև սով սաստիկ. և բնակին ոչ երևիր հաց և կերակուր և այլ ինչ ոտեղի»⁶⁷⁹: Բնակիչների մի մասը հեռացավ, մյուս մասը ստիպված ուսում էր ցանկացած կենդանի (ծի, ջորի, ավանակ, շոն, կատու), և անգամ գիշակերության ու մարդակերության դեպքեր էին լինում⁶⁸⁰:

Մորեխների մասին տեղեկությունը հաստատվում է նաև Ժամանակակից մի հիշատակարանի տվյալով, ըստ որի՝ Վանում 1607 թ. մորեխներ են տարածվել⁶⁸¹: Սա 1606 թ. ցանքատարածությունների՝ անմշակ մնալու արդյունք կարող էր լինել, քանի որ հողը մեկ ամբողջ տարի անմշակ թողնելը մորեխների կտրուկ բազմացման համար նպաստավոր պայման է:

Փաստորեն, մի կողմից դեռևս դարասկզբից նկատվող երաշտը, մյուս կողմից՝ հատկապես 1607 թ. մորեխների պոպուլյացիայի ակտիվացումը լրացուցիչ պատճառ են դարձել առանց այն էլ ջալախական շարժումների ու թուրք-պարսկական պատերազմի հետևանքով սկիզբ առած սովի տարածման:

դ) **Մեծ սովի ժամանակագրական և տարածքային ընդգրուկումը:** 1606 թվից սովի մասին աննախադեալ քանակով հի-

⁶⁷⁷ Ste' u White S., նշվ. աշխ., էջ 141-143:

⁶⁷⁸ Ste' u Cook Ed. et al., նշվ. աշխ., էջ 2-3:

⁶⁷⁹ Առաքել Դավիթեցի, էջ 108:

⁶⁸⁰ Ste' u նույն տեղում, էջ 109-112:

⁶⁸¹ Ste' u «Հայերեն ծեռագրերի մեջ դարի հիշատակարաններ», հ. Ա, էջ 264:

շատակությունները և դրանցում (օրինակ՝ 17-րդ դարի հեղինակներ Հակոբ Կարնեցու, Զաքարիա Քանաքեցու և Գրիգոր Դարանաղցու⁶⁸² մոտ) 3 տարի տևողության հիշատակումը ցոյց են տալիս, որ ամբողջ Հայաստանը և հարակից տարածքներն ընդգրկող Մեծ սովոր իսկապես տևել է 3 տարի՝ ընդգրկելով ամբողջ 1606-1608 թթ. և 1609 թ. սկիզբը: Այս մասին շատ կարևոր են Առաքել Դավիթեցու տեղեկությունները: Նա հետևյալ կերպ է նկարագրում սովոր տարածումը. 1606 թ. սաստիկ սով եղավ Վանում և Էրզրումում, մարդակերությունն ու հմակերությունը տարածվեցին, «այնչափ մարդ ջարդեցաւ ի սովոն, որ գլուխ չելան թաղելով, խոր փորեցին և ներս լցին»: Սովը կրկնվեց Կոստանդնովությունից մինչև Թավրիզ, տարածվեցին գայլերի հարձակումները մարդկանց վրա, ինչն անվանվեց «մարդագայլ»⁶⁸³:

Ըստ Առաքել Դավիթեցու հաղորդման՝ սովը դեռևս թույլ արտահայտվածությամբ սկսել է 1606 թ., 1607-1608 թթ.՝ սաստկացել, 1609 թ.՝ թույլացել, 1610 թ.՝ առհասարակ վերացել⁶⁸⁴: Ժամանակագրական այս ընդգրկումը հաստատվում է նաև այլ աղբյուրներով, օրինակ՝ մի ժամանակագրության համաձայն՝ «...Եղն սկիզբն սովուս ՈԾԵ (1606) թվին, յորում ամի թոյլ էր սովն, և ի ՈԾԶ (1607) և ՈԾԷ (1608) կարի սաստկացաւ և ՈԾԸ (1609)-ին թողացաւ, ի ՈԾԹ (1610) բարձաւ ողորմութեամբն Աստուծոյ...»⁶⁸⁵: Ուստիք Զակամ (Ձեզամ) գավառի Ղարամուրատ գյուղում 1610 թ. գրված հիշատակարանում գրիչ Դավիթ Եպիսկոպոսը խոսում է 1606 թ. սովի սաստկացման, 2 տարի տևելու և շատ

⁶⁸² Տե՛ս Գրիգոր Դարանաղցի, էջ 35-37:

⁶⁸³ Տե՛ս Առաքել Դավիթեցի, էջ 478: Պատմիչը ներկայացնում է սովի դրվագներ Սեբաստիայում, Մոլսում, Էրզրում, և օրինակ՝ Բասենին մերձակա Խալիջագի գավառում փողոցներում մահացածների դիակներն հոշոտող մարդագայլերի սուկայի տեսարանը (տե՛ս նոյն տեղում, էջ 109-111):

⁶⁸⁴ Տե՛ս նոյն տեղում, էջ 112:

⁶⁸⁵ «Մանր ժամանակագրություններ», հ. 2, էջ 517-518:

զոհերի մասին⁶⁸⁶: Այդուհանդերձ, 2 տարվա հիշատակումը վերաբերում է միայն տվյալ վարչամիավորին և, բացի այդ, պայմանավորված է նրանով, որ 1609 թ. միայն առաջին ամիսներին են սովոր մասին հիշատակումները:

Ինչպես տեսնում ենք վերը ներկայացված օրինակներից, 1606 թ. սովոր մասին հիշատակումներ կան Հայաստանի տարբեր շրջաններում: 1606 թ. մի հիշատակարանում խոսվում է ալյուրի չափազանց թանկացման հետևանքով Էրգորում քաղաքում սաստիկ սովոր մասին⁶⁸⁷: 1606 թ. մեկ այլ հիշատակարանում խոսվում է հատկապես Արևմտյան Հայաստանում սաստիկ սովոր մասին. «Եւ հանց սղութիւն է ի Հռոմաց տունն (իմա՝ Օսմանյան կայսրությունում – Մ.Մ.), որ բազումք մին զմին կերան, և շատք սովամահ եղեն ի Սէւաստու մինչ ի յԱրգորում, ի Քրդաց տուն, ի Վան, և մինչ ի Գանջայ, և ի Շապրէզ»⁶⁸⁸: Անանուն Վանեցու ժամանակագրության (17-18-րդ դարեր) համաձայն՝ 1606 թ. «սաստիկ սով եղև ի քաղաքն Վան և յԱրգորում. մինչ զի կապիճ կորեկն դահեկան մի եղև, յորոյ պատճառէ այնչափ մարդ մեռան որ թաղել ոչ կարէին...»⁶⁸⁹: 1606 թ. գրված մի Յայսմաւրքի հիշատակարանում ասվում է. «...սուլով կոտորեցո (կոտորեցաւ, իմա՝ կոտորեցան – Մ.Մ.) զամենայն քրիստոնեայք, և գերի անգաւ (անկաւ – Մ.Մ.) բազում խաչ և Աւետարան, և սբ. գրանք, և շատք բազում արդար մանուկ քրիստոնէից. և եղև սով սաստիկ, խիստ, որ Հայք զողայքն վաճառէին ի ծեռն անարինաց վասն սովոր և վասն դառնութեան ժամանակի»⁶⁹⁰:

Սովոր աշխարհագրական սահմանների ընդլայնումն ակն-

⁶⁸⁶ Տե՛ս «Հայերեն ծեռագրերի ժեկ դարի հիշատակարաններ», հ. Ա, էջ 368:

⁶⁸⁷ Տե՛ս նոյն տեղում, էջ 214:

⁶⁸⁸ Նոյն տեղում, էջ 220:

⁶⁸⁹ «Մանք ժամանակագրություններ», հ. 2, էջ 412:

⁶⁹⁰ «Հայերեն ծեռագրերի ժեկ դարի հիշատակարաններ», հ. Ա, էջ 233:

հայտ է դառնում 1607 թ. իշխատակությունների քննությունից: Ժամանակագրական մի հաղորդման համաձայն՝ 1607 թ. «մեծ սովն եղև և զմիմեանս կերան»⁶⁹¹: Խիզանում և Սպահանում 1607 թ. գրված Ավետարանի իշխատակարանում գրիչ Խաչատուր Խիզանցին գրում է, որ Թավրիզի մոտ Զղալօղլիի պարտությունից հետո «ի յԱմթայ մինչ ի Թարեզ Ճ՛Ռ (100 000) ոգի աւելի մեռան ի սովոյ, զի բազումք՝ հայրն զորդին կերաւ և մայր՝ զդուատրն..., և այլ բազում նեղութիւն եղև Հայոց ազգիս...»⁶⁹²: Այս իշխատակարանը, փաստորեն, եզակիներից է, որ իշխատակում է զոհերի թիվը: Փաստորեն, 1607 թ. Հայաստանի գրեթե բոլոր շրջաններում սովի մասին իշխատակումներ կան: Այսպես, Ախալցխայում 1607 թ. իշխատակարանում նշվում է, որ 3 տարի խիստ սով է Երել⁶⁹³: 1607 թ. Խիզանում գրիչ Գրիգոր քահանան գանգատվում է, որ օսմանյան բանակի՝ շահի դեմ արշավանքի ժամանակ և վերադարձից հետո «Եղև բազում քաղաքաց և գիւղօրէից աւերումն և կործանումն. մինչ զի ամենայն աշխարհս անբնակ և անապատ դարձաւ, և շրջեցան մարդիկ յերկու յերկիր, և ի քաղաքէ ի քաղաք», և գանգատվում սովից՝ նկարագրելով սուկալի տեսարաններ⁶⁹⁴:

Ժեն սովը 1606-1607 թթ. ընդգրկում էր արդեն նաև Էրզրումի և Ախալցխայի նահանգները, այդուհանդերձ Արևմտյան Հայաստանում նրա հիմնական օջախը Վանի նահանգն էր: Ուղարկունյաց գավառում Պետրոս Նկարինցին 1607 թ. իշխատակարանում նկարագրում է դժբախտությունները. «...բազում պատուհաս երեկ ի վերայ ազգիս Հայոց, վասն ծովացեալ մեղաց իմոց. [զի] բազումք սովամահ եղէն, և բազումք ի ձիւն և ի բուքն խեղ-

⁶⁹¹ «Մանր ժամանակագրություններ», հ. 2, էջ 518:

⁶⁹² «Հայերեն ձեռագրերի ժէ դարի իշխատակարաններ», հ. II, էջ 260:

⁶⁹³ Տե՛ս նույն տեղում, էջ 262:

⁶⁹⁴ Տե՛ս նույն տեղում, էջ 265:

դեցան, և բազումք ի գերութիւն անկան, և բազումք ի հաւատոց ելան...»⁶⁹⁵: Բաղեշի Գոմոց վանքում 1607 թ. ընդօրինակված Ավետարանի հիշատակարանում ևս խոսվում է սովի մասին⁶⁹⁶: Բաղեշի Ամիրդոլու վանքում 1607 թ. գրված հիշատակարանում գրիչ Բարսեղ վարդապետը խոսում է սովի և գերեվարությունների մասին⁶⁹⁷: 1607 թ. մի հիշատակարանում էլ նկարագրված են շահի կողմից Վանի ուղղությամբ ուղարկված զորամասերի ոճիրները. «Եւ առաքեաց զոմն ժանդարարոյ (ժանտաբարոյ – Մ.Մ.) ի վերայ բերդին Վանայ], բազում զալրաւք: Եւ նա եկեալ բազում ոճիրս գործեաց, զի զծովու բոլորն զամենայն առ հասարակ ի սուր սուսերի մաշեաց, մինչ զի անբնակ դարձաւ ի մարդոյ և յանասնոյ: Եւ զվար և զվաստակ ծիոյ և ուղուոյ կեր ետուն և առ ոտն հարին. և ոչինչ [թողին որ] չարարին, և յետոյ գնացին ի տեղիս իրեանց»⁶⁹⁸: Եվ երբ աշնանը սարդարը շարժվում է Թավրիզի ուղղությամբ և անհաջողություն կրելով՝ նահանջում դեպի Վան, «խիստ սաստիկ սով եղս ի քաղաք և ի գեղ և եղս Ա (1) քիլայ ցորեն և գարին Ժ (10) կարմիր», և մարդիկ սովից ուտում էին ինչ պատահի, վաճառում նույնիսկ սրբությունները, այգիներն ու տները⁶⁹⁹:

Սովի սոսկալի դրվագներն ամենից շատ հիշատակվում են 1608 թ: Այս թվականին Սեֆյան Պարսկաստանը Օսմանյան կայսրության դեմ նոր ռազմաշավաներ է կազմակերպում դեպի Արևմտյան Հայաստան: Դեպքերի ականատես Ներսես Վարդեցին 1608 թ. հիշատակարանում գրում է շահի բանակի՝ Վանի ուղղությամբ 2 արշավանքների հետևանքով Վանում և Ուտա-

⁶⁹⁵ «Հայերեն ձեռագրերի Ժէ դարի հիշատակարաններ», հ. Ա, էջ 265-266:

⁶⁹⁶ Տե՛ս նոյն տեղում, էջ 272:

⁶⁹⁷ Տե՛ս նոյն տեղում, էջ 276:

⁶⁹⁸ Նոյն տեղում, էջ 278:

⁶⁹⁹ Տե՛ս նոյն տեղում:

նում հարուցած սովի, սպանությունների մասին՝ «եղև սով սաստիկ ի Վան և յՈտան՝ ի ծովու բոլորն առ հասարակ»⁷⁰⁰: Սուաքել Դավրիմեցին էլ հաղորդում է, որ ՍԵֆյան բանակը 1608 թ. հունիսի 30-ից օգոստոսի 1-ը Էրզրումի «Երկիրս ամէն թէ գիտ է թէ քաղաք վաստակն խիստ այրեաց»⁷⁰¹: Ավելին, 1608 թ. Ամիրգունա խանը գործ է առաքել Բանունիք, և կոտորվել են բազմաթիվ քրիստոնյաներ, ինչի պատճառը, ըստ դեպքերին ականատես ժամանակագրի, Զեզիրեի տեր «ազգաւ մար», այսինքն՝ քուրդ Շարաֆ խանն էր, որ «զքրիստոնեայս արար ընչափակ և սովալլուկ»⁷⁰²: Փաստորեն, այս տեղեկություններով ևս մեկ անգամ փաստվում է, որ քուրդ-պարսկական պատերազմի թեժացումը մեծապես նպաստել է սովի սաստկացմանը՝ 1608 թ. դարձնելով Մեծ սովի բարձրակետը:

1608 թ. հիշատակություններն ընդգրկում են ոչ միայն պատերազմական գործողությունների բուն թատերաբեմը, այլև ամբողջ Արևմտյան Հայաստանը և Արևելյան Հայաստանի մի մասը: Գրիչ Հակոբ Զեյթունցին 1608 թ. Կեսարիայում գրած հիշատակարանում խոսում է Մարաշին ու Կեսարիային պատաժ սովի մասին⁷⁰³: Կեսարիայում 1608 թ. գրված մեկ այլ հիշատակարանում և գրիչը գանգատվում է ջալալիների ավերածություններից և հացի թանկացումից⁷⁰⁴: Սովորական բնույթ են կրում մարդագայի մասին հիշատակումները, օրինակ՝ 1608 թ. «մեծ սովն անկաւ, որ շուն և կատու կերին. նաև մարդագայլն երևեցաւ»⁷⁰⁵:

⁷⁰⁰ «Հայերեն ծեռագրերի ժեկ դարի հիշատակարաններ», հ. Ա, էջ 303-304: Հիշատակարանում թվարկվում են Աղբակի իշխան պարոն Արագիզը, նրա եղբայր պարոն Մհերը, որ «բազում խնամս տանին ի վերայ քրիստոնեից»:

⁷⁰¹ **Սուաքել Դավրիմեցի**, էջ 479:

⁷⁰² «Մանր ժամանակագրություններ», հ. 1, էջ 187:

⁷⁰³ Տե՛ս Ալպօյաճեան Ա., Պատմութին հայ Կեսարիոյ, էջ 644:

⁷⁰⁴ Տե՛ս «Հայերեն ծեռագրերի ժեկ դարի հիշատակարաններ», հ. Ա, էջ 322-323:

⁷⁰⁵ «Մանր ժամանակագրություններ», հ. 1, էջ 355:

1608 թ. Ծարի Աստրենիս գյուղում գրված հիշատակարանում խոսվում է շահի՝ Շիրվան շարժմելուց հետո սովի և մարդակերության, սննդամթերքի բացակայության մասին⁷⁰⁶:

1608 թ. Խիզանում գրված Ավետարանի հիշատակարանում գրիչ Գրիգորը գանգատվում է քուրդ պարոն Միր Հասանի հարկապահանջության և բռնության պատճառով սովի սաստկացման մասին, շեշտում Զղալօղիի և շահի միջև բախման հետևանքները՝ անմարդաբնակ քաղաքներ և գյուղեր, տեղահանություն, թափառաշրջություն, հացահատիկի և յուղի գնաճ, սով, գիշակերություն⁷⁰⁷: 1608 թ. Վանում գրված Ավետարանի հիշատակարանում ևս ներկայացված են Զղալօղիի և շահի միջև բախման հետևանքները՝ անմարդաբնակ քաղաքներ և գյուղեր, տեղահանություն, թափառաշրջություն, հացահատիկի և յուղի գնաճ, սով, գարշակերություն⁷⁰⁸:

1608 թ. Էրզրումի Կան գյուղում գրված Ավետարանի հիշատակարանում գրիչ Սիմեոն Երեցը գանգատվում է թուրք-պարսկական պատերազմից և դրա հարուցած սովից ու մահտարաժամից, առաջնային սպառման ապրանքների սոսկալի գնաճից, ընտանիքների քայբայումից, ջրի սակավությունից: Հետաքրքիրն այն է, որ նա ներկայացնում է իր իսկ տեղահանման պատմությունը: Այսպես, նա նախկինում բնակվել է Բասենի Կնտեղի գյուղում, իր մանկության տարիներին գյուղը բավականին շեն վիճակում է եղել. գյուղում եղել է 12 օրորոց մեկ տանը, 3 եպիսկոպոս, 4 քահանա, 3 սարկավագ, 2 ջրաղաց, 1 ծիթիան և այլն, գլխահարկը գնացել է սուլթանին, սակայն հիշատակարանի շարադրումից քիչ առաջ Բասենն ավերվել է, իր գյուղում կանգուն շինություն չի մնացել, իսկ ինքը փախել և հաստատվել է Կան գյուղում՝ ումն

⁷⁰⁶ Տե՛ս «Հայերեն ձեռագրերի ժեկարի հիշատակարաններ», հ. Ա, էջ 291-292:

⁷⁰⁷ Տե՛ս նույն տեղում, էջ 312-313:

⁷⁰⁸ Տե՛ս նույն տեղում, էջ 301-302:

քրիստոնյա Հաջինի տանը⁷⁰⁹: Փաստորեն, այստեղ ներկայացված է Հայաստանին այդ ժամանակաշրջանում շատ բնորոշ ներքին միգրացիայի մի օրինակ:

1609 թ. սովոր մասին հիշատակումները բնորոշ են միայն տարեսկզբին, իսկ հետագայում սովոր նահանջում է: Գրիգոր Դարանաղին, ներկայացնելով բնակավայրերի դատարկվածության հետևանքով ազգարակների անխնամ մնալու և հետևաբար սովոր շարունակվելու մասին՝ հաղորդում է, որ 1609 թ. Մուրադ փաշան հարազատ բնակավայրերից հեռացած մարդկանց վերադարձնելու թույլտվություն է ստացել սովորանական հրովարտակով: Փաստորեն, Ահմեդ Ա-ն (1603-1617), հակառակ մայրաքաղաքից տեղահանման արգելքի մասին սովորան Սովեյմանի հրապարակած օրենքի, հրամայեց մայրաքաղաքից և այլ խոշոր քաղաքներից նախկին բնակավայրերը վերադարձնել գաղթականներին՝ ազատելով նրանց 3 տարվա հարկերից⁷¹⁰:

Հատկանշական է, որ ջալալիական շարժումները Արևելյան Հայաստանում ևս նպաստել են սովոր տարածմանը: Այստեղ ջալալիները ներթափանցել են միայն շահ Աբասի կազմակերպած բռնագաղթին հաջորդած անիշխանության ժամանակահատվածում: Մանր ժամանակագրություններից մեկի համաձայն՝ բռնագաղթից հետո ելուզակների մի խումբ, «զոր ջալալի ասեն ի Տաճկաց կողմանէն, Եկան Արարատյան Երկիր, գիշերագնաց Եղեալ զննէին և որոնէին, Եթէ ուր ուրեք գտանի մարդ ի Վերայ հասեալ կոտորէին և զտղայս գերէին, զտունս և զեկեղեցիս աւար հարկանէին մինչև զսովն ի յերկիր ծգեցին. ապայ Եղեն մարդակեր, կալեալ Եպիսկոպոս մի ի Մօղնոյ (Մուտղնոյ –

⁷⁰⁹ Տե՛ս «Հայերեն ձեռագրերի ժէ դարի հիշատակարաններ», հ. Ա, էջ 314-315:

⁷¹⁰ 7 հազար մարդու հետ Կամախ է վերադարձել նաև պատմիչը (տե՛ս Գրիգոր Դարանաղի, էջ 145):

Մ.Մ.) վանից խորովեցին և կերան»⁷¹¹: Առաքել Դավիթեցին ևս հավաստում է ջալալիական գործողությունների հետևանքով Արևելյան Հայաստանում սովի սաստկացման մասին. «Եւ այսպէս զամենայն գեղօրայս գաւառացն Արարատու յաւեր և յապականութիւն դարձուցին. և ի կերակրելի սերմանեաց և ի բնակչաց թափուր արարին»⁷¹²: Ըստ պատմիչի՝ նույնը շարունակվել է Ախալցխայի նահանգում⁷¹³:

Ե) ՄԵԾ ՍՈՎԻ ԺՈՂՈՎՐԴԱԳՐԱԿԱՆ ՀԵՏԽԱՆՔՆԵՐԸ: Սովի և համաճարակների պատճառով 1606-1609 թթ. Հայաստանում, ընդհանուր առմամբ, զոհվել է մի քանի հարյուր հազար մարդ, հայրենիքից հեռացել են տասնյակ հազարավոր մարդիկ, բնութագրական է եղել նաև ներքին միգրացիան: Հիշատակարաններից միայն Երկուառում են ներկայացվում սովից վախճանվածների թվաքանակի մասին տվյալներ, որոնց համադրումից ստացվում է առնվազն 140 հազար զոհ, ինչը, անշուշտ, չի կարող արտահայտել զոհերի ամբողջ թիվը, քանի որ այն վերաբերում է միայն Հարավային Հայաստանին, մինչդեռ սովն ընդգրրկել է ոչ միայն Հայաստանի հարավային և արևմտյան, այլև կենտրոնական, հյուախային և արևելյան շրջանները: Ջալալիական շարժման, շահ Արքասի բռնագաղթի, թուրք-պարսկական պատերազմի, Երկարամյա Երաշտի և մորեխների տարածման հետևանքով 1606-1609 թթ. տեղի ունեցած համատարած սովն անհրաժեշտ ենք համարում անվանել «ՄԵԾ ՍՈՎ»⁷¹⁴, քանի որ այն իր տարածքային և ժամանակագրական ընդգրկմամբ ու

⁷¹¹ «Մանր ժամանակագրություններ», հ. 1, էջ 184:

⁷¹² Առաքել Դավիթեցի, էջ 106:

⁷¹³ Տե՛ս նոյն տեղում, էջ 107:

⁷¹⁴ Այս անվանումը մեր կողմից առաջ է քաշվել դեռևս 2016 թ. (տե՛ս Մ. Մալխասյան, Ժողովրդագրական գործընթացների միտումները և առանձնահատկությունները Հայաստանում XVII դարի առաջին կեսին, էջ 102):

զոհերի թվով աննախաղեակ է եղել հայոց պատմության մեջ:

Մեծ սովոր խիստ բացասաբար է անդրադարձել բնակչության վերարտադրության բնականոն շրջափուլի վրա: Արևելյան Հայաստանի մի քանի շրջաններում (ՀՀ Սյունիքի, Վայոց ձորի, Գեղարքունիքի, Լոռու և Տավուշի մարզերում, ԼՂՀ-ում և Գանձակում) մեր կողմից հաշվարկված 17-րդ դարի առաջին կեսի՝ միայն հստակ թվագրում ունեցող տապանագրերի ու խաչքարմահարձանների վիմագրերի ավելի քան մեկ երրորդը (38,2 %-ը)⁷¹⁵ վերաբերում է դարի առաջին տասնամյակին, այսինքն՝ այն ժամանակահատվածին, երբ տեղի են ունեցել շահ Արաս Ա-ի կողմից կազմակերպված բռնագաղթը և 1606-1609 թթ. Մեծ սովոր: Հատկանշական է, որ կոնկրետ Մեծ սովորի շրջանին է առնչվում դրանց մոտ կեսը՝ ընդիհանուրի շուրջ 17,5 %-ը, ինչն ինքնին խոսում է այդ ժողովրդագրական աղետի ծավալների մասին:

* * *

Զալալիների շարժման բացասական հետևանքներից էր ոչ միայն սովոր, այլ նաև արտագաղթը: Ըստ Ա. Խառասյանի՝ 1598-1609 թթ. Զալալիների շարժման պատճառով հայերի արտագաղթի առաջին խոշոր ալիքը դեպի Կոստանդնուպոլիս տեղ գտավ 1602 թ. Թոխատի գրավումից հետո, իսկ Գրիգոր Դարանաղցու հաղորդած տվյալներից երևում է, որ Էրզրումի նահանգի Երզրու-

⁷¹⁵ Տե՛ս նոյն տեղում: Հաշվարկի հիմքը տե՛ս «Դիվան հայ վիմագրության», պր. II, էջ 68, 73-74, 76, 117, 122, 135; պր. III, էջ 19, 32, 43-44, 46, 47, 63, 65, 184, 200-202; պր. IV, էջ 15, 16-17, 28-29, 31-37, 42, 47-48, 105-106, 111-112, 129, 137-141, 144-145, 171-173, 178, 179-181, 192-193, 202-203, 206-207, 236-239, 244-247, 254-259, 269-275, 281-283, 285, 298-301, 312, 319-325, 329-332, 340, 342, 347-348, 351-352, 356-359, 361, 362, 369-371, 379; պր. V, էջ 18, 57, 94, 95, 98, 103-104, 147, 162-164, 172, 173, 179, 185-186, 193, 195, 233-237, 240, 244-246, 248, 250, 253-254, 255, 257-264, 265, 268, 272-274; պր. VI, էջ 30, 55; պր. IX, էջ 35, 103, 105, 106, 221, 223, 271, 275, 296-297, 320-321, 392, 421, 444-445, 448, 449, 457; «Ազգագրական հանդէս», գ. Ե, 1899, թ. 1, էջ 262-263:

կայի, Կամախի, Ակնի, Տեղիկի և այլ շրջաններից հայերը զանգվածաբար տեղափոխվել են մայրաքաղաք 1603-1605 թթ.⁷¹⁶ Խարբերդի Խոլավանքում ընդօրինակված Շարակնոցի 1602 թ. հիշատակարանում ներկայացված է հացահատիկի գնաճը, և նշվում է, որ «ի ձեռաց իսմայլացոց» ավերածությունների պատճառով «այս ամի Բ անգամ երկիրս փախչուտական եղաւ»⁷¹⁷: Տվյալ դեպքում խոսքը գնում է ժամանակավոր տեղափոխման մասին: Կաֆայում ընդօրինակված Սաղմոսարանի 1604 թ. հիշատակարանում գրիչ Ստեփաննոս Թոխատեցին գրում է, որ ջալալի Կարա Յազդջին կրկին գրավել, այրել ու ավերել է Թոխատը, և այնտեղից գրիչն ու շատ բնակիչներ տեղափոխվել են Կաֆա:⁷¹⁸ Զալայիների և այնուհետև պարսկական զորքերի դեմ կենտրոնական իշխանությունների կողմից ուղարկված փաշաները ևս իրենց հարկային քաղաքականությամբ հայ բնակչության արտագաղթի պատճառ են դարձել: Բարերոդում ընդօրինակված Գանձարանի 1605 թ. հիշատակարանում գրիչ Խաչատուր քահանան նշում է. «Անօրէն փաշայ մի Եղաւ, նստաւ ի քաղաք Կարնոյ, բազում պակասութին և թալան արար քրիստոնէիցն, զոմանս փախստական արար յերկրէ ի յերկիր և ի քաղաքէ ի քաղաք, զոմանս ընդ ծովն անցեալ գնացին յաշխարհն Կաֆայի»⁷¹⁹:

Արտագաղթն ավելի մեծ թափ է ստանում սովոր սաստկացման պայմաններում: 1605 թ. մի հիշատակարանում ասվում է,

⁷¹⁶ Տե՛ս Խառատյան Ա., նշվ. աշխ., էջ 61-71: Կամախի հայ արհեստավորների գաղյած օսմանյան մայրաքաղաքը, ըստ գերմանաքանակ թուրքագետ Ս. Ֆարողի-ի, տեղի է ունեցել 16-17-րդ դարերի սահմանագիշին՝ սննդի պակասի, փակ ճանապարհների և առևտության պակասի պատճառով: Ըստ նրա՝ այդ մարդիկ են թերվել շուրջ երեք տասնամյակ անց՝ Մուրադ Դ-ի օրոք (տե՛ս Faroqhi S., Artisans of Empire: Crafts and Craftspeople Under the Ottomans, London-New York: I.B. Tauris & Co. Ltd, 2009, էջ 65-66):

⁷¹⁷ «Հայերեն ձեռագրերի ժկ դարի հիշատակարաններ», հ. Ա, էջ 79-80:

⁷¹⁸ Նույն տեղում, էջ 151-152:

⁷¹⁹ Նույն տեղում, էջ 179:

որ սովի հետևանքով «ցրուեցաւ ազգս Հայոց» Պարսկաստան, Ասորիք, Վրաստան, Արխագիա, Կաֆա⁷²⁰: Անանուն մի ժամանակագրության համաձայն ևս՝ Զալալիների շարժման հետևանքով 1605 թ. Օսմանյան կայսրությունում սովէ է սկսվել, որի պատճառով «ցրուեցաւ ազգս Հայոց յերեսաց սովուն ի Պարսկաստան, ի Յասորեստան, ի Գուրջըստան մինչև հասին ի Ճործէն, ի Յափիսազ, ի Կաֆայ»⁷²¹: Ըստ ժամանակագրի՝ յուրաքանչյուր ընտանիքի անդամների մի մասը տարագրման է դիմել, և գործընթացն ընդգրկել է ոչ թե որևէ փոքր տարածք, այլ «բոլոր Հայաստան ամենայն ցիր և ցան Եղեն»⁷²²:

Ըստ Առաքել Դավիթեցու՝ Զալալիների ասպատակությունների և սովի հետևանքով «ամենայն ազգն Հայոց Ելեալ Վտարանդի, Եղեն իրաքանչիր տեղեաց, ի հայրենի բնակութեանց և յաշխարհայ»՝ հեռանալով դեպի Կիպրոս, Կոստանդնուպոլիս և հարակից քաղաքներ, Ռումելի, Բուլղարիա, Մոլովա, Լեհաստան, Ղրիմ, Սև ծովի առափնյա շրջաններ, Աստրավական, Թավրիզ, Արդարիլ և շրջակա գավառներ, ինչպես նաև Նշում է ներքին միգրացիայի ուղղություններ՝ դեպի Երևան և Գանձակ⁷²³: Արտագաղթի հիմնական ուղղությունն աշխատանքային ռեսուրսների մշտական պահանջարկ ունեցող Կոստանդնուպոլիսն էր: Ըստ Սիմեոն Լեհացու՝ 1608 թ. Կոստանդնուպոլիսում 40 հազար տուն հայ գաղթական կար⁷²⁴, ընդ որում՝ 1609 թ. Կոստանդնուպոլիսում գրված Մաշտոցի հիշատակարանում թոխատեցի գրիչ Միքայելը գանգատվում է, որ «խեղճ քրիստոնեայքն ճալալց համար փախեան» և հաստատվեցին օսմանյան մայրա-

⁷²⁰ Տե՛ս «Հայերեն ձեռագրերի ժեղարի հիշատակարաններ», հ. Ա, հիշ. № 354:

⁷²¹ «Մանր ժամանակագրություններ», հ. 1, էջ 185-186:

⁷²² Նոյն տեղում:

⁷²³ Տե՛ս Առաքել Դավիթեցի, էջ 109, 147:

⁷²⁴ Տե՛ս Սիմեոն Լեհացի, էջ 8:

քաղաքում⁷²⁵: Ազարիա Սասնեցին 1609 թ. Կանոնագրի ստացման հիշատակարանում հաղորդում է, որ ջալալիները 10 տարի առաջ ավերել են իր հայրենի Սասունը, հալածում են քրիստոնյաներին, «յորմէ և ես նուաստս և տառապեալ նշրեհս տարաշխարիկ եղեալ ի հայրենի տեղոյ իմոյ և ի ժառանգութենէ, և շրջելով իմ տեղաց ի տեղ, և փոխելով գաւառէ ի գաւառ...»՝ հաստատվելով Կոստանդնուպոլիսում⁷²⁶: Արտագաղթի այդունքում մեծ թվով հայեր հաստատվում էին նաև Կաֆայում և Մոլդովայում⁷²⁷: Փոքր Հայքի տարածքում ջալալիների պատճառով հայ բնակչության արտագաղթի հետևանքները տեսանելի են Սիմեոն Լեհացու ուղեգրական երկում: Նա գրում է, որ Կեսարիան 1617 թ. ուներ ավելի քան 500 տուն հայ բնակիչ (Ա. Ալպոյանյա-

⁷²⁵ Տե՛ս «Հայերեն ծեռագրերի ժԵ դարի հիշատակարաններ», հ. Ա, էջ 337:

⁷²⁶ Տե՛ս նոյն տեղում, էջ 345-346: Կոստանդնուպոլիսին մերձակա քաղաքներից հայերը հաստատվում էին նաև Արդիանապոլիսում: Սիմեոն Լեհացին 17-րդ դարի սկզբին Արդիանապոլիսում հիշատակում է 300 տուն հայեր, որոնց մեծ մասը (մոտ 200 ընտանիք) 1605 թ. ջալալիական ասպատակությունների պատճառով վերաբռնվածներ էին (տե՛ս **Չերչիան Վ.**, Արդիանապոլս հայ գաղութը, «ՊԲՀ», 1983, թ. 2-3, էջ 303):

⁷²⁷ Փոքր Հայքից (Թրիստ, Ամասիա), Փոքր Ասիայի տարբեր շրջաններից (Տրավիզոն, Տիրիկ), մասամբ՝ Արևմտյան Հայաստանից (Վանի նահանգ) և Արևելյան Հայաստանից (Ղափլան, Եղվարդ, Տեղ, Ազուլիս Տրոնիս գյուղ և այլն) 17-րդ դարի սկզբից հայեր են հաստատվել Խամայիլում, Կիլիայում և Կառուցանում: Մոլդովայում հայերի հաստատման ամենախոշոր քարավաններից մեկը, հայկական և ուսմինական սկզբնադրյուրների համադրությամբ, 1606 թվին է եղել (տե՛ս **Անանյան Ժ.**, Հայերի Մոլդավիա և Բեսարաբիա գաղթելու պատմությունից, «ԼՀԳ», 1966, թ. 9, էջ 92-96): 17-րդ դարի սկզբին ստվարացել է նաև Հայեակի հայ համայնքը, որտեղ գերակշռել են կիլիկահայերը, սակայն զգայի է դարձել նաև Սասունից, հատկապես՝ Բուսանաց գավառակի՝ չքավորության մատնված բնակչության գաղթը (տե՛ս **Քեշիշյան Վ.**, Էջեր Հայեակի հայ գաղթօճախի պատմութենէն, «ԼՀԳ», 2000, թ. 2, էջ 101): Հայ գաղթականության աշխարհագրությունն այնքան է ընդարձակվել, որ 1608 թ. Կուաննիագենում տպագրված մի սկզբնադրյուրում հայ բնակիչներ հիշատակվում են մինչև իսկ Գրենլանդիայում (տե՛ս **Բախչինյան Ա.**, Հայ-սկանդինավյան պատմաշակութային առնչություններ (վաղ միջնադար – XVIII դար), «ԼՀԳ», 1998, թ. 3, էջ 104):

նի կողմից ընտանիքի միջին մեծության 5 գործակցով հաշվարկով՝ 2500 մարդ), 1613 թ. Թոխատը՝ հազիվ 500 տուն, ինչն առնվազն երկու անգամ պակաս էր մինչ ջալալիական շարժումը եղած ցուցանիշներից⁷²⁸:

Զալալիների խոռոշությունների հետևանքով խառնակ իրադրությունը, հայ բնակչության զանգվածային արտագաղթը և գյուղատնտեսության անկումը վտանգավոր իրավիճակ էր ստեղծում Օսմանյան կայսրության տնտեսության և արևելյան քաղաքականության համար:

Հաճախակի էին ջալալիական շարժման ներկայացուցիչների ներխուժումները Արևելյան Հայաստան: Այսօրինակ ներթափանցումների ժամանակ օտարների միջև բախումների մի դրվագ է ներկայացնում Առաքել Դավրիժեցին: Զալալի Թոփալ Օսման փաշան Կոտայք գավառում իշխող քենգերլի Մահմատի դեմ ճակատամարտել է Աղինջ գյուղի մոտ և Կարբի գյուղադարձանք էլ հազար զինվորի ձմեռանց է դարձրել՝ սպանություններ և թալան կազմակերպելով բնակավայրում⁷²⁹: Զալալիների մի մասը ներխուժել է Հովհաննավանք, բնակիչները փախել են, իսկ մոտակա Օշականի գյուղի բնակիչները ստիպված փախել են Գեղարքունիք: Նոյն կերպ են վարվել Կարբիի շրջակա գյուղերն ու գավառները, Ապարանի գավառը, Ղրիբովանի (Ծաղկունյաց ձորի) գավառը, Գառնու ձորը, Ուրծաձորը և Երասխ գետից այն կողմ «Սահաթի երկիրը» Արարատյան կոսակալության Կողբի

⁷²⁸ Տե՛ս Սիմեոն Լեհացի, էջ 137, 154-155, 187; Ալպօյաճեան Ա., Պատմութիւն հայ Կեսարիոյ, էջ 647, 695; Նույնի, Պատմութիւն Եվլոկիոյ Հայոց, էջ 336, 350: Թոխատի Արտովա (Արծիկովա) գավառակում Սիմեոն Լեհացին մեծ, բայց դատարկված գյուղեր է տեսել, միայն Չիֆիկում ու Բոլոսում 10 հայ կար: Զալալիների պատճառով հովտի բնակչությունը ցրվել էր, և միայն 17-րդ դարի վերջին են հայերը վերահստատվել այդտեղ (տե՛ս նոյն տեղում, էջ 505):

⁷²⁹ Տե՛ս Առաքել Դավրիժեցի, էջ 103-104:

և Աղջակալայի հատվածը⁷³⁰ (այսինքն՝ նահանգի՝ Երասխի աջափնյա հատվածը): Գառնու գավառում ջալալիների ահից ավելի քան 500 քրիստոնյաներ պատսպարվել են քարայրներից մեկում, որը հրդեհելով հեղձամահ են արել բնակիչներին⁷³¹:

Այսպիսով, ջալալիական շարժումների ու թուրք-պարսկական ռազմական գործողությունների և դրանց հետևանքով հարուցված Մեծ սովի պատճառով 1606-1609 թթ. Հայաստանում զոհվել է մի քանի հարյուր հազար մարդ, հայրենիքից հեռացել են տասնյակ հազարավոր մարդիկ, բնութագրական է եղել նաև ներքին միգրացիան: Այս ամենը բացասաբար է անդրադարձել բնակչության վերարտադրության բնականոն շրջափուլի վրա:

2.4. 1610-1630-ական թթ. ռազմաքաղաքական իրադրության ազդեցությունը ժողովրդագրական գործընթացների վրա

1610-1630-ական թթ. շարունակվել են թուրք-պարսկական ռազմական գործողությունները, և պատերազմական պայմաններում գոեթե բոլոր հիշատակարաններում միաբերան խոսվում է օստարների ծանր հարկերի մասին: 1611 թ. մի հիշատակարա-

⁷³⁰ Տե՛ս **Առաքել Դավիթիեցի**, էջ 104: Անանուն մի ժամանակագիր պատմում է, որ ջալալիները փորձել են ներխուժել Գեղարքունիք, հայ մելիքներից առաջին անգամ ջարդվել են, սակայն մի քանի ամիս անց հաջողության են հասել, ավարտություն ու ջարդեր կազմակերպել (տե՛ս «Մանր ժամանակագրություններ», հ. 1, էջ 184-185): Առաքել Դավիթիեցին ևս հաղորդում է, որ ջալալիական խմբեր ներխուժել են նաև Գեղարքունյաց գավառ, «քանզի գիտէին թէ անդ են համբարք ցորենոյ և գարույ», և կանանց ու երեխաներին գերելով՝ տղամարդկանց ստիպել են ձմռանը հացահատիկի պաշարներն ու անասունները տեղափոխել Կարբի, որտեղ նրանց մի մասին վաճառել են, մի մասին էլ ծառա դարձրել (տե՛ս **Առաքել Դավիթիեցի**, էջ 106-107): Փաստորեն, այս հիշատակումները հաստատում են այն փաստը, որ Գեղարքունիքը հաճախ պատսպարման վայր է հանդիսացել Արարատյան կուսակալության բնակչության համար և համեմատաբար թիզ է տումել ջալալիական շարժումից ու բռնագաղթից:

⁷³¹ Նույն տեղում, էջ 106:

նում գրիչ Մինասը գանգատվում է ծանր հարկապահանջությունից⁷³²: Նոյն կերպ Մարգվանում ընդօրինակված ծեռագրի 1625 թ. հիշատակարանում ասվում է, որ «բազմացեալ են ի վերայ մեր այլազգիքըն մահմետական» և նեղում են հարկապահանջությամբ⁷³³: Բասենի Հասանկալա գյուղաքաղաքում Մարգար երեցը 1629 թ. հիշատակարանում գանգատվում է, որ մեկ տարվա մեջ 3 անգամ խարաց են վերցրել⁷³⁴: Հարկային այս քաղաքականությունը նպաստել է հայ բնակչության արտագաղթին:

Հայ բնակչությունը մեծ վնասներ է կրել նաև օսմանյան և սեֆյան բանակների զորաշարժերից՝ հաճախ ստիպված լինելով ապահովել նրանց պարենով և կացարանով: Այսպես, 1611 թ. Ամիրում հայերի տները և եկեղեցիները 8 ամիս Մուրադ փաշայի զորքերի կեցավայր ու ծիանոց են ծառայել⁷³⁵: Նոյնը կրկնվել է հաջորդ տարի և անգամ մարդկանց իրենց տներից են հանել⁷³⁶: 1617 թ. Ամիրում գրված Ավետարանի հիշատակարանում ներկայացվում է ստացող մծրինաբնակ խոչա Պողոսի՝ հայրենի Մշո Հորիկնոց գյուղից դեպի Հզու և այնտեղից Մծրին փախչելու մասին՝ պատճառ նշելով նախ Զղալովիի բանակի զորաշարժը, ապա Միր Շարաֆ քուրդ «պարոնի» հալածանքները⁷³⁷: Մեկ այլ հիշատակարանում պարսիկների դեմ ուղարկվող օսմանյան զորքերի ռազմերթերի առնչությամբ ասվում է. «Եւ յամենայն ամի երթան գնան ի պատերազմ բազում զարաք ընդ ազգն Պարսից, աւերելով զաշխարհս և զերկիրս Հայոց, զի կոխան եղաք այդ երկու չարաբարոյ ազգացն, որ գրեթէ բնաջինջ արա-

⁷³² Տե՛ս «Հայերեն ծեռագրերի ժեղարի հիշատակարաններ», հ. Ա, էջ 457:

⁷³³ «Հայերեն ծեռագրերի ժեղարի հիշատակարաններ», հ. Բ, էջ 178-179:

⁷³⁴ Տե՛ս նոյն տեղում, էջ 326-327:

⁷³⁵ Տե՛ս «Հայերեն ծեռագրերի ժեղարի հիշատակարաններ», հ. Ա, էջ 455-456:

⁷³⁶ Տե՛ս նոյն տեղում, էջ 458-459:

⁷³⁷ Տե՛ս նոյն տեղում, էջ 628-629:

րին զազգս մեր, յորոց փրկեսցէ Քրիստո Աստուած զհաւատացեալս անուան իւրոյ...»⁷³⁸: Ամիդում 1618 թ. հիշատակարանում ասվում է, որ Թաթար խանի 40 հազարանոց զորքը տեղավորվել է հայկական գյուղերի տներում և եկեղեցիներում⁷³⁹:

1610-ական թթ. Երկրորդ կեսն աչքի է ընկնում գերեվարումներով մե՛րթ օսմանյան բանակի կողմից Արևելյան Հայաստանից, մե՛րթ էլ պարսից զորքերի կողմից՝ Արևմտյան Հայաստանից: Երբ 1616 թ. Դիարբեքիրի բեյլերբեյի Դիլավեր փաշան և Վանի բեյլերբեյի Թեքեյու փաշան Երևանի ուղղությամբ շարժվելու հրաման են ստանում, արագ վերաշինվում և վերաբնակեցվում է Կարսի բերդը⁷⁴⁰: Դեպքերին ժամանակակից մի հիշատակարանում ներկայացված է 1616 թ. գերեվարության դրվագ Եղեգնաձորում. «...Եին զօրքն իսմայէլեան, և ասպատակեցին զեղեգեաց (զԵղեգեաց – Մ.Մ.) ձորն և բազում գերի և աւար առին»⁷⁴¹: Ըստ թուրք հեղինակ Իբրահիմ Փեչևիի՝ 1617 թ. օսմանյան զորքերին աջակցող Ղրիմի թաթարները 30 հազար հայ գերեցին Նախիջևանից⁷⁴²: Թուրք հեղինակի այս տեղեկությունը հաստատում է մեր այն տեսակետը, որ, չնայած ահոելի ծավալներին, շահ Աբասի բռնագաղյա՞ը, այդուհանդերձ, ոչ ամբողջ բնակչությանն է ընդգրկել:

Քննարկվող ժամանակաշրջանի հետաքրքիր դրվագներից է Ամիրգունա խանի ժողովրդագրական քաղաքականությունը Հայաստանում: Զնորանալով, որ հենց նրա ղեկավարությամբ է իրագործվել բռնագաղյի մասին շահ Աբասի հրամանը, պետք է նկատել նաև Ամիրգունա խանի կողմից Արևմտյան Հայաստա-

⁷³⁸ «Հայերեն ձեռագրերի ժէ դարի հիշատակարաններ», հ. Ա, էջ 629:

⁷³⁹ Տե՛ս նոյն տեղում, էջ 651-652:

⁷⁴⁰ Տե՛ս «Թուրքական աղբյուրներ», հ. Բ, էջ 98-99:

⁷⁴¹ «Հայերեն ձեռագրերի ժէ դարի հիշատակարաններ», հ. Ա, էջ 588:

⁷⁴² Տե՛ս «Թուրքական աղբյուրներ», հ. Ա, էջ 56:

նից դեպի Արևելյան Հայաստան հայ բնակչության վերաբնակեցումների մասին ուղղակի և անուղղակի հիշատակություններն աղբյուրներում: Խոսելով 1603-1627 թթ. պարսկական տիրապետության շրջանի մասին՝ թուրք ուղեգիր Էվլիյա Չելեբին նշում է, որ Երևանը նախկինից ավելի բարեշեն և մարդաշատ է դարձել, քանի որ Ամիրգունա խանը Կաղզվանի, Կարսի, Ախալցխայի և Արդահանի ուղղություններով ասպատակություններ է կատարել և տեղի բնակչներին տեղափոխել է Երևան և մոտակա բնակավայրեր⁷⁴³: Այս տեղեկության ճշգրտման ու ավելի որոշակի դարձնելու հետքերով այժմ քննարկենք հայկական սկզբնաղբյուրներում հանդիպող տեղեկությունները: Մշտ Մուշեղաշեն գյուղում ընդօրինակված Ճառընտիրի 1614 թ. հիշատակարանում խոսվում է պարսից բանակի՝ Մուշ ներխուստելու, արյունահեղություն ու գերեվարություն կազմակերպելու մասին⁷⁴⁴: Մեկ այլ հիշատակարանում ներկայացված է 1617 թ. Ամիրգունա խանի 40 հազարանոց բանակի շարժը Արևմտյան Հայաստանի ուղղությամբ, և գրիչ Ղազար Երեցը գանգատվում է հայ ազգի վիճակից⁷⁴⁵: 1618 թ. մի հիշատակարանում էլ թորուցիկ ներկայացվում է պարսից զորքի արշավանքը Զարիշատի և Կարինի ուղղությամբ, հայ բնակչության գերեվարությունը և ավերածությունները⁷⁴⁶: Առավել խոսուն են Զաքարիա Քանաքեռցու խոսքերը Ամիրգունա խանի գործունեության մասին. «...ի տիրելն իրում Երևանայ, իսկոյն ծեռն էարկ շինութեան և մարդաշատութեան: Նախ սկսաւ շինել զբերդն և ապա ապարանս և զայգիս և զբուրաստանս և զպարտէզս և հանել զառուս և առաւել ել զջուրսն: Այլս ի տեղիս տեղիս թեթևացոյց զիարկն և եբարձ զծանր լուծ ի

⁷⁴³ Տե՛ս «Թուրքական աղբյուրներ», հ. Գ, էջ 82:

⁷⁴⁴ Տե՛ս «Հայերեն ծեռագրերի ժեղարի հիշատակարաններ», հ. Ա, էջ 535:

⁷⁴⁵ Տե՛ս նույն տեղում, էջ 608:

⁷⁴⁶ Տե՛ս նույն տեղում, էջ 667:

պարանոցի ռամկաց: Բայց զի բազմացոյց զսուխրայն՝ այսինքն կրոն...: ...Բ անգամ գնաց ի գաւառն Կարնոյ, աւերեաց և գերեաց գերկիրն և էհաս մինչ ի դուռն բերդին Արզուումայ... և զգերիսն բերեալ՝ յերկիրն Երևանայ բնակեցոյց: Այլև գնաց զկողմամբն Վանայ և Մշոյ և գերեալ զնոսա եթեր զգերիսն և բնակեցոյց ի նահանգսն, որ ի մէջ Երևանու ի դաշտն բնակեցոյց»⁷⁴⁷: Պատմիչի հաղորդմամբ՝ այս վերաբնակեցմամբ են վերակենդանացել Երևանի և Էջմիածնի միջև գտնվող Քալար, Գոկզըմբեթ, Կավակերտ, Փարաքար, Սապատ և այլ գյուղեր:

Սա իսկական ժողովրդագրական քաղաքականություն էր, ինչի իրագործումը ցույց է տալիս, որ մինչ այդ ծննդիության մակարդակի որոշակի նվազում և մահացության մակարդակի աճ է եղել: Ժողովրդագրական այսպիսի քաղաքականությունը միաժամանակ ուղղված էր՝ ծառայելու պետական գանձարանի մուտքերի ավելացմանը: Այլ կերպ ասած՝ Ամիրգունա խանը նպատակ ուներ իր իսկ իրագործած բռնագաղթից մի քանի տարի հետո վերակենդանացնել Արևելյան Հայաստանի դաշտային հատվածների, մասնավորապես՝ Արարատյան դաշտի տնտեսական կյանքը, ինչը անելու համար անհրաժեշտ էր օգտագործել դարավոր Երկրագործական մշակույթ ունեցող հայերի արտադրողական հմտությունները, ինչպես նաև՝ նրանց միջոցով ավելացնել պետական գանձարանի հարկային մուտքերը, քանի որ քրիստոնյա հայը պետք է վճարեր նաև ջիզիե՝ գլխահարկ:

Փաստորեն, ինչպես իրավացիորեն կարծում են < Նաջարյանը, Թ. Հակոբյանը և <. Փափազյանը, Ամիրգունա խանը կենտրոնական իշխանությունների թուլլսվությամբ հատկապես 1618-1623 թթ. Կարսի, Էրզրումի, Վանի, Մուշի և այլ շրջաննե-

⁷⁴⁷ Զաքարիա Քանաքեռի, էջ 64:

որից կազմակերպել է հայ բնակչության վերաբնակեցուա⁷⁴⁸, ինչը նպաստեց Արարատյան դաշտում բնակչության էթնիկական կազմի ավանդական (հայեցի) պատկերի մասնակի վերականգնմանը: Սահմանամերծ արևմտահայ գավառները ամայացնելով՝ Ամիրգունա խանը փորձում էր ոչ միայն լուծել իր վարչամիավորում մարդկային ռեսուլսների պակասի խնդիրը, այլև այդ կերպ ծգուում էր անվտանգ դարձնել իր սահմանները՝ արևմտահայ գավառների մի մասը վերածելով յուրօրինակ բուժերային գոտու:

Երևանում ընդորինակված Ավետարանի 1625 թ. հիշատակարանում հետաքրքիր տեղեկություններ են տրվում Ամիրգունա խանի կողմից իրականացված արևմտահայության վերաբնակեցման մասին: Գրիչ Մելքիսեթ Երեցը հաղորդում է, որ մի կի՞ն՝ Ղզլար անունով, որ Ավետարանի (1237 թ.) վերջին ստացողն է Եղել, Խլաթում էր բնակվում, և «Եկեալ ազգն Պարսից և գերացուցեալ գերկիրն, ընդ նմին և զսայ գերացուցին զմայր իւր և զեղբայր իւր և զմիս Եղբայրն, որ էր քահանայ և այրի, սպանին զնա և զինքն և զմայր և զեղբայրն իւր, որ էր ամաց Բժ(12)-ից, տարեալ գերի ի Կոտոր. որ այժմ Երևան ասի»⁷⁴⁹: «Ետաքրքիր տեղեկություններ են հետևում ընտանիքի ճակատագրի մասին՝ մայրը փրկագնվում է հայերի կողմից, իսկ ինքը, Ամիրգունա խանի տրամադրության տակ «իշխանական» դառնալով, ազատում է Եղբորը, ով կրթություն է ստանում, քահանա դառնուա⁷⁵⁰:

Վերաբնակեցման և բնական աճի ճանապարհով ժողովրդական իրավիճակի աստիճանական վերականգնման մասին են վկայում նաև կատարված շինարարական աշխատանք-

⁷⁴⁸ Տե՛ս Նաջարյան Հ., Թուրք-իրանական հարաբերությունները..., էջ 230; Հակոբյան Թ., Հայաստանի պատմական աշխարհագրություն, էջ 384; «Հայ ժողովրդի պատմություն», հ. IV, էջ 103:

⁷⁴⁹ «Հայերեն ձեռագրերի ժեւ դարի հիշատակարաններ», հ. Բ, էջ 184-185:

⁷⁵⁰ Տե՛ս նոյն տեղում, էջ 184:

ները (պատմաճարտարապետական հուշարձանների առատությունը) և գերեզմանոցների մեծացումը: Կ. Ղաֆադարյանը ուշադրություն է հրավիրել Առաքել Դավրիժեցու այն տեղեկության վրա, որ Կողեննի գերեզմանատունը հասարակական գերեզմանատուն է եղել, և նկատել է, որ 1633 թ. հետո մինչև 1650 թ. տապանաքարերի թիվը կտրուկ շատանում է՝ հասնելով 17-ի (թվակիր)⁷⁵¹: 1620-ական թթ. վերջից շատանում են խաչքարերը և տապանաքարերը նաև Ծաղկունյաց գավառում, օրինակ՝ Մարմարիկի հովտում⁷⁵²: Այս երևոյթը պայմանավորված չէ համաճարակներով կամ սովով, քանի որ դրանց թիվը շատ մեծ չէ մեկ տարվա կտրվածքով, և աճն էլ համընթաց է բնական աճի հնարավոր ցուցանիշներին:

Հայկական և թուրքական աղբյուրների ու հնագիտական նյութի կողմին կարևոր են նաև պարսկական աղբյուրների տեղեկությունները: Խսքանդար Մունշին հետաքրքրիր տեղեկություններ է հաղորդում 1607-1610 թթ. Արարատյան կուակալությունում վերականգնողական և վերաբնակեցման քաղաքականության մասին. «Երբ հաղթական գինվորները ծեռնարկեցին Երևանի բերդի նորոգումը և բերդը լցրին անհրաժեշտ պաշարով ու գինամթերքով, այդ ժամանակ Ամիր-Գունա խանին և նրա հպատակներին, որոնք մինչև այդ երեմն Երնջակում, Օրդութադում և երեմն էլ Նախիջևանում էին լինում, կարգադրվեց գնալ և հաստատվել այնտեղ: Ապավինելով աստծո ողորմածությանը և արքայական անվախճան բարերարությանը, Ամիր-Գունա խա-

⁷⁵¹ Տե՛ս Ղաֆադարյան Կ., Երևանի միջնադարյան հուշարձանները, «ԼՀԳ», 1969, թ. 1, էջ 85-86:

⁷⁵² Տե՛ս << կառավարության որոշումը «<< Կոտայքի մարզի պատմության և մշակույթի անշարժ հուշարձանների պետական ցուցակը հաստատելու մասին» (տե՛ս << կառ. որոշում № 1793-Ն, 24.12.2003 <http://www.arlis.am/Document-View.aspx?DocID=11757>, Հասանելի էր՝ 28.02.2016):

Նը գնաց բնակություն հաստատելու այդ ավերակ ու անմարդաբնակ վայրում, որտեղ շինության ու կենդանության հետք անգամ չէր մնացել: Իր հպատակներից և Ենթակա մարդկանցից նրանց, որոնց նկատմամբ նա առավել վստահություն ուներ, տեղավորեց բերդի ներսում, իսկ մյուաներին բնակեցրեց բերդից դուրս և ավերակ գյուղատեղերում: Ազերբայջանում (Ատրպատականում – Մ.Մ.) գտնվող տարբեր էլերից, ովուաներից և թարաքամաններից շատերին նա համոզեց ու բերեց Երևան, Կաջարների Աղջա-կոյունլու օյմաղին և Մուսա-օղլի Բայաթ Էլին, որոնք բարձրագույն իրամանի համաձայն Արարից հատկապես եկել էին ծառայելու նրան, բոլորին էլ Երևանի ու Շարուրի հարմար վայրերում յուրդեր ու կըշլաղներ տվեց»⁷⁵³: «Պարսիկ հեղինակի տեղեկություններից Երևում է, որ Վերաբնակեցվել են ոչ միայն հայեր, այլև Ատրպատականի թյուրքալեզու ցեղեր: Հետաքրքրական է, որ Միմեռն Ա Երևանցի կաթողիկոսը (1763-1780) 18-րդ դարի կեսերին Խոր Վիրապը զավթած մահմեդական ցեղի համար մատնանշում է հենց «բայատ» անվանումը, որն զբաղեցրել էր վանքի մոտակա հովտային մի փոքր հատված և վանքն էլ վերածել անասնատեղիի: Կաթողիկոսի ջանքերով նրանք ևս դուրս են շարտվել վանքից ու նրան հարակից դաշտային հատվածից, և Խոր Վիրապում վերստին հաստատվել է վանական կյանքը»⁷⁵⁴: Ըստ 19-րդ դարի ոռու (ֆրանսիական ծագմամբ) ազգագրագետ-պատմաբան և հասարակական գործիչ Ի. Շոպենի հաղորդած տվյալների՝ բայատները (բայաթ, բոյաթ) թյուրքախոս դզոլքաշական ցեղերից էին, որոնք Արևելյան Հայաստանում են հաստատվել Փոքր Ասիայի թերակղզու տա-

⁷⁵³ **Փափազյան Հ.**, Օտար տիրապետությունը Արարատյան Երկրում (ԺԷ դ.), էջ 32:

⁷⁵⁴ Տե՛ս Միմեռն կաթողիկոս Երևանցի, Զամբո, աշխ.՝ Վ. Համբարձումյանի, Երևան, 2003, էջ 52:

րածքից 16-րդ դարից սկսած, իսկ մի փոքր մասն էլ՝ Մազանդարանից⁷⁵⁵: 19-րդ դարի սկզբին բայատների խմբեր բնակվում էին Բայազետի շրջակայքում և Արարատյան դաշտում⁷⁵⁶:

Իսքանդար Մունշին նշում է, որ շահը չէր թույլատրում հող մշակել Արարատյան կուտակալությունում քանի դեռ պատերազմը չէր ավարտվել, և Ամիրգունա խանին մեծ դժվարությամբ է հաջողվել Երևանի բերդի շրջակայքում հողերը մշակելու թույլտվություն ստանալ: <. Փափազյանի կարծիքով՝ քանի որ գյուղատնտեսությունը խիստ վատթար վիճակում էր գտնվում, Ամիրգունա խանը ռազմական գործողություններին զուգահեռ Արևմտյան Հայաստանում ասպատակում էր մինչև Վանա լճի առափնյա հայաշատ գավառները, կազմակերպում անասունների թալան և մեծ թվով հայերի վերաբնակեցնում Արարատյան կուսակալության ամայացած գյուղերում՝ ստեղծելով նրանց համար որոշ արտոնյալ պայմաններ և վերանորոգելով կուսակալության ռողոգման համակարգը⁷⁵⁷: Այս գործողությունների առնչությամբ մեջբերենք <. Փափազյանի ուշագրավ դիտարկումը. «Երկրի արագ վերաբնակեցման և տնտեսության վերականգնման հարցով շահագրգուված էր ոչ միայն վիլայեթի բեկլարբեկին, որը մեծ քաժին ուներ հարկային եկամուտներից: Ակներև էր նաև այն իրողությունը, որ ստրատեգիական նպատակով սահմանամերձ այս կարևոր Երկրամասի բռնի ամայացումով վերացվել էր կարևոր մի պատնեշ և անարգել ճանապարհ բացվել ահեղ հակառակորդի առաջ: Այնպես որ հայության վերաբնակեցումը ոչ միայն տնտեսական, այլև պետական-քաղաքական տեսակետից

⁷⁵⁵ Տե՛ս Սիմեոն Երևանցի, էջ 460: Տե՛ս Ռոպեն Ա., նշվ. աշխ., էջ 531-532:

⁷⁵⁶ Տե՛ս Սարկисյան Ղ., Население Восточной Армении в XIX – начале XX в., Ереван, 2002, էջ 52:

⁷⁵⁷ Տե՛ս Փափազյան <, Օտար տիրապետությունը Արարատյան Երկրում (ժԷ Դ.), էջ 32:

խիստ կարևոր էր: Ինչպես գիտենք, հետագա տասնամյակներում և հատկապես XVIII դ. սկզբներին, թուրքական ներխուժման ժամանակ, դարձյալ հայերն էին, որ համառ դիմադրություն ցուց տվին օսմանցիներին»⁷⁵⁸: <. Փափազյանն աբասյան տարեգրության ուսումնասիրմամբ դուրս է բերել, որ Արարատյան Երկրի հետևողական վերաբնակեցումը Արևմտյան Հայաստանից տեղահանված հայ բնակչությամբ շարունակվել է նաև Ամիրգունա խանին հաջորդած Թահմասպկովի օրոք, և «...տեղի ունեցած նոր տեղաշարժերից հետո կրկին հայ ազգաբնակչությունը այստեղ մեծամասնություն էր կազմում»⁷⁵⁹:

Կարծում ենք, որ <. Փափազյանի և մյուս ուսումնասիրողների այն տեսակետը, որ Ամիրգունա խանի սկզբնական անբարենպաստ քայլերից հետո վարած ժողովրդագրական քաղաքականությունն Արարատյան կուսակալությունում հայ բնակչության բնական աճի հետագա կանոնավորման վրա որականորեն է ազդել, քանի որ «հիմնադրի Էֆեկտը» համաշխարհային պատմության մեջ քանից ցուց է տվել տևական ժամանակահատվածում հողային ռեսուրսների առատության և տարածքի հարթ մակերևույթի (մեր դեպքում՝ Արարատյան և Նախիջևանի դաշտերի) պայմաններում շարժունության լրացուցիչ հնարավորության

⁷⁵⁸ **Փափազյան <.**, Օսար տիրապետությունը Արարատյան Երկրում (ԺԷ դ.), էջ 32-33:

⁷⁵⁹ Նոյն տեղում, էջ 37: Ի. Պետրովչևսկին նկատում է, որ Հայաստանից արևելք ընկած մերձկասպյան տարածքներում և Սեֆյան տերության այլ մասերում ղղղլքաշական ավագանու ցեղախմբերը ժառանգական ֆեռալական իրավունքներով տիրում էին վարչամիավորներին՝ աստիճանաբար յուրացնելով ենթակայության տակ եղած տարածքները (տե՛ս **Петрушевский И.**, նշվ. աշխ., էջ 122-127): Հայ հետազոտողների մոտ համակրական վերաբերմունք է ծևավորվել Ամիրգունա խանի պաշտոնավարման Երկրորդ շրջանի և նրա որդու իշխանության նկատմամբ: Նրանց տոհմի ժառանգական իշխանության չհաստատվելը Արարատյան կուսակալությունում հանգեցրել է նրան, որ այս Երկրամասը չի վերածվել որևէ օսար տոհմաց-ցեղային կառույցի ժառանգական սեփականության, հետևաբար տեղաբնիկ հայերի համախմբման հնարավորություն է ստեղծվել:

շնորհիվ բնակչության թվի զգայի աճի հնարավորությունը: Օրինակ՝ Սուրբ Հավենտիոս գետի հովտում 17-րդ դարում հաստատված 15 հազար ֆրանսիացի վերաբնակիչների սերունդներն այժմ 6 մլն են, իսկ 12-14-րդ դարերում գերմանական միգրացիայի ժամանակ գյուղատնտեսական հողահանդակի հիմնադրի և վերաբնակչի միջև փոխշահավետ տնտեսական գործակցության շնորհիվ բնակչության թիվը կտրուկ աճել է, քանի որ նոր հիմնված բնակավայրում հողերի մշակման անհրաժեշտությունից տեղի էր ունենում ժողովրդագրական պայթյուն⁷⁶⁰: Ընդհանրապես, ավանդական վերարտադրությանը բնորոշ է բնակչության կրկնապատկում մոտավորապես 2 դարում, քանի որ բնակչության շուրջ 80%-ը սնունդը ստանում էր հողից, և եթե Եվրոպայում բնակչության թվի աճի միջին գործակիցը 17-րդ դարի առաջին կեսին 0,02 % էր⁷⁶¹, ապա մեր պարագայում բռնագաղթի ենթարկված Արարատյան դաշտի հողային ռեսուրսների առատության և Ամիրգունա խանի տնտեսական շահագրգուծության պայմաններում բնական աճն անհամեմատ ավելի բարձր պետք է լիներ՝ մղելով տեղական բնույթի ժողովրդագրական պայթյունի: Մեր առաջ քաշած դրույթը հաստատվում է Վրաստանի օրինակով: Ըստ թուրք պատմիչ Նահմայի՝ վրաց բռնագաղթից մի քանի տարի անց շահը իրամայում է, որ Վրաստանում ամեն մարդ իր տունը նորոգի և արտը մշակի, սերմացու չունեցողներին այն փոխ տրվի պետական գանձարանից՝ 3 տարով ազատելով պետական տուրքերի վճարումից. «Լեռներում և դաշտերում ցրված վրացի ռայաները նորից հավաքվեցին և... երկիրը շենացրին», իսկ պարսկական վերնախավում երկ-

⁷⁶⁰ Տե՛ս Բառ Մ., նշվ. աշխ., էջ 41-44:

⁷⁶¹ Տե՛ս նոյն տեղում, էջ 18-19, 22-23:

յուղ առաջացավ «վրացիների շատությունից»⁷⁶²: Ինչպես նշել ենք սույն աշխատանքի առաջին ենթագիտում, 1631-1640 թթ. Հայաստանում ընտանիքի անդամների միջին թիվն աճել է մոտ 8 %-ով, ինչը պետք է պայմանավորված լիներ նախորդող մեկ և կես տասնամյակներին Արևելյան Հայաստանում Ամիրգունա խանի ժողովրդագրական քաղաքականությամբ և մի շարք այլ գործոններով:

Ամիրգունա խանի վարած քաղաքականության պայման-ներում կարևոր է հասկանալ հայոց վերնախավի գործողություն-ները: Սաղմոսավանքում գրված Կոնդակի 1623 թ. հիշատակա-րանում Մինաս գրիչը կաթողիկոս Մովսես Տաթևացուն բնորո-շում է որպես փրկության ու լուսի խորհրդանիշ «ի մէջ հայկա-զան սեռիս» և գրում, որ Ամիրգունա խանի ծանր լծից հայ ժողո-վուրդը վշտագին տառապանք է տարել, սակայն Մովսես վար-դապետն իր հնարամտության, համարձակության և հեղինակու-թյան շնորհիվ «նորոգէր զեկեղեցիս և ուղղէր զիսանգարեալ կարգս նորա ըստ կարի իւրոյ՝ ոչ պակաս քան զատւրս քրիստո-նէութեան»⁷⁶³: Գրիչը հաղորդում է նաև րաբունապետի՝ «ի վա-նորայս նահանգիս» շրջագայության և հանձնարարականներ տալու մասին⁷⁶⁴: Առաքել Դավիթիցին ևս փաստում է Մովսես Տաթևացու՝ Ամիրգունա խանի կողմից հարգված լինելու շնորհիվ փոփոխությունների հնարավորության մասին: Եսայի Հասան-Զալայանը 17-րդ դարի երկրորդ քառորդը և հետագա շրջանը բնութագրում է որպես հայոց աշխարհի և Էջմիածնի նորոգման ժամանակաշրջան⁷⁶⁵: Այս բնորոշումն ավելի որոշակի է դառնում

⁷⁶² Տե՛ս «Թուրքական աղբյուրներ», հ. Ա, էջ 89:

⁷⁶³ «Հայերեն ծեռագրերի ժեղարակարաններ», հ. Բ, էջ 97:

⁷⁶⁴ Տե՛ս նույն տեղում:

⁷⁶⁵ Տե՛ս Եսայի Հասան-Զալայեան, Պատմութիւն յաշխարհին Աղուանից, Յերու-սաղէմ, 1868, էջ 15: Շարիի Սաղիան գյուղում ընդօրինակված ժամագիրը-Աղո-

Մովսես Տաթևացու կաթողիկոսության շրջանում: ԼՎՈՎՈՒՄ գրված ժողովածուի 1631 թ. հիշատակարանում Սիմեոն գրիչը գովերգում է Մովսես Տաթևացուն՝ նշելով, որ «բազում կարգաւորութիւնս արար սա ի սբ. Էջմիածին, և բոլոր Հայաստանս՝ աշխարհս Հայոց»⁷⁶⁶:

Հովհաննավանքում գրված ժողովածուի 1631 թ. ընդարձակ հիշատակարանում Ղուկաս գրիչը մանրամասն ներկայացնում է Մովսես Տաթևացու գործունեությունը և գրում, որ նրան նախորդող՝ աթոռակիցներով գահակալող կաթողիկոսների օրոք «առեալ զկաշառս թոյլ տային ազգականաց ընդ իրեարս խառնիլ անաւորէն ամուսնութեամբ»⁷⁶⁷, ինչը կարող էր թելադրված լինել ժողովրդագրական իրավիճակով: Գրիչը մեկ այլ հետաքրքիր տեղեկություն է հաղորդում հայ գերիների նկատմամբ Մովսես Տաթևացու առանձնակի վերաբերմունքի մասին. «Արդարս գրեթե յորմէ հետէ մտեալ է սայ ի յիշխանանիստ քաղաքն յԵրևան աւելի քան հազար գերի քրիստոնէից ազատեալ է ի ձեռաց այլազգաց»⁷⁶⁸: Բուռն եկեղեցաշինություն է ծավալվել Աստապատում, Ագուիսում, Մեղրիում, Շոռութում, Շնիերում, Գետաթաղում, Աղինջում, Բիշանակում (Բջնաղում), Բիստում և այլուր⁷⁶⁹: 1620 թ. Ս. Էջմիածնին հաջողվել է Ամիրգունա խանից

թամատույցի 1636 թ. հիշատակարանում Զովկ տանուտերը խոսում է Աղվանից կաթողիկոսության տարածքում ևս եկեղեցիների շինարարության և դպրոցի բացման մասին (տե՛ս «Հայերեն ձեռագրերի ժԵ դարի հիշատակարաններ», հ. Բ, էջ 859-860):

⁷⁶⁶ Նոյն տեղում, էջ 409:

⁷⁶⁷ Նոյն տեղում, էջ 427:

⁷⁶⁸ Նոյն տեղում, էջ 429-430:

⁷⁶⁹ Տե՛ս Հասրաթյան Մ., Աստապատի վանքի ճարտարապետական համալիրը, «ՊԲՀ», 1975, թ. 1, էջ 126-138; Այլազան Ա., Սյութեր Նախիջևանի պատմական գյուղերի տելադրության և պատմական հուշարձանների վերաբերյալ, «ՊԲՀ», 1972, թ. 2, էջ 266; Նոյնի, Գողթն գավառի Բիստ ավանի ճարտարապետական հուշարձանները, «ՊԲՀ», 1978, թ. 1, էջ 283-289; «Հայերեն ձեռա-

Ես ստանալ Վաղարշապատի հողերը: Էջմիածնի վանքին Հակոբ Դ Զուրայեցու օրոք (1655-1680) աղբեն պատկանում էր 23 գյուղ Արարատյան դաշտում⁷⁷⁰: Ակտիվ աշխատանքներ են տարել նաև հայ խոջաները, որոնք Հայ առաքելական եկեղեցու միջնորդությամբ մասնակցել են գերեվարված հայերի փրկագնմանը, ինչպես նաև նպաստել են վանքապատկան հողերի ետզընմանը և վերադարձին: Երևանցի խոջա Սեթի որդի խոջա Հակոբն ունեցել է հողեր՝ Յայջի, Նորագյուղ, Գյոլքյանդ (այժմ՝ Լիճք, <<Գեղարքունիքի մարզ>), որոնք 1648 թ. վերադարձվել են եկեղեցուն⁷⁷¹: Մովսես Գ Տաթևացու, Փիլիպպոս Ա Աղբակեցու

գրերի ժէ դարի հիշատակարաններ», հ. Բ, № 1000, էջ 683-684: Սյունիքի համար Առաքել Դավիթիցին 1620-ական թթ. նշում է, որ «բուն Հայաստան է, վանօրայք, և գեղօրայք, և ժողովուրդը քրիստոնէից բազումք գոն» (ընդգծումը մերն է - Ս.Ս.)...» (Առաքել Դավիթիցին, էջ 239): 1640-1660-ական թթ. Եկեղեցիների վերաշինուամբ նկարագրելիս պատմագիրը թվարկում է Դարաշամբ, Աստապատ, Արաքը, Մեղրի, Մակո, Մուղնի, Ուշի, Օշական, Բջնի, Աշտարակ գյուղերը, Երնջակ գավառը և Երևան քաղաքը. «Կան և այլ բազում վանօրայք նորոգեալ, և բազում եկեղեցիք ի հիմանց նոր շինեալք՝ ի քաղաքն Տիֆիսի, և ի գաւառն Լոռոյ, և յաշխարին Արարատու, ի գաւառն Սիսակայ, և յաշխարին Դափանայ, ի քաղաքն Նախշուան, և ի գեղօրայս նորա. որպէս չքնար և մեծաշուր և վայելուց եկեղեցին Աստապատու, և քաղաքին Նախշուանու, և Ճակկայ գեղին, և Շահկերտու գեղին և Գաղ գեղին, որը շինեցան յաւուրս տեառն Յակովայ կաթոլիկոսին. և Ծոփօթու եկեղեցին, և Ազուեաց վանքն ի գեղի չորս եկեղեցին, և Թարվիզու քաղաքի եկեղեցին, և Դարաշամբայ եկեղեցին, և Ցղնոյ եկեղեցին...» (Առաքել Դավիթիցին, էջ 286; տե՛ս նաև էջ 239, 287-288):

⁷⁷⁰ Տե՛ս **Փափազյան Հ.**, Վանական կալվածների սեփականատիրական իրավունքի մի քանի առանձնահատկություններ (XV-XVIII դդ.), «Բանբեր Մատենադարանի», թ. 10, Երևան, 1971, էջ 241-243:

⁷⁷¹ Տե՛ս **Փափազյան Հ.**, Շարիաթական իրավական նորմերը և հողի ֆեռալական սեփականության հարցը Արևելքում, «ՀՀԳ», 1966, թ. 12, էջ 22-34: 1644 թ. շահ Արա Բ-ի և 1649 թ. Քեյխսորով խանի հրովարտակներով ամրագրվել է Մայր Աթոռի սեփականությունը Վաղարշապատու, Օշականում, Զորագյուղում, Նորքում և Շիրաբաղում (տե՛ս **Թորոսյան Հ.**, Էջմիածնի վանական հողատիրությունը և նրա առանձնահատկությունները (16-18-րդ դդ.), «Հայոց պատմության հարցեր», հ. 2, Երևան, 2001, էջ 41-50; **Վիրաբյան Ա.**, Երևանի խանության վանական տնտեսությունը և հարկային համակարգը Զաքարիա Քանաքեցու լուսարանմամբ, «Հայոց պատմության հարցեր», հ. 12, Երևան, 2011, էջ 108-123):

և Հակոբ Դ Զուղայեցու գործունեությունը փոխկապակցված էին ժողովրդագրական գործընթացների հետ և դրականորեն էին ներազդում դրանց վրա, սակայն դժվար է նրանց գործունեությունը ժողովրդագրական քաղաքականություն անվանելը:

Չնայած տեղի ունեցող որոշակի դրական տեղաշարժերին, ժողովրդագրական գործընթացների վրա շարունակում էր ահոելի ազդեցություն ունենալ ռազմաքաղաքական անկայուն իրադրությունը: 1620-ական թթ. Երկրորդ Կեսին Էրզրումի նահանգի հայ բնակչության անդորրը խաթարվել է Աբազա փաշայի ելութով: 1627 թ. մի հիշատակարանում գրված է, որ Խայլի փաշան Աբազա փաշային չի կարողացել գերել, Բասենն ու Էրզրումն ավերել է, և քաղաքների միջև մարդկանց երթևեկը խաթարվել է⁷⁷²: 1629 թ. Բասենի Հասան-կալա գյուղաքաղաքում գրված հիշատակարանում Մարգար Երեցը նոյնպես նշում է, որ Աբազա փաշայի դեմ ուղարկված Խայլի փաշան, չկարողանալով գրավել Էրզրումը, «զաշխարհս աւերեաց ի թալան, ի սուր սուաերի, ի գերութիւն վարեց՝ զեզընկան, Առզրում, Բասեն, Թորթում և այլ գաւառք, և գնաց ի Թալիսաթ»⁷⁷³: Մ. Զուլյայանը Աբազա փաշային համարում է ջալալիական շարժումները շարունակող⁷⁷⁴: Սակայն Վ. Հակոբյանն իրավացիորեն նրան չի համարում ջալալի այն իմաստով, որով բնորոշվում են 16-րդ դարի վերջի և 17-րդ դարի սկզբի ջալալիները⁷⁷⁵, քանի որ Աբազան թալանչիական և ասպատակիչ գործունեությամբ աչքի չի ընկել, և հայ հեղինակները նրա մասին դրական են խոսում՝ գոնե մինչև Էրզրումում Աբազայի վերջնական պաշարումը, երբ նա ստիպված է եղել լրացուցիչ հարկեր գանձել հայ բնակչությունից:

⁷⁷²Տե՛ս «Հայերեն ծեռագրերի ժեղարի հիշատակարաններ», հ. Բ, էջ 256:

⁷⁷³Նոյն տեղում, էջ 326-327:

⁷⁷⁴Տե՛ս Զուլյայան Մ., Ջալալիների շարժումը..., էջ 191-216, 220:

⁷⁷⁵Տե՛ս «Հայերեն ծեռագրերի ժեղարի հիշատակարաններ», հ. Բ, էջ է:

1630-ական թթ. ռազմական գործողությունները Հայաստանում նոր թափ են ստանում: 1630 թ. մի հիշատակարանում վկայվում է Վանի Ալի փաշայի կողմից Նախիջևանից ավարի և գերիների՝ Վան բերելու, այնուհետև, ի պատասխան, պարսից բանակի կողմից Արճեշի գավառից կրկնակի ավելի շատ գերիներ տանելու մասին⁷⁷⁶: Խիզանի Թագու գյուղում և Վարագավանքում ընդօրինակված Ոսկեփորիկի 1630 թ. հիշատակարանում գրված է. «Յանկարծ շարժեցաւ օսմանլուն, ի Վանայ գնաց ի Նաղչուանայ երկիր. քանդեցին, ալիրեցին, զառ ու գերին բերին ի Վան, ի Մահմտանք. ի Բերկրի, ի յԱրճէշ, ի Պաղէշ ԴՌ (4000), ԵՌ (5000) հարիւր գերի բերին, թող ոչխար ու տաւար: Սուլ փարթալ աւաղ աւաղ զՀայոց ազգիս ի գերել Տաճկաց»⁷⁷⁷: Վարագավանքում ընդօրինակված Սալմոսարանի 1630 թ. հիշատակարանում այս դեպքերի առնչությամբ գրված է, որ «զաղէտ և զկըսկիծ տառապանաց և զտարակուանաց ազգիս Հայոց... զի ամով մի առաջ քան զգչութեան սորա, ելին ազգն Պարսից և դիմեցին ի վերա Վանայ և յաւար առին գերկիրն Խոշշաբայ, զմարդիկք սպանանելով և զկին և զտղայ գերի վարելով, զիայ և զըքուրտ. և զթիւ արանց սպանելոց և զգերելոցն չկարացաք իմանալ և կամ ընդ գրով արկանել, զի անմարդի և անբնակ արարին ի մարդոյ և յանասնոյ, և գերեալքն ամեներեան կորեան և ոչ դարձան ի յետ. զի զգերիս ոչ ծախէին (ընդգծումը մերն է – Մ.Մ.) ազգն Պարսից, այլ յազգն իրեանց խառնելով զամենեսեան կորուաեցին»⁷⁷⁸: Ի պատասխան այս գործողություններին՝ Վանի փաշան գրչության տարրում ներխուժել է Սյունիք՝ «ըլպանանելով զիայս և գերի վարելով զկին և զտղայս նոցա, աւերելով

⁷⁷⁶ Տե՛ս «Հայերեն ծեռագրերի ժԷ դարի հիշատակարաններ», հ. Բ, էջ 385-386:

⁷⁷⁷ Նոյն տեղում, էջ 388:

⁷⁷⁸ Նոյն տեղում, էջ 396:

և թալանելով դարձան ի Վան»⁷⁷⁹: Ընդգծված հատվածից կարելի է հասկանալ, որ պարսկաների կողմից գերեվարված հայ բնակչությունը վերաբնակեցման էր Ենթարկվում, թեև մի շարք այլ աղբյուրներում խոսվում է նաև հայ գերիների վաճառքի մասին:

Հայ բնակչությունը տուժել է ոչ միայն 1630-1631 թթ. զանգվածային գերեվարություններից, այլև բուն պատերազմական գործողություններից: Ծարի վանքին նվիրաբերված մի Քարոզգործի 1631 թ. հիշատակարանում ասվում է, որ Երևանի բերդի մոտ շահ Սեֆիհի՝ օսմանյան բանակի դեմ մղած մարտերի ժամանակ «բարի շատ քրիստոնայք կորեցան թվին ՌԶ (1631)»⁷⁸⁰: Հայ բնակչությունը օգտագործվել է նաև որպես օսմանյան բանակի աշխատութ: Վանում գրված Ոսկեփորիկի 1634 թ. հիշատակարանում գրիչ Գրիգոր քահանան, անձնապես մարմնական պատիժներ կրելով պատերազմական գործողությունների ժամանակ գործադրվող կտտանքներից, վկայում է Ռուսական 30 հազարանոց բանակի ասպատակությունները Վանում: «Եւ խիստ չարչարէին զտառապեալ ազգն քրիստոնէից, ի պարիսպն, ի խանդակ փորելն. և զորս ի քաղաքն զտանէին բազում չարչարանք տային: Եւ... եկեալ գտին զիս և զականջս կտրեցին...»⁷⁸¹: Դատվան գյուղաքաղաքում ծեռագրի ստացման 1635 թ. հիշատակարանում ներկայացված է, որ 1634 թ. օգոստոսի 11-ից մինչև հոկտեմբերի 14-ը «բազում քրիստոնեայք սպանեցին, բազումք գերեցին, զՎանայ Երկիրն՝ զգեղորայքն և զվանորայքն զամէն քակեցին և քանդեցին, զքաղաքի այգեստարն (իմա՝ Այ-

⁷⁷⁹ «Հայերեն ծեռագրերի ժեկ դարի հիշատակարաններ», հ. Բ, էջ 396: Վարագավանքում և Լիմում 1631 թ. գրված հիշատակարանում գրիչ Մովսես քահանան հաղորդում է, որ ծեռագիրը գրել է «ի դառն ժամանակիս, որ Վանայ դուզ ու փաշէն գնացին ի Ղափանստոն, գերի բերին բազում կին և տղայ, բերին ի Վան, զամենայն Վանայ մարդն գնեաց և յեսու դառձուց» (Նոյն տեղում, էջ 460):

⁷⁸⁰ Նոյն տեղում, էջ 443:

⁷⁸¹ Նոյն տեղում, էջ 569-570:

գեստանը – Մ.Մ.) զամէն կոտորեցին: Եւ զգերեզմանատուն Հայոց Ռ (1000) ճօն նալմ զարկին, և յոմանց լուայ թէ ԿՌ (60000) է. և բերին հասուցին զնաղմն ի տակն պարըսպին: Եւ ազգս, որ ի մէջ քաղաքին էին, բազում տանջանաց մէջ էին՝ գիշերն զբադանն պահել տային և ցէրէկն զիսանդակն փորէին...: Քաղը և ծարաւ, մերկ և բոկիկ կային ամենեքեան...»⁷⁸²:

1634-1635 թթ. օսմանյան սովթան Մուրադ Դ-ն (1623-1640) վճռական արշավանք սկսեց Սեֆյանների դեմ և մահապատժի ենթարկեց խառնակ իրավիճակում հայտնված փոքրասիական վարչամիավորների մի շարք պաշտոնյաների, ինչպես նաև ավազակային գործողություններով աչքի ընկած թուրքմենական ցեղախմբերի մի քանի առաջնորդների⁷⁸³: Բաղդադ արշավելու ճանապարհին մինչև Դաելի Գարահիսարում բանակելը սովթանը տեսնում է սակավամարդ տարածություն և հրամայում Կոստանդնուպոլիսից այստեղ տեղափոխել վերաբնակիչներին, որոնց մեջ բնականաբար ամենամեծաթիվը հայերն էին⁷⁸⁴: Սովթանի այս հրամանը գյուղատնտեսության վերականգնմանը և հարկային մուտքերի ավելացմանն էր ուղղված⁷⁸⁵: Այս հրամանի մասին հիշատակություններ կան հայկական բազմաթիվ սկզբնադրյուրներում: Առաքել Դավիթեցին նշում է, որ 1635 թ. մայիսի 14-ին Մուրադ սովթանը «սուրգուն արար... Հայոց, Հոռոմոց, և Տաճկաց»,⁷⁸⁶ Կոստանդնուպոլիսում 1635 թ. գրված հիշատակարանում Հակոբ դպիր Ակնցին հաղորդում է, որ սովթան Մուրադը պարսիկների դեմ արշավելիս «տեսեալ զերկիրսն սակա-

⁷⁸² «Հայերեն ձեռագրերի ժԷ դպիր հիշատակարաններ», հ. Բ, էջ 613-614:

⁷⁸³ Տե՛ս «Թուրքական աղբյուրներ», հ. Բ, էջ 155-156:

⁷⁸⁴ Տե՛ս Ալպօյաճեան Ա., Պատմութիւն հայ Կեսարիոյ, էջ 643:

⁷⁸⁵ Տե՛ս Խառատյան Ա., նշվ. աշխ., էջ 61-71:

⁷⁸⁶ Առաքել Դավիթեցի, էջ 483: Տե՛ս նաև «Մանր ժամանակագրություններ», հ. 1, էջ 340; Սիմեոն Լեհացի, էջ 378-379:

լամարդս և հարցեալ տեղեկացեալ, եթէ յԱստըմպօլ են ժողովեալ, և առաքեաց հրաման ի տեսուչն Ըստըմպօլայ, որ թէ՛ հայ, թէ՛ յոյն, թէ՛ տաճիկ, որք Եկեալ են յարևելից կողմանէ զամենեսեան զնոսա փութով ի տեղիս իրեանց առաքեսցէ», սակայն արհեստավորական զանգվածի մի մասը մայրաքաղաքի պարսպի շինարարության պատրվակով մնացել է տեղում⁷⁸⁷: Բայրամ փաշան մայիսի 19-ից իրագործել է հրամանը և «զամենեսեան արսորեաց ի քաղաքէն գեկեալսն յարևելից կողմանէ և ցրուեաց ընդ երեսս երկրի...: Որ ոմանք ի լերինս և ոմանք ի գեղորէս, ոմանք ի ծերապս վիմաց և ոմանք հետիյոտս շրջելով մինչ զի դադարք գտանիցեն...»⁷⁸⁸: Այս վկայությունը ցույց է տալիս վերաբնակեցման անկանոնությունը:

Հակառակ պատկերն է գրանցվում օսմանյան բանակի՝ Արևելյան Հայաստան ներխուժելուց հետո: Մարտիրոս քահանան Օրդուրիադի Փառակա գյուղում 1638 թ. ընդօրինակած ծեռագրի հիշատակարանում հաղորդում է, որ 1635 թ. օսմանյան զորքերի կողմից Երևանի պաշարման ժամանակ Արարատյան երկրից «ոմանք փախուցեալ ի լերինս և բլուրս շրջէին, ոմանք ի խորափիստ վիմաց և... այլք ի գլուխ բարձրաբերձ լերանց ելեալ խորշակահարք և կիզեալք ի տօթոյ արեգականն, զի թերևս կարիցեն զինքեանս ապրեցուցանել»⁷⁸⁹: Գրիչը շարունակում է, որ սովորանի նահանջող զորքերից հետո սուննի մահմեդականներին ժողոված Շապան անունով մեկը հարձակվում է Նախիջևանի գավառի վրա, «զոմանս սրախողիսող արարեալ և զայլսն ծերբակալ արարեալ հանդերձ աւարօ առեալ էանց ի Կարնոյ քա-

⁷⁸⁷Տե՛ս «Հայերեն ծեռագրերի ժէ դարի հիշատակարաններ», հ. Բ, էջ 593: Հակոբ Ակնշին 1637 թ. հիշատակարանում նույնությամբ կրկնում է այս տեղեկությունը (տե՛ս նոյն տեղում, հիշ. № 1004):

⁷⁸⁸Նոյն տեղում:

⁷⁸⁹Նոյն տեղում, էջ 741-742:

ղաք...»⁷⁹⁰: Երևանի բերդի գրավումից հետո սովորական անցել է Երասխը և շարժվել հարավ, որտեղ դենքելի և այլ աշխրեթներից մյուս կողմն է փոխադրել մոտ հազար օրա (քոչվորական ընտանիք՝ հրամայելով բնակեցնել նրանց Երզնկայի, Դերջանի և Բասենի «անմարդաբնակ ու ավերված վայրերում»⁷⁹¹: Այնուհետև սովորականը քանդել է Չորսի, Խոյի, Մարանդի բերդերը, հրամայել ծառերը կտրել և այգիները փչացնել⁷⁹²: Հատկանշական է, որ Երևանի գրավումից հետո Թավրիզ արշավելիս օսմանյան բանակը տեսել է, որ Խոյի դաշտի 10 գյուղերի բնակիչներ փախել են, և իր ճարակ են դարձրել դրանք⁷⁹³: Քյաթիր Չելեբին, հենվելով Շարաֆ խանի տեղեկությունների վրա, դենքելի աշխրեթը դաշտաբնակ է համարում և գրում. «Երբ 1045 (1635) թվականին... օսմանյան սովորական Մուլիադ խանը, գրավելով Երևանը, ուղղվել է դեպի Թավրիզ և իջևանել Արաս (Երասխ – Մ.Մ.) գետի ափին, Դենքելի աշխրեթից 500 տուն, Շարուրի նահիյեի բնակիչներից մոտ 300 տուն և Փեսիանի հասարակությունից որոշ քանակությամբ տներ [սովորականից] յուրթ էին խնդրել: Այս պատճառով Դենքելի [աշխրեթը] տեղափոխվեց Երզնկայի սանշակը, Շարուրի ռայաները՝ Թերջանի կազան, իսկ Փեսիանը՝ Բասեն: Հրաման տրվեց նաև այդ աշխրեթներին տեղավորել և վերաբնակեցնել ավերակ վայրերում և անբնակ գյուղերում: Մովքեր ունեցողներին տրվեցին սանշակ և Էմիրություն, իսկ աշխրեթի Երևելիներին՝ առանձին թիմարներ և զեամեթներ»⁷⁹⁴: Փաստորեն, 1635-1636 թթ. թուրք-պարսկական պատերազմական գործողություն-

⁷⁹⁰ «Հայերեն ձեռագրերի ժեւ դարի հիշատակարաններ», հ. Բ, էջ 742: Գրիչը տեղեկացնում է նաև, որ Երևանի հայ բնակչությունը զոհեր է ունեցել պարսկական բանակի կողմից Երևանի պաշարման և ետքրավման ժամանակ:

⁷⁹¹ «Թուրքական աղբյուրներ», հ. Բ, էջ 110-111:

⁷⁹² Տե՛ս նոյն տեղում, էջ 111:

⁷⁹³ Տե՛ս նոյն տեղում, էջ 161:

⁷⁹⁴ Նոյն տեղում, էջ 39:

Ներն ուղեկցվել են ոչ միայն հայ բնակչության միգրացիոն գործնքացներով, այլև օտար էթնիկական տարրի՝ Հայաստանի կենտրոնական շրջաններում վերաբնակեցմամբ:

1635 թ. և հաջորդող տարիներին պատերազմական գործողությունների արհավիրքների մասին հիշատակություններ կան բազմաթիվ սկզբնաղբյուրներում: Ըստ Առաքել Դավիթեցու՝ Երևանի համար 1635-1636 թթ. մղված թուրք-պարսկական մարտերն ահավոր ավերածությունների հանգեցրին Երևանում, Էջմիածնում և Արարատյան կուսակալության գավառներում⁷⁹⁵: Հաճախակի է թալանի նկարագրությունը: Ըստ մի հիշատակարանի՝ 1636-1637 թթ. սովորան Մուրադը «արար բազում աւար ի գաւառս Հայոց»⁷⁹⁶, իսկ Շամախիի Սաղիան գյուղում 1636 թ. գրված հիշատակարանի համաձայն՝ նոյն թվին Երևանի համար մարտերից հետո «Էն որ կոչի ուզու, դարձան ի սարերուն, և անկան ի վերայ գեօրգրէցն և թալանեցին, և բազում աերութիւն արարին...»⁷⁹⁷: Պատերազմական գործողություններում օգտագործվել է նաև հայ բնակչության ներուժը: Գողթան գավառում գրված Շարակնոցի հիշատակարանում ասվում է, որ 1636 թ. շահ Սեֆիի՝ Երևանի ուղղությամբ պատասխան արշավանքին մասնակցել են «բազում արս քրիստոնէից»⁷⁹⁸: Շարունակում են հանդիպել արտագաղթի և գերեվարությունների հիշատակություններ: Օտարության մեջ 1637 թ. Ավետարան նորոգող Ստեփանոս Երեցը հաղորդում է, որ ինքը Թալին գյուղից է, հարազատներից զրկված է, ունեցվածքը՝ թալանված, որովհետև օսմանյան բանակը «զմեզ արմատախիլ արար ի բնական գաւառէն

⁷⁹⁵ Տե՛ս Առաքել Դավիթեցի, էջ 260-261:

⁷⁹⁶ «Հայերեն ձեռագրերի ժէ դարի հիշատակարաններ», հ. Բ, էջ 680:

⁷⁹⁷ Նոյն տեղում, էջ 860:

⁷⁹⁸ Նոյն տեղում:

մերմէ և ի հայրական ժառանգութենէ»⁷⁹⁹: Գրիգոր Դարանաղջին էլ ներկայացնում է զանգվածային գերեվարության մի դրվագ. «Դարձեալ յայսմ եւ թուին ՌԶԷ (1638) կրկին զԵրևան և զշրջակա գաւառքն գերեցուց տաթարն, այլ յորժամ թագաւորն գնաց անհուն օրօք դեպի կողմն Պաղտատու, հրաման արար տաթար խանին ամենայն օրօքն գնալ ի յԱրզուում, իսկ տէր Արգրումին Քենան փաշան գօրագլուխ լիցի ամենայն օրաց ընդ հաւաքելոցն, զի միաբանութեամբ գնասցին ի վերայ Երևանու գաւառցն և գերեցեն առհասարակ զամենայն հայք և զտաճկահաւատսն, և զամենայն անասունք զորս գտցեն՝ յաւարի առցեն, որպէս և արարին իսկ»⁸⁰⁰:

Շազմական գործողությունների ժամանակ հաճախ են հանդիպում հացահատիկի թանկացման մասին հիշատակությունները: 1635 թ. Մշո Ս. Կարապետ վանքում (Գլակավանքում) գրված հիշատակարանում Կարապետ գրիչը գանգաւում է հացի թանկացումից⁸⁰¹: Նոյն կերպ Բասենի Պատիժվան գյուղում 1636 թ. գրված հիշատակարանում Մկրտիչ Երեցը խոսում է Վանի նահանգում գարու թանկացման մասին⁸⁰²:

Բաղդադի գրավումից հետո՝ 1639 թ. մայիսի 17-ին, Կասրե Շիրինի մոտ օսմանյան Զեհար (Զուհար) գլխավոր շտաբում օսմանյան մեծ վեզիր Քեմենքեշ Կարա փաշան և պարսից դես-

⁷⁹⁹ «Հայերեն ձեռագրերի ժէ դարի հիշատակարաններ», հ. Բ, էջ 704:

⁸⁰⁰ Գրիգոր Դարանաղջի, էջ 578: 1630-ական թթ. Էվլիյա Չելերին նշում է, որ Ստամբուլի Թավուք-բազար թաղամասում էսիր-բազար (ստրկվների շուկա) անոնվ ստրկավաճառական շուկա կար, որտեղ ստրկավաճառների թիվը մոտ 2 հազար էր (տե՛ս «Թուրքական աղբյուրներ», հ. Գ, էջ 36): Այս ահեղի թիվը հնարավորություն է տալիս հասկանալ, որ Օսմանյան կայսրությունում ստրկավաճառությունը, որ սննդվում էր պատերազմների ժամանակ զանգվածային գերեվարություններից, ահեղի ծավալների էր հասել:

⁸⁰¹ Տե՛ս «Հայերեն ձեռագրերի ժէ դարի հիշատակարաններ», հ. Բ, էջ 627:

⁸⁰² Տե՛ս նոյն տեղում, էջ 639:

պան Սարուխանը հաշտության պայմանագիր կնքեցին⁸⁰³: Արանով Օսմանյան կայսրության և Սեֆյան Պարսկաստանի միջև տևական խաղաղություն հաստատվեց տարածաշրջանում⁸⁰⁴:

Այսպիսով, ավարտվում է թուրք-պարսկական պատերազմների շրջանը և կես դարյա ժամանակահատվածը, որն արհավիրք դարձավ Հայաստանի զարգացման ճանապարհին: 1640-ական թթ. պահպանվում է պատերազմների հետևանքների զգալի ազդեցությունը ժողովրդագրական գործընթացների վրա, որոնց առանձին դրվագներ ներկայացված են սույն աշխատանքի հաջորդ ենթագլխում:

2.5. Էթնոժողովրդագրական գործընթացները և բնակչության տեղաբաշխման ընդհանուր պատկերը (առանձին վարչամիավորների օրինակով)

17-րդ դարի առաջին կեսին թուրք-պարսկական պատերազմների ժամանակ էթնոժողովրդագրական տարրեր հարցերի արդեն անդրադարձել ենք աշխատանքի նախորդ ենթագլուխներում: Այժմ ներկայացնենք նշված ժամանակահատվածում Հայաստանի տարրեր շրջաններում էթնիկական տեղաշարժերը

⁸⁰³ Տե՛ս «Թուրքական աղբյուրներ», հ. Բ, էջ 114; **Mantran R.**, Storia dell'impero ottomano, Lecce: Argo, 1999, էջ 256:

⁸⁰⁴ Հետաքրքիր է, որ թուրք-պարսկական պատերազմներից զատ հայ բնակչությունը 1620-ական թթ. տուժել է նաև ոռա կազմելու և վրացական բանակի հարձակումներից: Այսպես, Մարզվանում ընդորինակված Բժշկարանի 1626 թ. հիշատակարանում ստացող նշում է, որ նախկինում բնակվել է Սամսունում, և ուսանելու ավերիչ արշավանքից հետո ստիպված են եղել զանգվածներով տեղաշարժվել Մարզվան (տե՛ս «Հայերեն ձեռագրերի ժեղարի հիշատակարաններ», հ. Բ, էջ 205): Դադիվանքում 1626 թ. հիշատակարանում Վարդան երեցը հաղորդում է, որ վրաց բանակը Գանձակում պարսկական կայազորի դեմ արշավելիս ասպատակել է Գետաշենը, գերեվարել «հայը և թուրք ի միասին. և զետես անկետան զոմն սպանին, զոմն վիրատրեցին և բազում գերի տարան որ անթի, շատ աւերս ած ի վերայ աշխարհիս» (նոյն տեղում, էջ 206):

և կրոնադավանական փոխակերպումները՝ փորձելով վերհանել Հայաստանի էթնոժողովրդագրական ընդհանուր բնութագիրը:

Սկզբնադրյուրներում մեծ թիվ են կազմում Հարավային Հայաստանում քրդական իշխանությունների մասին հիշատակությունները: Դրանց մեջ առանձնակի տեղ են գրավում օսմանյան կենտրոնական իշխանությունների շահերը ներկայացնող փաշաների հետ, ինչպես նաև միմյանց միջև բախումների նկարագրությունները: Խիզան քաղաքում ընդօրինակված Շարակնցի 1601 թ. հիշատակարանում Սարգիս քահանան գրում է, որ 1600-1601 թթ. Վանի Ահմադ փաշան արշավում է Բաղեջի Շարաֆ խանի դեմ, որին օգնության է գալիս փեսան՝ Հզու քաղաքի Մահմատ բեկը: Խանի և նրա որդու սպանությունից հետո Ահմադ փաշան հեռանում է Վան, և անտերության պայմաններում «հեռացեալ բնակիչք նորա յամենայն տեղիս... և աստ ի քաղաքս Հիզան շատը և բազումք եկին յամենայն երկրէ և քաղաքէ, որ և եղև սղութիւն և պակասութիւն ամենայն իրաց», և հացահատիկի գինն էլ մի քանի անգամ բարձրացել է⁸⁰⁵: Ամիդում գրված ձեռագրի 1604 թ. հիշատակարանում գրիչ Բարսեղ Վարդապետը միջքրդական բախման կապակցությամբ հաղորդում է, որ 1603 թ. «անօրէն քուրդն Բաղիջու նենգութեամբ սպանեալ զպարոն իւրեանց՝ Խալաֆ խան կոչեցեալ, որ էր յոյժ ողորմած և իրաւարար ի վերայ քրիստոնէից, որ և յայն սակս սպանաւ Բ (2) որդովն՝ Ուղիփան պեկին և Բաղր պեկին: Եւ քազում սուք ածին երկրին Բաղիջու, և երկրիս Տարօնոյ»⁸⁰⁶:

Բիթլիսի քուրդ իշխողի կողմից քրդական մյուս իշխանությունների նկատմամբ գերիշխող դիրք հաստատելու ցանկությունն արտացոլվում է նաև այլ հիշատակարաններում: Ավըն-

⁸⁰⁵ Տե՛ս «Հայերեն ձեռագրերի ժԷ դարի հիշատակարաններ», հ. Ա, էջ 43-44:

⁸⁰⁶ Նոյն տեղում, էջ 154-155:

դանց գյուղում և Խիզանում 1618 թ. գրված հիշատակարանում գրիչը գանգատվում է մահմեդականների միջև մարտերից. «Զի անցեալ տարին պիղծ Միր Շարաւ առաքեաց զօրս իւր ի յերկիրս մեր, բազում չարիս գործեցին, թալան և թաղթան արարին»⁸⁰⁷: Հեղինակն ականատեսի աչքերով նկարագրում է իր հարազատ եկեղեցու թալանումն ու ավերումը, սրբությունների գերեվարումը, հոգևորականների տանջանքները, բռնի մահմեդականացման փորձը: Ի վերջո, գրիչն առանց ունեցվածքի տեղափոխսվել է Խիզան⁸⁰⁸: Բաղեցի քրդերի գործողությունները երբեմն ստիպել են Վանի փաշային պատժիչ արշավանքներ կազմակերպել նրանց դեմ, ինչպես օրինակ՝ 1622 թ.⁸⁰⁹:

Քուրդ բեյերից շատերը (Սալմաստի բեյ Ղազին, նրա եղբայրներ Կոչի բեյն ու Սեյֆեդինը, Միրիմաշա օղլի շեյխ Հեյդարը, Նախիջևանում օգնած Ալանդին բեյի ուժերը, Մակով տիրակալ Մուստաֆա բեյի վաշտը, Ձեյնալ բեյի վաշտը, Ալաշկերտի Կըլըզ բեյի վաշտը, Բարկուշատի բեյ Ֆերեհ Զորի վաշտը) եղել են շահ Աբաս Ա-ի՛ Երևան արշավող զորախմբի կազմում⁸¹⁰: Փաստորեն, քրդական ցեղերի ներսում քաղաքական կողմնորոշման հարցում միանշանակ մոտեցում չկար. մեծ մասը սա-

⁸⁰⁷ «Հայերեն ձեռագրերի ժեղարի հիշատակարաններ», հ. Ա, էջ 647-648:

⁸⁰⁸ Տե՛ս նոյն տեղում, էջ 647: Ի դեպ, Վ. Հակոբյանը, մեջբերելով Սատենադարանի № 4126 ձեռագիրը (էջ 296թ), ծանոթագրում է, որ Միր Շարաֆը Բաղեցի քուրդ իշխողն էր, որին նախորդողի մասին 1591 թ. Գոնց վանքում մի հիշատակարանում գրվում է. «Ի բռնակալութեան քաղաքիս Շարաֆին. բայց զնեղութիւն, զոր այժմ հասուցանեն Հայոց ազգին, ոչ կարեմք գրով արկաներ»:

⁸⁰⁹ Տե՛ս «Հայերեն ձեռագրերի ժեղարի հիշատակարաններ», հ. Բ, էջ 71:

⁸¹⁰ Տե՛ս «Թուրքական աղբյուրներ», հ. Բ, էջ 86, 87: 1606 թ. մի հիշատակարանում ասվում է, որ օսմանյան բանակի կողմից Երևանի գրավումից հետո Մակով տութանը բերդը կամովին հանձնել է թուրքերին, «յետոյ Եկաւ քուրդն Սահմատրէկ՝ առեց աար Եւ գերի, սապանեց Երեց, Եպիսկոպոս, տանուտէր, կին Եւ տղայ գերի վարեց, խիստ անողորմ բաներ արեց, քաշեց զամենայն ոչխար, աւեր ածեց, ... յերկու յերկիր Եւ ջարդեցան ի դարիպութիւն» («Հայերեն ձեռագրերի ժեղարի հիշատակարաններ», հ. Ա, էջ 216):

տարում էր օսմանյան ուժերին, թեև քիչ չէին նաև Սեֆյաններին աջակցող տարրերը:

17-րդ դարի առաջին կեսի սկզբնադրյուրներում չեն դադարում քրդական ցեղերի տեղաշարժերի և ասպատակությունների մասին հիշատակությունները: Գրիգոր Դարանաղցին նշում է, որ 17-րդ դարի սկզբին քրդերը շարունակաբար ասպատակում էին և գերիներ տանում Բաղեշից, Արճեշից, Վանից և Ոստանից, հաճախ՝ նաև «զՊարսից տէրութեանն հայքն»⁸¹¹: Հալածանքների և ավազակային հարձակումների մասին հիշատակումներ առկա են նաև մի շարք հիշատակարաններում: Զմշկածագի Կարմիրվանքում ընդօրինակված Մաշտոցի 1623 թ. հիշատակարանում նշվում է, որ քուրդ աղայի հալածանքների պայմաններում «կու կողոպտեն զազգն քրիստոնէիցն, ևս առաւել զվանականքն»՝ մինչև իսկ հարկադրելով ցրվելու⁸¹²: 1631 թ. հիշատակարանում գրիչ Գրիգոր քահանան գրում է, որ հայո՞՛ Անտոնը, սպանվել է Բաբերդի գավառակում իր ուղեկից առևտրական խմբի հետ, և ավազակային հարձակումն իրականացրել է «Մարաց ազգն, որ է քուրդ»⁸¹³: 1635 թ. Երզնկայում, Դերջանում, Բասենում և Ալաշկերտում քրդական վերաբնակեցման մասին արդեն խոսել ենք նախորդ Ենթագլխում: 17-րդ դարի կեսին Վանա լճի ավազանում քրդական իշխանություններում ծավալված պայքարի արդյունքում 1650 թ. «Բերկրու տէրն փախաւ առ Բաղիշու խանն»⁸¹⁴: 1651 թ. Վարագավանքի թալանի պատմությունը շարադրելիս Առաքել Դավիթեցին նշում է, որ «մեծ իշխանն Մարաց» Եզդիշերը (Եզրանշիրը) Զովամերկի, Շատախի և այլ գա-

⁸¹¹ Տե՛ս Գրիգոր Դարանաղցի, էջ 298-299:

⁸¹² Տե՛ս «Հայերեն ծեռագրերի մէջ դարի հիշատակարաններ», հ. Բ, էջ 84-85:

⁸¹³ Նոյն տեղում, էջ 407:

⁸¹⁴ «Մանր ժամանակագրություններ», հ. 1, էջ 356:

վառների ու բերդերի տեր Էր⁸¹⁵, իսկ Խոշաբի տերը Սովեյման բեկն էր, ում հետ գործակցելով՝ ավազակախմբի ղեկավար Չոմարն ավիրեց Վանքը⁸¹⁶: Չոմարին սպանելու դիմաց սովթանը Սղերդի գավառը տվեց Եզրիշերին⁸¹⁷:

Ի տարբերություն քրդական տարրի, թյուրքական ցեղերի մասին հիշատակումներն ավելի սահմանափակ են, և դրանց մեծ մասն արդեն իսկ ներկայացրել ենք Ամիրգունա խանի ժողովրդագրական քաղաքականության առաջին փուլի շրջանակ-ներում: Թյուրքական տարրը գաղթել է, օրինակ, Լոռու գավառ շահ Աբաս Ա-ի հրամանով 1605 թ. և իր ցեղային բորչալու անունը տվել այն հարթությանը, որտեղ հաստատվել է⁸¹⁸: Շահ Աբասի բոնագաղթից հետո ղզլրաշ որոշ քոչվոր ցեղեր և շիա քրդերի փոքր ցեղախմբեր հաստատվել են ամայացած մի քանի գյուղերում և յայլաներ դրել ալյայան մարգագետիններով հարուստ շրջաններում⁸¹⁹: Այդուհաներձ, ինչպես իրավացիորեն կարծում է Պ. Չորանյանը, սկզբնադրյուրների քննությունը ցույց է տալիս, որ մահմեդական տարրը հիմնականում ներկայացված է եղել քաղաքային շրջաններում նախևառաջ կայազորների տեսքով⁸²⁰:

Էթնոժողովրդագրական գործընթացների հետ սերտորեն կապված էին Օսմանյան կայսրության և Սեֆյան Պարսկաստանի հարկային ու կրոնական քաղաքականությունները: Քրիստոնյա հպատակները, այդ թվում՝ հայերը, Սեֆյան պետության

⁸¹⁵ Տե՛ս Առաքել Դավիթեցի, էջ 381:

⁸¹⁶ Տե՛ս նոյն տեղում, էջ 381-387:

⁸¹⁷ Տե՛ս նոյն տեղում, էջ 391:

⁸¹⁸ Տե՛ս Ամիրջանյան Հ., Լոռու գավառի Էթնիկ պատկերը XVIII դ. վերջին և XIX դ. առաջին երեսնամյակին, «Հայոց պատմության հարցեր», հ. 10, Երևան, 2009, էջ 113:

⁸¹⁹ Տե՛ս Փափազյան Հ., Օտար տիրապետությունը Արարատյան երկրում (ԺԷ դ.), էջ 42-43:

⁸²⁰ Տե՛ս Կօբանյան Ա., Этноконфессиональные процессы в Закавказье XVII-XVIII вв., էջ 155-156:

ջիզիե գողար (գլխահարկ հատուցող) կամ զիմմի (քրիստոնյա պարտապան) համայնքներ (զիմմի ռայաթներ՝ քրիստոնյա իրավագործկ հպատակներ) էին համարվում⁸²¹: Արևելյան Հայաստանում 1621-1622 թթ. ֆեթվայով ընդունված էր իմամ Զաֆարի օրենքը, որի համաձայն՝ իսլամ ընդունած տիրում էր քրիստոնյա հարազատների ունեցվածքին⁸²²: 1620-ական թթ. Երևանի Շեյխով-իսլամի կողմից հրապարակված մի ֆեթվայում նկարագրվում է հայազգի Բաբայի թողած ժառանգության ճակատագրի հանգուցալունումը: Քանզի նրա երկու եղբայրներից մեկը կրտսեր որդու՝ Շահնազարի հետ մուտքման էր դարձել, ուստի ժառանգական բոլոր իրավունքների հարցում նրան առավելություն էր տրվում⁸²³: Դատական գործընթացի ժամանակ մուտքմանի առավելության մասին վկայում է նաև Զաքարիա Քանաքեռցին՝ քանաքեռցի Միքայել Եպիսկոպոսի և մի պարսիկի վեճը պատմելիս, երբ Վերջինս կերծ ցուցմունք է տալիս, ու վեճը հարթվում է միայն Կոտայքի մելիք Դավութի միջամտությամբ⁸²⁴: Վերջապես, 1650 թ. Փիլիպպոս Աղբակեցին շահ Աբաս Բ-ից հրովարտակ է ստացել, որով Հայ առաքելական Եկեղեցուն վերապահվել է որոշումներ ընդունել հայերի միջև ծագած վեճերի պարագայում, իսկ մահմեդական շարիաթական դատարան կարելի էր դիմել այն դեպքում, երբ կողմերից մեկը մահմեդական էր⁸²⁵:

Հ. Փափազյանը, վկայակոչելով կալվածագրերում արձանագրված դեպքերը, կարծում է, որ ժառանգության համար հա-

⁸²¹Տե՛ս **Փափազյան Հ.**, Սեֆյան Իրանի ասիմիլյատորական քաղաքականության հարցի շուրջը, «Բանքեր Մատենադարանի», թ. 3, Երևան, 1956, էջ 86-87:

⁸²²Տե՛ս «Մատենադարանի պարսկերեն վավերագրերը», հ. I, պր. II, վավ. 16:

⁸²³Տե՛ս **Փափազյան Հ.**, Սեֆյան Իրանի ասիմիլյատորական քաղաքականության հարցի շուրջը, էջ 89-91:

⁸²⁴Տե՛ս նոյն տեղում, էջ 88-89:

⁸²⁵Տե՛ս «Մատենադարանի պարսկերեն վավերագրերը», հ. I, պր. II, վավ. 41:

վատափոխության դեպքերը տարածված էին քաղաքային ունկնոր խավի՝ խօշաների, առևտրա-արհեստավորական վերնախավի շրջանում⁸²⁶: Այդուհանդերձ, ինչպես նշում է Տավերնիեն, հայերն ամուր էին իրենց կրոնի նկատմամբ⁸²⁷: Նույն է հաստատում 1654-1656 թթ. Պարսկաստանում և Օսմանյան կայսրությունում ճանապարհորդած շվեդ Մաթսոն Շիոփինգը՝ շեշտելով, որ հայերը քաջ հայտնի են իրենց մշտապես քրիստոնյա մնալով⁸²⁸: Հենց հավատի ամրության հետ են կապված նահատակությունների մի քանի դեպքերի հիշատակումները, օրինակ՝ 1617 թ. Ագուլսում Անդրեաս քահանայի նահատակությունը շահ Արասի կողմից⁸²⁹, 1642 թ. Նիկողայոսի սպանությունը Ամիդում⁸³⁰, ինչպես նաև Ծովագատկի վեճերի առնչությամբ Արաբկիրի նահանգում 1634 թ. Մինաս քահանայի և Սեբաստիայի նահանգում Սեֆեր աշխարհականի գլխատումը⁸³¹:

Օսմանյան կայսրության հարկային համակարգում ևս կարևոր դեր ուներ ոչ մոտավորապես հպատակներից գանձվող գլխահարկը⁸³²: Հայկական սկզբնաղբյուրները միաբերան գանգատվում են ծանր հարկապահանջությունից: Արճեց քաղաքում ընդօրինակված Ավետարանի 1603 թ. հիշատակարանում նշվում է, որ «յամէն ամիս մի պարոն կու գայ ի Վանայ ի յԱրճէց քաղաքին,

⁸²⁶ Տե՛ս **Փախազյան Հ.**, Սեֆյան Իրանի ասիմիլյատորական քաղաքականության հարցի շորջը, էջ 91-92:

⁸²⁷ Տե՛ս **Դանեղյան Լ.**, Շահ-Արքաս Ա-ի կրոնական հանդուժողական քաղաքականության հարցի շորջը, «Մերձավոր և Միջին Արևելքի երկրներ և ժողովուրդներ», հ. 4, Երևան, 1969, էջ 87:

⁸²⁸ Տե՛ս **Բախչինյան Ա.**, նշվ., աշխ., էջ 108:

⁸²⁹ Տե՛ս **Առաքել Դավիթեցի**, էջ 480: Տե՛ս նաև «Մանր ժամանակագրություններ», հ. 2, էջ 284; «Դիան պատմութեան Հայոց», գիրք Ժ, էջ 504:

⁸³⁰ Տե՛ս **Առաքել Դավիթեցի**, էջ 400-404:

⁸³¹ Տե՛ս «Հայերն ծեռագրերի ժէ դարի հիշատակարաններ», հ. Բ, էջ 540:

⁸³² Տե՛ս **Ավելաբեգյան Թ.**, Գլխահարկը Ժուրդիայում XVII-XVIII դարերում հայ պատմագրության տվյալներով, «ՊԲՀ», 1959, թ. 1, էջ 175-186:

և խիստ կու նեղացուցանեն զժողովուրդս վասն հարկապահանջութեան»⁸³³: Գրիգոր Դարանաղյին մի հիշատակարանում ասում է, որ 1606 թ. մայիս-սեպտեմբեր ամիսներին խարացի պատճառով ժողովուրդն աղետալի վիճակում հայտնվեց. «Բնաւ աշխարհքն Հայոց աւերեցան, որ մեկ գեղ շէն չկայ, կալոտ կտրեցաւ, պարտատէրքն կու նեղեն և հարկառն զիւր չի թողուր, յետի շունչն է հասեր վանքս Հայոց, օգնութիւնն յԱստուծոյ ժամանէ, թէ փրկէ յանհնարին նեղութեանցս այսոցիկ»⁸³⁴: Ուտանի Գարենց վանքում 1615 թ. գրված հիշատակարանում Սահակ աբեղան գրում է հետևյալ նախադասությունը. «...ի դառն և ի նեղ ժամանակիս, որ զարդացեալ են այլազգիքն ի վերա քրիստոնէից հարկապահանջութեամբ»⁸³⁵: Այս ծևակերպումը կարելի է գտնել 1620-ական թթ. հիշատակարանների մեծ մասում:

1621 թ. Ամիդում Բժշկարանի հիշատակարանում նկարագրված է Ամիդի հայերի բողոքը խարացից Մալաթիայի Ալի փաշային⁸³⁶: Ամիդի Ս. Կիրակոս Եկեղեցում 1626 թ. գրված հիշատակարանում ծաղկող Մինասը նշում է, որ պարսիկների դեմ զորարշավի ժամանակ օսմանյան 100 հազարանոց բանակը կանգ է առել Ամիդում՝ «բազում նեղութիւն և հարկապահանջութիւն» հասցնելով քաղաքին⁸³⁷:

Պատերազմական արհավիրքներին հաճախ գումարվում էին սովը, երաշտը և համաճարակները: Խիզանում ընդօրինակված Մաշտոցի 1626 թ. հիշատակարանում Սարգիս գրիշը գանգատվում է ժամանակաշրջանից. «...ի դառն և ի չար ժամանակիս, զի յամէն դիմաց դառնութիւն և վիշտն պատեր է Հայոց

⁸³³ «Հայերեն ձեռագրերի ժէ դարի հիշատակարաններ», հ. Ա, էջ 104-105:

⁸³⁴ «Հայերեն ձեռագրերի ժէ դարի հիշատակարաններ», հ. Բ, էջ 54:

⁸³⁵ «Հայերեն ձեռագրերի ժէ դարի հիշատակարաններ», հ. Ա, էջ 550-551:

⁸³⁶ Տե՛ս «Հայերեն ձեռագրերի ժէ դարի հիշատակարաններ», հ. Բ, էջ 24-25:

⁸³⁷ Տե՛ս նոյն տեղում, էջ 228-229, 238-239:

տառապեալ ազգս, զի յամէն դիմաց դառնութիւն, պատուհաս կուգա ի վերայ Հայոց ազգիս, սով, գերութիւն, մահ, շարժ և տապալումն, ժանկ, մարախ, թրթուր, ջորեակ, դալուկ, հեղեղ անթիւ և անհաշիւ, որ ոչ կարեմ ընդ գրով արկանել»⁸³⁸:

Հայ հեղինակների մոտ նկատեի է այն մտայնությունը, որ օտար իշխողների բոլոր հալածանքները, այդ թվում՝ հարկային քաղաքականությունը, ուղղված էին հայ բնակչության շահերի դեմ: Գրիչ Կիրակոսը Մոկաց Ավնդանց գյուղում Շարակնոցի 1627 թ. հիշատակարանում գանգատվում է՝ գրելով. «...նեղմք ի հարկապահանջութենէ. քանզի ևս քան զևս սաստկանայ բռնութիւն և նեղութիւնս ի վերայ աշխարհիս, ևս առաւել ազգիս Հայոց, վասն ծովացեալ մերոց մերոց»⁸³⁹: Նոյն գյուղում Ավետիս երեցը 1631 թ. գանգատվում է ծանր հարկապահանջությունից «ի վերայ աշխարհիս ևս առաւել ազգիս Հայոց»⁸⁴⁰: Ամասիայում ընդօրինակված Շարակնոցի 1631 թ. հիշատակարանում Միքայել գրիչը գանգատվում է ծանր հարկապահանջությունից «ի վերայ ազգիս քրիստոնէից»⁸⁴¹: Շատախ գավառակի Մեյդան քաղաքում (ավելի ուշ՝ Շատիսու Թաղ կամ ուղղակի Թաղ ավան) գրիչ Զաքարիան 1635 թ. ճառընտիրի հիշատակարանում գանգատվում է՝ «քազմացան այլազգիքն և նեղեն հարկապահանջութեամբ զազս մեր»⁸⁴²: 1639 թ. Հակոբ Կարնեցին իր ընդօրինակած ժողովածուում ևս բողոքում է հայ ազգի նկատմամբ ծանր հարկապահանջությունից⁸⁴³:

⁸³⁸ «Հայերեն ձեռագրերի ժէ դարի հիշատակարաններ», հ. Բ, էջ 233-235:

⁸³⁹ Նոյն տեղում, էջ 252-253:

⁸⁴⁰ Նոյն տեղում, էջ 439-440:

⁸⁴¹ Նոյն տեղում, էջ 467:

⁸⁴² Նոյն տեղում, էջ 620:

⁸⁴³ Տե՛ս նոյն տեղում, էջ 767-768:

Պատկերը չի փոխվում պատերազմի ավարտից հետո. Ավնդանց գյուղում 1642 թ. ընդօրինակված Շարակնոցի հիշատակարանում գրիչ Ավետիսը գանգատվում է հայ ժողովրդի վրա ծանրացող հարկապահանջողվայրունից⁸⁴⁴, նոյնը՝ 1649 թ. Խիզանում⁸⁴⁵: Փաստորեն, հայ բնակչության վրա դրված ծանր հարկերը քննարկվող ժամանակաշրջանում բնորոշ էին Արևմտյան Հայաստանի բոլոր վարչամիավորներին:

Օսմանյան իշխանությունների կողմից կրոնադավանական հիմքով հարկային քաղաքականության տարբերակվածությունից բացի՝ մահմեդականացման ուղի հարթելուն էին միտված նաև Եկեղեցաշինության արգելակումը և եղած Եկեղեցիների՝ մզկիթի վերածման դեպքերը: Վասպուրականի Շուշանից Կարմրավոր վանքում ընդօրինակված Հայսմավուրքի 1601 թ. հիշատակարանում խոսվում է Վարագա վանքի Ս. Աստվածածին Եկեղեցու նորոգման ժամանակ խոշա Ատոմի վրա մի քանի տարի գործադրվող ճնշման մասին, քանզի «յայսմ ժամանակիս բազմացեալ էին անօրէնքն ի վերայ քրիստոնէից, որ ոչ թոյլ տային շինել զեկեղեցի»⁸⁴⁶: Սուլթանական ֆերմաններից պարզվում է, որ ոչ միայն նոր Եկեղեցիների կառուցման, այլև վերանորոգման համար անհրաժեշտ էր կայսերական դիվանից թույլտվություն ստանալ: Էվլիա Չելեբին նոյնիսկ հաղորդում է Եկեղեցու՝ մզկիթի վերածման դեպք Կարսում⁸⁴⁷:

⁸⁴⁴ Տե՛ս «Հայերեն ձեռագրերի ժԵ դարի հիշատակարաններ», հ. Գ, էջ 74:

⁸⁴⁵ Տե՛ս նոյն տեղում, էջ 367:

⁸⁴⁶ «Հայերեն ձեռագրերի ժԵ դարի հիշատակարաններ», հ. Ա, էջ 25, 26-27:

⁸⁴⁷ Տե՛ս **Փափազյան Ա.**, Արևմտահայության վիճակը ըստ օսմանյան սուլթանական ֆերմանների (XVI-XVIII դդ.), էջ 126-127: Այս միտումն ավելի զգայի է դառնում միայն 17-րդ դարի երկրորդ կեսին, օրինակ՝ 1653 թ. Թոփսատում Եկեղեցիները փակվեցին, 2-ը՝ նոյնիսկ մզկիթի վերածվեցին (տե՛ս **Երեմիա Չելեպի Քեօմիլընեան**, Օրագրութին, հրատ.¹ Մ. արքեպս. Նշանեան, Երուսաղէմ, 1939, էջ 42), 1662 թ. Կոստանդնուպոլիսում մի քանի Եկեղեցիներ քանվեցին, իսկ

Կասրե Շիրինի պայմանագրից հետո օսմանյան իշխանությունները որդեգրում են նույնիսկ զանգվածային մահմեդականացման քաղաքականությունը, ինչը հաստատվում է Հակոբ Կարնեցու վկայություններով: Բռնի մահմեդականացման արդյունքն այն էր, որ արդեն 18-րդ դարի առաջին կեսին Վրաց արքայազն Վախուչտին ճորոխի ավագանում թափուր է հիշատակում Տայքի քաղկեդոնական նշանավոր կենտրոններ Իշխանը, Փանակը, Օշքը, Խախուն⁸⁴⁸: Հակոբ Կարնեցին 1643 թ. աշխարհագրի արդյունքում Թորթումում խոսում է խարացի պատճառով «վրացիների» (այսինքն՝ քաղկեդոնական հայերի) զանգվածային մահմեդականացման, իսկ հայերի՝ Հայ առաքելական Եկեղեցուն հավատարիմ մնալու մասին⁸⁴⁹: Ինչ վերաբերում է Համշենին, ապա Խաչեքարոյի վիճակից մեզ է հասել 1630 թ. ընդօրինակված Սաղմոսարան⁸⁵⁰: Բացի այդ, Հ. Տայանը կարծում է, որ միայն 17-րդ դարի վերջից և 18-րդ դարի սկզբից է սկսել մահմեդականացման արագ գործընթացը Համշենում, քանի որ, ըստ նրա, շրջադարձային են եղել

Էրգորումում մի Եկեղեցի մզկիթի վերածվեց (տե՛ս «Մանր ժամանակագրություններ», հ. 1, էջ 242): Հայերի նկատմամբ նպատակադրված-պլանային ազգային-կրոնական հալածանքները Արևմտյան Հայաստանում լայն թափ են տանում հենց 17-րդ դարի երկրորդ կեսից, որի ցայտուն ապացույցներից են Վանի փաշայի՝ 1678 թ. հայերին մորուք թողնելու և 1680 թ. գդակ դնելու հրամանները՝ մի բան, որ արվել էր Կոստանդնուպոլսում դեռ մեկ հարյուրամյակ առաջ (տե՛ս նոյն տեղում, էջ 357):

⁸⁴⁸ Տե՛ս **Ակոպով Ա.**, Կեսկեններն Օսմանյան կայսրությունում XVII-XIX դարերում, «Հայկական լեռնաշխարհ. հանրապետական գիտաժողովի նյութեր», Երևան, 2015, էջ 482; «Վրաց արքյուները Հայաստանի և հայերի մասին», կազմեց՝ Լ. Մելիքսեթր-Բեկ, հ. Գ (ԺԸ-ԺԸ դդ.), Երևան, 1955, էջ 84-85:

⁸⁴⁹ Տե՛ս **Յակովը Կարնեցի**, էջ 6, 18; **Տաշեան Յ.**, նշվ. աշխ., էջ 68:

⁸⁵⁰ Տե՛ս «Հայերեն ծեռագրերի ժեկարի հիշատակարաններ», հ. Բ, էջ 396-398: 17-րդ դարում էրգորում մոտ ընդօրինակված մի ծեռագրի հիշատակարանի լուսանցքային հատվածում մասնակիորեն պահպանվել է Համշենում մկրտության մի դրվագ (տե՛ս «Ցուցակ հայերեն ծեռագրաց Վրաստանի կենտրոնական պատմական արխիվի», էջ 389):

1708-1710 թթ. Ղուղուֆ-օղլի Մեհմեդ մոլլայի կողմից 100 գյուղերի ավագների մահմեդականացումը և քրիստոնյաների մեծ զանգվածների հեռանալը Տրապիզոն ու Բաբերդ⁸⁵¹: Հ. Տաշյանը Հակոբ Կարնեցու կողմից Սպերում թուրքական իշխանությունների կողմից ավերված ու ամայացված բազում Եկեղեցիների հիշատակում համարում է վանական հողերի զավթման և բռնի մահմեդականացման քաղաքականության գլխավոր ազդակներից մեկը⁸⁵²: «Ով որ Յունաց, Հայոց եւ Վրաց մեջ իրեն կրօնին հաւատարիմ մնացած է, այսպէս ալ կը կոչուի միշտ. բայց ով որ մահմետական եղած է, Թուրքիոյ մեջ Օսմանլի հոչակեալ անոնը կը կրէ», - մեջբերում է Քոյսի խոսքերը Հ. Տաշյանը⁸⁵³: Ուսումնասիրողները հայ բնակչության բռնի մահմեդականացման գործընթաց են նկատել նաև Չըլդըրի (Ախալցխայի) Փերթքերը (Բերդագրակ) գավառակում⁸⁵⁴:

17-րդ դարի առաջին կեսին Էթոնժողովրդագրության տեսանկյունից մեծ հետաքրքրություն է ներկայացնում կաթոլիկ համայնքների առկայությունը Հայաստանում: Դեռևս 14-րդ դարի երկրորդ կեսին Նախիջևանի Ճահովկ, Երնջակ և այլ գավառներում հաստատվել են կաթոլիկ քարոզիչներ, իսկ 1350 թ. Նախիջևանը դարձել է կաթոլիկական եպիսկոպոսության նստավայր: 16-րդ դարի վերջից առևտրական և քաղաքական կապերի ամրապնդման պայմաններում Պարսկաստանում և նրան ենթակա

⁸⁵¹ Տե՛ս Տաշեան Յ., նշվ. աշխ., էջ 28-31, 34: Բ. Թողոլաքյանի կարծիքով՝ համշենահայերի բռնի մահմեդականացման գործընթացը բռն Համշեն գավառում սկսել է 1630-ական թթ., ավելի մեծ թափով՝ 1650-1660-ական թթ., իսկ Սյուլըմենե գավառակում՝ հաջորդ դարի սկզբին (տե՛ս Թողոլաքյան Բ., Էջեր համշենահայերի XVII-XVIII դարերի պատմությունից, «ՊԲՀ», 1972, թ. 4, էջ 133, 136):

⁸⁵² Տե՛ս Տաշեան Յ., նշվ. աշխ., էջ 47-48:

⁸⁵³ Նոյն տեղում, էջ 55-56:

⁸⁵⁴ Տե՛ս Եսայան Զ., Հայոց տեղանունները. թուրքական այլափոխումներ, Երևան, 2014, էջ 28:

Արևելյան Հայաստանում ակտիվանում է Եվրոպացի կաթոլիկ միսիոներների գործունեությունը: Շահ Արաս Ա-ն հսկանիայից եկած քարոզիչներին գործունեության ազատություն է տվել հայերի շրջանում: Կաթոլիկ դպրոցներ են բացվել Նախիջևանի Ապարաներ, Ճահովկ և այլ գյուղերում: Հայ ազգային լեզենդի զարթոնքի պայմաններում 17-րդ դարի սկզբին Նախիջևանի, Երնջակի և Ճահովկի շրջաններում կաթոլիկական քարոզչության հետևանքով դավանափոխ եղած հայերի թիվը 19 հազար էր (1830 տուն) 3 քաղաքներում և 12 գյուղերում⁸⁵⁵: Ռիկոյի և Տավերնիեի տվյալներով ունենալով 10 գործող եկեղեցիներ⁸⁵⁶: Նախիջևանի կաթոլիկ հայերի համար կաթոլիկ եկեղեցին շահական արքունիքից արտոնություններ էր ստացել, ինչը լրացնուցիչ խթան էր կաթոլիկացմանը զարկ տալու համար, սակայն 17-րդ դարի կեսերից խաս (պետական) բնակավայրերի բնակչության մի մասը, համաձայն Ք. Կոստիկյանի խմբավորած նյութերի, մահմեդականություն է ընդունում, մի մասը՝ վերադառնում Հայ առաքելական եկեղեցի, մի մասն էլ՝ արտագաղթում⁸⁵⁷: Պորտու-

⁸⁵⁵ Տե՛ս **Հակոբյան Տ.**, Հայերի պայքարը կաթոլիկական միսիաների ասիմիյատորական ծգուումների դեմ հրանում (XVII-XVIII դդ.), «Արևելագիտական ժողովաճու», հ. 1, Երևան, 1960, էջ 267: 19 հազար հայ կաթոլիկների թիվը ներկայացնում է Նախիջևանի ունիթորների արքեպիսկոպոս Ազարիա Ֆրիտոնը Հռոմ ներկայացրած հաշվետվության մեջ, իսկ Սեֆյան Պարսկաստանում դիվանագիտական հանձնարարություն իրականացնող Պետրոս Պետրիկը Նախիջևանի Ապարաներ գյուղում հիշատակում է 300 տուն հայ կաթոլիկներ (տե՛ս **Ալիշան Դ.**, Սիսական, էջ 387):

⁸⁵⁶ Տե՛ս **Բայբուրյան Ա.**, XVII դարում Արևելյան Հայաստանում կաթոլիկ միսիոներների գործունեության պատմությունից, «ՊԲՀ», 1989, թ. 2, էջ 147-157: Թեմին ենթակա գյուղերի թվում էին Քոնան, Ապարաներ, Սալթաղը, Ապրակոնիսը, Խոշկաշենը, Ճահովկը, Շահապոնքը:

⁸⁵⁷ Երևանի նահանգում, Գանձակում, Արցախում և Պարսկահայքում համայնքների ծնակդրումը տեղի է ունեցել ավելի ոչ 17-րդ դարի վերջին (տե՛ս **Կոստիկյան Ք.**, Կաթոլիկական քարոզչությունը Իրանում և հայ իրականությունը, «Մերձավոր և Միջին Արևելքի երկրներ և ժողովուրդներ», հ. 21, Երևան, 2002, էջ 200-218):

գալացի միսիոներ Անտոնիո դե Գոռովեայի ուղղակի և Նախիջևանի ունիթոր Ավգուստինոս Բաջեցու անուղղակի վկայությամբ՝ շահ Աբասը կաթոլիկ հայերի մի մասին ազատել է բռնի տեղահանությունից և թույլ տվել մնալ հարազատ բնակավայրերում։ Հռոմից ուղարկված Անխել Մարիա Չիտտադինիի կազմած գեկուցագրի համաձայն՝ 1617 թ. Նախիջևանի գավառի կաթոլիկ 10 գյուղերում հաշվում էր մոտ 305 կաթոլիկ ընտանիք, այդ թվում՝ Քոնայում՝ 1, Սալլադում՝ 2, Գանձակում՝ 4 ընտանիք, և սա այն դեպքում, եթե բռնագաղթից առաջ՝ 1601 թ., Քոնայում կար 70, Սալլադում՝ 120, Գանձակում՝ 70 տուն հայ կաթոլիկ⁸⁵⁸. Մ. Կարապետյանը չափազանցություն է համարում Չիտտադինոյի մեկ այլ գեկուցում նշված 40470 հայ կաթոլիկների թիվը⁸⁵⁹: Համաձայնվելով Մ. Կարապետյանի տեսակետի հետ՝ կարծում ենք, որ սա կարող է լինել հայ քրիստոնյաների ընդհանուր թիվը, քանի որ հենց այս թվականին է իրական Փետևին հիշատակում 30 հազար հայերի գերեվարումը Նախիջևանից⁸⁶⁰:

Նախիջևանի հայ կաթոլիկական համայնքների հետագա աշխուժացումը կապվում է Օգոստինոս Բաջեցու գործունեության հետ։ 1629 թ. նա ընտրվել է Նախիջևանի երկրամասի արքեպիսկոպոս, 1631 թ. եկել Նախիջևան և 1632 թ. Ապարաներում կաթոլիկ դպրոց հիմնել⁸⁶¹: Սակայն 1636 թ. Մուրթուզա փաշան

⁸⁵⁸ Տե՛ս Կարապետեան Մ., Հայ կաթոլիկների թեմը և էթնոդասանական գործընթացները Նախիջևանում XVII-XVIII դարերում, «Նախիջևանի Հայոց վարժարանը և Հռոմը», Վենետիկ, 2000, էջ 7-8; Փանոսյան Հ., նշվ. աշխ., էջ 53:

⁸⁵⁹ Տե՛ս Կարապետեան Մ., Հայ կաթոլիկների թեմը..., էջ 3:

⁸⁶⁰ Տե՛ս «Թուրքական աղբյուրներ», հ. Ա, էջ 56:

⁸⁶¹ Տե՛ս Բայբուրդյան Ա., XVII դարում Արևելյան Հայաստանում կաթոլիկ միսիոներների գործունեության պատմությունից, էջ 147-157: Առաքել Դավիթիծեցին Մեծ սուլդունից հետո ս. Հոփիսիմեթի նշխարների գերեվարության պատմությունը ներկայացնելիս նշում է, որ նշխարները թալանած «Փրանկ» երկու պատրիկները գնում են Ապարաներ «գիւղն Ֆռանկաց» (տե՛ս Առաքել Դավիթիծեցի, էջ

320 գերի տարավ գավառից, ներխուժեց Ապարաներ, և սպանվածների ու գերեվարվածների ընդհանուր թիվը 1500 էր⁸⁶²: Այդուհանդերձ, 1640 թ. մի հիշատակարանում «ֆրայ» Օգոստինոս արքեպիսկոպոսը հայտնում է, որ ապրիլի 5-ին սկսել են ճահուկի Ս. Հովհաննես Կարապետ Եկեղեցու շինարարությունը, թվարկում ևս 49 մարդկանց, ովքեր Եկեղեցու շինարարության համար գումար են ներդրել⁸⁶³: Փաստորեն, հայ կաթոլիկ համայնքի կյանքը վերակազմավորվում է 1630-1650-ական թթ. Օգոստինոս Բաջեցու շնորհիվ, թեև հմամ Զաֆարի օրենքի գործադրումը զարկ է տալիս հայ կաթոլիկների շրջանում մահմեդականություն ընդունելու բուռն գործընթացին, ինչի մասին են վկայում կաթոլիկ հոգևորականների՝ արդեն 1630-ական թթ. և հետագա տասնամյակների գեկուցագրերը⁸⁶⁴: Գործընթացն ավելի մեծ թափ է ստացել 1650-ական թթ. Երկրորդ կեսին, և 17-րդ դարի կեսերին Նախիջևանի հայ կաթոլիկների թիվը 5-7 հազար էր⁸⁶⁵: Այդուհանդերձ, Նախիջևանի կաթոլիկ հայերի մահմեդականացումը զանգվածային բնույթ սկսեց կրել միայն 17-րդ դարի վերջից մինչև 18-րդ դարի կեսերը: Այս մասին են խոսում Ղ. Ալիշանի և կաթողիկոս Ղազար Ա Զահկեցու (1737-1751) տվյալները: Վերջինս հաղորդում է, որ Նախիջևանի Սալիթաղ, Քոնա և Կեծուկ գյուղերի բնակչությունն ամբողջությամբ «դար-

172): Նա կաթոլիկական է համարում նաև Ապրակունիս գյուղը (տե՛ս նոյն տեղում, էջ 178): Ապարաների մասին տե՛ս Ալիշան Ղ., Սիսական, էջ 369:

⁸⁶²Տե՛ս «Մանր ժամանակագրություններ», հ. 1, էջ 196: «Ժամանակագրություն ընդհանուր պատմության» (ծեռ. № 7841), Համառոտ թիբիոգրաֆիա՝ Հայկական ՍՍՌ Մատենադարանի գրչագիր մանր ժամանակագրությունների, հրատ.՝ Ա. Աբրահամյան, «Մատենադարանի գիտական նյութերի ժողովածու», թ. 1, Երևան, 1941, էջ 224-225:

⁸⁶³Տե՛ս «Հայերեն ձեռագրերի ժեկարի հիշատակարաններ», հ. Բ, էջ 789-790:

⁸⁶⁴Տե՛ս Կարապետեան Մ., Հայ կաթողիկէ թեմը..., էջ 5-8:

⁸⁶⁵Տե՛ս Նոյն տեղում, էջ 3, 5-8:

ծան ի կրօնս պարսից», իսկ Ապրակոնիս, Շահբունիս, Խոշկաշեն և Ապարաներ գյուղերում՝ բնակիչների մեծ մասը⁸⁶⁶:

18-րդ դարի իրադարձությունների համատեքստից կաթոլիկացման տարածման միտումներին նայելիս կարևոր օջախ է Ախալցխան: Կ. Ղաֆադարյանի կարծիքով՝ 17-րդ դարում հայերի մի մասը թուրքական հալածանքները մեղմելու համար կաթոլիկություն է ընդունել, դարձել վրացախոս, վրացիների մի մասն էլ մահմեդականություն է ընդունել⁸⁶⁷: Ախալցխայի Զարեհնու Ս. Նշան եկեղեցուն տրված Ավետարանի 1619 թ. հիշատակարանում թվարկված անձնանունները (Յեայլա, Սիրամարգ, Գուլբագէ, Էլպագէ, Գոչբագէ, Նուրբագէ, Յայլայբագէ, Գուլբահար)⁸⁶⁸ և եկեղեցու՝ երկար ժամանակ ավերված լինելուց հետո նորոգման փաստը ցույց են տալիս, որ այստեղ երկար ժամանակ քաղկեդոնականացման միտում է եղել, սակայն անգամ վրացականացված անուններով հայերը պահպանել են հավատարմությունն իրենց եկեղեցուն: Մի Ավետարանի ստացման 1607 թ. հիշատակարանում էլ Ախալցխա քաղաքից «հայրկազանց ազգէն և զարմից քրիստոնէից» ումն Մաքանդար թվարկում է 6 զավակներին՝ Գուլո, Գուլարդուխ, Գուլնթոք, Գուլարխսան, Եայգունդմ, հանգուցյալ Նաթռ⁸⁶⁹: Այստեղ ևս նկատելի է վրացական ազդեցությունը, սակայն ստացողի էթնիկական և կրոնական բնորոշումներն ամեն ինչ ասում են: 18-րդ դարի երկրորդ կեսի հեղինակ Վախուչտին 1660-ական թթ. Սամցխե-Կլարչեթիում տեղի ունեցող իրադարձությունները նկարագրելիս գրում է, որ Ախալցխայում

⁸⁶⁶ Տե՛ս Ղազար վրդ. Զահեկեցի, Գիրք աստուածաբանական, որ կոչի Դրախտ ցանկալի, Կ. Պոլիս, 1735, էջ 334:

⁸⁶⁷ Տե՛ս Ղաֆադարյան Կ., Նյութեր Ախալցխայի հայ համայնքի պատմության վերաբերյալ, «ՊԲՀ», 1967, թ. 1, էջ 117-118:

⁸⁶⁸ «Հայերեն ձեռագրերի ժեկարի հիշատակարաններ», հ. Ա, էջ 687:

⁸⁶⁹ Տե՛ս նոյն տեղում, էջ 262:

ապրում են մուսուլմաններ, հայեր, իրեաներ և փոքրաթիվ մես-խեր, ընդ որում՝ Սամցիսեի գյուղացիները մեծ ճնշումների արդյունքում շարունակում են մահմեդականություն ընդունել⁸⁷⁰: Պ. Չոբանյանը իրավացիորեն 18-րդ դար է տանում Ախալցխայի նահանգում մահմեդականացման գործընթացը⁸⁷¹: Մելիքսեթ-Բեկը իրատարակել է Ախալցխայի հայ և վրաց կաթոլիկների մկրտության մի մատյան, որտեղ գրանցումները 1762-1792 թթ. միջակայքում են, ավելին՝ հավաքածուում հայ կաթոլիկներին առնչվող բոլոր ձեռագրերը 18-րդ դարի են⁸⁷², ուստիս թե՛ կաթոլիկացման և թե՛ մահմեդականացման գործընթացները տեղի են ունեցել գերազանցապես 18-րդ դարում:

Օսմանյան կայսրության կողմից Արևմտյան Հայաստանում իրականացվող ժողովրդագրական քաղաքականության ուղեգիծը խիստ ընդգծված ձևով տարածքի յուրացմանն է ուղղվում Կասրե Շիրինի պայմանագրից հետո: Հենց այս ժամանակահատվածից է արմատանում ոչ միայն իսլամացման, այլև հայկական տարրը «չնկատելու» քաղաքականությունը, ինչն արտահայտվում է նաև թուրք պատմագիրների երկերում: Ինչպես իրավացիորեն պնդում է Լ. Սահակյանը, հենվելով օսմանյան Մյունեցզիմ Բաշի և Քյաթիբ Զելեբի պատմիչների տեղեկությունների ու 16-րդ դարում «իսլամական աշխարհացույց»-ի վրա, 17-րդ դարում Հայաստանի տարածքի համար «Արևելյան Անատոլիա» տերմինը դեռևս չի կիրառվել, և նոյնիսկ պաշտոնապես գիտակցվել ու ընդունվել է «Էրմենիստան» (Հայաստան) զավթված երկրի գոյության փաստը՝ հաճախ դրա մեջ տեղավորելով ան-

⁸⁷⁰ Տե՛ս Փօբանյան Ա., Եթոկոնֆեսսионаլյնե պրոցեսս Յ Զակավազյա ԽVII-ԽVIII ակ., էջ 154-155:

⁸⁷¹ Տե՛ս «Հայոց պատմություն», հ. III, գ. I, էջ 82-83:

⁸⁷² Տե՛ս «Ցուցակ հայերեն ձեռագրաց Վրաստանի կենտրոնական պատմական արխիվի», էջ 402-403, 407-408:

գամ Կիլիկիան՝ որպես Փոքր Հայաստան: Քյաթիր Զելեբին Արաս (Երասիս) գետը նկարագրելիս նոյնիսկ գրում է, որ այն գտնվում է «Արմենիա Երկրի արևելյան սահմանում»⁸⁷³: Սրանով նա, փաստորեն, ընդունում է, որ Արաքսից արևմուտքը ընկած հողերը Հայաստանի արևմտյան մասն են: Քյաթիր Զելեբին, որ իր «Զիհան նյումա» երկն ավարտել է հաշտության պայմանագրից ոչ շատ ուշ՝ 1648 թ.⁸⁷⁴, Հայաստանի համար նշում է, որ «այդ շրջանների մարդիկ բաժանվում են Երկու խմբի. մի մասը պատկանում է Ախաթամարին, մյուսը՝ հիշյալ Ուչ Քիլիսեին (իմա՝ Ս. Էջմիածնին – Մ.Մ.)»⁸⁷⁵: Փաստորեն, ի տարբերություն, օրինակ՝ Էվլիյա Զելեբիին, որ իր ուղեգրություններում ամեն կերպ աշխատում էր արձանագրել մահմեդական փոքրամասնություններին՝ արդյունքում մեծամասնության տպավորություն ստեղծելով, Քյաթիր Զելեբին անուղղակիորեն, բայց և ակնհայտորեն ընդունում է Հայաստանի տարածքում հայ բնակչության մեծամասնության փաստը: Նրա երկի 41-րդ գլուխը նոյնիսկ վերնազդրված է «Արմենիայի Երկրի մասին»⁸⁷⁶, որտեղ փորձել է ցույց տալ Հայաստանի սահմանները՝ նշելով, որ ժամանակին հայերը պետություն են ունեցել, և զգալի անորոշությամբ հանգում է նրան, որ իր ժամանակներում Մեծ Հայաստան պետք է համարել Վանի և Էրզրումի նահանգները (մի քանի տող հետո թվարկման մեջ ավելացնելով նաև Կարսը), իսկ Փոքր Հայաստան՝ Աղանայի և Մարաշի նահանգները⁸⁷⁷: Մեր կարծիքով՝ Քյաթիր Զելեբիի նման եզրահանգումը ոչ այնքան պատմական զեղծարարության, որքան առկա էթնոժողովրդագրական իրավիճակից է

⁸⁷³ «Թուրքական աղբյուրներ», հ. Բ, էջ 19:

⁸⁷⁴ Նոյն տեղում, էջ 9:

⁸⁷⁵ Նոյն տեղում, էջ 26-27:

⁸⁷⁶ Նոյն տեղում, էջ 29:

⁸⁷⁷ Տե՛ս նոյն տեղում, էջ 29-30:

բխել, և այս 5 նահանգները նա միանշանակորեն ընդունել է որպես Հայաստան, որովհետև այդ ժամանակ հայերն այնտեղ գերակշիռ մեծամասնություն են կազմել: Նա նաև խոսում է Վանի նահանգում գավառների սահմանների հաճախակի փոփոխությունների մասին⁸⁷⁸, ինչը պետք է պայմանավորված լիներ քրդական ցեղերի տեղաշարժերով ու միջցեղային բախումներով, որոնց մասին հաղորդում է Առաքել Դավիթեցին: Էթնիկական խմբերի ակտիվ տեղաշարժերը բնորոշ են եղել Օսմանյան կայսրությանը և Պարսկաստանին մինչև իսկ 19-րդ դար, ընդ որում՝ 1670-ական թթ. Օսմանյան կայսրությունում վարչատարածքային վերափոխումները կայունանում են⁸⁷⁹, ինչը վկայությունն է այն հանգամանքի, որ բնակչությունն աստիճանաբար սկսել է մշտական բնակություն հաստատել իր վարչամիավորի սահմաններում, սակայն 18-րդ դարում այս ժամանակավոր անդորրը օսմանյան կենտրոնական իշխանությունների թուլացման պատճառով խաթարվել է և աչքի ընկել քրդական տարրի նոր տեղաշարժերով:

Հատկանշական է, որ Վանի նահանգի 1680-ական թթ. մի հարկացուցակում հանրագումարի են բերված 196784 ռայաթներ⁸⁸⁰: Զնորանալով, որ օսմանյան հարկացուցակները կազմվում էին չափահաս տղամարդկանց ցուցակագրմամբ (չհաշված ծերերին՝ մոտ 5 %) ու հաշվի առնելով ուշմիջնադարյան հասարակությունում երեխաների՝ բնակչության շուրջ 40 % կազմելը, ստանում ենք, որ Վանի նահանգի ռայաթ բնակչությունը, կանայք/տղամարդիկ 1.07 հարաբերակցությամբ, պետք է ավելի

⁸⁷⁸Տե՛ս «Թուրքական աղբյուրներ», հ. Բ, էջ 30:

⁸⁷⁹Տե՛ս Անասյան Հ., 17-րդ դարի ազատագրական շարժումներն Արևմտյան Հայաստանում, էջ 12-17:

⁸⁸⁰Տե՛ս Փափազյան Հ., Սոֆիայի Կիրիլ և Մեթոդի ժողովրդական գրադարանի Վանի Էյալեթին վերաբերող օսմանյան դիվանական վավերագրերը, էջ 276:

քան 740 հազար լիներ: Առաջին հայացքից խիստ չափազանցված թվացող այս թվի մեջ պետք է դիտարկել Բիթլսի ապագա նահանգը ևս՝ ընդգրկելով Պարսկաստանի հետ սահմանից մինչև Դիարբեքիրի նահանգ ահոելի տարածությունը: Այս թվի մեջ պետք է դիտարկել ոչ միայն գերակշիռ մեծամասնությունը կազմող հայերին, այլև մի քանի տասնյակ հազար ասորիներին ու շուրջ հազար հրեաներին ու գնչուներին:

17-րդ դարի առաջին կեսին ամենահայահոծ վարչամիավորներից էր Էրզրումի նահանգը: Ա. Մելքոնյանի հաշվարկով՝ 19-րդ դարի սկզբին Էրզրումի նահանգն ունեցել է ավելի քան 400 հազար հայ բնակչություն⁸⁸¹: Քանի որ 17-րդ դարի կեսերին Հակոբ Կարնեցու տեղեկություններում Էրզրումի նահանգը շատ ավելի մեծ տարածք էր գրադարանում, քան 19-րդ դարի սկզբին, ուրեմն այն պետք է բնակչության ավելի մեծ թիվ ունենար: 17-րդ դարի թուրք հերինակների վկայություններից պարզվում է, որ Էրզրումի նահանգում սկսում էր աճել օտար, հատկապես՝ քրդական էթնիկ տարրի տեսակարար կշիռը: Էվլիա Չելբիի նկարագրությունից երևում է 1640-ական թթ. քրդական ցեղերի շարունակական տեղաշարժ հյուսիս՝ հասնելով մինչև Էրզրումի նահանգ⁸⁸²: Սակայն նրանք մշտական բնակություն չէին հաստատում, քանի որ Հակոբ Կարնեցին քրդերի համար, որպես բնորոշիչ, օգտագործում է «յեայլանի» (քոչվոր, ոչ մշտաբնակ) բառը⁸⁸³: 17-18-րդ դարերում շարունակվել է քրդերի ներհոսքը Էրզրումի նահանգ, ինչի հետևանքով, ըստ Ղ. Ինճիճյանի, առանձին

⁸⁸¹Տե՛ս Մելքոնյան Ա., Օսմանյան կայսրության ժողովրդագրական քաղաքականությունը որպես ցեղասպանության դրսևորում ըստ Էրզրումի և Ախալցխայի նահանգների օրինակների, էջ 44; Նույնի, Էրզրում, էջ 115-117:

⁸⁸²Տե՛ս Ակոպով Գ., Курды и курдский вопрос в турецкой историографии, «Մերձավոր և Միջին Արևելքի երկրներ և ժողովրդներ», հ. 5, Երևան, 1970, էջ 383-384:

⁸⁸³Տե՛ս Յակովը Կարնեցի, էջ 24:

գավառներում (Կամախ, Քղի և այլն) արդեն 18-րդ դարում քուրդ բեյեր էին հշտում: Նրանք մեծաթիվ էին հատկապես Բյուրակնյան լեռների արոտավայրային գոտում⁸⁸⁴: Չուտ հայաբնակ Հին Քղին 1616 թ. երկրաշարժից ավերվել է, և 16-րդ դարի վերջից մինչև 19-րդ դարն դատարկված բնակավայրերում աստիճանաբար բնակություն են հաստատել նաև քրդեր ու թուրքեր⁸⁸⁵:

Ըստ Հակոբ Կարնեցու «Տեղագիր Վերին Հայոց» երկի՝ 17-րդ դարի կեսին Էրզրումի նահանգն ընդգրկել է մի մեծ տարածք, որը, մոտավոր հաշվարկով, կազմում էր առնվազն 65 հազար քառակուսի կիլոմետր⁸⁸⁶: Հեղինակի տվյալների համաձայն՝ Էրզրումի նահանգի բնակչության գերակշիռ մեծամասնությունը հայերն էին, և սա այն դեպքում, երբ 17-րդ դարի սկզբին նահանգի արևելյան մասը Ենթարկվել է շահ Աբաս Ա-ի սանձազերծած բռնագաղթին: Հակոբ Կարնեցու հիշատակած 23 վարչամիավորներից 7-ում (Ղըզըզան, Դերջան, Դարանաղյաց երկիր, Սպեր, Իշխանանիստ ձոր, Խախտյաց երկիր, Շաքման) ապրում էին գերակշիռ մեծամասնությամբ (հեղինակի բնորոշմամբ՝ բովանդակ բնակչությունը) հայեր, 4-ում՝ հայեր և քրդեր (Լակզի ձոր, Մանազկերտ, Ապահունյաց երկիր, Վարդո), 2-ում (Ղարայազի, Խալիյազի)՝ միայն քրդեր, 1-ում՝ գերազանցապես հայեր,

⁸⁸⁴ Տե՛ս Խնճիճեան Դ., էջ 64, 101-102, 106-107, 109, 158: Ըստ Էլլիյա Զելեբիի՝ Բյուրակնյան յայլան 7 ամիս ազատված էր ծյունից և ուներ հարող 70 թերբառաստ դաշտեր: Յայլայից օգտվում էին զազա, լոլ, իզո, եզրի, խալիթի, փիրվանի, շեկակի, քիքի, փեսյանի և մորքի քուրդ աշիրեները, որոնք լեռ էին բարձրանում մի քանի անգամ և Էրզրումի փաշային յայլայի տուրք վճարում (տե՛ս «Թուրքական աղբյուրներ», հ. Գ, էջ 172-173):

⁸⁸⁵ Տե՛ս Հակոբյան Թ., Պատմական Հայաստանի քաղաքները, էջ 249-250: Տե՛ս նաև Մրապեան Լ., Քղի (Տեղագրական եւ Ազգագրական), մատենաշար «Ապրիթեան Եղենն», թիվ 1, Անթիիաս, 1960:

⁸⁸⁶ Հաշվարկը կատարել ենք աշխարհացույցյան Մեծ Հայքի աշխարհների գավառների հետ համապատասխանությամբ, որոնց գումարվել են նաև Մեծ Հայքի դուրս, բայց Էրզրումի նահանգի մեջ մտնող տարածքները:

մասամբ՝ թուրքեր (Վերին Բասեն), 1-ում՝ հայեր և թուրքեր (Գայլ գետի երկիր), 1-ում՝ հիմնականում հայեր, մասամբ՝ թուրքեր և հոյներ (Շեռիանի երկիր), 1-ում՝ հոյներ (Կուկվանցու ծոր), 1-ում՝ հիմնականում հայեր, մասամբ՝ հոյներ (Ծանախու ծոր), 1-ում՝ հայեր և «վրացիներ» (Մամրվան), իսկ 4-ում (Եկեղյաց երկիր, Ալաշկերտ, Ներքին Բասեն, Խորձյան) ընդհանրապես չի նշվում էթնիկական կազմը⁸⁸⁷, սակայն մենք, դիմելով Ղ. Ինճիճյանի հաղորդած տեղեկությունների օգնությանը, պարզել ենք, որ այդ գավառներում ևս հայերը մեծամասնություն են կազմել:

Հատկանշական է, որ Հակոբ Կարնեցին չի նշում բնակչության էթնիկական կազմը այն գավառներում, որտեղ հայերը գերակշիռ մեծամասնություն էին կազմում նույնիսկ հաջորդ դարում: Նման պարագայում ուշմիջնադարյան մտածողությամբ առաջնորդվող Հակոբ Կարնեցին հարկ չի համարել իր համար բնական իրավիճակը հասուկ շեշտել: Սկզբնաղբյուրների համադրությունից պարզ է դառնում, որ 23 գավառներից 20-ում հայկական էթնիկ տարրի գերակշող առկայությունը հաստատուն էր: Հայերի կողքին մեծ թիվ էին սկսում կազմել ոչ մշտաբնակ քրդերը, ապրում էին նաև ավելի փոքրաթիվ թուրքեր, հոյներ: Զգալի թիվ էին կազմում ուղղափառ-քաղկեդոնական դավանանքի հետևորդ հայերը, որոնց շրջանում իսլամացման գործընթաց էր սկսվել:

Հատկանշական է, որ Հակոբ Կարնեցին հստակ տարբերում է հայ քաղկեդոնականներին էթնիկ հոյներից և վրացիներից, քանի որ հշխանանիստ ծորի բնակիչների մասին խոսելիս նա նշում է, որ կեսը հայ (այսինքն՝ Հայաստանյայց Առաքելական Սուրբ Եկեղեցու հետևորդներ) էին, մյուս կեսը՝ կրոնով

⁸⁸⁷ Տե՛ս Յակովը Կարնեցի, էջ 10, 14-24:

վրացի, բայց հայախոս⁸⁸⁸: Եվ երբ 1643 թ. Զաֆար փաշան աշխարհագիր անցկացրեց և ծանր գլխահարկ սահմանեց, «վրացիները», այսինքն՝ քաղկեդոնական հայերը, մահմեդական դարձան:

Հակոբ Կարնեցու անգնահատելի երկի կողքին տեղեկություններ են պարունակում նաև հայկական ու թուրքական այլ աղբյուրներ: Առաքել Դավրիժեցին, որ Հակոբ Կարնեցուն գրեթե զուգահեռաբար է շարադրել իր երկը, Բասենին հարևան Խալիջագի գավառի մասին խոսելիս նշում է, «որ այժմս անբնակ է»⁸⁸⁹: Փոխարժենը Սիմեոն Երևանցի կաթողիկոսը 1765 թ. Էրզրումի նահանգի Բայազետի փաշայության տարածքում հիշատակում է շուրջ 140 հայաբնակ բնակավայր⁸⁹⁰: Ծոազատկի առիթով մի հիշատակարանում անուղղակիորեն խոսվում է Էրզրումում և Գյումուշխանայում փոքր թվով հունադավանների առկայության մասին⁸⁹¹, իսկ Խործյանում աստիճանաբար սկսում է հաստատվել քրդական տարր⁸⁹²: Արդեն 18-րդ դարում լցորեն նոսրանում է Մանազկերտի հայությունը: Ըստ Ղ. Ինճիճյանի՝ 17-18-րդ դարերում Մանազկերտի (Մալազկերտի) գավառում 360 հայկական գյուղ կար, 1760-ական թթ.¹ 100, իսկ 18-րդ դարի վերջին՝ 20⁸⁹³: Նա խոսում է նաև Կամախում թուրքացած հայերի մասին⁸⁹⁴: Այդուհանդերձ, հարկ չենք համարում ներկայացնել Ղ. Ինճիճյանի

⁸⁸⁸ Տե՛ս Յակով Կարնեցի, էջ 18:

⁸⁸⁹ Առաքել Դավրիժեցի, էջ 90-91:

⁸⁹⁰ Տե՛ս Սիմեոն Երևանցի, էջ 64-65, 476-477:

⁸⁹¹ Տե՛ս «Հայերեն ձեռագրերի ժեղարի հիշատակարաններ», հ. Բ, էջ 542: Ըստ Քյաթիր Չելեբիի՝ Գյումուշխանեի արձարի հանքավայրերի մոտ «այժմ» (1640-ական թթ.) մեծ և բարեշեն գյուղաքաղաք է կառուցվել, որի բնակիչները խոսեն հունարեն (տե՛ս «Թուրքական աղբյուրներ», հ. Բ, էջ 42-43):

⁸⁹² Տե՛ս նույն տեղում, էջ 45:

⁸⁹³ Տե՛ս Ինճիճեան Ղ., էջ 112:

⁸⁹⁴ Տե՛ս նույն տեղում, էջ 102:

մնացյալ տվյալները, քանզի դրանք բխում են ոչ թե 17-րդ դարի, այլ 18-րդ դարի և 19-րդ դարի սկզբի իրականությունից:

Էրգրումի նահանգի մասին ժողովրդագրական տեսանկյունից հետաքրքիր տեղեկություններ են հաղորդում թուրք հեղինակներ Քյաթիր Չելեբին և Էվլիյա Չելեբին: Քյաթիր Չելեբին շեշտում է Դերջանի և Բաբերդի՝ ցանքատարածություններով և հացահատիկով, ինչպես նաև արոտավայրերով, բամբակով, խաղողով և պտուղներով հարուստ լինելու հանգամանքը, շեշտում մեղվապահությունը և պտղաբուծությունը Սպերում, իսկ Կարինի դաշտը, որ օսմանյան բանակի ձմեռանոց էր, այնքան բերքառատ էր, որ ոչ միայն լիովին բավարարում էր բնակչությանը և կայազրորին, այլև նոյնիսկ երբեմն չէին հասցնում հավաքել բերքը⁸⁹⁵: Քյաթիր Չելեբիի այս տեղեկություններն ավելի մանրամասնորեն հաստատվում են Հակոբ Կարնեցու երկի տվյալներով: Մննդամթերքի այսօրինակ առատության հնարավորությունները բնակչության բնական աճի համար հարմար միջավայր էին ապահովում: Ուշագրավ է, որ Էվլիյա Չելեբին ևս հաղորդում է, որ Էրգրումի դաշտը բերքառատ էր և ուներ հարյուրավոր բարեշեն գյուղեր, ընդ որում՝ 7 տեսակի ցորեն կար, որ հավաքում էին 60 օրվա ընթացքում⁸⁹⁶: Հացահատիկի և պտղի առաջին շտեմարանը Երզնկայի դաշտն էր, երկրորդը՝ Շորթումը⁸⁹⁷: Բնակչությունը առողջակազմ է, եղանակի բարենպաստ լինելու շնորհիկ մարդիկ երկար են ապրում:

Քյաթիր Չելեբին նաև անդրադառնում է քրդական ցեղերի տարածմանը Էրգրումի նահանգում: Նրա տեղեկությունները ևս հաստատում են Հակոբ Կարնեցու այն մոտեցումը, որ քրդերը մշտաբնակ չէին, այլ սեզոնային տեղաշարժեր էին կատարում:

⁸⁹⁵Տե՛ս «Շորթական աղբյուրներ», հ. Բ, էջ 43-45, 47:

⁸⁹⁶Տե՛ս «Շորթական աղբյուրներ», հ. Գ, էջ 59, 62:

⁸⁹⁷Տե՛ս նոյն տեղում, էջ 128, 135:

Այսպես, նա հաղորդում է, որ Խնուսի բերդում մեծ մասը փեսյանի ցեղի քուրդ էր, և միաժամանակ նշում, որ ամռանն այստեղ էին գալիս հարյուր հազարավոր մարդիկ⁸⁹⁸: Սա, փաստորեն, քոչվոր անասնապահների սեզոնային միզրացիա էր: Թուրք հեղինակը քրդական փեսյան աշխրեթի ներկայացուցիչներ է հիշատակում Քոյի և Ղուզուշան գավառներում, իսկ Բայազետի գավառն օջարլըթի իրավունքով փեսյանի աշխրեթի քրդական ցեղից Փահլևան բեյին էր պատկանում⁸⁹⁹: Միփան լեռան լանջին բնակվող բաթրեթի քրդական աշխրեթին Քյաթիր Չելեքին ոգևորությամբ անվանում է շատ քաջարի ցեղեր, որոնցից Սեֆյանները վախենում են⁹⁰⁰: Սա հերթական անգամ հաստատում է էթնիկական պատնեշ ստեղծելու՝ օսմանյան քաղաքականությունը:

Թուրք ուղեգիր Էվլիյա Չելեքի տեղեկություններն ավելի շատ են պարուրված օսմանյան պետական նախակաղապարներով: Այրուհանդերձ, նրա հիշատակություններում ևս կան արժեքավոր տեղեկություններ: Նա Շապին-Գարահիսարի սահմաններից սկսած հիշատակում է միջինը 150 տուն բնակչությամբ հայկական, ինչպես նաև խառը բնակչությամբ մի քանի գյուղեր⁹⁰¹: Այնուհետև Դերջանի դաշտը նկարագրելիս նա գրում է, որ հողը հերկելիս գյուղացիները գետնից մարդկանց ոսկրոներ են գտնում, որովհետև այն ռազմադաշտ է եղել⁹⁰²:

Էրգորումի նահանգի հարկային համակարգի և հպատակների ռազմական պարտավորությունների նկարագրությունը Էվլիյա Չելեքի կողմից ցույց է տալիս, որ օսմանյան իշխանություններն Արևմտյան Հայաստանում ամրացնում էին ռազմա-

⁸⁹⁸ Տե՛ս «Թուրքական աղբյուրներ», հ. Բ, էջ 45:

⁸⁹⁹ Տե՛ս նոյն տեղում, էջ 45-46:

⁹⁰⁰ Տե՛ս նոյն տեղում, էջ 46: Արարատ լեռը նաև յայլա է անվանում:

⁹⁰¹ Տե՛ս «Թուրքական աղբյուրներ», հ. Գ, էջ 56:

⁹⁰² Տե՛ս նոյն տեղում:

ավատատիրական սեփական համակարգը: Այդ իսկ պատճառով ուղեգիրը ներկայացնում է միջնաբերդում ամրացած կայազորները, որոնց պատճառով բերդերի բնակչության մեջ շարունակաբար հիշատակում է թուրքերի կամ քրդերի:

Ըստ Էվլիյա Զելեբիի՝ Էրզրումի արևելյան հատվածը հայաբնակ էր, հայերն ունեին 13 եկեղեցի⁹⁰³: Բասենի դաշտի Հասանկալայում և Շուշիկի (Շոշիկի) բերդում քուրդ բեյեր էին իշխում⁹⁰⁴: Խնուաի բերդում մահմուֆի ցեղի 1200 տուն քրդեր էին ապրում, իսկ բեյի գինվորների թիվը 2000 էր⁹⁰⁵, ուստի մեկ տան հաշվարկով մոտ 1,7 զինվոր էր բաժին ընկնում: Էվլիյա Զելեբիի հաղորդմամբ՝ մինչև թուրք-պարսկական սահմանը Երասխ գետն անցնում էր հարյուրավոր գյուղերով⁹⁰⁶, ինչը խոսում է այն մասին, որ գետի բարեբեր հովիտը հասցրել էր Վերականգնվել բռնագաղթից հետո: Թուրք ուղեգիրն իր ճամփորդությունների ժամանակ անցել է տարբեր վարչամիավորներում գտնվող մի քանի տասնյակ հայկական գյուղերով՝ յուրաքանչյուրում 100-500 բնակիչ նշելով: Նա ներկայացնում է նաև քաղաքների բնակչության թվի մասին տվյալներ՝ Բաբերդում՝ պարսպից ներս՝ մոտ 300 և պարսպից դուրս՝ մոտ 1000 տներ, Թորթումում՝ համապատասխանաբար 18 և 700, Երզնկայում՝ 200 և 1800, Շապին-Գարահիսարում՝ 70 և 1600, Մարզվանում՝ 4000⁹⁰⁷: Ըստ Էվլիյա Զելեբիի՝ Սուկեյման սովորականի հրամանով Ահմեդ փաշան Թորթումի ուղղությամբ Դատանի նահիեի 60 գյուղերից 45-ն ավերել է, քանի որ դրանք հրաժարվել են հպատակվել⁹⁰⁸: Փաստորեն,

⁹⁰³ Տե՛ս «Թուրքական աղբյուրներ», հ. Գ, էջ 61-63:

⁹⁰⁴ Տե՛ս նոյն տեղում, էջ 65-66, 68:

⁹⁰⁵ Տե՛ս նոյն տեղում, էջ 68:

⁹⁰⁶ Տե՛ս նոյն տեղում, էջ 67: Էրզրումի նահանգն ուներ մոտ հարյուր նահիեներ (տե՛ս «Թուրքական աղբյուրներ», հ. Բ, էջ 41-42):

⁹⁰⁷ Տե՛ս «Թուրքական աղբյուրներ», հ. Գ, էջ 126, 128, 135-139:

⁹⁰⁸ Տե՛ս նոյն տեղում, էջ 127:

Թորթումի գավառակում բնակավայրերի ցանցի խտության նվազումը նպաստավոր պայմաններ էր ստեղծում տեղի բնակչության մասնատման և մահմեդականացման համար, ինչը մենք տեսնում ենք Հակոբ Կարնեցու հիշատակություններում:

Էվլիյա Զելեբին բավականին մանրամասն է ներկայացնում Վանի նահանգի քրդական իշխանությունները՝ Բիթլիս, Հեքարի, Մահմուտի և Փինյանիշ: Բիթլիսը Վանի նահանգում առանձին հյություններ էր⁹⁰⁹: Քաղաքում ապրող քրիստոնյաների և արաբների գլխահարկը Վանի բանակի պահպանման ծախսերին էր ուղղվում, իսկ Մշո դաշտի գլխահարկը 1635 թ. Մուրադ սուլթանի կողմից շնորհիվել էր Խանին⁹¹⁰: Խանին ենթակա էին 70 աշխրեթներ ու ցեղեր⁹¹¹: Ուշագրավ է Էվլիյա Զելեբիի այն տեղեկությունը, որ Վանին ենթակա Բիթլիսի նահանգի մարդահամարով 43 հազար քրիստոնյա ռայաներ կային⁹¹², ինչը միայն հարկատու տղամարդկանց թիվն է արտացոլում: Նման պարագայում քրիստոնյա բնակչությունը պետք է կազմեր առնվազն 161 հազար մարդ:

Բիթլիսի գավառակն ուներ 17 նահիեներ (Մոտկան, Գյավառ, Գավաշ, Զիրդախան ևն)⁹¹³: Ըստ Էվլիյա Զելեբիի՝ Բիթլիսի 10 հազար այգիներից լավագույնները պատկանում էին քրիստոնյաներին, ընդ որում՝ բոլորը 8 ամիս գրաղվում էին այգեգործու-

⁹⁰⁹ Տե՛ս «Թուրքական աղբյուրներ», հ. Գ, էջ 198:

⁹¹⁰ Տե՛ս նոյն տեղում, էջ 198, 206:

⁹¹¹ Տե՛ս նոյն տեղում, էջ 198:

⁹¹² Տե՛ս նոյն տեղում, էջ 198-199: Թուրք հեղինակը բնակչության մասին խոսելիս գրում է, որ Բիթլիսն ուներ 40 հազար բնակիչ, որոնք ուղիղ ցեղից էին, իսկ ռայաները ներկայացվում են դրանից հետո: Ոչ մոտավանդ հպատակներին մահմեդականների հետ բնակչության կազմի մեջ չներկայացնելու այսօրինակ շովինհստական մոտեցման մեջ է նաև թաքնված շատ դեպքերում հայկական կամ վրացական տարրի անտեսումը թուրք պատմագրի կողմից:

⁹¹³ Տե՛ս նոյն տեղում, էջ 199:

թյամբ⁹¹⁴: Քյաթիր Չելեբիի հաղորդմամբ էլ՝ Բիթլսում տաք Եղանակին 6 ամիս շարունակ այգեգործական աշխատանքներ էին կատարվում, ընդ որում՝ քաղաքի բնակիչների մեծ մասը հայեր էին⁹¹⁵: Մշտ դաշտը հացառատ էր, «ռայաներն» ընդարձակ արոտավայրերի շնորհիվ շատ ոչխարներ ու գոմեշներ ունեին, «գյուղերում ամենուրեք ապրում են հայեր», և ըստ սովորանական դավթարի՝ 4 հազար զիմմի (ոչ մահմեդական հպատակ) էր գրանցված⁹¹⁶:

Թուրք հեղինակներն ուշագրավ տեղեկություններ են հայտնում Վանի նահանգի քրդական այլ ցեղերի մասին ևս: Ըստ Քյաթիր Չելեբիի՝ Ոստան քաղաքը գյուղի է վերածվել⁹¹⁷: Ըստ Նրա՝ Խոյին մերձակա Սաքմանաբադ (Սոքմանավան) նահիենում ապրում էր դենքելի աշիրեթը, որի մեծ մասը սուննի մահմեդականություն ընդունած եղիներ էին: Նրանց բեյերից ոմանք, թուրք հեղինակի հավատմամբ, մինչև օսմանյան ներխուժումն իշխել են բուն Խոյում, իսկ Կոթուրի հովիտը, Էրկան և Օվաջըրի նահիեն, որ Նախիջևանի մարզում էին, ենթարկվել են Նրանց, երբեմն՝ նաև հարևան այլ տարածքներ, սակայն հետո հալածվել են Սեֆյանների կողմից, և թեև օսմանյան իշխանությունների կողմից Էրկան, Զալիրանը, Սովեյման Սարայը և Սաքմանաբադը տրվել են բեյերին, Զալիրանի նահիեն, ի վերջո, գավառի է վերածվել⁹¹⁸: Խոչար գյուղաքաղաքն էլ մահմուդի քուրդ բեյի օջաքըն ու հյությունների կենտրոնն էր⁹¹⁹: Հաքարիի

⁹¹⁴ Տե՛ս «Թուրքական աղբյուրներ», հ. Գ, էջ 202:

⁹¹⁵ Տե՛ս «Թուրքական աղբյուրներ», հ. Բ, էջ 33-36:

⁹¹⁶ Տե՛ս նոյն տեղում, էջ 36:

⁹¹⁷ Նոյն տեղում, էջ 38:

⁹¹⁸ Տե՛ս նոյն տեղում, էջ 38-39:

⁹¹⁹ Տե՛ս նոյն տեղում, էջ 39: Մահմուդի հյությունները Վանի արևելյան մասում էր՝ մինչև Կոթուրի բերդը, և նրան ենթարկվում էին 120 աշիրեթի բեյեր (տե՛ս «Թուրքական աղբյուրներ», հ. Գ, էջ 244):

քրդական հյուքյումեթը Վանի նահանգի Ոստանի նահիեից արևելք էր՝ շրջապատված Բիթլիսի հյուքյումեթով, Դիարբեքիրի քրդական սանչակներով, հարավից՝ Շեիրի-Զոր նահանգով և Մեհրանի հյուքյումեթով, իսկ Պարսկաստանի հետ արևելյան սահմանն անբնակ էր, քանի որ Կոթուրի հատվածը պայմանագրով անմարդաբնակ էր դարձվել⁹²⁰:

Էվլիյա Զելեբին Վանա լիի ավագանում հիշատակում է մեկ տասնյակից ավելի հայկական բարեշեն գյուղեր՝ յուրաքանչյուրը 50-300 բնակչությամբ: Քրդական իշխանության ներքո գտնվող քաղաքների պարագայում նա նշում է, որ նախկինում ավելի մեծ ու բարեշեն են Եղել, քան իր ժամանակներում⁹²¹: Այդուհանդերձ, Վանի նահանգում միայն զեամեթ և թիմար տրված բարեշեն 700 գյուղեր կային⁹²²: Վանում նա հայկական 3 թաղ է հիշատակում, նշում, որ հայերը վաճառականներ են և բարեգործ, ընդորում՝ բերդում ծառայող հայերը խարացի փոխարեն պարտավոր էին նորոգել այն⁹²³: Սիփան լեռը Նկարագրելիս թուրք ուղեգիրն ասում է. «Ամեն տարի թուրքմեն, խալի, չեքվանի, զազա, լոլո, զիբարի, փեսանի, քարքյարի ցեղերը, իրենց հարյուր հազարավոր կենդանիներով բարձրանում են այս լեռան բարձր գագաթը և ամառը այնտեղ անցկացնում»⁹²⁴: Ըստ նրա՝ Բերկորիի բնակիչները շեհբազի և ղազի-մահմուլի ցեղերի քրդեր էին⁹²⁵: Արճակ բերդը ևս մահմուլի բեյի իշխանության ներքո օջաքլը էր⁹²⁶: Փինյանիշները ևս մահմուլի էին համարվում, ապրում էին

⁹²⁰ Տե՛ս «Թուրքական աղբյուրներ», հ. Բ, էջ 40:

⁹²¹ Տե՛ս «Թուրքական աղբյուրներ», հ. Գ, էջ 215-216:

⁹²² Տե՛ս նոյն տեղում, էջ 243:

⁹²³ Տե՛ս նոյն տեղում, էջ 247:

⁹²⁴ Նոյն տեղում, էջ 219:

⁹²⁵ Տե՛ս նոյն տեղում, էջ 224:

⁹²⁶ Տե՛ս նոյն տեղում, էջ 261:

պարսկական սահմանի երկայնքով՝ Մահմութիից արևելք⁹²⁷: Արևելքում Բենի-Կոթուր, Բիրեղուսի (Բրադոստի, Բարադոստի), Զոլանի, Դում-Դեմի (Ուրմիայի), Դունքովի հյուքյումեթներն էին, որոնք Սովեյմանի ջանքերով Վանին են հպատակվել, Շավրիզի գրավումից հետո միացվել Շավրիզի նահանգին, ապա վերադարձվել Վանի նահանգին, սակայն 1640 թ. պարսիկները Բենի-Կոթուր բերդում կայազոր են տեղակայել և հպատակեցրել սահմանակից 5 հյուքյումեթները⁹²⁸: 1654 թ. Բիթխսի խանի և Մանազկերտի բեյի միջև վեճի ժամանակ հիշատակվում են խանին օգնող Դիարբեքիրի նահանգի Ճապաջորդի, Զմշկածագի և Հազոյի բեյերը, Վանի նահանգի Զրիկի (Զորկանի), Սղերդի, Կարկառի, Խիզանի և այլ բեյեր, իսկ Աղիլզևազի, Արճեշի և Մուշի բեյերը աջակցում են Մանազկերտի բեյին պաշտպանող Վանի փաշային⁹²⁹:

Քյաթիր Չելեբին մանրամասն նկարագրում է Դիարբեքիրի նահանգի քրդական աշիրեթները, քրդական նահիեների շարքում հիշատակում Հիթեմի նահիեն, որի «բնակիչների մեծ մասը և ռայաները հայերն են», Շախի նահիեի բնակիչները ևս հայեր էին⁹³⁰. Էվլիյա Չելեբիի հաղորդմամբ՝ Արածանիի վրայի Ճապաջորդի կամրջով անցնում էին Բյուրակնյան լեռների յայլաների վրա գտնվող խալթի, չեքվանի, եզիդի, զազա, զեբարի, լոլո, իզոլի, շեքակի (շկակի) և քիքի աշիրեթները, որտեղ մոտ 200 հազար մարդ և հարյուր հազարավոր ոչխարներ կային⁹³¹: Այս տեղեկությունը հերթական անգամ հաստատում է այն փաստը, որ նշված ցեղախմբերը Արածանուց հյուսիսի մշտաբնակ չեն եղել:

⁹²⁷ Տե՛ս «Թուրքական աղբյուրներ», հ. Գ, էջ 244:

⁹²⁸ Տե՛ս նոյն տեղում, էջ 244-245:

⁹²⁹ Տե՛ս նոյն տեղում, էջ 253, 255-256:

⁹³⁰ Տե՛ս «Թուրքական աղբյուրներ», հ. Բ, էջ 57:

⁹³¹ Տե՛ս «Թուրքական աղբյուրներ», հ. Գ, էջ 167:

Թուրք հեղինակը նշում է, որ բեյի մարդիկ իրենց սանջակում տասանորդ էին հավաքում, իսկ յայլաներից իջնելիս դարձյալ «յայլայի նվեր» էին վերցնում⁹³², հետևաբար բնակչության աշխատավոր զանգվածը՝ քրիստոնյաները, ծանր դրության մեջ էին հայտնվում: Ըստ նրա՝ Գենճի բեյը նախսկինում 3000, իսկ իր ժամանակ՝ 1000 զինվոր ուներ⁹³³, ինչը նշանակում է, որ քրդական բնակչության թիվը կրճատվել է:

Էվլիյա Զելեբին մանրամասն ներկայացնում է Դիարբեքիրի քրդական յուրթուք-օջաքլը կարգով ղեկավարվող 8 սանջակները և 5 հյութումեթները⁹³⁴: Ըստ նրա՝ Դիարբեքիրի շրջակայքում ապրում էին քրդեր, թուրքմեններ, արաբներ, պարսիկներ, իսկ ռայաները հայեր էին⁹³⁵: Այստեղ հերթական անգամ նկատելի է թուրք հեղինակի այն շովինիստական մոտեցումը, որ հայերի թվարկումը բնակիչների շարքից դուրս է՝ ռայաների առանձին խմբում: Էվլիյա Զելեբին ընդհանուր առմամբ հաշվում է 6 հազար քուրդ աշխիրեթներ և ցեղեր⁹³⁶: Սա ցոյց է տալիս ոչ թե Էթնիկական սկզբունքով ցեղաբաժանումը, այլ քրդերի ներէթնիկ ցեղային կառուցը քննարկվող ժամանակաշրջանում: Զնայած իր մոտեցումներին՝ Դիարբեքիրի նահանգի գրեթե բոլոր վարչամիավորներում թուրք հեղինակը հայերենը թվարկում է ամենատարածված լեզուների շարքում⁹³⁷:

Ըստ Էվլիյա Զելեբիի՝ Կարսի նահանգի 10 կազաներից յուրաքանչյուրում կար 8 նահիե, իսկ Կարսի բերդում՝ մոտ 3 հազար տուն բնակչություն, և հացահատիկը առատ էր⁹³⁸: Այս տե-

⁹³² Տե՛ս «Թուրքական աղբյուրներ», հ. 4, էջ 167:

⁹³³ Տե՛ս նոյն տեղում, էջ 167-168:

⁹³⁴ Տե՛ս նոյն տեղում, էջ 181-182:

⁹³⁵ Տե՛ս նոյն տեղում, էջ 186:

⁹³⁶ Տե՛ս նոյն տեղում, էջ 192:

⁹³⁷ Տե՛ս նոյն տեղում, էջ 264-265:

⁹³⁸ Տե՛ս նոյն տեղում, էջ 117-118:

ղեկությունը կարևոր է Ամասիայի պայմանագրից և շահ Աբասի բռնազարդից խիստ տուժած այս վարչամիավորի համար:

Թոխատում, Մալաթիայում և Սեբաստիայում հայ բնակչությունը, ըստ Քյաթիր Զելեբիի և Էվլիյա Զելեբիի, զգայի թիվ էր կազմում⁹³⁹: Կրօղլ-Ծրմաքի (պատմ.)՝ Հայիս ավազանը, ըստ Քյաթիր Զելեբու Նկարագրության, բավականին խիտ էր բնակեցված, և սննդի ու խմելու ջրի խնդիր չկար⁹⁴⁰: Նա նաև նշում է, որ Շահեկ լեռը (Ամասիայի, Նեռկեսարիայի և Ջանիկի միջև) թուրքմենական ցեղերի ամառային յայլաների շրջան էր⁹⁴¹: Էվլիյա Զելեբին գրում է, որ Սեբաստիայում հացահատիկն առատ է, նույնիսկ կարող է իրենից հարավ և արևմուտք ընկած նահանգները կերակրել⁹⁴²: Մալաթիան էլ աչքի էր ընկնում 7800 այգիներով, 600 բանջարանցներով, 7 տեսակի հացահատիկով⁹⁴³:

Հետաքրքիր են թուրք հեղինակների տեղեկությունները նաև Արևելյան Հայաստանի մասին: Ըստ Էվլիյա Զելեբիի՝ Նախիջևանը Մուրադ Դ-ից հետո ավելի է բարեշինվել և 10.2 հազար տներ ուներ, իսկ Շորագյալը (պատմ.)՝ Շիրակավանը կամ Երազգավորսը հնում մեծ քաղաք է եղել, սակայն իր ժամանակ այնքան էլ շեն չէր⁹⁴⁴: Թուրք ուղեգիրն Արարատյան կուսակալության տարածքում հիշատակում է 200-800 տոնն բնակչություն ունեցող մի քանի բնակավայրեր, օրինակ՝ Ապարանը (500 տոնն)⁹⁴⁵: Քյաթիր Զելեբին Երևանի մոտ հիշատակում է հացահատիկի դաշտեր, պտղատու այգիներ, և նրա ծևակերպմամբ՝

⁹³⁹ Տե՛ս «Թուրքական աղբյուրներ», հ. Բ, էջ 66-67, 69-70; հ. Գ, էջ 157-158, 276-277:

⁹⁴⁰ Տե՛ս «Թուրքական աղբյուրներ», հ. Բ, էջ 68-69:

⁹⁴¹ Տե՛ս նոյն տեղում, էջ 69:

⁹⁴² Տե՛ս «Թուրքական աղբյուրներ», հ. Գ, էջ 154:

⁹⁴³ Տե՛ս նոյն տեղում, էջ 178:

⁹⁴⁴ Տե՛ս նոյն տեղում, էջ 71-72, 80:

⁹⁴⁵ Տե՛ս նոյն տեղում, էջ 85-86, 123-124:

բերքառատ մի նահանգ է⁹⁴⁶: 17-րդ դարի կեսին Արարատյան կուսակալությունում սննդի մեծ հնարավորությունների և մարդաշատ բնակավայրերի հիշատակումը ցույց է տալիս, որ մեծ բռնագաղթից շուրջ կես դար անց վարչամիավորը հասցրել էր վերականգնել իր մարդկային ռեսուրսների զգալի մասը: Ինչ վերաբերում է Պարսկահայքին, ապա Խոյի և Չորսի գավառակներում կար 7 հազար տուն բնակչություն, ընդ որում՝ Խոյը 180 բարեշեն գյուղեր ուներ⁹⁴⁷:

Մի կողմ թողնելով թուրք ուղեգիրների տվյալները՝ անդրադառնանք Քաշաթաղում օտար էթնիկական ներթափանցումների խնդրին: Ա. Հակոբյանի կարծիքով՝ Քաշաթաղը մասնատվել է Քաշաթաղի և հյուսիսարևմտյան Ալբաուտ գավառների (մահալների) շահ Աբաս Ա-ի օրոք, քանի որ այդ ժամանակ լայն տարածում էր գտել քոչվոր ազնվականությանը զինվորական ծառայության դիմաց հոդային տիրույթների կամ հարկային մասնակի իրավունքների շնորհումը: Բացի այդ, նա հավելում է, որ 1609 և 1620 թթ. շահական իրովարտակներով հաստատվել են Մելիք Հայկազ Բ-ի սեփականատիրական իրավունքները Քաշաթաղի և Կապանի մահալներում ունեցած կալվածքներում՝ պաշտպանելով նրան թուրք-պարսկական պատերազմում օսմանյան բանակի կողմն անցած քոչվոր ցեղերի ուսնձգություններից⁹⁴⁸: Հենվելով շահի պալատական պատմիչ Իսքանդար Մունշիի վկայությունների վրա՝ Հ. Փափազյանը ենթադրել է, որ Մելիք-Հայկազյանների թշնամիները «շահսկան» (շահին սիրող)

⁹⁴⁶Տե՛ս «Թուրքական աղբյուրներ», հ. Բ, էջ 13, 14:

⁹⁴⁷Տե՛ս «Թուրքական աղբյուրներ», հ. Գ, էջ 79-80:

⁹⁴⁸Տե՛ս «Մատենադարանի պարսկերեն վավերագրերը», հ. I, պ. II, վավ. 15: Մելիք-Հայկազ Բ-ի օրոք աստիճանաբար զգալի են դարձել քոչվորական արշավանքները, որոնցից մեկի ժամանակ մելիքը նույնիսկ գերի է տարվել Գանձակ (տե՛ս Հախվերդյան Ա., Ուրվագծեր Սյունիքի Քաշաթաղի մելիքության պատմությունից, «Հայոց պատմության հարցեր», հ. 9, Երևան, 2008, էջ 93):

հայտարարած ցեղերն էին, ուստի Ա. Հակոբյանն իր հերթին ենթադրել է, որ 1886 թ. ոռուական ծխական վիճակագրության ցուցակում Մինքենդի գյուղական հասարակության կենտրոն Շահսուպարլու (արքա ձիավոր) անունը, որ չի նույնանում քրդական կամ թյուրքական որևէ ցեղանվան հետ, կարող է առաջացած ինել «շահսևան»-ի թյուրքական հորօնությունից⁹⁴⁹: Թեև դժվար է համաձայնվել իմաստային տեսանկյունից խիստ տարբեր երկու բառերի զուգադրմամբ նման եզրահանգման հետ, սակայն ուշագրավն այն է, որ Ա. Հակոբյանը շեշտում է, թե տվյալ տարածք քոչվորները երկար ժամանակ ներթափանցում էին լոկ որպես սեզոնային արոտավայրեր⁹⁵⁰: Այս առնչությամբ Պ. Չորանյանը գտնում է, որ Զաքարիա Քանաքենցու կողմից Քաշաթաղի Հոչի գյուղի մոտ վրանային բնակություն ունեցող քրդերի հիշատակումը⁹⁵¹ (որը, ի դեպ, այդ գոտում նրանց առաջին հիշատակումն է) ցոյց է տալիս, որ նրանք չեն վայելում պարսից իշխանությունների հովանավորությունը և մուտք չեն գործել Ծար⁹⁵²: Ամիրգունա խանը խստորեն կանխել է քրդական ասպատակությունները Երևանի խանությունում, օրինակ՝ Երբ Մասիսից հարավ բնակվող քրդական ցեղերը որոշել են ասպատակել Շարուրի դաշտը, նրանց սուսկալի հարված է հասցել Թահմասպկովի կողմից, որը մինչ այդ անցել էր Գեղարքունիքով և Վայոց ձորով ու քրդերի չեր հանդիպել⁹⁵³: 1691/1692 թ. Քաշաթաղի մելիք Հախնազարը մի շարք գյուղերի տանուտերերի հետ շարիաթական դատարանով կնքված համախոհական

⁹⁴⁹ Տե՛ս Յակոբեան Ա., Հակարիի վերնահովտի նորայաս վիմագրերը. Բ, «Մերձավոր և Միջին Արևելյան երկրներ և ժողովուրդներ», հ. 27, Երևան, 2009, էջ 238-240:

⁹⁵⁰ Տե՛ս նոյն տեղում, էջ 240:

⁹⁵¹ Տե՛ս Զաքարիա Քանաքենցի, էջ 95:

⁹⁵² Տե՛ս Չորանյան Պ., Քարվաճառի Էթնիկ դիմագծի հարցի շուրջ, էջ 226:

⁹⁵³ Տե՛ս նոյն տեղում, էջ 228:

դիմում է ներկայացրել պարսից արքունիք՝ տեղական բնակչության շահերը հողային վեճի ժամանակ պաշտպանելու համար: Այստեղ թվարկված գյուղերի (*Հալաք, Բայանդուր, Վաղագաղուն (Վաղազին), Սուարանց, Ղուչչի, Մերիկ, Հարար, Աֆաթխար (Աղբաթխեր), Մինքենդ, Փուլ, Հոչաս (*Հոչանց), Յալղուզդամ, Արավիս*) քեդխուտաները հայեր էին (Անդրիաս, Ամիր Խաչեն, Մարտիրոս, Պողոս, Մելքոն, Առաքել, Խախիսան, Հակոբ, Պետրոս, Սարգիս, Գիքոր և այլք)⁹⁵⁴: 1730 թ. դեռևս հիշվում են Քաշաթաղի գավառի Եզնագոմեր, Խանաձափի, Խազնավար (Խոզնավար), Հոչանց, Հակ, Միրիկ, Սպիտակաջուր, Քարագլուխ և այլ գյուղեր, իսկ Չրաղլու գյուղում, որ 19-րդ դարի վերջին հայաթափված էր, պահպանված 4 տապանաքարերից մեկը 1608 թ. է թվագրվում⁹⁵⁵: Պ. Չոբանյանի կարծիքով՝ քրդական և մահմեդական այլ տարրերի ներթափանցումը Քաշաթաղ և Արցախ գգալի չափեր է ընդունել 1730-1734 թթ. օսմանյան ռազմակալման շրջանում, ինչի մասին վկայում է Աբրահամ Կրետացին, և 19-րդ դարի առաջին քառորդում՝ միայն դարի կեսերին էթնիկական գերակշռություն ձեռք բերելով հայերի նկատմամբ⁹⁵⁶:*

Օտար էթնիկական տարրի կողմից հայկական բնակավայրերի տարածքների զավթման շուրջ վեճեր տեղի են ունեցել նաև Արարատյան կուսակալությունում: Հ. Փափազյանը ներկայացնում է Կաթողիկոսական դիվանի մի խումբ վավերագրերում նկարագրված վեճեր թափառող քոչվոր ցեղերի և գյուղերի հայ բնակչության միջև, ինչպես օրինակ՝ 1650 թ. հայկական Բաթ-

⁹⁵⁴ Տե՛ս Կոստիկյան Ք., Քաշաթաղի 17-րդ դարի պատմությանը վերաբերող մի փաստաթուղթ, «Մերձավոր և Միջին Արևելքի երկրներ և ժողովուրդներ», հ. 20, Երևան, 2001, էջ 168-175:

⁹⁵⁵ Տե՛ս Յակոբեան Ա., նշվ. աշխ., էջ 240, 242:

⁹⁵⁶ Տե՛ս Չոբանյան Պ., Քարվաճառի էթնիկ դիմագծի հարցի շուրջ, էջ 222, 227-228, 229:

ոինչ (այժմ՝ Ուկեհատ, <<Արագածոտնի մարզ>) գյուղի բնակիչները, օսմանյան տիրապետության շրջանում ստիպված էին եղել հեռանալ գյուղից, իսկ երբ ցանկանում էին վերադառնալ իրենց գյուղ, այստեղ հաստատված քոչվոր թարաքամաները (թուրքոման – Մ.Ս.) թույլ չէին տվել⁹⁵⁷: Այօրինակ փաստեր պարունակում են 17-րդ դարի վերջի և 18-րդ դարի սկզբի մի շարք վավերագրեր⁹⁵⁸: Ըստ Հ. Փափազյանի՝ հենց այդ ժամանակ Կարբիի, Ղրիմովադի, Վեդիի, Սուլոմալուի և այլ մահալների գյուղերում հաստատվում ռազմավարից զրկված կիսանստակյաց տարրեր սաադլու, ալփավութ (ալբոուտ, ալփաութ), այրումլու, կազախլու (կաջար), աղջա-կոյունլու (աղկոյունլու կաջար), բայաթ, մուհամմադխանլու, հաջիկարալու (հաջիղարա) և քոչվոր այլ ցեղերից, ու հենց այդ գործնթացների արդյունքն էր Ի. Շոպենի արձանագրած էթնիկական իրավիճակը Հայկական մարզում Ռուսական կայսրության տիրապետության առաջին տարիներին (1830-ական թթ. սկզբին)⁹⁵⁹, ինչն արդեն մեր աշխատանքին չի առնչվում: Հարկ է նշել, որ վարչամիավորի կենտրոն Երևանը 1647 թ. արդեն 2060 տուն⁹⁶⁰ (մոտ 3500 ընտանիք կամ 17-20 հազար մարդ)⁹⁶¹ բնակչություն ուներ: Այդուհանդերձ, դեռևս նկատելի էին նաև շահ Արասի բռնագաղթի հետևանքները: Այսպես, Ամբերդի (Արագածոտն) գավառի Հաբենի գյուղի մասին խոսելիս Առաքել Դավրիհեցին նշում է, որ իր ժամանակներում այն ավերակ և անմարդաբնակ է, բայց «ի ժամանակս հարց մերոց էր շեն գիւղս յայս Յաքենի»⁹⁶²:

⁹⁵⁷ Տե՛ս **Փափազյան Հ.**, Օտար տիրապետությունը Արարատյան երկրում (ԺԷ դ.), էջ 42:

⁹⁵⁸ Տե՛ս նոյն տեղում, էջ 42:

⁹⁵⁹ Տե՛ս նոյն տեղում, էջ 42-43: **Թուուն Ա.**, նշվ. աշխ., էջ 599-602:

⁹⁶⁰ Տե՛ս «Թուրքական աղբյուրներ», հ. Գ, էջ 85:

⁹⁶¹ Տե՛ս **Կարապետյան Մ.**, Երևանի բնակչության..., էջ 103:

⁹⁶² **Առաքել Դավրիհեցի**, էջ 249:

Արարատյան կուսակալությունում հայ բնակչության թվի մոտավոր գնահատման տեսանկյունից կարևոր է ուսումնասիրել քննվող ժամանակաշրջանին ամենից մոտ պաշտոնական որևէ վիճակագրություն։ Սոֆիայում պահվող հետաքրքրական մի դավթար է ներկայացնում <. Փափազյանը, որտեղ ներկայացված է Օսմանյան կայսրության կողմից 1724 թ. նվաճված Երևանի նահանգում 1724-1726 թթ. անցկացված հաշվառման վիճակագրությունը⁹⁶³։ Ներկայացված տվյալները հաշվարկելով՝ պարզում ենք, որ հավաքվել է ջիգիե 28138 թուղթ, որից 14317-ը՝ Սուլումալուից, Արագածոտնից, Կոտայքից և Վայոց ձորից, իսկ մնացածը՝ Նախիջևանից և Շիրակի մի փոքր մասից⁹⁶⁴, այսինքն՝ հաշվառվել է գլխահարկ վճարող այդքան մարդ։ Սա, փաստորեն, Երևանի խանության ոչ մահմեդական չափահաս տղամարդկանց թվի մի մասն է՝ առանց Գեղարքունիքի, ուր օսմանյան գործերի արշավանքի ժամանակ փախել էր վարչամիավորի բնակչության մի մասը։ Եթե հաշվի առնենք, որ Երեխաները այդ ժամանակ, ինչպես նշել ենք սույն աշխատանքի նախորդ գլխում, բնակչության առնվազն 40 %-ն են կազմել, իսկ կյանքի միջին տևողությունը շատ մեծ չի եղել, ուստի ծերերին էլ խիստ մոտավոր համարենք բնակչության 5 %-ը, ապա ստացվում է, որ մեր ուշադրությանն է ներկայացված արական բնակչության կեսը։ Փաստորեն, Երևանի խանության՝ վերը նշված հատվածում արական բնակչության թիվը պետք է շուրջ 51.2 հազար կազմեր,

⁹⁶³ Տե՛ս **Փափազյան <**, Սոֆիայի Կիրիլ և Մեթոդի ժողովրդական գրադարանի օսմանյան դիվանական վավերագրերը, «ՊԲՀ», 1984, թ. 3, էջ 195-214։

⁹⁶⁴ Տե՛ս նույն տեղում, էջ 199-200, 202։ Հետաքրքիր է նաև լոկալ ցուցակների ուսումնասիրությունը, օրինակ՝ Վաղարշապատի 1725 և 1728 թթ. հարկացուցակներից առաջինում նշվում է 373 տուն, երկրորդում՝ 390 տուն (ամուսնացած տղամարդ), 126 ամուսին և 6 այրի, ընդհանուր՝ 522 (անվանացանկում՝ 511, տե՛ս **Փափազյան <**, Վաղարշապատ գյուղի 1725 և 1728 թթ. թուրքական հարկացուցակները, «Բանքեր Մատենադարանի», 1960, թ. 5, էջ 439-441, 444)։

Ժողովրդագրական սկզբունքներից ելնելով՝ կանանց թիվն էլ մոտ 54.8 հազար, ուստի ոչ մահմեդական բնակչության առկա թիվը պետք է շուրջ 106 հազար լիներ⁹⁶⁵: Բնական է, որ կուակալության ոչ մահմեդական բնակչության թիվը պետք է շատ ավելի մեծ լիներ՝ հաշվի առնելով հաշվառման մասնակի բնույթը և միգրացիայի հզոր ալիքը հաշվառման մեկնարկից ընդամենը մեկ տարի առաջ:

Ինչ վերաբերում է պատմագիտական գրականության մեջ երբեմն հանդիպող այն թեզին, թե իբր Աշոցքի տարածքում հայ բնակչությունը 17-րդ դարում տիրապետող չի եղել, ամբողջովին հերքվում է կրկին 1720-1730-ական թթ. սկզբնադրյուրներով: 1723 թ. օսմանյան սերակեյարի և Ղայղուլիի նահիեի (Աշոցք գավառ) հայկական 31 գյուղերի քեդխուտաների միջև ստորագրվել է ինքնակամ հպատակության համաձայնագիր⁹⁶⁶: Հենց այս արարքի համար 1735 թ. Նադիր խանը դեպի Խորասան բռնագաղթի Ենթարկեց Կարսի, Բայազետի և Կաղզվանի, Մամրվանի, Զավախսի, Չըլտըրի և Ղայղուլիի 6 հազար հայերի, ընդ

⁹⁶⁵ 1725-1728 թթ. կազմվել է նաև Գանձակի նահանգի հարկացուցակը (տե՛ս Barkan O., XV ve XVIinci asırda Osmanlı İmparatorluğu'nda ziral ekonomisinin hukuki ve mali esasları, İstanbul, 1945, էջ 195-197):

⁹⁶⁶ Տե՛ս **Փափազյան Հ.**, Նոր նյութեր Արևելյան Հայաստանում թուրքական իշխանությունների հարկային քաղաքականության վերաբերյալ, «Բանքեր Մատենադարանի», թ. 16, Երևան, 1994, էջ 197-198: Գյուղացանկը՝ Աղբուղադ, Զիգարաշեն, Թարքաշ, Վերին Օրթու, Ներքին Օրթու, Ղըզըլլոչ, Ղազանչի, Խանբուղադ, Մելիք, Կոտիշ-Զայ, Ղուկաս, Օրուաթար, Դավագյող, Ալահվերդի, Ղըզըլլոչ, Քեշիշյափա, Կազանցի, Վալիքյանդ, Մըսքրյանդ, Սարգիս, Թաթոս, Դադրաբյանդ, Վերին Ղվարզվար, Ներքին Ղվարզվար, Քուսիբյանդ, Դուրգի, Ղագիբյանդ, Բուլաղբյանդ, Սոլֆի, Բեկբյանդ, ընդ որում՝ քեդխուտաների անոնքներն ակնհայտորեն խոսում են հայկականության մասին՝ Մարտիրոս, Թոնոս, Սարգիս, Գրիգոր և այլն (տե՛ս նոյն տեղում, էջ 201-202):

որում Աբրահամ Կրետացին նշում է, որ Նարիմանը, Զավախըրը, Չըլըզըր և Ղայդրուն «էին բովանդակ ի մեր ազգի»⁹⁶⁷:

Ամփոփելով քննարկվող ժամանակաշրջանում Հայաստանի էթնոժողովրդագրական գործընթացների վերհանումը՝ անհրաժեշտ ենք համարում ներկայացնել 17-րդ դարի կեսերին Հայաստան ուղևորված ֆրանսիացի հայտնի ճանապարհորդ Ժան Բատիստ Տավերնիեի ուշագրավ վկայությունը, որ Թոփատից մինչև Թավրիզ ընդարձակ երկիրը բնակեցված էր հայերով ու նախսկինում «Հայաստանի նահանգ» է կոչվել, և «պետք չէ զարմանալ, որ 50 հային ընկնում էր 1 մուալլման»⁹⁶⁸:

Թուրք-պարսկական պատերազմների ժամանակաշրջանը ստիպում էր հայերին՝ կազմելու ազգային-ազատագրական պայքարի ծրագրեր, սակայն այդ ծրագրերում հստակորեն նշվում էր, որ Հայաստանի ազատագրությունը կարող է կատարվել միմիայն օտարերկրյա ռազմական միջամտությամբ: Փաստորեն, ազգային-ազատագրական պայքարի՝ ընտրված մարտավարությունը, որը չէր հենվում սեփական հնարավոր ռազմական ուժի վրա, հենց սկզբից ուստովիական բնույթ էր կրում և, ըստ Էռլիթյան, ծախողված էր: Սակայն նման մարտավարության ամրագրումը կարելի է նախևառաջ համարել ժողովրդագրական գործընթացների արդյունք: Պատահական չէ, որ 17-րդ դարում Պարսկաստան այցելած պորտուգալացի հոգևորական Գոռվեան արձանագրում է հայ ազատագրական լեզնդի վերազարթոնք, ինչի համատեքստում հայերի՝ սեփական ազատագրական

⁹⁶⁷ Տե՛ս **Փափազյան Հ.**, Նոր նյութեր Արևելյան Հայաստանում թուրքական իշխանությունների հարկային քաղաքականության վերաբերյալ, էջ 200: Բոնագաղթի ենթարկվեցին նաև թյուրքական ցեղեր Բարգուշատից:

⁹⁶⁸ Տե՛ս **Tavernier**, Les six voyages de Jean Baptiste Tavernier, en Turquie, en Perse et aux Indes, Paris, 1713, vol. I, էջ 39, 47-48 (հղումը տե՛ս՝ **Ալպօյաճեան Ա.**, Պատմությին հայ Կեսարիոյ, էջ 631; **Զուլայյան Մ.**, Հայոց պատմության խեղաթյուրումը արդի թուրք պատմագրության մեջ, էջ 104):

դերակատարության մասին խոսք չկար⁹⁶⁹, այսինքն՝ տեղի ունեցած ժողովրդագրական գործընթացները, ստեղծված էթնիկական խայտաբղետ միջավայրը և այդ ամենի արդյունքում մելիքական իշխանությունների զգալի քայլայվածությունը որոշակի փոփոխություններ են մտցրել հայերի էթնիկական հոգեբանության մեջ՝ առաջ բերելով սեփական սոցիումի համընդհանուր ներուժի նկատմամբ անվստահություն։ Պատահական չէ, որ 1570-1650-ական թթ. Հայաստանի ազատագրության գաղափարը վերարձարձելու ուղղությամբ լուրջ քայլ չի կատարվել, իսկ 17-րդ դարի երրորդ քառորդին մշակված ազատագրական նախաձեռնություններում ու ծրագրերում դիտարկվում էր ոչ միայն արևմտաեվրոպական տերությունների, այլ նաև Օսմանյան կայսրության տարածքում բնակվող այլ ժողովուրդների հետ համագործակցության հնարավորությունը։

⁹⁶⁹Տե՛ս **Հովհաննիսյան Ա.**, Դրվագներ հայ ազատագրական մտքի պատմության, հ. 1, Երևան, 1957, էջ 91:

ԵԶՐԱԿԱՑՈՒԹՅՈՒՆ

Այսպիսով, սույն աշխատանքի արդյունքում ակներև է, որ 16-րդ դարում և 17-րդ դարի առաջին կեսին ժողովրդագրական գործընթացները Հայաստանում աչքի են ընկել մի շարք առանձնահատկություններով: Ստորև ներկայացնում ենք մեր հետազոտության եզրակացությունները մի քանի կետերով.

1. Ժողովրդագրական գործընթացները Հայաստանում 16-րդ դարում և 17-րդ դարի առաջին կեսին կրել են **թուրք-պարսկական պատերազմների խոր կնիքը**, և այդ գործընթացների բացասական բոլոր միտումները պայմանավորված էին նախևառաջ հենց պատերազմական իրադրությամբ: Դրանց հետևանքների ազդեցությունը զգալի էր անգամ պատերազմներին հաջորդող տասնամյակում (1640-ական թթ.):

2. 16-րդ դարում և 17-րդ դարի առաջին կեսին Հայաստանում ժողովրդագրական գործընթացներին ամենաբնորոշ գծերից էին հայ բնակչության նկատմամբ քանից կրկնող **գերեվարություններն և բռնագաղթերը**: Իրենց ծավալներով առանձնանում են օսմանյան զորքերի կողմից 1579-1585 թթ. կազմակերպված մի քանի հարյուր հազար մարդկանց զանգվածային գերեվարություններն ու բռնագաղթերն Արևելյան Հայաստանից և հատկապես շահ Աբաս Ա-ի կազմակերպած 1604 թ. աննախաղեաց բռնագաղթը՝ Մեծ սյուրպյունը: Հաշվի առնելով Արևմտյան Հայաստանից 300 հազար, Նախիջևանի երկրամասից 145 հազար, Արարատյան դաշտից 60 հազար և երկրորդ ալիքով Արևելյան Հայաստանից ևս 100 հազար տեղահանվածների, ինչպես նաև 60 հազար ողջ մնացած բռնագաղթյալ հայ ընտանիքների մասին հիշատակումները, կարծում ենք, որ բռնագաղթի ենթարկված հայ բնակչությունը պետք է կազմեր առնվազն 605 հազար մարդ:

3. Պատերազմների ընթացքում անգամ մի փոքր տարածք կորցնելիս պարսկական կամ օսմանյան զորքերը հակառակորդի պարենավորումն արգելակելու նպատակով ամայացնում էին դրանք: Ցանքատարածությունների ոչնչացումն առնվազն մեկ տարով խաթարում էր սննդի ստացման ցիկլը, իսկ քանի որ միջնադարում սննդի 80 %-ը ստացվում էր երկրագործական ուղղակի աշխատանքից, **ճգնաժամային վիճակում հայտնված գյուղատնտեսությունը** հարվածում էր Հայաստանի բնակչության՝ տվյալ տարվա բնական աճին, իսկ պատերազմներն ինքնին արգելակում էին բնականոն տնտեսական կյանքը:

4. Թուրք-պարսկական պատերազմների, ինչպես նաև ջալալիական շարժումների պատճառով գյուղատնտեսության անկման և առևտության խաթարման սոսկալի հետևանքներից էր **սովը**, որի մասին հիշատակումներն անբաժան են 16-րդ դարի և 17-րդ դարի առաջին կեսի հայկական սկզբնադրյուրներից: Իր տարածքային ընդգրկմամբ, տևողությամբ և մարդկային զոհերի քանակով աննախադեպ էր հատկապես 1606-1609 թթ. սովը, որը մենք առաջարկում ենք հայոց պատմության մեջ անվանել **Մեծ սով**: Վերջինս, միայն երկու տեղային հիշատակումներով, առնվազն 140 հազար մարդու կյանք է խլել: Ամբողջ Հայաստանի պարագայում այս թիվը պետք է շատ ավելի մեծ լիներ:

5. Պատերազմների և սովի անբաժան ուղեկիցներն էին համաճարակները, հատկապես՝ **ժանտախտը**: Արևելյան Հայաստանի մի քանի հարյուր տապանաքարերի և խաչքար-մահարձանների, ինչպես նաև ծեռագրերի հիշատակարանների ու մանր ժամանակագրությունների ուսումնասիրությամբ մենք դուքս ենք բերել մահացության դեպքերի վիճակագրություն, որի համաձայն՝ հենց ժանտախտի և սովի մասին գրավոր հիշատակումների տարիներն ամենաբարձր մահացության գործակիցն

Են ունեցել: Ընդհանուր առմամբ՝ քննարկվող ժամանակաշրջանում մահացության գործակիցը կրկնվող պատերազմների, սովոր և ժանտախտի պատճառով Հայաստանում բարձր է եղել:

6. **Ծնելիության գործակիցը**, չնայած անբարենպաստ ռազմաքաղաքական պայմաններին, շնորհիվ հայկական ընտանիքի ավանդական մոդելի պահպանման և Հայաստանում աշխարհագրական միջավայրի ընծեռած հնարավորությունների (արգավանդ դաշտերի), շարունակել է բարձր մնալ: Ձեռագործի հիշատակարանների ուսումնասիրության շնորհիվ ընտանիքի անդամների թվարկման տվյալներից մենք դուրս ենք բերել **ընտանիքի միջին մեծության գործակից՝** 16-րդ դարում՝ 7.6, իսկ 17-րդ դարում՝ 7: Հատկանշական է, որ մեկ տան (ծխի) միջին մեծության գործակիցը շատ ավելի մեծ էր՝ առնվազն 10:

7. Հայաստանում արգավանդ դաշտերի մշակման հնարավորությունը ուշմիջնադարյան բնակչության ավանդական վերարտադրության պայմաններում կրկնվող պատերազմներից, բռնագաղթերից, սովոր և համաճարակներից հետո նպաստավոր պայմաններ է ստեղծել երկրագործ հայ բնակչության թվի աճի համար, քանի որ սակավամարդ դարձած բերրի հողը վերայուրացման կարիք ուներ, ինչը չէին կարող անել քչչվր անասնապահները: Մեր կողմից դուրս բերված ընտանիքի միջին մեծության գործակիցը, ուստիև ծնելիության բարձր մակարդակը 17-րդ դարի առաջին կեսին պայմանավորված է մեծ բռնագաղթից հետո «Ժողովրդագրական պայթյունով», ինչին նպաստել են նաև Ամիրգունա խանի կառավարման երկրորդ շրջանում գործադրված վերաբնակեցման ժողովրդագրական քաղաքականությունը և Հայոց եկեղեցու ձեռնարկումները: Բնական աճի բարձր լինելու պայմաններում շատ արագ վերականգնվել են նախկին բնակավայրերը և բնակչության տեղաբաշխման բնա-

կան պատկերը: Պատահական չէ, որ բռնագաղթից մոտ մեկ դար անց գրավված Երևանի նահանգի դաշտային մասում օսմանյան հարկացուցակում գլխահարկ վճարողների թվի հիման վրա հաշվարկում ենք 106 հազարից ավելի հայ բնակչություն (առանց հաշվառմանը նախորդած օսմանյան արշավանքին զոհ գնացածների, արտագաղթածների և տեղահանվածների):

8. Օտար նվաճողների փոփոխակի տիրապետության պայմաններում Մայր Աթոռ Ս. Էջմիածնի դիրքերի ժամանակավոր թուղարությունը, բնակչության թշվար դրությունից և ազատագրական լեգենդի վերածննդից օգտվելով՝ Հայաստանի առանձին հատվածներում ակտիվ գործունեություն էին ծավալվում կաթոլիկ քարոզիչները: **Հայ կաթոլիկական համայնքը** քննարկվող ժամանակաշրջանում ծաղկուն էր Նախիջևանում և Պարսկահայքի որոշ շրջաններում, իսկ Արևմտյան Հայաստանում գանգվածային կաթոլիկացման միտում դեռևս չէր նկատվում:

9. Էթնոկրոնական տեսանկյունից աղետալի էր **դևիրմեն** (**մանկահավաքությունը**): 16-րդ դարում Արևմտյան Հայաստանից, հատկապես՝ Փոքր Հայքից, Բարձր Հայքից, ինչպես նաև Հայոց Միջազգետքից տեղի ունեցած մանկահավաքներով ընտանիքներից կտրված տասնյակ հազարավոր մանուկներն ու պատանիները դաստիարակվում էին մահմեդական մոլեռանդրությամբ՝ կտրվելով սեփական ազգային միջավայրից: Սա Օսմանյան կայսրությունում միլլեթների համակարգի շղարշի ներքո իրականում կրոնական անհանդուրժողականության արտահայտություններից է՝ անկախ օսմանյան պետության տեսանկյունից դրա հետապնդած տնտեսական կամ ռազմական շահից:

10. Օսմանյան կայսրության և Սեֆյան Պարսկաստանի **հարկային քաղաքականությունը** հիմնված էր կրոնադավանական տարբերակվածության վրա, ուստիև ստիպում էր հայ բնակ-

չուլույանը վճարել գլխահարկ և բազմաթիվ այլ հարկեր, որոնք մահմեղականները չէին վճարում: Այս քաղաքականությունն առանձին դեպքերում ստիպում էր հայ բնակչությանը արտագաղթի դիմել կամ մինչև իսկ մտածել կրոնափոխության մասին: Այդուհանդերձ, 16-րդ դարում և 17-րդ դարի առաջին կեսին հայ առաքելական բնակչությունը հիմնականում չէր դիմում կրոնափոխության, սակայն **զանգվածային իսլամացման** գործընթացն արդեն հարվածում էր հայ բնակչության քաղկեդոնական և կաթոլիկ զանգվածներին, ինչպես օրինակ՝ 1640-ական թթ. Թորթումում: Գործընթացը դեռ մեծ թափ չէր առել Նախիջևանում և Համշենում: Զալալիական շարժումներն էլ նպաստեցին իսլամացմանը Երզնկայի և Կամախի առանձին հատվածներում:

11. Թուրք-պարսկական պատերազմները և նրանց տիրապետությունը (իր նոր հարկային, վարչական և սոցիո-նորմատիվային համակարգով) սաստկացնում էին հայերի արտագաղթի գործընթացը: Այս ամենն ընթանում էր հայկական ավանդական իշխանական-ավատատիրական համակարգի փշրանքների քայլայմանը զուգընթաց, և մահմեղական հողատիրության տրամաբանության մեջ հայկական պետականության նշույները գոյություն չէին կարող ունենալ, իսկ ինչպես երևում է թուրք և պարսիկ պատմիչների, տպագրված փաստաթղթերի տվյալներից, հարկային ու կրոնական քաղաքականությունից, հայ շինականը դիտարկվում էր սուկ տնտեսական արդյունք կամ նյութական բարիք ստանալու միջոց: Արևմտյան Հայաստանից արտագաղթի մեծ ալիքին նպաստել է նաև Զալալիական շարժումը: Փաստորեն, հայ բնակչության **արտագաղթի** համար ստեղծվել էին բոլոր երեք պատճառներ՝ քաղաքական, մշակութային-կրոնական և սոցիալ-տնտեսական: Արտագաղթի հիմնական ուղղություններն էին Օսմանյան կայսրության մայրաքաղաք Կոստանդ-

նուպոլիսը, Ղրիմի Կաֆա քաղաքը, Մոլդովան, Լեհաստանը, Արևմտյան Եվրոպան և այլն:

12.Քննարկվող ժամանակաշրջանում Հայաստանին բնորոշ է եղել նաև **հայ բնակչության ներքին միգրացիան**: Պատերազմական գործողություններից կամ գերեվարումներից ու բռնագաղթերից պատսպարվելու համար հայ բնակչությունը ստիպված է եղել բնօրրանից տեղափոխվել հայրենիքի մեկ այլ օջախ: Արևելյան Հայաստանում նման դեր է կատարել Գեղարքունիքը, հատկապես՝ Ծարը, իսկ Արևմտյան Հայաստանում՝ Մոկքը, ինչի մասին են վկայում մի շարք սկզբնաղբյուրներ:

13.Մեծ ծավալներ ստացան **օտար էթնիկական ներթափանցումները** և նրանց աստիճանական ներքին միգրացիան Հայաստանի հարավյային շրջաններից դեպի կենտրոնական հատվածները: Թուրք-պարսկական պատերազմների ընթացքում Հայաստանի տարբեր հատվածներում հաստատվեց օտար՝ թյուրքական և հատկապես քրդական էթնիկական տարր: Արևմտյան Հայաստանում այս գործընթացը, համաձայն հենց թուրքական աղբյուրների, խրախուսվել է պետության կողմից և եղել նրա ժողովրդագրական քաղաքականության կարևոր բաղադրիչ: Այդուհանդեռձ, էթնիկական խմբերի տեղաշարժերը զգալիորեն ակտիվացել են հատկապես 18-րդ դարում, երբ օսմանյան և պարսկական կենտրոնական իշխանությունների թուլացման պատճառով խաթարվել է ու աչքի ընկել քրդական և այլ տարրերի նոր տեղաշարժերով: Հենց 18-րդ դարի էթնոկրոնական վերափոխումների հետևանքով են երբեմն ուսումնասիրողների կողմից 17-րդ դարի առաջին կես տարվել էթնոժողովրդագրական այնպիսի վերափոխումներ, որոնք բնորոշ են եղել միայն դարի երկրորդ կեսից սկսած: Սկզբնաղբյուրների ուշադիր ուսումնասիրությունը ցույց է տալիս, որ թեև օտար էթնիկ տար-

թը ստվարացել է, սակայն նրա մեծ մասը քոչվորական կյանք է վարել՝ չկազմելով որևէ կոնկրետ վարչամիավորի մշտական բնակչության մի մասը: Փաստորեն, **Հայաստանում շարունակել է գերակշռող լինել հայ բնակչությունը:**

14.Ժողովրդագրական գործընթացների վրա իրենց ազդեցությունն են ունեցել նաև **բնակլիմայական պայմանները և բնական աղետները:** Շոշափելի է եղել տեղումների քանակի տատանման ազդեցությունը միգրացիոն գործընթացների և հատկապես գյուղատնտեսական աշխատանքներով սննդի ստացման վրա: Աղետայի հետևանքներ են ունեցել հաճախ տեղի ունեցող և մեծ թվով մարդկային զոհեր խլոր երկրաշրժերը, ինչպես օրինակ՝ 1646 թ. Վանում կամ բազմակի կրկնվող երկրաշրժերը Երզնկայում:

15.Համադրելով տարբեր վարչամիավորների վերաբերյալ հրապարակված հարկացուցակների, ուղեգիրների հիշատակումների և ուսումնասիրողների հատվածական հաշվարկները, հաշվի առնելով բռնագաղթերը, գերեվարումները, սովը, համաճարակները և մնացյալ գործընթացները, ընդունելով նաև բնակչության բնական աճի բարձր գործակիցը, կարելի է խիստ մոտավոր հաշվարկել, որ Հայաստանի բնակչության թիվը 16-րդ դարում պետք է լիներ 5 միլիոնի սահմաններում, իսկ 17-րդ դարի առաջին կեսի եզրագծին՝ մինչև 4.5 միլիոն:

16.Հայաստանը, երկատված լինելով երկու հզոր տերությունների միջև, զրկվեց **պետականության վերականգնման** հնարավորությունից, և օստար իշխանությունների քաղաքականությունն ու բնակչության էթնիկական կազմում տեղի ունեցող փոփոխություններն ակամայից առաջ բերեցին հայ ազատագրական լեգենդի վերածնունդ, որը, սակայն, չէր կարող ճանապարհ հարթել պետականության վերականգնման համար:

Демографические процессы в Армении в XVI веке и в первой половине XVII века (РЕЗЮМЕ)

Данная монография является комплексным изучением демографических процессов в Армении позднего средневековья, когда Армения была полем постоянных войн между Османской империей и Сефевидской Персией. Отсутствие комплексного изучения демографических процессов в Армении в XVI веке и в первой половине XVII века часто вызывает споры и вопросы, которые поднимаются при изучении тенденций XVIII-XIX веков. Итак, эта работа является комплексным исследованием, которая показывает характеристики и тенденции демографических процессов в Армении в указанный период, сфокусируясь на события, которые привели к фатальным изменениям. Исследование базируется на сравнительном историко-демографическом макроанализе.

Войны между Османской и Сефевидской империй привели к негативным изменениям тенденций и особенностей демографических процессов в Армении. Османская политика переселения курдов в 1515-1516 гг. стала важнейшей особенностью этих изменений. Используя силы суннитских курдов, Османская империя старалась иметь защищенную границу с шиитскими Сефевидами. Несмотря на то, что часть курдских племен расселилась в южных регионах Армении еще в XIV в., масштабное переселение в XVI в. привело к формированию полукочевой системы землевладения в отдельных регионах провинций Диярбакыр и Ван, где армянское население составляло большинство.

Религиозная политика Османской империи, в составе которой была Западная Армения, была неотъемлема от демографической политики, поскольку в основе национальных вопросов стояла принадлежность религиозному направлению, и поэтому армянское население часто подвергалось социально-экономическому, общественному и культурно-религиозному угнетению в XVI в.. Очевидными признаками этой политики были сюргюны (массовые депортации населения), девширме (система принудительного набора мальчиков из немусульманских семей), налоговая политика (в частности, уплата джизии – подушной пошлины с иноверцев) и т. д. Многочисленные турецкие, армянские и европейские источники подтверждают, что эта политика проводилась в

отношении армянского населения Османской империи и, в частности, имела место в Западной Армении. Таким образом, этно-религиозная политика Османской империи отрицательно влияла на динамику роста численности армянского населения и его общественной жизни.

Продолжительные войны заставляли часть населения уезжать в европейские страны. Чума и голод также были важными составляющими демографических процессов. Согласно нашим наблюдениям в армянских рукописях XVI века, где обычно авторы писали имена членов своих семей, несмотря на массовые депортации и высокую смертность, рождаемость попрежнему была высокой. Это привело нас к выводу, что после массовых депортаций нужда в обработке больших сельскохозяйственных земель способствовала росту рождаемости, и численность местного населения быстро восстанавливалась. Именно поэтому османские и сефевидские войска через 20 лет находили примерно одинаковую численность населения в местности, например – в Арагатской долине, откуда они депортировали часть населения в 1579-1585 гг..

Турецко-персидские войны в первой половине XVII в. также негативно повлияли на демографические процессы в Армении. Армянское население часто подвергалось массовым депортациям со стороны воюющих сторон, а из-за непрекращающихся войн голод и чума были причиной высокой смертности. Несмотря на высокий уровень смертности, сохранялся также высокий уровень рождаемости. Опираясь на данные армянских рукописей, мы пришли к выводу, что средний показатель численности членов армянской семьи (считая только супруг и их детей) в первой половине XVII в. составляло 7, а средний показатель численности жителей одного дома – как минимум 10. Это привело нас к выводу, что после массовых депортаций (как например – в 1604 г., когда было депортировано более 600 тыс. чел.) нужда в обработке больших сельскохозяйственных земель способствовала росту рождаемости, и поэтому численность местного населения быстро восстановливалась.

В начале турецко-персидской войны 1603-1612 гг. последствия боевых действий и в особенности запланированные меры персидских властей отрицательно повлияли на демографические процессы в Армении. Тяжелейшие последствия имел «великий сургун», организованный персидским шахом Аббасом I (1587-1629 гг.). Основной этап массовой депортации имел место в 1604 г., когда армянское население, переселен-

ное из разных частей Армении, было депортировано в Персию. На основе многочисленных армянских, персидских, турецких и европейских источников было подтверждено, что эта политика проводилась в отношении армянского населения не только Восточной, но и Западной Армении. Сначала было организовано переселение армян из разных округов Чухур-Саадского (Арагатского) эялета и Гянджинского (Гандзакского) санджака на территорию между Ереваном и рекой Аракс. Затем, перед приходом основных сил войск Османской империи, шах Аббас велел проводить тактику выжженной земли на территории Западной Армении, в частности – уничтожить любые объекты сельскохозяйственного назначения с целью не допустить их использования наступающей турецкой армией. В контексте той же тактики шах велел переселить население Карсского эялета, восточных и северных округов Ванского эялета, центральных и восточных округов Эрзурумского эялета на территорию Чухур-Саадского эялета. Затем они вместе с местным и ранее передислоцированным населением были депортированы в Персию. Таким образом, эта политика отрицательно повлияла на демографическое состояние выше перечисленных территорий.

В результате восстания джелали в 1596-1610 гг., массовой депортации персидским шахом Аббасом I армянского населения и турецко-персидских войн, в Армении начался масштабный голод, который негативно повлиял на демографические процессы. Многочисленные турецкие и армянские источники подтверждают, что голод охватил все азиатские провинции Османской империи и северо-западные районы государства Сефевидов, включая практически всю Армению. Последствиями голода были многочисленные жертвы и эмиграция прежде всего местного армянского населения. После тщательного историко-сравнительного анализа источников, мы пришли к выводу, что голод был характерным для всей территории исторической Армении в 1606-1609 гг.. Учитывая масштабы этого бедствия, необходимо его назвать «Великим голодом» в истории армянского народа. Таким образом Великий голод негативно повлиял на динамику роста численности армянского населения и его повседневной жизни.

Дальнейшие боевые действия между Османской империей и Ираном не позволяли создавать условия для устойчивого демографического развития армянского населения на территории своей родины.

Demographic Processes in Armenia in the 16th Century and in the First Half of the 17th Century

(SUMMARY)

The present book is a complex research on the demographic processes in the late medieval Armenia when the country was a battlefield of wars between the Ottoman Empire and Safavid Persia. The lack of a complex research on the demographic processes in Armenia in the 16th century and in the first half of the 17th century often causes disputes and questions that come from the investigation of the trends of the 18-19th centuries. Thus, this investigation is a complex research to show the characteristics and trends of the demographic processes in Armenia in the discussed period focusing on the events that led to crucial changes. The research is based on a comparative historical-demographic macroanalysis.

The wars between the Ottoman and Safavid Empires led to some negative changes in the trends and features of the demographic processes in Armenia. One of the essential features of these changes became the Kurdish resettlement policy by the Ottoman authorities starting from 1515-1516. Using Sunni Kurdish military forces the Ottoman Empire tried to have protected borders with Shia Safavids. Although some Kurdish tribes had already settled in the southern regions of Armenia starting from the 14th century, the massive resettlement in the 16th century led to the formation of their landowning system in some regions of Diyarbakir and Van provinces where the Armenian population was still the overwhelming majority.

The religious policy of the Ottoman Empire, a part of which was Western Armenia, was inseparable from the demographic policy of the Empire, since national issues were based on religious affiliation; thus, the Armenian population was often subjected to socio-economic, social and cultural-religious oppression in the 16th century. Obvious signs of the above mentioned policy were sürgün (mass deportations of the population), devşirme (the system of forced recruitment of boys from non-Muslim families), tax policy (in particular, payment of jizya - a per capita tax from non-Muslim population), etc. Numerous Turkish, Armenian and European sources confirm that this policy was carried out against the Armenian population of the Ottoman Empire and, in particular, took place in Western Armenia. Thus, the ethno-religious

policy of the Ottoman Empire adversely affected the dynamics of the growth of the Armenian population and its social life.

Continues wars also made a part of the native population leave their historical settlements for the European countries. Plague and starvation were essential features of the demographic processes as well. Despite massive deportations and high mortality rate, according to the observation of the contemporary Armenian manuscripts where the authors wrote the names of their family members, fertility rate of the Armenian population was still very high. This leads us to the conclusion that after massive deportations the need of cultivating vast agricultural territories helped to have a high fertility rate, and the native population could reach the previous figures in a short period of time. That is why the Ottoman and Safavid forces found approximetly the same number of population in a territory, for example, the Ararat Valley, from where they had deported a part of population about 20 years before (in 1579-1585).

The Ottoman-Persian wars in the first half of the 17th century also had a negative impact on the demographic processes in Armenia. The Armenian population faced massive deportations by fighting sides, and as a result of ongoing wars famine and plague were among the main reasons of high mortality. Despite the high mortality rate, fertility rate was high, too. Based on the data from the Armenian manuscripts, we concluded that the average number of members of an Armenian family (counting only spouses and their children) in the first half of the 17th century was 7, and the average number of people living in a house – at least 10. These calculations lead us to a conclusion that after massive deportations (for example, in 1604, when more than 600 thousand people were deported) the need of cultivating vast agricultural territories helped to have much higher fertility rate, and the native population could reach the previous figures in a short period of time.

At the beginning of the Turkish-Persian war of 1603-1612 the consequences of military operations and, in particular, planned actions by Persian authorities affected negatively the demographic processes in Armenia. “The Great Surgun”, organized by Persian Shah Abbas I (1587-1629), had the most extensive consequences. The main stage of the mass deportation took place in 1604, when the Armenian population, resettled from various parts of Armenia, was deported to Persia. On the basis of a number of Armenian, Persian, Turkish, and European sources, it was confirmed that the policy was

carried out against the Armenian population of not only Eastern, but also Western Armenia. At first, Armenians were resettled from various regions of Chukhur-Saad (Ararat) Eyalet and Gyanja (Gandzak) Sanjak to the territory between Yerevan and River Araks.

Thereafter, before the upcoming campaign of the main forces of the Ottoman army, Shah Abbas ordered to conduct the military strategy of scorched-earth policy in the territory of Western Armenia; the whole agricultural infrastructure, including any assets that could be used by the attacking Ottoman troops, were aimed to be completely destroyed. Within the context of the mentioned strategy, Shah Abbas ordered to resettle the population from Kars Eyalet, eastern and northern regions of Van Eyalet, central and eastern regions of Erzurum Eyalet, to the territory of Chukhur-Saad Eyalet. After on, they, along with the previously relocated population, were deported to Persia. Thus, this policy adversely affected the demographic situation of the above mentioned territories.

As a result of the Jelali Rebellion (1596-1610), the massive deportation of the Armenian population from Armenia into the central provinces of Iran in 1604, and the Ottoman-Persian wars in the early 17th century, a massive famine started in Armenia which negatively impacted on the demographic processes. A lot of Turkish and Armenian sources confirm that the famine covered all the Asian provinces of the Ottoman Empire and the north-eastern regions of the Sefevid state, almost entirely including Armenia. The consequences of the starvation were lots of casualties and emigration impacting first of all the native Armenian population. After a carefull historical-comparative analysis of the sources, we concluded that the massive famine was characteristic for the whole territory of Armenia in 1606-1609. Taking into consideration the scale of this calamity, it must be called the Great Famine in History of Armenia. Therefore, the Great Famine negatively impacted on the population growth dynamics and the everyday life of the Armenian population.

The later military actions by the Ottomans and Safavids did not let create an environment for the sustainable demographic development of the Armenian population on the territory of their motherland.

ՕԳՏԱԳՈՐԾՎԱԾ ՍԿՐԻԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ

1. Սկզբնաղյուրներ

Ա) Ձեռագիր սկզբնաղյուրներ և փաստաթյուրներ

ա) Ձեռագիր սկզբնաղյուրներ

- Մեսրոպ Մաշտոցի անվան Մատենադարան, ձեռագրեր № 3566, 4216, 4375, 4749, 4786, 5345, 5520, 5967, 6513:

բ) Փաստաթյուրներ

- «ՀՀ կառավարության որոշումը ՀՀ Լոռու մարզի պատմության և մշակույթի անշարժ հուշարձանների պետական ցուցակը հաստատելու մասին» (տե՛ս ՀՀ կառ. որոշում N 49-Ա, 29.01.2004 <http://www.arlis.am/Document-View.aspx?DocID=37965>):
- «ՀՀ կառավարության որոշումը ՀՀ Կոտայքի մարզի պատմության և մշակույթի անշարժ հուշարձանների պետական ցուցակը հաստատելու մասին» (տե՛ս ՀՀ կառ. որոշում N 1793-Ն, 24.12.2003 <http://www.arlis.am/DocumentView.aspx?DocID=11757>):

Բ) Տպագիր սկզբնաղյուրներ

ա) հայերեն

- Առաքել Դավիթեցի,** Գիրք պատմութեանց, աշխ.՝ Լ. Խանլարյանի, Երևան, 1990:
- «Ազգստինոս Բաշեցոյ ճանապարհորդութիւն Յերոպայ», «Նշխարք մատենագրութեան հայոց», ի լոյս Եած՝ Ք. Պատկանեան, Ս.-Պետերբուրգ, 1884, էջ 5-26:
- «Արաբական աղբյուրները Հայաստանի և հարևան երկրների մասին», կազմեց՝ Ն. Նալբանդյան, Երևան, 1965:
- «Գանձակի գաւառ. Նիբեր ապագայ ուսումնասիրութեան համար», կազմեց՝ Ե. Լալայան, «Ազգագրական հանդէս», գիրք Ե, Թիֆլիս, 1899, թ. 1, էջ 213-360:
- «Դիվան հայ վիմագրության», պր. II, կազմեց՝ Ս. Բարխուդարյան, Երևան, 1960:
- «Դիվան հայ վիմագրության», պր. III, կազմեց՝ Ս. Բարխուդարյան, Երևան, 1967:
- «Դիվան հայ վիմագրության», պր. IV, կազմեց՝ Ս. Բարխուդարյան, Երևան, 1973:
- «Դիվան հայ վիմագրության», պր. V, կազմեց՝ Ս. Բարխուդարյան, Երևան, 1982:
- «Դիվան հայ վիմագրության», պր. VI, կազմեցին՝ Ս. Ավագյան, Հ. Զանինլաղյան, Երևան, 1977:

10. «Դիվան հայ վիմագրության», պր. IX, կազմեցին՝ Ս. Բարխուտարյան, Կ. Ղաֆարարյան, Ս. Սաղումյան, Երևան, 2012:
11. «Դիւն Հայոց պատմութեան», կազմեց՝ Գ. Աղանեանց, գիրք Ժ, Թիֆլիս, 1912:
12. **Եսայի Հասան-Զալալեան**, Պատմութիւն յաշխարհին Աղուանից, Յերուսաղէմ, 1868:
13. **Երեմիա Չելչի Քէօմիւրճեան**, Օրագորութիւն, հրատ.¹ Մ. արքեպս. Նշանեան, Երուսաղէմ, 1939:
14. **Զաքարիա Քանաքեռցի**, Պատմութիւն, աշխ.¹ Ա. Վիրաբյանի, Երևան, 2015:
15. «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին», հ. Ա. կազմեց՝ Ա. Սաֆրաստյանը, Երևան, 1961:
16. «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին», հ. Բ. կազմեց՝ Ա. Սաֆրաստյանը, Երևան, 1964:
17. «Թուրքական աղբյուրներ», հ. Գ. Էվլիյա Չելչի, թարգմ. Ա. Սաֆրաստյանի, Երևան, 1967:
18. «Թուրքական աղբյուրներ», հ. Դ. թարգմ.¹ Ա. Սաֆրաստյանի և Գ. Սանթուրյանի, Երևան, 1972:
19. «Ժամանակագրութիւն Գրիգոր վարդապետի Կամախեցոյ կամ Դարանացոյ», հրատ.¹ Մ. Վլդ. Նշանեան, Երուսաղէմ, 1915:
20. «Ժամանակագրություն (XI-XVIII դր.)», տպագր. պատրաստեց՝ Ն. Եպս. Պողարյան, «Բանքեր Մատենադարանի», թ. 9, Երևան, 1969, էջ 257-282:
21. «ԺԵ դարի հայերեն ծեռագրերի հիշատակարաններ», կազմեց՝ Լ. Խաչիկյան, մասն Բ (1451-1480 թթ.), Երևան, 1958:
22. «ԺԵ դարի մի ծեռագիր Ալետարան», հրատ.¹ Ա. Երեմեան, «Սիոն», 1967, թիվ 7-8, էջ 328-330:
23. «Համառոտ թիվիոգրաֆիա՝ Հայկական ՍՍՌ Մատենադարանի գրչագիր մանր ժամանակագրությունների», հրատ.¹ Ա. Արքահամյան, «Մատենադարանի գիտական նյութերի ժողովածու», թ. 1, Երևան, 1941, էջ 207-225:
24. «Հայերեն ծեռագրեր Հյուսիսային Ամերիկայում», կազմեց՝ Զ. Ծ. Վլդ. Արգումանյան, «Բանքեր Մատենադարանի», թ. 11, Երևան, 1973, էջ 377-398:
25. «Հայերեն ծեռագրերի ԺԵ դարի հիշատակարաններ (1601-1620 թթ.)», հ. Ա. կազմեցին՝ Վ. Հակոբյան, Ս. Հովհաննիսյան, Երևան, 1974:
26. «Հայերեն ծեռագրերի ԺԵ դարի հիշատակարաններ (1621-1640 թթ.)», հ. Բ. կազմեցին՝ Վ. Հակոբյան, Ս. Հովհաննիսյան, Երևան, 1978:
27. «Հայերեն ծեռագրերի ԺԵ դարի հիշատակարաններ (1641-1660 թթ.)», հ. Գ. կազմեց՝ Վ. Հակոբյան, Երևան, 1984:
28. **Ղազար Վլդ. Զահկեցի**, Գիրք աստուածաբանական, որ կոչի Դրախտ ցանկալի, Կ. Պոլիս, 1735:
29. «Մայր ցուցակ հայերէն ծեռագրաց Երոպայի մասնաւոր հաւաքումներու», հ. Ա. կազմեց՝ Ա. արք. Սիլրմէեան, Փարիզ, 1950:

30. «Մայր ցուցակ հայերէն ձեռագրաց Երուսաղէմի Սրբոց Յակոբեանց վանք», հ. Ա, կազմեց՝ Ա. արք. Սիրմէեան, Ս. Ղազար, 1948:
31. «Մայր ցուցակ հայերէն ձեռագրաց Հալէափի եւ Անթիլիասի ու մասնաւորաց, հ. Բ, կազմեց՝ Ա. արք. Սիրմէեան, Հալէպ, 1936:
32. «Մայր ցուցակ հայերէն ձեռագրաց Մաշտոցի անուան Մատենադարանի, հ. Ա, խմբ.՝ Լ. Խաչիկեանի, Ա. Մնացականեանի, Երեւան, 1984:
33. «Մայր ցուցակ հայերէն ձեռագրաց Մաշտոցի անուան Մատենադարանի, հ. Ե, կազմեց՝ Օ. Եղանեան, Երեւան, 2009:
34. «Մայր ցուցակ հայերէն ձեռագրաց Մաշտոցի անուան Մատենադարանի, հ. Է, խմբ.՝ Գ. Տէր-Վարդանեանի, Երեւան, 2012:
35. «Մայր ցուցակ հայերէն ձեռագրաց Մաշտոցի անուան Մատենադարանի, հ. Ը, խմբ.՝ Գ. Տէր-Վարդանեանի, Երեւան, 2013:
36. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Ա, կազմեց՝ Բ. վլոդ. Սարգիսեան, Վենետիկ - Ս. Ղազար, 1914:
37. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Բ, կազմեց՝ Բ. վլոդ. Սարգիսեան, Վենետիկ - Ս. Ղազար, 1924:
38. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Գ, կազմեցին՝ Բ. վլոդ. Սարգիսեան և Գ. վլոդ. Սարգիսեան, Վենետիկ - Ս. Ղազար, 1966:
39. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Դ, կազմեց՝ Ս. վլոդ. Ճեմճեմյան, Վենետիկ - Ս. Ղազար, 1993:
40. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Ե, կազմեց՝ Ս. վլոդ. Ճեմճեմյան, Վենետիկ - Ս. Ղազար, 1995:
41. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Զ, կազմեց՝ Ս. վլոդ. Ճեմճեմյան, Վենետիկ - Ս. Ղազար, 1996:
42. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Է, կազմեց՝ Ս. վլոդ. Ճեմճեմյան, Վենետիկ - Ս. Ղազար, 1996:
43. «Մայր ցուցակ հայերէն ձեռագրաց Մատենադարանին Մխիթարեանց ի Վենետիկի», հ. Ը, կազմեց՝ Ս. վլոդ. Ճեմճեմյան, Վենետիկ - Ս. Ղազար, 1998:
44. «Մայր ցուցակ հայերէն ձեռագրաց Մեծի Տանն Կիլիկիոյ կաթողիկոսութեան», կազմեց՝ Ա. վլոդ. Դանիկէեան, Անթիլիաս, 1984:
45. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարթեան, հ. Ա, Երուսաղէմ, 1966:
46. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարթեան, հ. Բ, Երուսաղէմ, 1967:

47. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Գ, Երուսաղէմ, 1968:
48. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Դ, Երուսաղէմ, 1969:
49. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Ե, Երուսաղէմ, 1971:
50. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Զ, Երուսաղէմ, 1972:
51. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Է, Երուսաղէմ, 1974:
52. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Ը, Երուսաղէմ, 1977:
53. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Թթ, Երուսաղէմ, 1979:
54. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. Ժ, Երուսաղէմ, 1990:
55. «Մայր ցուցակ ձեռագրաց Սրբոց Յակոբեանց», կազմեց՝ Ն. Եպս. Պողարեան, հ. ԺԱ, Երուսաղէմ, 1991:
56. «Մանր ժամանակագրություններ (XIII-XVIII դդ.), կազմեց՝ Վ. Հակոբյան, հ. 1, Երևան, 1951:
57. «Մանր ժամանակագրություններ (XIII-XVIII դդ.), կազմեց՝ Վ. Հակոբյան, հ. 2, Երևան, 1956:
58. «Մատենադարանի պարսկերեն վավերագրերը, հ. I, հրովարտակներ, պր. II (1601-1650 թթ.), կազմեց՝ Հ. Փափազյան, Երևան, 1959:
59. «Մատենադարանի պարսկական վավերագրերը, հ. II, կալվածագրեր, պր. Ա (ԺԴ-ԺԶ դդ.), կազմեց՝ Հ. Փափազյան, Երևան, 1968:
60. «Մատենադարանի պարսկերեն վավերագրերը, հ. I, հրովարտակներ, պր. III, կազմեց՝ Ք. Կոստիկյան, Երևան, 2005:
61. «Մարտիրոս դի Առաքելի ժամանակագրությունը», իրատ.՝ Ա. Աբրահամյան, «Մատենադարանի գիտական նյութերի ժողովածու», թ. 1, Երևան, 1941, էջ 93-100:
62. «Մի ձեռագիր Աւետարան Զարմահայի Լիվասեան գիլում», կազմեց՝ Ա. Երեմեան, «Հանդէս Ամսօթեայ», 1948, թիւ 3-6, սյ. 293-299:
63. **Յակով Կարնեցի**, Տեղագիր Վերին Հայոց, աշխ.՝ Կ. Կոստանեանցի, Վաղարշապատ, 1903:
64. **Չամչեան Մ.**, Պատմութիւն Հայոց, հ. Գ, Վենէտիկ, 1786:
65. **Սամուէլ Անեցի և շարունակողներ**, ժամանակագրութիւն, աշխ.՝ Կ. Մաթևոսյանի, Երևան, 2014:
66. **Սիմեոն կաթողիկոս Երևանցի**, Ջամբռ, աշխ.՝ Վ. Համբարձումյանի, պատմաաշխ. ծանոթագր.՝ Գ. Բադայյան, Երևան, 2003:
67. «Սիմէոն դպրի Լէհացոյ Ուղեգրութիւն. տարեգրութիւն եւ յիշատակարանք», իրատ.՝ Ն. Ակինեան, Վիեննա, 1936:

68. «Վրաց աղբյուրները Հայաստանի և հայերի մասին», կազմեց՝ Լ. Մելիք-սեթ-Բեկ, հ. Բ (ԺԳ-ԺԸ դդ.), Երևան, 1936:
69. «Վրաց աղբյուրները Հայաստանի և հայերի մասին», կազմեց՝ Լ. Մելիք-սեթ-Բեկ, հ. Գ (ԺԸ-ԺԹ դդ.), Երևան, 1955:
70. «Ցուցակ Թեհրանի հայերէն ձեռագիրներու», կազմեց՝ Հ. Ոսկեան, «Հանդէս Ամսօրեայ», 1953, թի 1-3, սյ. 95-110:
71. «Ցուցակ հայերէն ձեռագրաց Վրաստանի կենտրոնական պատմական արխիվ», կազմեց՝ Լ. Մելիքսեթ-Բեկ, «Բանքեր Մատենադարանի», թ. 4, Երևան, 1958, էջ 377-423:
72. «Ցուցակ Մայր Աթոռ Ս. Էջմիածնի նոր ստացված ձեռագրերի», հրատ.¹ Խմբագրություն, «Էջմիածն», 1950, թ. Է-Ը, էջ 81-88:
73. «Ուղեգրություններ», կազմեց՝ Հ. Հակոբյան, հ. Ա, Երևան, 1932:
74. «Ուղեգրություններ», կազմեց՝ Հ. Հակոբյան, հ. Զ, Երևան, 1934:
75. «Քաշաթաղի 17-րդ դարի պատմությանը վերաբերող մի փաստաթուղթ», հրատ.¹ Թ. Կոստիկյան, «Մերձավոր և Միջին Արևելքի երկրներ և ժողովրդներ», հ. 20, Երևան, 2001, էջ 168-175:
76. «Օսմանյան օրենքները Արևմտյան Հայաստանում (XVI-XVII դարերի կանոննամեններ)», թարգմ. և ճանոր.¹ Ա. Սաֆրատյանի և Մ. Զուլայյանի, Երևան, 1964:
77. «XVI դ. օսմաններն մի վավերագիր», հրատ.¹ Ս. Մուրադյան, «Մերձավոր և Միջին Արևելքի երկրներ և ժողովրդներ», հ. 22, Երևան, 2003, էջ 239-251:

բ) ոռուերեն

1. «Всесоюзная перепись населения 1926 г.», Таблица VI. Население по полу, народности. Нахичеванская АССР. http://www.demoscope.ru/weekly/ssp/sng_nac_26.php?reg=2294 Հասանելի էր՝ 01.06.2019թ.:
2. «Всесоюзная перепись населения 1939 г.», Таблица 26. Национальный состав населения районов, районных центров, городов и крупных сельских населенных пунктов. Нахичеванская АССР. http://www.demoscope.ru/weekly/ssp/usssr_nac_39_ra.php?reg=752 Հասանելի էր՝ 01.06.2019թ.:
3. «Всесоюзная перепись населения 1959 г.», Таблица 3, 4. Распределение населения по национальности и родному языку. Нахичеванская АССР. http://www.demoscope.ru/weekly/ssp/resp_nac_59.php?reg=66 Հասանելի էր՝ 01.06.2019թ.:
4. «Всесоюзная перепись населения 1970 г.», Таблица 7с. Распределение населения по национальности, родному и второму языку. Нахичеванская АССР. http://www.demoscope.ru/weekly/ssp/resp_nac_70.php?reg=73 Հասանելի էր՝ 01.06.2019թ.:
5. «Всесоюзная перепись населения 1979 г.», Таблица 9с. Распределение населения по национальности и родному языку. Нахичеванская АССР. http://www.demoscope.ru/weekly/ssp/resp_nac_79.php?reg=76 Հասանելի էր՝ 01.06.2019թ.:

6. «Всесоюзная перепись населения 1989 г.», Таблица 9с. Распределение населения по национальности и родному языку. Нахичеванская АССР.
http://www.demoscope.ru/weekly/ssp/resp_nac_89.php?reg=70 Հասանելի էր՝ 01.06.2019թ.:
7. «Кавказский календарь на 1917 годъ: Отдѣль статистической», Тифлісъ, 1916.
8. «Первая Всеобщая перепись населения Российской Империи 1897 г.», Таблица XIII. Распределение населения по родному языку: Губернские итоги. Нахичеванский уездъ. http://www.demoscope.ru/weekly/ssp/emp_lan_97_uezd.php?reg=575 Հասանելի էր՝ 01.06.2019թ.:
9. **Шопен И.,** Исторический памятникъ состоянія Армянской области въ эпоху ее присоединенія къ Российской Имперіи, Санкт-Петербургъ, 1852.
10. **Эзовъ Г.,** Сношения Петра Великого съ Армянскимъ народомъ (документы), Санкт-Петербургъ, 1898.

գ) անգլերեն

1. **Eskandar Beg Monshi,** Tarikh-e 'Alamara-ye Abbasi (The History of Shah Abbas the Great), translated by Roger M. Savory, vol. II, Persian Heritage Series, № 28, Colorado: Wetview Press, Boulder CO, 1978.
2. “The Six Voyages of John Baptista Tavernier, A Noble Man of France now living, Through Turky into Persia, and The East-Indies, Finished in the Year 1670. Giving an Account of the State of those Countries”, Book I, Made English by F. P., London, 1678.

2. Աշխատություններ

ա) հայերեն

1. **Աղոնց Ա.,** Երկեր, հ. 2, Երևան, 2012:
2. **Աղոնց Ա.,** Հայկական հարցի լուծման շուրջ, Երևան, 1989:
3. **Ալիշան Դ.,** Այրարատ. Բնաշխարհ Հայաստանեաց, Վենետիկ, 1890:
4. **Ալիշան Դ.,** Արցախ, Երևան, 1993:
5. **Ալիշան Դ.,** Սեղագրութիւն Սինեաց աշխարհի, Վենետիկ, 1893:
6. **Ալպօյաճեան Ա.,** Պատմութիւն Եվլորկիոյ Հայոց, Գահիրէ, 1952:
7. **Ալպօյաճեան Ա.,** Պատմութիւն հայ Կեսարիոյ, Գահիրէ, 1937:
8. **Ակոռնվ Ա.,** Տայք. վարչաժողովորագրական պատկերը XVI դարից XIX դարի և Երեսնամյակը, Երևան, 2013:
9. **Այվազյան Ա.,** Զուղա, Երևան, 1984:
10. **Անասյան Հ.,** XVII դարի ազատագրական շարժումներն Արևմտյան Հայաստանում, Երևան, 1961:
11. **Առաքելեան Հ.,** Պարսկաստանի հայերը. Նրանց անցեալը, ներկան եւ ապագան, մաս Ա, Վիեննա, 1911:
12. **Բայբուրդյան Վ.,** Իրանի հայ համայնքը. արդի հիմնախնդիրներ, Երևան, 2013:
13. **Բայբուրդյան Վ.,** Նոր Զուղա, Երևան, 2007 :

14. **Բայրուրդյան Վ.**, Օսմանյան կայսրության պատմություն, Երևան, 2011:
15. **Բարխուտարեանց Մ.**, Արցախ, Բագու, 1895:
16. **Եսայան Զ.**, Հայոց տեղանունները. թուրքական այլափոխումներ, Երևան, 2014:
17. **Երանյան Գ.**, Հայ ընտանիքի անդամների միջին թվաքանակն ըստ XV դ. ձեռագրերի հիշատակարանների (Վասպուրականի օրինակով), Երևան, 2015:
18. **Զուլայսան Մ.**, Արևածան Հայաստանը XVI-XVIII դդ., Երևան, 1980:
19. **Զուլայսան Մ.**, Հայ ժողովրդի պատմության հարցերը ըստ Եվրոպացի հեղինակների, գիրք Ա, Երևան, 1990:
20. **Զուլայսան Մ.**, Հայոց պատմության խեղաթյուրումը արդի թուրք պատմագրության մեջ (հին և միջին դարեր), Երևան, 1995:
21. **Զուլայսան Մ.**, Զալյախների շարժումը և հայ ժողովրդի վիճակը Օսմանյան կայսրության մեջ (XVI-XVII դարեր), Երևան, 1966:
22. **Ինձիճեան Դ.**, Աշխարհագրութիւն չորից մասանց աշխարհի, մասն Ա. Ասիա, հ. Ա, Վէնէտիկ, 1806 :
23. **Լեռ**, Խոջայական կապիտալը և նրա քաղաքական-հասարակական դերը հայերի մեջ, Երևան, 1934:
24. **Խառատյան Ա.**, Կոստանդնուպոլիսի հայ գաղթօօջախը (XV-XVII դարեր), Երևան, 2007:
25. **Հակոբյան Ռ.**, Հայաստանի պատմական աշխարհագրություն (ուրվագծեր), 5-րդ հրատ., Երևան, 2007:
26. **Հակոբյան Ռ.**, Պատմական Հայաստանի քաղաքները, Երևան, 1987:
27. «Հայաստանի և հարակից շրջանների տեղանունների բառարան», կազմեցին՝ Ռ. Հակոբյանը, Ստ. Մելիք-Բախչյանը, Հ. Բարսեղյանը, հ. 3, Երևան, 1991:
28. «Հայ ժողովրդի պատմություն», հ. IV, Երևան, 1972:
29. «Հայոց պատմություն», հ. II, գիրք II, Երևան, 2014:
30. «Հայոց պատմություն», հ. III, գիրք I, Երևան, 2010:
31. **Հովհաննիսյան Ա.**, Դրվագներ հայ ազատագրական մտքի պատմության, հ. 1, Երևան, 1957:
32. **Հովհաննիսյան Ա.**, Դրվագներ հայ ազատագրական մտքի պատմության, հ. 2, Երևան, 1959:
33. **Մալխասյան Մ.**, Հակոբ Կարնեցու «Տեղագիր Վերին Հայոց» երկը՝ որպես պատմաաշխարհագրական հետազոտությունների առբյուր (Էրգորոմի նահանգը 17-րդ դարում), Ս. Էջմիածին, 2009:
34. **Մելքոնյան Ա.**, Էրգորոմի նահանգի հայ ազգաբնակչությունը XIX դարի առաջին երեսնամյակին (պատմաժողովրդագրական ուսումնասիրություն), Երևան, 1994:
35. **Մելքոնյան Ա.**, Հայաստանի պատմության և ժողովրդագրության հիմնահարցեր, Երևան, 2011:

36. **Մելքոնյան Ա.**, Զավախսը 19-րդ դարում և 20-րդ դարի առաջին քառորդին, Երևան, 2003:
37. **Մինասյան Լ.**, Պատմություն Փերիայի հայերի (1606-1956), Անթիլիաս, 1971 :
38. **Միրզոյան Հ.**, XVII դարի հայ փիլիսոփայական մտքի քննական վերլուծություն, Երևան, 1983:
39. **Նաջարյան Հ.**, XVII դարի սկզբի թուրք-իրանական պատերազմը և հայերի տարագրությունը, Երևան, 1959:
40. **Նաջարյան Հ.**, Թուրք-իրանական հարաբերությունները XVI դ. ու XVII դ. առաջին կեսին և Հայաստանը, Երևան, 1961:
41. **Ուշեան Հ.**, Վասպորական-Վանի վանքերը, Գ. մաս, Վիեննա, 1947:
42. **Սահակյան Լ.**, Բարձր Հայքի Բարերդ, Սահեր, Դերջան գավառների տեղանուններն ու ժողովրդագրությունը XVI դարի օսմանյան աշխարհագիր մատյաններում, Երևան, 2007:
43. **Սրապեան Լ.**, Քոյի (Տեղագրական եւ Ազգագրական), մատենաշար «Ապրիլեան Եղեռն», թիւ 1, Անթիլիաս, 1960:
44. **Տաշեան Յ.**, Հայ բնակչութիւնը Սել ծովին մինչեւ Կարին. պատմական-ազգագրական հարեւանցի ակնարկ մը, Վիեննա, 1921:
45. **Ովորդարյան Բ.**, Խաչենի իշխանությունը X-XVI դարերում, Երևան, 1975:
46. **Փափազյան Ա.**, Թուրքական վավերագրերը Հայաստանի և հայերի մասին (16-19-րդ դարեր), Երևան, 1999:
47. **Օրմանեան Մ.**, Ազգապատում, հ. Բ, Ս. Էջմիածին, 2001:

բ) ռուսերեն

1. «Аграрный строй Османской империи XV-XVII вв.: документы и материалы», сост., пер. и ком. А. Тверитиновой, Москва, 1963.
2. **Бачи М.**, Демографическая история Европы (II тысячелетие), СПб., 2010.
3. **Зуалаян М.**, Армения в первой половине XVI в., Москва, 1971.
4. **Петрушевский И.**, Очерки по истории феодальных отношений в Азербайджане и Армении в XVI – начале XIX вв., Ленинград, 1949.
5. **Саркисян Г.**, Население Восточной Армении в XIX – начале XX в., Ереван, 2002.
6. **Тверитинова А.**, Восстание Кара Языджи – Дели Хасана в Турции, Москва-Ленинград, 1946.
7. **Ter-Avetisyan C.**, Город Джуга, Тбилиси, 1937.
8. «Энциклопедический словарь Ф. Брокгауза и И. Ефрон», т. XXA, С.-Петербургъ, 1897.

գ) անգլերեն

1. **Abisaab R.**, Converting Persia: Religion and Power in the Safavid Empire, London – New York, 2004.
2. **Aslanian S.**, From the Indian Ocean to the Mediterranean: the Global Networks of Armenian Merchants from New Julfa, Berkeley, 2011.

3. **Baghdiantz McCabe I.**, The Shah's Silk for Europe's Silver: The Eurasian Trade of the Julfa Armenians in Safavid Iran and India (1530-1750), "University of Pennsylvania Armenian Texts and Studies", Book 15, Atlanta: Scholars Press, 1999.
4. **Blow D.**, Shah Abbas: The Ruthless King Who Became an Iranian Legend, London-New York: I.B. Tauris, 2009.
5. **Canby Sh.**, Shah 'Abbas: The Remaking of Iran, London, 2009.
6. **Coşgel M.**, Efficiency and Continuity in Public Finance: The Ottoman System of Taxation, "University of Connecticut Department of Economics Working Paper Series", Working Paper 2004-02R.
7. **Coşgel M.**, The Fiscal Regime of an Expanding State: Political Economy of Ottoman Taxation, "University of Connecticut Department of Economics Working Paper Series", Working Paper 2013-28.
8. **Çizakça M.**, A Comparative Evolution of Business Partnerships: The Islamic World and Europe, with Specific Reference to the Ottoman Archives, Leiden – New York, 1996.
9. **Darling L.**, Revenue Raising and Legitimacy: Tax Collection and Finance Administration in the Ottoman Empire, 1560–1660, New York, 1996.
10. **Faroqhi S.**, Artisans of Empire: Crafts and Craftspeople Under the Ottomans, London-New York: I.B. Tauris & Co. Ltd, 2009.
11. **Faroqhi S.**, The Ottoman Empire and the World Around It, London-New York: I.B. Tauris, 2004.
12. **Galichian R.**, A Glance into the History of Armenia through Cartographic Records, London, 2015.
13. **Griswold W. J.**, The Great Anatolian Rebellion (1000–1020/1591–1611), Islam-kundliche Untersuchungen, Vol. 83, Berlin: Klaus Schwarz Verlag, 1983.
14. "Handbook of Ethnic Conflict: International Perspectives", editors D. Landis & R. Albert, New York-Dordrecht-Heidelberg-London, Springer Science+Business Media, 2012.
15. **Hollingsworth T.**, Historical Demography, London: Cambridge University Press, 1976.
16. **Ivanow Wl.**, The Gabri Dialect Spoken by the Zoroastrians of Persia, Roma, G. Bardi, 1940.
17. **Kia M.**, Daily Life in the Ottoman Empire, "The Greenwood Press Daily Life Through History Series", Santa Barbra-Greenwood, 2011.
18. **Mitchel C.**, The Practice of Politics in Safavid Iran: Power, Religion and Rhetoric, "BIPS Persian Studies Book Series", vol. 1, London-New York, 2009.
19. **Newman A.**, Safavid Iran: Rebirth of a Persian Empire, London – New York, 2009.
20. **Shaw S.**, Empire of the Gazis: The Rise and Decline of the Ottoman Empire (1280–1808), "History of the Ottoman Empire and modern Turkey", Vol. 1, London: Cambridge University Press, 1976.
21. "The Cambridge History of Iran", Vol. 6, Cambridge University Press, 1986.
22. "The Cambridge History of Turkey, Vol. 2: The Ottoman Empire as a World Power, 1453-1603", New York: Cambridge University Press, 2013.
23. **White S.**, The Climate of Rebellion in the Early Modern Ottoman Empire, New York: Cambridge University Press, 2013.

η) թուրքերին

1. **Çark Y.**, Türk devleti hizmetinde Ermeniler, İstanbul, 1953.

2. **Danişmend I.**, Izahlı Osmanlı Tarihi Kronolojisi, h. III, İstanbul, 1950.
3. **Tuncer H.**, Osmanlı imparatorluğunda toprak hukuku, arazi kanunları ve kanun açıklamaları, Ankara, 1962.
4. **Tüzün G.**, Muhteşem Süleyman, “Tarihte Olağanüstü Kişiler”, Ana Yayıncılık, 2004.

Ե) իտալերեն

1. **Barbero Al.**, Il divano di Istanbul, Palermo: Sellerio Editore, 2011.
2. **Mansel Ph.**, Constantinopoli: Splendore e declino della capitale dell’Impero Ottomano 1453-1924, Milano: Oscar Mondadori, 1997.
3. **Mantran R.**, Storia dell’impero ottomano, Lecce: Argo, 1999.
4. **Vercellin G.**, Solimano il Magnifico, Firenze: Giunti Dossier, 1997.

3. Հոդվածներ

ա) հայերեն

1. **Արքահամյան Մ.**, Օսմանյան կայսրությունում համշենահայերի բռնի խւլացման խնդրի շուրջ, «Թուրքագիտական և օսմանագիտական հետազոտություններ», հ. VII, Երևան, 2011, էջ 180-184:
2. **Ակինեան Ն.**, Մարդիրա վ. Դերջանցի. տաղասաց, շինարար եւ բարեգործ, «Հանդէս Ամսօրեայ», 1952, թ. 11-12, էջ 574-588:
3. **Ազոպով Ա.**, Կեսկեսներն Օսմանյան կայսրությունում XVII-XIX դարերում, «Հայկական լեռնաշխարհ. հանրապետական գիտաժողովի նյութեր», Երևան, 2015, էջ 479-491:
4. **Ամիրջանյան Հ.**, Լոռու գավառի Էթնիկ պատկերը XVIII դ. Վերջին և XIX դ. առաջին երեսնամյակին, «Հայոց պատմության հարցեր», հ. 10, Երևան, 2009, էջ 113-123:
5. **Այվազյան Ա.**, Գողյան գավառի Բիստ ավանի ճարտարապետական հուշարձանները, «ՊԲՀ», 1978, թ. 1, էջ 283-289:
6. **Այվազյան Ա.**, Նյութեր Նախիջևանի պատմական գյուղերի տեղադրության և պատմական հուշարձանների վերաբերյալ, «ՊԲՀ», 1972, թ. 2, էջ 258-266:
7. **Ասանյան Ժ.**, Հայերի Մոլորափա և Բեսարաբիա գաղթելու պատմությունից, «ԼՀԳ», 1966, թ. 9, էջ 90-98:
8. **Ավդալբեգյան Ռ.**, Գլխահարկը Թուրքիայում XVII-XVIII դարերում հայ պատմագրության տվյալներով, «ՊԲՀ», 1959, թ. 1, էջ 175-186:
9. **Բադայսան Գ.**, Վանի էյալեթի քրդական իշխանությունները (հույցումերները) 14-րդ դ.- 19-րդ դ. 40-ական թթ., «Իրան-նամէ», 1998, թ. 2-3, էջ 23-37:
10. **Բադայսան Գ.**, Տայքի կենտրոնական և արևելյան գավառների ազգային նկարագրի ԽVI դ. վերջին. ըստ «Գյուրջիստանի վիլայեթի ընդարձակ հարկացուցակ»-ի, «Վէմ» համահայկական հանդես, 2017, թ. 4, էջ 40-70:

11. **Բախչինյան Ա.**, Հայ-սկանդինավյան պատմամշակութային առնչություններ (Վաղ միջնադար – XVIII դար), «ԼՀԳ», 1998, թ. 3, էջ 102-112:
12. **Բայբուրյան Ա.**, XVII դարում Արևելյան Հայաստանում կաթողիկ միսիոներների գործունեության պատմությունից, «ՊԲՀ», 1989, թ. 2, էջ 147-157:
13. **Բայբուրյան Վ.**, Օսմանյան կայսրության կողմից Արևմտյան Հայաստանի «քրդականացման» քաղաքականությունը 16-րդ դ., «ՊԲՀ», 2006, թ. 3, էջ 67-84:
14. **Բարիխուդարյան Ս.**, Գեղարքունիքի մելիքներն ու տանուտերերը ըստ Տաթևի վանքի մի փաստաթղթի, «Բանքեր Մատենադարանի», թ. 8, Երևան, 1967, էջ 191-227:
15. **Դալայան Տ.**, Հայ իշխանական տների հետքերը Հարավարևմտյան Հայաստանում (քրդական որոշ ցեղանունների և ցեղերի ծագման հարցի շուրջ), «ՊԲՀ», 2004, թ. 2, էջ 174-196:
16. **Դանեղյան Լ.**, Հայերի բռնագաղթն Իրան 17-րդ դարում (Ա. Դավիթիեցու տվյալներով), «ԼՀԳ», 1969, թ. 8, էջ 63-75:
17. **Դանեղյան Լ.**, Շահ-Արքա Ա-ի կրոնական հանդուրժողական քաղաքականության հարցի շուրջը, «Մերձավոր և Միջին Արևելիք Երկրներ և ժողովորդներ», հ. 4, Երևան, 1969, էջ 68-92:
18. **Զոլայան Մ.**, «Դսչիրմե»-ն (մանկահավաքը) Օսմանյան կայսրության մեջ ըստ թուրքական և հայկական աղբյուրների, «ՊԲՀ», 1959, թ. 2-3, էջ 247-256:
19. **Զոլայան Մ.**, Թուրք-պարսկական պատերազմները Հայաստանի տերիտորիայի վրա և նրանց հետևանքները (1500-1555 թթ.), «ՀՍՍՌ ԳԱ Տեղեկագիր հասարակական գիտությունների», 1959, թ. 3, էջ 49-60:
20. **Զոլայան Մ.**, Թուրք-պարսկական պատերազմները Հայաստանի տերիտորիայի վրա և նրանց հետևանքները (1555-1595 թթ.), «ՀՍՍՌ ԳԱ Տեղեկագիր հասարակական գիտությունների», 1961, թ. 3, էջ 43-54:
21. **Զոլայան Մ.**, Թուրք-պարսկական պատերազմները Հայաստանում և նրանց հետևանքները (1590-1639 թթ.), «ԼՀԳ», 1966, թ. 2, էջ 80-91:
22. **Թոռլաքյան Բ.**, Էջեր համշենահայերի XVII-XVIII դարերի պատմությունից, «ՊԲՀ», 1972, թ. 4, էջ 133-136:
23. **Թոռոսյան Հ.**, Էջմիածնի վանական հողատիրությունը և նրա առանձնահատկությունները (16-18-րդ դդ.), «Հայոց պատմության հարցեր», հ. 2, Երևան, 2001, էջ 41-50:
24. **Խաչատրյան Ա.**, Հարքարի քրդական իշխանության կազմավորման հարցի շուրջ (ԺԴ դար), «Մերձավոր և Միջին Արևելիք Երկրներ և ժողովորդներ», հ. 13, Երևան, 1985, էջ 134-155:
25. **Խաչիկյան Լ.**, Էջեր համշենահայ պատմությունից, «ԲԵՀ», 1969, թ. 2, էջ 132-138:
26. **Կարապետեան Մ.**, Հայ կաթողիկէ թեմը և էթնոդասական գործընթացները Նախիջևանում XVII-XVIII դարերում, «Նախիջևանի Հայոց վարժա

րանը և Հռոմը», Վենետիկ, 2000, էջ 1-14 (տե՛ս <http://www.digilib.am/book/1478/1782>):

27. **Կարապետյան Մ.**, Երևանի բնաւշության էթնիկական կազմի և թվաքանակի փոփոխությունները 1600-1724 թթ., «ՊԲՀ», 1986, թ. 2, էջ 95-109:
28. **Կոստիկյան Ք.**, Գեղարքունիքի Մելիք-Շահնազարյանների պատմությունից, «Մերձավոր և Միջին Արևելքի երկրներ և ժողովուրդներ», հ. 24, Երևան, 2005, էջ 303-329:
29. **Կոստիկյան Ք.**, Կաթողիկական քարոզությունը Իրանում և հայ իրականությունը, «Մերձավոր և Միջին Արևելքի երկրներ և ժողովուրդներ», հ. 21, Երևան, 2002, էջ 200-218:
30. **Հախվերդյան Ս.**, Ուրվագծեր Սյունիքի Քաշաթաղի մելիքության պատմությունից, «Հայոց պատմության հարցեր», հ. 9, Երևան, 2008, էջ 88-107:
31. **Հակոբյան Տ.**, Հայերի պայքարը կաթողիկական միսիաների ասիմիլացութական ծգոտումների դեմ Իրանում (XVII-XVIII դդ.), «Արևելագիտական ժողովածու», հ. 1, Երևան, 1960, էջ 266-284:
32. **Հասրաթյան Մ.**, Աստապատի վանքի ճարտարապետական համայիրը, «ՊԲՀ», 1975, թ. 1, էջ 126-138:
33. **Հասրաթյան Մ.**, Հայկական ճարտարապետությունը և պատմաշխարհագրական ու դեմոգրաֆիկ գործուները, «ՊԲՀ», 1996, թ. 1-2, էջ 169-178:
34. **Հարությունյան Ս.**, **Բարթիկյան Հ.**, «Սասնա ծոերի» արձագանքները «Ծարաֆ-Նամեռում», «ՊԲՀ», 1975, թ. 2, էջ 90-104:
35. **Ղաֆարյան Կ.**, Երևանի միջնադարյան հուշարձանները, «ԼՀԳ», 1969, թ. 1, էջ 73-93:
36. **Ղաֆարյան Կ.**, Նյութեր Ախալցխայի հայ համայնքի պատմության վերաբերյալ, «ՊԲՀ», 1967, թ. 1, էջ 117-124:
37. **Մալիխասյան Մ.**, Հակոբ Կարնեցու «Տեղագիր Վերին Հայոց» երկը՝ պատմաշխարհագրական հետազոտությունների սկզբնաղյուր (Վարչաքաղաքական և ժողովրդագրական ուսումնասիրություն), «Էջմիածին», 2010, թ. Ե, էջ 110-125:
38. **Մալիխասյան Մ.**, Օսմանյան կայսրության և Սեֆյան տերության առաջացումն ու հզրուցումը. ժողովրդագրական գործընթացների ազդեցությունը 17-րդ դարի հայ ազատագրական մտքի վրա, «Պատմաժողովրդագրական ուսումնասիրություններ», Երևան, 2015, էջ 9-33:
39. **Մալիխասյան Մ.**, Ժողովրդագրական գործընթացների միտումները և առանձնահատկությունները Հայաստանում XVII դարի առաջին կեսին, «Հայագիտության հարցեր», 2016, թ. 1, էջ 94-104:
40. **Մալիխասյան Մ.**, Ժողովրդագրական գործընթացների միտումները և առանձնահատկությունները Հայաստանում ԺԶ դարում, «Էջմիածին», 2016, թ. Դ, էջ 52-72:
41. **Մալիխասյան Մ.**, Օտար էթնիկական ներթափանցումները Հայաստան 16-րդ դարում, «Պատմություն և մշակույթ», Երևան, 2016, էջ 167-181:

42. **Մալխասյան Մ.**, 1606-1609 թթ. Մեծ սովոր Հայաստանում, «Բանբեր Երևանի համալսարանի Հայագիտություն», 2017, թ. 2, էջ 17-34:
43. **Մալխասյան Մ.**, Օսմանյան կայսրության եքնուկրոնական քաղաքականության հիմնական առանձնահատկություններն Արևմտյան Հայաստանում XVI դարում, «Հայագիտության հարցեր», 2017, թ. 2, էջ 48-59:
44. **Մալխասյան Մ.**, Շահ Արաւ Ա-ի կազմակերպած հայ բնակչության բռնագաղթի տարածքային ընդգրկման խնդիրը, «Հայագիտության հարցեր», 2019, թ. 3, էջ 49-65:
45. **Մարգարյան Հ.**, Զաքարյանների ծագման ավանդությունը միջնադարյան հայ պատմագրության մեջ, «ՊԲՀ», 1992, թ. 2-3, էջ 139-152:
46. **Մարտիրոսյան Ա.**, Գիւսհիարկն Օսմանյան կայսրությունում, «Մերձավոր Արևելք», հ. VI, Երևան, 2009, էջ 168-174:
47. **Մարտիրոսյան Հ.**, Հայերի տեղաբաշխումն Իրանում, «Մերձավոր և Միջն Արևելքի Երկրներ և ժողովուրդներ», հ. 4, Երևան, 1969, էջ 150-171:
48. **Մելքոնյան Ա.**, Ախալցիսայի նահանգի վարչաժողովրդագրական պատկերը ըստ թուրքական հարկացուցակների (16-րդ դ. Վերջ – 18-րդ դ. սկիզբ), «Հայաստանի պատմության և ժողովրդագրության հիմնահարցեր», Երևան, 2011, էջ 134-149:
49. **Մելքոնյան Ա.**, Հայաստանի ժողովրդագրության հիմնահարցերը հայագետն Հակովիսո Տաշյանի աշխատություններում, «Բանբեր հայագիտության», 2013, թ. 1, էջ 135-144:
50. **Մելքոնյան Ա.**, Օսմանյան կայսրության ժողովրդագրական քաղաքականությունը որպես ցեղասպանության դրսևորում ըստ Երգրումի և Ախալցիսայի նահանգների օրինակների, «Թուրքագիտական և օսմանագիտական հետազոտություններ», հ. I, Երևան, 2002, էջ 39-47:
51. **Մկրտչյան Հ.**, Հայկական ծեռագրերի հիշատակարանները կանանց մենաստանների և կուսակրոն կանանց վերաբերյալ, «Էջմիածին», 2013, թ. Բ, էջ 89-101:
52. **Մուրադյան Հ.**, ժողովրդագրական տեղաբաշխությունը Կարսի նահանգի Կաղզվանի գավառում (17-19-րդ դարի 1-ին Երևանամյակին), «Կանթեղ», Երևան, 2001, թ. 4, էջ 171-177:
53. **Մուրադյան Հ.**, ժողովրդագրական տեղաբաշխությունը Կարսի նահանգում XVI-XIX դարի առաջին կեսին, «Հայոց պատմության հարցեր», թ. 5, Երևան, 2005, էջ 61-76:
54. **Յակոբեան Ա.**, Հակարիի վերնահովտի նորայայտ վիմագրերը. Բ, «Մերձավոր և Միջին Արևելքի Երկրներ և ժողովրդներ», հ. 27, Երևան, 2009, էջ 224-253:
55. **Չաքարյան Ա.**, Բռնագաղթն ու մանկահավաքը որպես Օսմանյան կայսրությունում ժողովրդագրական վերաբասավորման միջոցներ, «Մերձավոր Արևելք», հ. II, Երևան, 2005, էջ 59-62:

56. **Շաքարյան Ա.**, Դսչիրմե համակարգի սկզբնավորման հարցերի շուրջ, «Մերձավոր և Միջին Արևելքի երկրներ և ժողովորդներ», հ. 23, Երևան, 2004, էջ 440-449:
57. **Շաքարյան Ա.**, Մանկահավաքն Օսմանյան կայսրությունում որպես աշխատութիւն վերակազմակերպման միջոց, «Մերձավոր և Միջին Արևելքի երկրներ և ժողովորդներ», հ. 24, Երևան, 2005, էջ 428-443:
58. **Շաքարյան Ա.**, Օսմանյան կայսրության բնակչության խուսափումը դսչիրմեից (համաձայն օսմանյան փաստաթղթերի), «Մերձավոր Արևելք», հ. III, Երևան, 2006, էջ 29-33:
59. **Զերչիյան Վ.**, Արդիանապոլստ հայ գաղութը, «ՊԲՀ», 1983, թ. 2-3, էջ 302-306:
60. **Զոբանյան Պ.**, Քարվաճառի էթնիկ դիմագծի հարցի շուրջ, «Մերձավոր և Միջին Արևելքի երկրներ և ժողովորդներ», հ. 20, Երևան, 2001, էջ 204-232:
61. **Սահակյան Լ.**, Համշենը հայկական ծեռագրերում, «Արևելագիտության հարցեր», հ. 12, Երևան, 2016, էջ 80-96:
62. **Սահակյան Լ.**, Օսմանյան կայսրությունում համշենահայերի բռնի մահմեդականացման քաղաքականության հետևանքները, «Թուրքագիտական և օսմանագիտական հետազոտություններ», հ. IV, Երևան, 2006, էջ 207-228:
63. **Սաֆրաստյան Ա.**, Օսմանյան կայսրության վարչական բաժանումը XVII դարում (պատմական ակնարկ), «Արևելագիտական ժողովածու», հ. 1, Երևան, 1960, էջ 285-302:
64. **Սաֆրաստյան Ռ.**, Ցեղասպանության ակունքները միջնադարյան թուրքիայում, «ՊԲՀ», 1998, թ. 1-2, էջ 105-112:
65. **Վիրաբյան Ա.**, Երևանի խանության վանական տնտեսությունը և հարկային համակարգը Զաքարիա Քանաքեցու լուսաբանմամբ, «Հայոց պատմության հարցեր», հ. 12, Երևան, 2011, էջ 108-123:
66. **Փանոսյան Հ.**, Ժողովրդագրական տեղաշարժերը թուման-է Նախիջևանի Ազատ-Ջիրանի ու Դարաշամբի մահաներում (XVII դ. առաջին կես), «Գիտական աշխատություններ», թ. XV, Երևան, 2013, էջ 48-56:
67. **Փափազյան Ա.**, Արևմտահայության վիճակը ըստ օսմանյան սովորական ֆերմանների (XVI-XVIII դդ.), «ՊԲՀ», 1988, թ. 2, էջ 124-136:
68. **Փափազյան Ա.**, Թուրքական աղբյուրները Հայաստանի և հայերի մասին (XVI-XVIII դդ.), «ՊԲՀ», 1992, թ. 1, էջ 101-115:
69. **Փափազյան Ա.**, Օսմանյան կայսրության ոչ մահմեդական ժողովորդներին վերաբերող թուրքական մի շարք վավերագրեր, «ՊԲՀ», 1983, թ. 4, էջ 201-211:
70. **Փափազյան Հ.**, Գյուղերն ու ագարակները Արևելյան Հայաստանում XVI-XVII դարերում, «ՊԲՀ», 1966, թ. 4, էջ 221-228:
71. **Փափազյան Հ.**, Երևանի Մուհամադ-խան Ղաջարի՝ Միրզա-աղա Սիակի-ին և Ահմադ-աղա Զիլանիին շնորհած աղայության հրամանագրերը (XVIII

- դ.), «Մերձավոր և Միջին Արևելքի երկրներ և ժողովուրդներ», հ. 13, Երևան, 1985, էջ 272-283:
72. **Փափազյան Հ.**, Մատենադարանի թուրքերն վավերագրերի աղբյուրագիտական արժեքը, «ՊԲՀ», 1974, թ. 4, էջ 89-99:
 73. **Փափազյան Հ.**, Նոր նյութեր Արևելյան Հայաստանում թուրքական իշխանությունների հարկային քաղաքականության վերաբերյալ, «Բանքեր Մատենադարանի», թ. 16, Երևան, 1994, էջ 197-213:
 74. **Փափազյան Հ.**, Շարիաթական իրավական նորմերը և հողի ֆեռայական սեփականության հարցը Արևելյում, «ԼՀԳ», 1966, թ. 12, էջ 22-34:
 75. **Փափազյան Հ.**, Սեֆյան հրանի սպիտակատրուական քաղաքականության հարցի շուրջը, «Բանքեր Մատենադարանի», թ. 3, Երևան, 1956, էջ 85-99:
 76. **Փափազյան Հ.**, Սոֆիայի Կիրիլ և Մեթոդի ժողովրդական գրադարանի վանի Էյալեթին վերաբերող օսմանյան դիվանական վավերագրերը, «Բանքեր Մատենադարանի», թ. 15, Երևան, 1986, էջ 274-287:
 77. **Փափազյան Հ.**, Սոֆիայի Կիրիլ և Մեթոդի ժողովրդական գրադարանի օսմանյան դիվանական վավերագրերը, «ՊԲՀ», 1984, թ. 3, էջ 195-214:
 78. **Փափազյան Հ.**, Վաղարշապատ գյուղի 1725 և 1728 թթ. թուրքական հարկացուցակները, «Բանքեր Մատենադարանի», թ. 5, Երևան, 1960, էջ 431-464:
 79. **Փափազյան Հ.**, Վանական կալվածների սեփականատիրական իրավունքի մի քանի առանձնահատկություններ (XV-XVIII դր.), «Բանքեր Մատենադարանի», թ. 10, Երևան, 1971, էջ 237-250:
 80. **Փափազյան Հ.**, Քուրդ ժողովրդի պատմության մի նոր սկզբնաղբյուր, «Բանքեր Մատենադարանի», թ. 8, Երևան, 1967, էջ 229-248:
 81. **Փափազյան Հ.**, Օտար տիրապետությունը Արարատյան երկրում (ԺԵ դ.), «ՀՍՍՌ ԳԱ տեղեկագիր հասարակական գիտությունների», 1960, թ. 7-8, էջ 21-40:
 82. **Փափազյան Հ.**, Օտար տիրապետությունը Արարատյան երկրում (ԺԵ դ.), «ԼՀԳ», 1973, թ. 6, էջ 23-34:
 83. **Փափազյան Հ.**, Օտար տիրապետությունը Արարատյան երկրում (ԺԵ դ.), «ԼՀԳ», 1977, թ. 1, էջ 29-44:
 84. **Փափազյան Վ.**, Առևտրապետագործական հարկը Սեֆյան տեղության մեջ XVI դարում և նրա վերացման հանգամանքները, «ՊԲՀ», 1984, թ. 2, էջ 113-122:
 85. **Փափազյան Վ.**, Առևտրական ճանապարհների պաշտպանությունը Սեֆյան պետությունում XVII դարում, «ՊԲՀ», 1986, թ. 4, էջ 156-162:
 86. **Փոլայյան Ա.**, Քրողերը և ռազմաքաղաքական անցքերը Առտրպատականում X դարի առաջին կեսին (ըստ արաբական աղբյուրների), «ՊԲՀ», 1984, թ. 2, էջ 87-92:
 87. **Քեշիշյան Վ.**, Էջեր Հայեակի հայ գաղթօճախի պատմութենէն, «ԼՀԳ», 2000, թ. 2, էջ 95-108:

բ) ոլուստերեն

1. **Акопов Г.**, Курды и курдский вопрос в турецкой историографии, «Մերձավոր և Միջին Արևելքի Երկրներ և ժողովրդներ», հ. 5, Երևան, 1970, էջ 381-409:
2. **Саркисян Е.**, Административная и демографическая политика османского правительства в Западной Армении, «Մերձավոր և Միջին Արևելքի Երկրներ և ժողովրդներ», հ. 5, Երևան, 1970, էջ 357-380:
3. **Сванидзе М.**, Первый поход Сулеймана I против Ирана 1533-1535 гг. и создание Эрзурумского пашалыка, «Թուրքագիտական և օսմանագիտական հետազոտություններ», հ. V, Երևան, 2008, էջ 35-36:
4. **Троттер**, Мало-азийские курды, «Известия Кавказского отдела императорского Русского географического общества», т. VII, Тифлис, 1882-1883, с. 1-3.
5. **Чобанян П.**, Этноконфессиональные процессы в Закавказье XVII-XVIII вв., «Մերձավոր և Միջին Արևելքի Երկրներ և ժողովրդներ», հ. 18, Երևան, 1999, էջ 151-161:

գ) անգլերեն

1. **Adonz N.**, Kurdish Intrusion into Armenia, “The new Armenia”, vol. 14 (1920), № 1, pp. 4-6.
2. **Agoston G.**, The Ottoman Empire and the Technological Dialogue Between Europe and Asia: The Case of Military Technology and Know-How in the Gunpowder Age, in “Science between Europe and Asia; Historical Studies on the Transmission, Adoption and Adaptation of Knowledge”, edited by F. Günergun & D. Raina, Springer Science+Business Media, 2011, pp. 27-39.
3. **Balla E., Johnson N.**, Fiscal Crisis and Institutional Change in the Ottoman Empire and France, “The Journal of Economic History”, № 69 (3), 2009, pp. 809-845.
4. **Bardakjian K.**, The Rise of the Armenian Patriarchate of Constantinople, in “Christians and Jews in the Ottoman Empire: The Functioning of a Plural Society”, edited by B. Brande and B. Lewis, Vol. I, New York, 1982, pp. 89-100.
5. **Barrington M. Jr.**, Ethnic and Religious Hostilities in Early Modern Port Cities, “International Journal of Politics, Culture and Society”, Vol. 14, № 4, 2001, pp. 687-727.
6. **Cook Ed. et al.**, Old World megadroughts and pluvials during the Common Era, “Science Adv.”, Nov. 6, 2015;1:e1500561, pp. 1-9 ([Սերբենվել է \[կայքից\]\(http://advances.sciencemag.org/\), հասանելի է՝ 25.01.2016\):](http://advances.sciencemag.org/)
7. **Gerber H.**, Muslims and Zimmis in Ottoman Economy and Society: Encounters, Culture, and Knowledge, “Studies in Ottoman Social and Economic Life”, edited by R. Motika, Ch. Herzog, M. Ursinus, Heidelberg, 1999, pp. 141-169.
8. **Herzig E.**, The Deportation of the Armenians in 1604-1605 and Europe’s Myth of Shah ‘Abbas I, “Pembroke Papers”, 1990, N 1, pp. 59-71.
9. **Herzig E.**, The rise of the Julfa merchants in the late sixteenth century, In C. Melville (Ed.), “Safavid Persia”, London: I. B. Tauris, 1996, pp. 305-322.
10. **Melkonyan A.**, The demography of the Province of Erzerum: Sixteenth-Twentieth Centuries, in “Armenian Karin/Erzerum”, Edited by R. Hovannissian, Costa Mesa (California): Mazda Publishers Inc., 2003, pp. 134-145.

11. **Perry J.**, Forced Migration in Iran during the Seventeenth and Eighteenth Centuries, "Iranian Studies", 1975, vol. 8, N 4, pp. 199-215.
12. **Savory R.**, The Principal Offices of the Safawid State during the Reign of Ismāil I (907-30/1501-24), "Bulletin of the School of Oriental and African Studies", University of London, 23(1), pp. 91-105.
13. **Tololyan Kh.**, Armenian Diaspora, in "Encyclopedia of Diasporas: Immigrant and Refugee Cultures Around the World", Editors: M. Ember, C. Ember, I. Skoggard, New York: Springer Science+Business Media Inc., 2005, pp. 35-46.

4. Քարտեզներ

1. «Հայաստանը 16-րդ դ.: Պարսկա-օսմանյան պատերազմները», հեղինակ՝ Գ. Բադայան, մասշտաբ՝ 1:3 600 000, տե՛ս՝ «Հայաստանի ազգային ատլաս», հ. Բ, Երևան, 2008, էջ 49:
2. «Հայաստանը XVII դ. առաջին կեսին», հեղինակ՝ Գ. Բադայան, մասշտաբ՝ 1:3 600 000, «Հայաստանի ազգային ատլաս», հ. Բ, էջ 50:
3. «Հայերի բոնապարտը Շահ-Արաս 1-ինի կողմից Պարսկաստան 17-րդ սկզբին», հեղինակ՝ Գ. Բադայան, մասշտաբ՝ 1:4 000 000, տե՛ս՝ «Հայաստանի ազգային ատլաս», հ. Բ, Երևան, 2008, էջ 51:

5. Պարբերական մամուլ

1. «Բազմավեպ», 1897, թիվ 10:
2. «Մեղու Հայաստանի», 1876, թիվ 38:

6. Համացանցային ռեսուրսներ

1. Devlet Meteoroloji İşleri Genel Müdürlüğü, տե՛ս՝
<http://www.dmi.gov.tr/veridegerlendirme/il-ve-ilceler-istatistik.aspx?m=SIVAS>,
հասանելի էր՝ 28.01.2016:
2. Devlet Meteoroloji İşleri Genel Müdürlüğü, տե՛ս՝
<http://www.dmi.gov.tr/veridegerlendirme/il-ve-ilceler-istatistik.aspx?m=TOKAT>,
հասանելի էր՝ 28.01.2016:

ՄԻՔԱՅԵԼ ՄԱԼԻԱՍՅԱՆ

**ԺՈՂՈՎՐԴԱԳՐԱԿԱՆ ԳՈՐԾԸՆԹԱՑՆԵՐԸ ՀԱՅԱՏԱՆՈՒՄ
16-ՐԴ ԴԱՐՈՒՄ - 17-ՐԴ ԴԱՐԻ ԱՌԱՋԻՆ ԿԵՍԻՆ**

Գիտական խմբագիրներ՝

պ.գ.դ., պրոֆ., <<ԳԱԱ ակադեմիկոս Աշոտ Մելքոնյան
պ.գ.թ., ասիստ. Գեղամ Բադայան

Գրախոսներ՝

պ.գ.դ., պրոֆ. Վահան Բայրուրյան
պ.գ.թ. Արման Մալոյան

Խմբագիր՝

Լենա Ասրյան

Մրրագրումը՝

Արմեն և Էվելինա Մալիսասյանների

Համակարգչային շարվածքը և էջադրումը՝

Միքայել Մալիսասյանի

Տեխնիկական կարգավորումները՝

Կարինե Զալաբյանի

Շապիկի ձևավորումը՝

Արմեն Պատվականյանի

Ստորագրված է տպագրության՝ 02.10.2020:

Չափը՝ 60*84: Ծավալը՝ 18.75 մամուլ:

Տպաքանակը՝ 100 օրինակ:

ԵՊՀ հրատարակչություն, Երևան, Ալ. Մանուկյան 1

Տպագրված է «ՎԱՌՄ» ՍՊԸ-ում, ք. Երևան, Տիգրան Մեծի 48, բն. 43